

平閩紀卷之一目錄

奏疏

驚聞 寵命等事疏

欽奉 上諭事疏

閩疆剿撫等事疏

恭謝 天恩疏

軍機亟宜等事疏

恭 報領到等事疏

敬竭愚忠等事疏



水師請設等事疏

剿寇務選等事疏

酌調官兵等事疏

恭報官兵等事疏

飛報出洋等事疏

飛報大勝疏

標員懸缺等事疏

平閩紀卷之一

懋紹漁山

三韓楊 捷元凱著

男懋緒令鴻纂

懋綸今掌

奏疏

驚聞 寵命等事疏

奏爲驚聞

寵命自揣老疾力難勝任謹具疏直陳以無誤巖疆事臣
於康熙十七年五月十六日卯時接蒙兵部劄付爲

水師請設等事疏

剿寇務選等事疏

酌調官兵等事疏

恭報官兵等事疏

飛報出洋等事疏

飛報大勝疏

標員懸缺等事疏

平閩紀卷之一

懋紹漁山

三韓楊 捷元凱著

男懋緒令鴻纂

懋綸今掌

奏疏

驚聞 寵命等事疏

奏爲驚聞

寵命自揣老疾力難勝任謹具疏直陳以無誤巖疆事臣
於康熙十七年五月十六日卯時接蒙兵部劄付爲

欽奉

上諭事內開該議政王等會題前事等因康熙十七年五月初八日題初十日奉

旨郎廷相段應舉俱著解任吏兵二部嚴加議處具奏餘依議江南提督楊謀勇兼優威望素著歷任巖疆兵民感戴効力有年克稱厥職前以江南重地彈壓需人特簡賢能用資料理邇者江南地方寧謐著有成效今閩省海氛未靖正在用兵必得偉畧奇材方克掃蕩鯨鯢底定疆圉楊著以原銜加少保兼太子太保調補

福建全省水陸提督總兵官一切剿禦賊寇保固地方戰守機宜全資殫心籌畫展布壯猷以副朕簡擢倚任至意欽此合劄該提督欽遵施行等因到臣蒙此臣聞命自天措躬無地伏念臣謏劣庸材蒙

世祖章皇帝暨

皇上兩朝知遇殊恩歷任江西廣東福建山東等處彼時臣年正壯血氣方剛督兵所向或剿或撫頗著微勞

嗣蒙

皇上特簡調任江南以來適值滇黔八閩相繼告變臣屬

既有震隣之恐復多徵調之煩而海道聯艘不時飄突冀圖登犯臣既悉簡精銳赴援浙省旋募驍勇練保海疆一切釐剔整頓防禦機宜凡精力之所能爲不敢不竭厯料理幸賴

朝廷洪福保此財賦重地得以晏然無虞獲免隕越但臣年已六十有二向有淋閉之疾兼因邊海潮濕脾氣衰弱寒暑失調近復加以頭目暈眩每一舉發卽爲昏迷必倩醫調治數日方痊久擬自陳乞休顧以時方多事不敢卽安勉圖報稱迺荷

皇上不以臣爲不職晉臣官保之銜畀臣以福建全省水陸提督之任臣何人斯叨沐

異數如此之隆臣雖肝腦塗地未足仰報萬一若臣精力尚可驅馳則畢此褻革之志爲

皇上綏靖南服分所宜然第今日正當軍興之際必得強壯之才以全副精神料理庶克有濟今臣年既老邁病又時發竊恐濫膺

寵命將來有誤地方臣罪滋深用敢據實自陳仰叩天恩俯憐微臣年力與闔非宜亟賜罷職收回

成命另簡賢能英敏保固閩疆則臣雖伏處猷畝有生之年益戴

高厚之鴻慈矣伏乞

皇上睿鑒勅部議覆施行

康熙十七年五月十七日具奏奉

旨卿長才偉畧久鎮巖疆防禦賊寇安輯兵民勞績茂著今閩省軍務方殷正需籌畫以資料理調補福建全省提督已有成命著益殫壯猷以副朕倚任之意不必以疾求罷兵部知道

欽奉 上諭事疏

題爲欽奉

上諭事康熙十七年五月十八日卯時蒙兵部劄付內開該議政王等會題前事康熙十七年五月十二日侍郎溫代奉

上諭提督楊 標下江寧綠旗兵丁有情願隨去者應准發去著議政王貝勒大臣會議具奏欽此該臣等會議得今江寧提督楊 蒙

皇上簡任總管福建水陸兵丁提督其標下官兵內有情

願隨往福建者相應遵

旨發去應行提督楊 伊標官兵內如有情願隨往福建者一面帶去一面奏

聞將所帶官兵數目造冊仍報兵部俟抵閩之日將此帶去官兵俱歸入該提標額數內可也等因康熙十七年五月十二日題本日奉

旨依議欽此合割欽遵施行等因又蒙兵部割付爲請旨事內開江寧提督楊 奉

旨以原銜加少保兼太子太保調補福建全省水陸提督

總兵官查松江府至福建泉州府二千八百餘里今

正當滅賊之際相應將提督楊 速令前往提督楊

應以文到十日內起程限四十日內到任其江寧

提督事務就近令崇明提督劉兆麒暫行署理等因

康熙十七年五月十二日綠頭牌啓奏本日奉

旨依議欽此合割欽遵施行計發割付一張等因蒙此案照先蒙兵部割付前事備割到臣臣以

皇恩深重感極涕零自念年老多疾精力非舊恐致貽誤地方隨具有驚聞

平陽雜錄 卷之一
寵命自揣老疾力難勝任謹具疏直陳以無誤巖疆事一

疏上瀆

天聽冀邀

睿鑒罷職歸里理宜靜候

明旨乃復奉

上諭勅部議覆准臣隨帶官兵前往限日起程是

皇上不以臣爲庸劣耑責臣以盡力疆場奠安八閩臣雖

老邁何敢不勉圖報稱惟有頂戴

高深誓捐頂踵以仰報

隆恩於萬一除遵限束裝外臣伏思閩省歸正之後逆賊

已經敗遁何以蠢爾遊覓尚敢狂逞必係兵力未精

或將領未盡得人以致寇盜不能消弭且臣近聞閩

中各營精健之士或有被脅下海或經陸續逃亡存

者什無二三而行間召募之兵未免濫收充數無濟

實用至土著兵卒不特怯懦不堪更與逆孽暗通聲

氣臨陣不肯血戰用命臣前援剿福建時在雲霄銅

山地方與賊對壘深悉其弊今臣旣矢竭駑鈍爲

皇上宣威戮力剿寇安民若不選帶久練精銳之衆以資

彈壓并得一二歷練親信之員以寄心膂則孤立無助何能警服異志保固疆圉仰紓我

皇上宵旰之憂臣正擬控辭不獲必當特疏陳請茲得蒙上諭令臣隨帶官兵仰見

皇上洞燭行間事機俾臣驅策防剿得以展布幸莫大焉查臣素日蓄養材官健丁以及在松各營陸續召募山東西北之壯士經臣日夕訓練成旅恩信相孚堪資戰守今在閩之兵旣未必可用卽臣到彼沙汰釐剔陸續選練恐閩中久罹兵燹四方精健之士至者

絕少招募維艱若仍收補土著之兵則又未知心腹寧敢遽用念福建與江南總屬

朝廷封疆而閩省正在用兵所需能將精兵尤爲喫緊若僅以情願者遵

旨帶往則兵力不敷臣雖志在滅賊奚能相機驅遣克奏膚功臣擬於標下陸營挑選精銳馬步戰守兵丁合臣原帶材健共足貳千名戰馬肆百匹及隨帶盛甲砲械并於臣標遴選才技兼優歷練堪任遊擊壹員張念祖又應回山東中營中軍守備李璉願隨臣赴

閩自効該備膽畧適衆練達營伍堪以署理遊擊事
務并選守備壹員李應龍又查臣先經報部准隨標
効用候推守備陳應隆久歷戎行才能禦侮堪以署
理守備事務其千把等官悉照營制抽調率兵隨臣
入閩在臣旣得久練勁兵左右驅策賴以建威消萌
在江南五方聚會之區選募精壯補額比閩中較爲
容易臣從封疆起見冒昧瀆陳并一面挑選外伏望
皇上俯鑒微臣感

恩圖報實心辦賊之愚忠特賜

允臣所請照數隨帶並請亟行江南督撫照例支給行坐
糧餉以資長途齎裹并造支安家月米以慰兵心俟
臣抵閩之後簡閱彼中官兵力行整擻兵則沙汰老
弱分入經制補額官則查缺

題補設或無可清汰頂補則循照援兵之例俟事平仍
歸原管庶臣殫心防剿臂指有資所裨於巖疆非渺
小矣事干選帶官兵係屬軍機臣謹密疏拜

聞伏乞

皇上睿鑒勅部速賜議覆行臣遵奉施行

康熙十七年五月十九日

閩疆剿撫等事疏

奏為閩疆剿撫需才能將亟當儲選臣謹具疏

奏明併隨帶能員以資征剿事臣蒙

皇上隆恩特簡調任福建全省水陸提督總兵官又蒙

俞旨准臣選帶官兵隨往俾得盡力封疆愈深感奮臣已

統領兵馬星言就道矣惟是剿除逆賊底定疆圉諸

凡剿撫事機必資群策群力多一能將可抵勝兵數

百之用今在閩見任將弁其才能賢否臣尚未及預

知容臣抵境之後詳加密訪倘重地要汛之將備或

有怯懦不堪或有兵民未協者亟宜題

請更換自應選帶才勇歷練親信可托之員以備任用是
臣今日効忠於

皇上首當以人才爲亟亟也臣在江南伍年熟悉見任松
江城守營遊擊劉起龍久歷疆場才勇過人又後營
中軍守備何濱黃浦營守備李英楊舍營守備張瑞
徵俱技勇軼群諳練戎務又原任提標中軍遊擊王
嘉會才猷敏練克嫻軍旅前隨福建總督臣郎廷佐
在浙領兵剿賊建有功績曾經康親王給有劄付繼

因江南提標奉部駁追康熙九年馬價奉調回松未
經補用又臣嫡姪楊懋紱原任河南南汝鎮標鄧新
營千總歷俸年滿送部候補准以守備推用本官歷
練戎行才能邁衆以上陸員俱堪委任干城值今用
人之際難拘常格臣謹先行

奏明俟有相應員缺容臣遵例坐名保

題補用必能宣力巖疆克著成效再查臣標千總司起
龍齊亮金山營千總田毓瑞才技優長均堪驅策又
臣親隨將材閭相崔陞雷鳳高永福張九龍蘇明彥

平陽縣志卷之十一
趙吉祥曾子孟王安國任定國張貴宋官楊得勝王際泰趙元吉劉才王治國毛應登魏才姚金全田虎楊保江光斗彭太李進御朱鳳鄂公祿陳亮李枝華馮魁王龍許廷奉楊奇得吳洞羅光乾等皆隨征日久武勇超羣報部冊內有名又方有功楊撰盧之望李懷劉光明楊淳甲楊淙甲文燿亦係久隨驅策弓馬優嫻以上共肆拾叁員名遇有守備千把員缺俱可量才任使以濟防剿之用臣從備選才能力圖報稱起見用敢瀆陳伏望

皇上俯鑒庶臣臂指有人得以殫心剿撫可收底定之效於將來矣除劉起龍何濱李英張瑞徵王嘉會司起龍齊亮田毓瑞容臣抵閩後題

請調補外今將嫡姪楊懋紱并將材閩相等隨帶赴閩從征報効臣謹具疏

奏明伏乞

皇上睿鑒施行

康熙十七年六月初九日

恭謝 天恩疏

奏爲恭謝

天恩事臣以謏劣庸材深沐

世祖章皇帝暨

皇上兩朝知遇殊恩閱歷疆場三十餘年幸免貽譏覆餗
然夙夜思維實愧捐糜莫報前自東省量移江南念
此財賦重區外控邊海內枕湖山禦寇保民時懷綆
短汲深之懼五年以來仰仗

朝廷威福地方獲邀磐石之安庶無罪戾乃

皇上以臣供職著效復

特簡微臣提督全閩既晉宮保崇銜更蒙

天語褒嘉迥逾常格又荷渙頒

上諭准令帶兵赴任俾克展布臣受

恩愈爲深重揣分實所難安顧念臣子致身之義不敢以
衰邁自諉有辜

皇上知遇之隆謹祇遵

寵命赴閩任事臣惟有殫竭心力調度官兵相機剿撫庶
定閩疆保安黎庶仰報

朝廷高厚於萬一耳臣謹具疏奏
謝伏乞

皇上睿鑒施行

康熙十七年六月初九日

軍機亟宜等事疏

奏爲軍機亟宜展布靖寇必先安民謹瀝愚忠密

奏仰祈

天語飭行以收蕩平實效事竊照臣本襍線庸材年逾耳

順荷蒙

皇上鑒臣三十餘年歷事

兩朝一片血誠畀以提督八閩重任臣膺此

異寵誓期捐糜頂踵力圖報稱以仰紓我

皇上南顧之憂因兵難遙度一切戰守機宜容臣親抵閩



疆相度熟籌次第料理舉行外但臣有鯁鯁過慮者
軍機重務得失在乎呼吸倘少有異同掣肘稽遲未
免坐失機會今閩省上有親王次有將軍督撫重臣
諸凡地方機宜臣敢不悉遵調度殫心區畫冀得當
而後行第八閩情形與江浙險易不同臣既遠在行
間身任剿撫之責隨宜應變軍機間不容髮將來或
有一得之愚籌之已熟借箸指陳在親王及將軍督
撫諸臣洞燭事勢必邀鑒允臣又何憂於牽制然不
預鳴於

皇上之前設或呼應稍稍未克施展恐負

朝廷責成之至意用敢先事籲陳伏望

皇上鑒臣感激圖報之愚忠特賜

天語申飭凡有行間重務及地方機宜

允臣所請或密疏入

告迅祈勅部准行或啓請親王咨商將軍督撫事務准臣

相機興舉庶臣得竭忠盡瘁漸圖削平逆寇以仰報

天恩於萬一臣卽赴蹈湯火無辭矣抑臣更有

請者閩省自叛變以來百姓之流離困苦莫可勝言全藉

地方有司各官加意培養以復元氣卽投誠之衆尤宜安插得所俾其安心樂業異志不萌則內寧而外自靖民安而寇可平雖文武不相統轄微臣職司軍旅原未敢於越俎然臣旣謬膺全省重寄剿寇本以保民若有司撫循無術則民不安生勢必流爲匪類是亂將滋蔓剷除難盡其何以剪平逆孽綏靖疆圉并祈飭行督撫諸臣如地方各官有玩愒軍務撫輯無能者立行特疏糾叅以示懲儆別簡賢良保此殘黎則文武同心安民息寇可期實效於將來矣事屬

閩疆今日第一急務臣因受

恩深重志切肅清不得不言亦不敢不言臣謹密疏上聞伏乞

皇上睿鑒勅部議覆施行

康熙十七年六月初九日

題

本月二十六日奉

旨議政王貝勒大臣會議具奏

恭報領到等事疏

奏爲恭

報領到新頒

勅印併微臣入境開印受事日期事臣本庸材特蒙

皇恩簡畀茲任臣遵

旨選帶兵馬從松江啓行間六月初十日未時准瓜洲安

塘筆帖式馬蘭泰差撥什庫陶繼代齋捧坐名

勅書壹道銀印壹顆併兵部劄付到臣臣恭設香案望

闕謝

恩祇受訖因未到閩境不敢開用遂於是日上船開行其馬匹從陸路趕往臣念部限嚴切晝夜催趲但船載盛甲砲火因亢旱無雨灘高水淺不能適往其馬匹從陸路行者又因酷暑險峻馬多疲癯至六月二十九日人馬齊抵衢州雖與閩地接壤柰仙霞高峻入省俱係崇山臣思到閩正欲用兵馬力實所攸賴不得已任在衢休養數日隨於七月十二日到福建建寧府浦城縣業入閩境臣敬設香案宣讀

勅書望

闕叩頭謝

恩開印受事訖所有

王命旗牌尚未齎至其一切地方事務并整頓兵馬調度防剿機宜容臣相度情形悉心籌畫次第入

告舉行外謹將開印受事日期理合奏

聞伏乞

皇上睿鑒施行

康熙十七年七月十二日

敬竭愚忠等事疏

題爲敬竭愚忠揆情審勢謹補牘再陳務得官兵之心
力以早靖巖疆事切臣昔年援剿福建時頗悉彼中
情事其人語言難辯易生疑詐且先經從逆與賊聲
氣相通臨陣之際實難倚任臣自奉

命之日遵卽挑選江寧提標官兵共足貳千名戰馬肆百
匹隨帶入閩業於欽奉

上諭事疏內

題明幸邀

慈鑒俞允臣感激不勝自謂得此一旅可以倚爲心膂早
建救寧之功上紓我

皇上南顧之憂詎料束裝啓行之後中途迓歸紛紛不已
臣思彼皆久受

朝廷豢養之恩又經訓練臨行臣捐俸借貸犒賞不等共
計肆千餘兩臣力已竭各兵豈不浚知

國法輒敢倡迓臣雖諄諭將弁隊目反復告誡嚴加懲創
將壹貳人立寘軍法前後迓兵除臣一面沿途招募

精健補伍外但人懷去志勢難預必臣焦心如焚食
不下咽推求其故隨明訪暗察實因各兵俱有父母

妻子亦有田庄世業見在松江今聞入閩之日卽歸
入閩中經制從此回鄉無日拋棄骨肉若欲搬取則

蕩廢其產心實難捨是以不避斧鑕接踵而迓臣晝
夜思維再三諮詢若照援剿之例事平仍歸松江原

伍則人人心安志順咸効死力自不迓往矣臣敢冒
昧具陳伏祈

聖慈允臣所請除臣原帶材官健丁叁百名容查補閩省
經制外其餘壹千柒百名比照前年臣標應援浙江

平定縣志 卷之二
官兵貳千伍百名之例如在行間各給月餉以贍家
口支領行糧以爲衣鞋口食之資一經事平卽令旋
歸松江停給行糧此往事可覆按者也如此則兵之
內外俱安咸知回家有日不生去志然臣更有

請者今日逃回之兵當茲用人之際法難寬貸臣業移明
江南督撫提按名拿解仍造冊呈送兵部外懇請

勅江南督撫提諸臣行令該地文武挨查各兵如有逃回
藏匿在家或投主竄入營伍者務期嚴拿立押赴閩
不但營伍充實而軍律可整矣事關喫緊軍機謹具

疏密陳仰祈

宸鑒迅賜勅部議覆施行

康熙十七年七月十二日

水師請設等事疏

奏爲水師請設專員微臣揣分難兼謹密疏控辭計圖
萬全事竊照閩地寇虐方張山海交訌是今日水陸
俱在用兵有萬難兼顧之勢臣自幼從戎身經戰陣
俱馳驅於車馬之間從未乘風破浪以角勝於水師
今一旦畀臣以兼管水陸之任惴惴不克自安聞
命之日卽欲具辭水師因未開印不敢上疏及入境受事
又以途次匆遽不遑控辭今甫抵省不敢再延恐誤
國事是以籲

開臣更攷福建舊制原有專設水師提督後因海面無警
鄭逆竄伏臺灣故爾奉文裁去今則海寇見駐廈門
於漳泉等處水陸交犯狂逞之勢什倍於昔自應循
照舊制特設專員令其統轄沿海兵將調度水戰俾
臣得以盡力陸路一心剿禦剪其攻城掠野之狡謀
則從此陸兵水師各有職掌彼此呼應互相聲援將
見數十年之逋寇可立殲於茲矣今臣正在料理陸
地攻守之事弗暇兼顧水師若不早爲

奏明倘海上賊艘一時並集雖有沿邊將士無專師以
統之其志不一難以建功是水師分設之議在今日
有斷不容稍緩者伏祈

皇上洞鑒邊海情形俯察愚臣誠悃

勅部速議

特簡熟諳水道才能夙著之員另設提督使水師早成勁
旅其於式遏寇虐有裨軍機非淺鮮也臣不勝惶悚
待

命之至密奏請

旨

康熙十七年八月初一日

剿寇務選等事疏

題爲剿寇務選勁兵以佐指臂之用仰祈

鑒俞

勅部調發以臻實効事竊惟地方用兵必使人人各懷忠憤報効

朝廷庶爲將者得以驅遣從心不難立臻實効今閩地變亂以來加之海寇狂肆招納亡命接踵爲亂遍地烽烟卽使東蕩西除彼消此長若不講求於受病之源亂曷能已臣見以本地之人充兵難以倚任必得北

方勁卒其人樸直膂力強悍若兵將同心不但用命
殺賊且可建威消萌此乃弭亂之第一義也况臣標
爲應援通省彈壓八郡之旅原非他營可比則在標
之兵務選雄健精銳充實營伍一遇征剿便能衝鋒
破敵隨地制勝方使賊人聞風喪膽臣受

朝廷高天厚地之恩值今海寇橫行攻城屠邑漳泉一帶
無不被其荼毒臣切齒腐心誓不與之俱生奈前提
臣段應舉在海澄受圍親帶標兵二千五百八十餘
名多係外境精健併馬二百八十餘匹一時被陷其

餘又皆援漳守泉及分防泉屬縣汛今臣於本標無
一兵可調晝夜不寧寢食俱廢營此拯溺救焚之際
萬不得已暫於閩省上游鄰近江浙地方邵延建三
府內量募外省精健之人隨數充伍尚恐未經訓練
不能禦寇因思臣在山東時頗知河南山東各營熟
習交鳥鎗者甚多倘得各撥壹千名再於江南撥弓
箭砲手壹千名併馬匹亦照經制撥發此皆久在營
伍之兵一經調入閩省卽可殺賊立功仰祈

皇上垂念八閩殘疆山海交訌蹂躪已極

勅部速議允令河南山東江南三省早爲調撥臣得此一
旅人皆外省精銳訓以紀律自能得手應心可收指
臂之用其所食錢糧不煩另措卽將臣標缺額兵丁
之糧餉兌給調發之兵支領俟地方大定如調發兵
丁內有願留者聽其填入經制其餘悉發回原營將
臣標另行補額則各兵自不苦於徵調矣臣爲封疆
任重值此殘敝已甚若不前後籌度速加整頓則日
漸頹敝

朝廷疆土何日清寧臣感切圖報實心任事不敢因循仰

祈

睿鑒允臣密請

勅部議覆施行

康熙十七年八月初一日

酌調官兵等事疏

題爲題

報酌調官兵進剿事竊臣自奉

命入關卽晝夜兼馳前進亟圖剿賊而人馬冒暑遠來半
多疲病臣焦心焚灼以日爲年於七月二十二日甫
抵省城奈馬匹尙未全到隨啓康親王請授方畧調
兵前進因康親王及督臣於臣未到之先見漳泉寇
衆侵犯日甚抽調各路兵馬救援徵發殆盡至臣標
官兵除陷失外餘皆分防泉屬出援漳州並無一官

一兵可調不得已於近省之羅源連江及福州城守
延平等各協營量抽二三百名不等并福寧鎮標兵
貳千名共足叁千餘名啓請康親王蒙允徵調當卽
咨行各鎮將照數抽撥除力催各營兵馬到齊并臣
之馬匹一到臣領原帶松江之兵卽與鎮臣黃大來
星夜前進一抵興化會同撫臣吳興祚相機調度剿
殺逆賊俟大兵至日再圖大舉務滅巨寇底定閩疆
事關調集官兵進剿合具密疏

題明伏候

睿鑒施行爲此具本遵例傳捧謹密題請

旨

康熙十七年八月初一日

恭報官兵等事疏

題爲恭報官兵直抵泉州力解重圍仰慰

聖懷事竊臣自抵福建省城之日秣馬厲兵志圖滅賊隨
面請康親王指授方畧臣一俟江南標營兵馬到齊
遂於八月初九日臣率原帶官兵并抽調連江羅源
延平福州城守等營同福寧總兵黃大來等兵馬自
省城前抵興化正在商議進兵間奉康親王復遣叅
贊大臣禪布帶滿兵繼至臣同禪布并先在興化副
都統季爾他布浙江提督石調聲巡撫吳興祚總兵

黃大來等計定臣與禪布季爾他布石調聲黃大來等帶領滿漢官兵從洛陽橋大路直抵賊首劉國軒等老營巡撫吳興祚帶領官兵從仙遊縣前進俱於八月二十一日自興化啓行臣於沿途撥發塘馬探有逆賊在惠安一帶屯劉臣鼓勵官兵奮勇直進賊見我兵勢大其新招烏合之衆首先奔散餘賊悉歸老營臣卽於二十四日午時恢復惠安縣見城垣拆毀民人竄匿臣一面出示招撫復業次早督兵前往又探得劉國軒等聞我兵精銳強盛將圍城大夥賊

衆先上海船於拆斷洛陽橋之處留賊數千大小賊船壹百餘隻把守以阻我兵衝突又撥賊叁千有餘把守陳山埧深浚濠溝以扼我兵繞泉要路臣公同密商二十五日午時先令總兵黃大來帶領鎮標遊擊張合高守備蔡遜等率兵前據洛陽橋口臣與提督石調聲率原帶江南提標左營遊擊張念祖守備李應龍右營守備陳應隆連江營守備鄭興浙江提標遊擊曾承等各帶官兵同滿洲大兵繼進開砲攻打隨破賊踞橋上第三層砲城寨柵殺死投水逆賊

不計得獲賊砲十位因橋梁拆斷難以徑渡臣一面採伐木植搭橋一面與賊對敵臣仍計設奇兵由陳山壩前進繞出橋南使賊首尾受敵本日戌時會商遣發臣帶江南提標守備署右營遊擊事李璉福州城守右營守備晉淑玉浙江提標叅將王英溫鎮標遊擊傅成等各帶本標營官兵五百名合成一旅前往陳山壩奪路剿殺二十六日臣搭橋甫完統兵前進用砲打沉賊船貳隻將在船賊人盡行溺死泉州城內副都統雅大里等帶領滿漢官兵本日巳時亦到橋南而臣所遣李璉等見陳山壩賊兵掘濠劄營相拒我兵奮力攻開隨放火燒燬營盤并所獲器械一面追趕敗賊殺死六百餘名此時亦皆齊到橋南兩路夾攻復用砲擊碎賊船賊皆淹死其餘各賊俱披靡敗遁城圍遂解緣一時隔海難追不能盡滅臣於本日申時入泉州府城訖前此賊勢披猖圍城兩月有餘今滿漢官兵同心盡力使鴟張巨寇盡皆瓦解皆仰仗

皇威丕振親王勝筭故能成功迅速其行間將士爭先用

命臣不敢沒其功次應否議叙聽候部議臣仍多方
撫輯難民招集流亡督率兵士剿靖餘氛以安地方
此皆臣職分宜然不敢侈言勞績所有泉州解圍情
形理合

題報伏祈

皇上睿鑒施行爲此具本遵例傳捧謹題請

旨

康熙十七年八月二十九日奉 上諭

旨覽卿奏會同滿漢官兵進剿海賊兩路夾攻擊敗賊衆
用砲打沉賊船斬殺甚多直抵泉州解圍恢復惠安縣
城得獲砲器等項具見殫心籌畫調度有方勞績茂著
將士奮勇深爲可嘉在事有功人員著從優議叙具奏
兵部知道

飛報出洋等事疏

題爲飛報出洋官兵大勝事竊照海逆叵測在陸者攻城踞邑復遣逆黨駕船乘潮窺犯以此遙聯聲勢臣於本年七月二十二日抵省卽日調兵赴泉進剿撫臣有添船募兵之疏臣有兼管水陸之責隨將水陸機宜啓請康親王指示間撫臣吳興祚已於二十四日出師興化惟有驛傳道僉事王國泰撫標下外委同知陳堯道援剿水師總兵林賢黃鏞到臣畧面商臣料賊船屯聚定海必俟我陸兵南下爲尾後之策

務須先破定海遊踪爲要道鎮各官咸以爲宜遂訂期出洋臣一面統兵由興化陸路往解臬圍一面密行閩安副將田萬侯整棚船兵一同出洋進剿去後今於九月初九日據田萬侯報爲飛報大勝事內稱竊照職標各營船兵奉調同援剿水師總兵林賢征剿海寇於本年八月二十二日自紅山開駕午時到館頭地方合脍二十五日職差右營把總莊國坐駕哨船前往口外探報二十六日酉時據莊國報稱探得各營戰船本日直抵定海進剿其賊踪先已瞭見

我官兵船隻俱駕駛往北各營戰船見泊定海等情至八月三十日據委理水師遊擊王祚昌報稱職於本月二十七日帶領所轄官兵船隻合脍進剿本日追至官塘洋面賊見我師前進率大小船貳百餘隻乘風迎敵卑職與隨征原浙江招撫同知王立昇督率外委隨征水師守備魏文耀閩安右營千總林五聊等各戰船官兵從中路首尾衝敵得獲大鳥砲船壹隻焚燬賊鳥船四隻挈沉趕繒船壹拾壹隻雙篷船船拾貳隻陣斬僞水師前鋒鎮總兵二員林德林

聖副將二員陳藩謝益併殺死賊衆及落水淹死者
不計活擒僞守備陳祥司總夏維青二員賊兵七十
四名得獲僞劄四張僞委牌八張銅關防六顆高照
大旗三十二面及救回連江縣幕浦被擄難民婦女
五十四名口俱經解報總鎮林賢彙解外所有本營
與賊對仗陣亡目兵林豪等四名被傷經制千總林
五瑯一員劄委把總李春雷一員兵丁王文龍等十
九名相應開報其得獲軍火器械留船應用等情又
據署左營遊擊徐得濟報稱八月二十七日合船進

剿在官塘洋面與賊打仗卑職督率戰船併力攻擊
犁沉賊趕繒船貳隻雙篷船肆隻焚燒賊烏船貳
隻得獲賊趕繒船壹隻當陣砍殺及砲箭打射落水
者不計活擒僞總制水師貳鎮總兵官一員吳朝綱
賊兵三十六名僞銅錫關防二顆救回連江縣幕浦
難婦三口小子一名俱經解報總鎮林賢彙解外所
有陣亡兵丁高貴一名被傷兵蘇魁等二十名理合
報明其得獲器械等項留船備用等情又據中營中
軍守備陳蘭報稱卑職坐駕砲船率同千總高秉功

各戰船前進攻打賊船得獲賊船壹隻偽水師
伍鎮右營副將柯金隆銅關防一顆偽劄二張焚燒
賊船大小六隻打沉賊船大小四隻陣斬賊衆溺水
燒死者不計活擒賊衆三十五名奪回被擄難民二
名俱經解報總鎮林賢彙報外其各船得獲器械查
明另報所有本營殺賊陣亡兵丁陳維藩一名被傷
經制把總洪寶一員兵丁唐十等一十八名一并開
報等情據此該卑職看得海逆鴟張在在狂逞今卑
職遵奉軍令督發官兵航海一戰而久踞定海等處
海逆巢穴盡已搗平三營官兵斬殺賊衆不計其數
活擒偽官三員偽兵一百四十五名口皆仰仗

朝廷洪福本提督威靈所致今據職標將弁塘報前來除
陣亡兵丁經職捐給銀兩收殮陣傷官兵賞賚醫藥
之資理合塘報等情又據援剿水師總兵官林賢彙
報內稱職於本年八月二十六日統率舟師出洋前
至定海二十七日瞭見賊船約有二百隻灣在赤灣
黃崎地方職料賊必出北菱頭佔我上風隨撥總兵
官黃鎬帶領該標副將辛啓佑等帶領各船隻俱由

平陽府志 卷之十一
橋仔澳竿塘水洋而進以堵逆賊去後又撥閩安左營遊擊徐德濟帶領千總陳春等各船隻從賊踪中腰進發又撥本標中營副將許英等船隻從傍包裹前進職率本船領旗都司林正春等催督三股戰船同時進發逆賊整陣迎敵其勢甚銳自己至申兩邊砲矢對打我師奮勇夾攻戰船齊力殺進賊勢遂潰掣倒焚沉賊船大小四十餘隻得獲賊船二十餘隻綠賊船俱經打壞帆舵已失各營欲追趕前進難於牽帶隨將所獲之船放火燒燬見存烏船壹隻趕緝

船六隻計殺賊衆六千餘人燒死及落水死者不計其數活擒賊首偽總兵副將六員賊兵二百三十三名偽印十三顆偽部劄十二道偽委牌二十五張大旗四十面高照十二面救回連江縣幕浦被擄男婦一百四十三名口各府縣被拿難民二十九口尚有賊魁蕭琛等船艖冒死逃脫未及盡剿時天晚風大浪高勢當收回船兵以俟再舉是役也實賴本提督威靈諒餘氛聞風喪魄無難剿滅除將救回連江縣被擄男婦送交該縣轉發回籍得獲軍器各留營備

用所獲賊船僞官兵印劄旗幟及各府縣被擄難民
分別造冊解赴康親王發落外合就呈報等情又據
隨征總兵黃鎬聯絡招撫同知陳子威俱報同前情
各到臣正在繕疏題

報九月十五日又據援剿水師總兵林賢報稱九月初一
日早職復令本標右營遊擊江新帶領各營聯絡船
隻前往北茭大西洋等處協力搜捕奈新等烏船重
大頂風難以北上早職復會商聯絡總兵官何應元
撥令聯絡鄉勇隨駕輕快趕繒雙篷船直抵三沙風

火門沙埕港口地方窮追殲剿本月初八日准總兵
官何應元咨稱據守備陳大捷何春立周謝顯等報
稱初五日至風火門地方望見賊船一隻豎起降旗
係僞鎮下驍翼營將林興率僞卒楊自名等併攜連
江縣被擄難民余伍等三名幼男一口婦女二口僞
委牌一張大旗一面高照一面紅令旗一面鐵甲一
身斬馬刀九把排鎗五門鑼一面短刀一把投誠其
所坐船損壞難以牽帶遂卽焚燒今將林興等解奪
等情又據守備陳春暉把總吳玉林發等各報稱暉

等至沙埕等島遇危宿營副總兵陳起萬帶領僞宣
毅後鎮壁宿鎮賊船趕繒大小船隻二十餘號暉等
用命攻殺打破焚燒陳起萬坐船壹隻趕繒雙篷船
九隻賊官兵溺水莫計陣獲雙篷船四隻陳起萬等
大旗六面令箭五枝僞龍劄壹張僞委牌六張排鎗
十門大刀十把百子砲六門弓六張相應呈解被傷
鄉勇林鏞丁祥等六名又據聯絡守備陳應昌報稱
奉令遵往福寧三沙風火門擒獲僞宿鎮下僞叅將
王亮遊擊朱尙都門朱相僞龍劄三張小趕繒船壹
隻雙篷船二隻船仔船二隻又據聯絡同知陳子威
報稱本月初六日至沙埕地方見有賊船二十餘隻
鄉勇鼓銳齊進擒僞水師三鎮林日惠標下僞副將
林麟趕繒船壹隻僞委牌壹張賊衆盡被火攻全船
爭跳下水得獲大砲三門銅百子砲三門等情各到
職隨將得獲船隻器械僞劄逐一查驗明白其軍器
現在征剿急需交發聯絡留船應用被擄難民余伍
莊爾任丘朝英三名併婦女林氏阮氏幼男陳應三
口近就交送連江縣發回收領完聚船隻旗幟牌劄

令箭連招撫僞將林興一員僞兵十一名啓解康親
王發落外合就呈報等情本日又據林賢報稱據聯
絡同知陳子威報稱本月初二日親督鄉勇直抵三
都長腰白馬門瀨嶼等處地方剿滅僞鎮吳朝綱併
僞鎮林十賊窠老窠初三日回至西洋初四早復遇
僞鎮蕭琛賊艘十餘隻趕至橫山洋奮勇攻殺得獲
僞鎮蕭琛營下小趕繒船一隻殺賊數十餘人活擒
長髮賊三名短髮難民一名驗明轉報等情到職除
啓解康親王發落外合就呈報等情到臣據此該臣

查看得閩安副將田萬侯同援剿總兵林賢等調集
各路官兵船隻往剿定海賊艘據報於八月二十七
日在赤澳黃崎以及官塘等處三路奮擊賊船犁沉
打碎併燒燬見獲大小船六十餘隻殺賊六千餘名
燒死及落水者不計活擒僞鎮章元勳等六員僞兵
二百三十三名又續報招撫僞將林興一員僞兵十
一名活擒長髮賊三名難民一名併前後得獲僞劄
印器械等項及奪回被擄男婦俱解康親王發落此
皆仰賴

皇上德威遐暢康親王籌畫周詳俾官兵用命殺賊遂獲
大勝則海上餘魂聞風膽落不難立奏膚功矣所有
在事有功人員併整理船械砲火等項之僉事王國
泰同知蘇佳嗣恭

請優敘以鼓將來相應密疏題

報伏祈

睿鑒勅部議叙施行爲此具本遵例傳捧謹題請

旨

康熙十七年九月十七日奉

旨覽卿奏副將田萬侯等率領官兵於赤澳等處地方擊
敗賊船擒斬甚多得獲偽劄器械等項具見調度有方
將士奮勇可嘉在事有功人員從優議叙已有旨了餘
着議奏該部知道

飛報大勝疏

題爲飛報大勝事案據防守惠安縣提標前營遊擊敖
應第興化鎮標右營遊擊陳永茂稟稱探有賊首王
一鵬率衆嘯聚於驛坂舖地方欲阻絕要路職等發
兵往剿又復奔匿見今往來無定等情前來臣與撫
臣密商此賊不擒終爲後路之患一面差往探聽一
面調遣連江營守備鄭興撫標隨征總兵張縉等各
帶官兵前往撲剿去後康熙十七年九月十二日據
連江營中軍守備鄭興報稱奉本提督軍令帶領官

兵同隨征總兵張韜前往惠安縣會商提標前營遊擊敖應第興化鎮標右營遊擊陳永茂躡緝逆賊王一鵬踪跡相機發兵撲剿等因九月初九日申時據提標前營把總王政稟稱探得賊首王一鵬帶賊兵在黃崎澳本月初六日在前蔡經過王一鵬本身已過橫嶼海中屯駐賊兵約有千餘人現在海邊上西地方屯駐到塗嶺有三十里等情卑職先經審差兵丁偵探續據回稱賊首王一鵬知我兵指日直抵巢穴遂分兵千餘人作叁股在於上西蕭厝沙格叁處

屯劄專候抵敵等情卑職隨卽會同張總兵敖陳二遊擊商議進剿留敖陳二遊擊在縣守城卑職等隨於初九日酉時連夜從惠安大路直上塗嶺已值二更時候四更造飯遂望東而進初十日卯時離賊營約有七八里卑職率領千總高祥把總張虎等官兵四百員名從左股望沙格而進提標前營千總田琦隨征把總徐守智等官兵三百餘人從右股望上西而進隨征總兵吳韜帶領守備陳文千總吳拱蘇隆撫標左營把總王正國等官兵三百員名從中股望

蕭屠而進商議分派已定一齊進擊逆賊望見我兵
進剿隨分一股來敵張總兵率兵先佔山頂迎敵奮
勇衝擊殺死賊衆甚多賊見勢急合夥齊來抵敵張
總兵遂放號砲畢職帶領本營官兵飛馳翻從中股
殺進提標千總田琦等官兵翻從左股殺進張總兵
翻從右股殺進三股併力攻擊逆賊奔竄下山我兵
奮力追殺三面合圍砲箭齊發陣斬及投水溺死共
七百餘人捉獲原被脅從鄉總胡丑賊黨陳連吳全
潘益潘治許一陸名問據供稱王一鵬未知生死僞

中營林左營陳右營張後營胡程前營劉齊僞領旗
營陳德俱皆溺水其救回被擄婦女及陣斬首級併
得獲馬匹旗幟器械等項俟查明另文呈報此皆賴
本提督指授方畧將士用命合將殺賊情形呈報等
情併解陣獲鄉總胡丑賊黨陳連等呈解到臣除將
押解活賊官兵量行獎賞一面會同撫臣吳興祚訊
明活賊胡丑等依法梟斬懸示外該臣看得賊首王
一鵬自臣恢復惠安之後率領餘黨哨聚於沿海通
省大道依山林爲窠窟逆料臣解泉圍之後必往剿

同安長泰之賊故於衝途梗阻以斷我糧道其計甚狡臣與撫臣計議已定密遣連江營守備鄭興撫標隨征總兵張韜等會合官兵細加偵探果聚於上西蕭厝沙格三處興等乘夜率兵前往逆賊尚敢抗拒官兵鏖戰竟日殺死七百有餘活擒六賊當經正法雖一鵬未知存亡而黨羽溺水據供已確此皆仰仗皇上威靈所及遂使逆賊殲滅其在事有功各官自難泯沒相應密

報聽候優敘以鼓勵將來伏祈

勅部議敘施行奉

旨覽卿奏遣發官兵於上西等處地方擊敗賊眾斬殺甚多具見將士奮勇可嘉在事有功人員着議敘具奏該部知道

康熙十七年九月十七日

標員懸缺等事疏

題爲標員懸缺甚多遴才補用以佐征剿事竊照閩省
海寇倡亂處處蠶起隨地用兵臣左右將備等官皆
時刻調遣之所必需况臣近經題

准調總河山東河南兵三千名以充臣標其送兵官員將
兵丁交明仍各回原任是在標接管兵丁之官尤亟
須遴選才能以備接受自宜早爲題定庶便領兵殺
賊備查臣標各官如中營叅將康泰見署延平副將
離中軍之任已久臣按中軍爲伍營首領職司兵馬

錢糧最爲要員務求稱職之才臣見康泰不勝中軍之任且今署延平副將自應遵照

新例另

題候議其中營叅將亟宜坐缺題補者也臣查有投誠總兵見奉王劄之馬勝力捍泉圍晝夜擐甲登陴不避矢石當南城打塌重築堵禦保守泉城無恙皆彼首功見今兵民愛戴且才畧優長堪充斯任臣遵例保題擬補福建提標中軍叅將兼管中營事又提標右營遊擊郭成龍在海澄失陷員缺未補臣查有從

松江隨帶入閩見署江南提標遊擊事守備李璉隨臣解泉州之圍在陳山壩建立奇功已經題報候叙擬補福建提標右營遊擊員缺又有見在後營署事遊擊王昶原係浙江督標後營以署叅將管中軍守備事啓明康親王委署今缺蒞事已久衆兵悅服且奉令攻剿屢著勞績自應遵照

新例題補實授又有奉部駁回之金殿龍劉國興二員前以員缺尚自有人故不便准補左後二營守備今則左營守備劉瑞石於陞任後病廢休致後營守備董

子英陞任已久而殿龍等署事有日約束兵卒頗稱厥職更保守泉城有功應將金殿龍仍補福建提標左營中軍守備劉國典仍補福建提標後營中軍守備再查右營守備王虎前營守備徐可成亦在海澄失陷員缺未補臣查有從松江隨帶入閩候推守備陳應龍以署守備管千總事張洪宗經臣朝夕訓練熟諳營務隨解泉圍盡力攻奪洛陽橋要隘見在候叙張洪宗擬補福建提標右營中軍守備員缺陳應隆擬補福建提標前營中軍守備員缺以上俱爲官擇人務與地方相宜方敢擬用故就已試之才照舊請補或於臣素所訓練或於兵民悅服者按缺題補此臣實從封疆人才起見且因臣督兵進剿左右驅遣乏員無以佐臂指之用兼值山東河南兵到尤需才能接管所以亟爲題

請伏祈

皇上念邊海重地正在用兵難拘常格或內有歷俸尚淺資格稍殊統祈允臣所

請早

平閩紀
卷之二
五
渙綸音庶得朝聞

命而夕受事矣除各官履歷送部外臣謹會同督臣姚

撫臣吳 合詞具疏照例保

題恭候

皇上勅部議覆施行奉

旨兵部速議具奏

康熙十七年九月二十六日

平閩紀卷之二目錄

奏疏

題定江南等事疏

機有遲速等事疏

遴補營將疏

稍增旗幟等事疏

恭謝 天恩疏

敬竭愚忠等事疏

閩省要地等事疏

平閩紀
卷之二
五
渙綸音庶得朝聞

命而夕受事矣除各官履歷送部外臣謹會同督臣姚

撫臣吳 合詞具疏照例保

題恭候

皇上勅部議覆施行奉

旨兵部速議具奏

康熙十七年九月二十六日

平閩紀卷之二目錄

奏疏

題定江南等事疏

機有遲速等事疏

遴補營將疏

稍增旗幟等事疏

恭謝 天恩疏

敬竭愚忠等事疏

閩省要地等事疏

恭謝天恩疏

飛報剿賊等事疏

剿寇務選等事疏

彙報固守等事疏

平閩紀卷之二

懋紹漁山

三韓楊 捷元凱著 男懋緒令鴻纂

懋綸今掌

題定江南等事疏

題為題定江南援剿營制事案照康熙十七年八月十

六日奉兵部密劄為敬竭愚忠等事內開臣等會議

得福建提督楊 疏稱所帶江寧提標兵丁沿途接

踵而逃若照援剿之例事平仍歸松江原伍則人人

心安志順咸効死力自不逃往等語應如所題除該提督原帶三百名外其餘一千七百名照調赴別省援剿兵丁之例支給行糧兵丁家口准支口糧俟閩省平定此兵一千七百名仍發回江南各歸原伍等因奉

旨依議速行欽遵在案所有臣帶江南標營官兵應行

題明查臣原帶兵丁內將一千七百名分爲左右二營各營八百五十名立爲江南提標援剿營比照督臣題明之例列於內標以資彈壓至於率兵隨臣入閩之

官前臣在松江時曾照經制員數備開職名造冊達部業經題奉

俞旨所帶官員俱著實陞壹級臣今請將原帶遊擊張念祖仍管江南提標援剿左營遊擊事尚缺江南提標援剿右營遊擊一員查有臣前疏

題帶入閩候推守備楊懋紱歷練戎行才能邁衆近日隨臣往解泉州之圍在洛陽橋攻奪要隘擊船殺賊有功見在候敘擬補江南提標援剿右營遊擊雖銜缺稍殊但今用人之際懋紱係臣親姪臣今年老得

使懋紱列在援剿在臣左右必能一心辦賊仰懇
皇上特賜

允用再請將以署都司僉書管守備事李應龍仍管江南
提標援剿左營中軍守備事其候推守備陳應隆已
擬補福建提標前營守備則江南提標援剿營又缺
守備一員臣查有原帶入閩以署守備管千總事李
魁經臣訓練已久頗諳營務兵丁信服才技優嫻且
隨解泉圍攻奪洛陽橋要隘有功見在候敘擬補江
南提標援剿右營中軍守備再查以署守備管千總

事楊可能等四員李魁擬補江南提標援剿右營守
備張洪宗擬補福建提標右營守備千總員缺容臣
遴補併以千總管把總事張奉等八員俱另文報部
換割自此營制一定則在標官兵咸知有所遵守官
盡職而兵効命於以殫忠靖寇圖報

皇恩端有賴矣此臣身任剿賊量才器使皆求人缺相宜
方敢擬補除各官履歷送部外臣謹會同督臣姚
撫臣吳 合詞具疏照例保

題伏祈

勅部議覆施行奉
旨兵部速議具奏

康熙十七年九月二十六日

機有遲速等事疏

題爲機有遲速事有先後謹述微臣援泉赴漳情形仰
祈

睿鑒事竊惟臣以一介庸愚荷蒙

皇上特降

溫綸調補福建提督臣安敢不竭此犬馬餘力上酬

高厚自康熙十七年六月初十日自江南起行於七月十

二日到福建浦城縣因聞海寇狂逞臣急于提調進

剿隨卽就浦城開印視事時天氣炎蒸所帶江南兵

馬連日奔馳疲困沿途耽擱尚未到齊而海寇攻圍泉州甚急康親王疊行催促臣卽先率親隨星夜兼程於七月二十二日抵省擬俟原帶江南士馬齊到卽率領南下援泉但念臣此一戰係全閩安危據探報逆賊數萬攻圍泉郡臣所統兵馬除沿途脫逃染病之外不及二千俱係困乏何以當賊全鋒克保萬全乃啓明康親王行調福寧總兵黃大來官兵一千七百名福州城守右營守備晉淑玉官兵三百名連江營守備鄭興官兵四百名羅源營千總李學官兵一百五十名延平城守左營守備宋希聖官兵二百名通共抽調各標協官兵二千七百五十名時所調福寧總兵黃大來官兵因路遠尙未到齊而連日聞報泉圍甚急臣不能久待隨於八月初九日自省起行是晚在烏龍江下營適總兵黃大來聞臣起行單騎馳至臣營相見約卽隨後率兵兼程繼至合兵南下八月十七日臣在興化與撫臣吳興祚浙江提督臣石調聲都統臣季爾他布等會議分兵作三路援泉正欲起行間又奉康親王令諭特遣叅贊大臣副

都統禪布統領滿洲大兵前來夾剿凡有一切軍務該提悉與該副都統商酌而行仍聽該副都統調度不得掣肘有悞軍機等因臣祇遵調度於八月二十一日自興化起行二十四日恢復惠安縣二十五日攻奪洛陽橋北寨二十六日分遣奇兵兩路夾攻殺敗海寇力解泉圍卽日進城撫安兵民此臣從前自省到泉之始末也到泉之後查泉州沿邊一帶北自惠安縣與興化府所屬之楓亭交界起南至同安縣與漳州交界止紆迴計程四百餘里皆逼臨大海至於泉屬各縣如南安永春安溪德化四縣則皆處萬山疊嶂之間海賊自泉城敗遁之後下海者則仍聚艘游移於沿邊不及下海者則皆逃匿於南永安德各縣山林之內且惠安縣爲興化泉州兩府咽喉要道其城垣被賊推平無存至沿邊楓亭塗嶺洛陽橋俱係要緊口岸原設寨堡逆賊悉推爲平地臣一面調撥各營將領分兵扼守一面咨會督撫二臣行令府縣有司速將縣汛城垣尅期修築間續據探報有逆首王一鵬擁黨千餘出沒於惠安縣所屬之沙格

上西一帶希圖窺犯縣汛斷我糧道時撫臣吳興祚前自興化帶兵往永春德化恢復各縣城事竣來臬臣與之面商遣發撫標隨征總兵張韜連江營守備鄭典各帶官兵前往撲剿幸獲全勝業經題報在案復節次據各府縣管將紛紛報稱逆賊葉明紀朝佐黃圭蓋等各擁餘黨出沒於德化永春南安晉江所屬山間各鄉村併興化總兵臣劉德懋咨報海賊偽鎮蕭武等聚船二百五十餘隻灣泊湄州欲登犯興化府城占踞涵江斷江口橋勢甚危急連日請兵應

援俱經臣會商撫臣分遣官兵前往各處防守救應相機剿捕又於九月二十三日遣發副將馮昭京汀州城守左營遊擊董子英帶兵前往恢復同安縣此在城寧海將軍喇哈達副都統禪布巡撫吳興祚諸臣所目擊者時又值督臣小書調兵援漳臣當經咨會寧海將軍喇哈達副都統禪布訂期起行祇緣臬城被困兩月城外人民逃散未盡歸業且兼山海紛紛告警人心不無風鶴所以將軍都統不敢允臣南征具啟康親王候奪併會議以東石一寨爲游逆運

糧馬頭必須先行攻打以斷賊糧庶泉州之邊警可
息然後出師往漳臣以先奉有聽副都統禪布調度
之王令自當祇遵臣隨於十月初四日親帶官兵往
攻東石復准督臣諄切催促進兵漳州臣正擬南下
適值寧海將軍喇哈達移咨到臣內敘王諭有泉州
係緊要之地該提督去與不去聽其自行酌量等因
臣隨於初五日將原帶大砲蘆囤發回泉州於初六
日率領江南帶來原兵併福建提標官兵七百餘名
長驅赴漳雖復准寧海將軍喇哈達移咨畱臣仍回
駐守泉州臣不暇兼顧矣於初七日臣到同安縣烏
泥地方下營忽接督臣疏稿以爲屢調不至坐失事
機等因具

題蓋臣先領原帶江南併抽調閩省各標營官兵共計
不及五千名當海寇圍困泉城聲勢洶洶之際臣急
於奔援者機有不可遲也及泉圍既解督臣請兵南
下而臣未克速往者實因餘氛未靖亟須及時次第
佈置調度事有不可急也倘不圖善後勇往直前萬
一山海餘孽再犯泉城湄州逆艘之賊登犯興化斷

平定縣志 卷之二
江口橋絕吾省城應援之路則泉漳兩郡勢皆不可
爲矣臣受

皇上厚恩垂老無可補報惟有思前慮後盡此區區以仰
答萬一耳至於督臣身在漳州不得不急於撲剿漳
賊在臣身在泉州又不得不急於撫安泉郡總爲

皇上之疆土起見初無遲滯今督臣以臣不先赴漳州具
疏入

告且疏內有明知言出禍隨等語臣殊未解臣今現往漳
州與督臣面商進剿機宜務期文武和衷掃蕩群寇

以紓

皇上南顧之憂斷不敢稍存圭角遂分彼此但因督臣有
疏在先臣又不得不備將先後遲速情形密疏

題明伏乞

皇上睿鑒施行奉

旨議政王貝勒大臣速議具奏

康熙十七年十月初十日

遊補營將疏

題爲遊補營將以收得人實効事竊照閩省地處邊海
逆孽倚水跳梁近雖仰荷

皇上天威賊衆敗遁但尙擁衆於漳屬地方抗拒我師臣
同將軍督撫諸臣見在對壘而逆艘游覓復飄突于
興泉沿海一帶兢兢窺犯臣標伍營將領有馳剿應
援之責務必技勇超羣素稱練達之員方克勝任茲
臣標前營遊擊敖應第雖勉循厥職但細察其材技
僅足任腹裏地方若於邊海巖疆令其衝鋒陷陣似

非所長相應回部改推所遺員缺臣查有原任靖藩右翼鎮中軍守備焦國逃籍係遼東於延平以僞鎮投誠康親王授以總兵劄付隨剿克復邵汀建功且久歷戎行智勇兼備以之補授前營遊擊足資剿禦至於泉州一府係邊海重地乃臣駐劄之處如臣統兵出剿則城守叅將一官有郡城專責所關綦重必得諳練營務材技優長之員斯稱乃職先經前任督臣郎廷相以撫標右營遊擊寧維國

題補部議不准今查有浙江温州鎮標右營遊擊傅成久歷疆場屢著戰功近隨浙江提督臣石調聲解救泉圍又在陳山壩殺賊有功見奉從優議敘之

旨此官材技兼長諳練營務堪任城守重寄以之陞補前缺庶邊海要地自可鞏固無虞又查泉州城守叅將下中軍守備一缺該營原任守備李全信經前任督臣郎廷相調補同安城守右營遊擊所遺員缺臣查有自江南隨臣入閩守備管援剿右營千總事魏進陞材技優長從戎日久且救解泉圍宣力用命奉

旨見在候敘今以之拔補泉州城守營中軍守備允爲人

地相宜以上各官俱經臣細加遴選堪資臂指查傅
成雖係浙省之官近經督臣姚啓聖將浙省弁員具
題調補荷蒙

俞允臣爲邊疆要地擇人故敢循例陳

請除焦國巡履歷本官遠在省會臣經行調未到容取到
之日送部今將傅成魏進陞二弁出身履歷送部查
覈外臣謹會同督臣姚撫臣吳合具密疏保
題伏乞

皇上勅部議覆施行奉

旨兵部速議具奏

康熙十七年十一月二十四日

稍增旗幟等事疏

題爲謹陳稍增旗幟以明瞻視以利進止事竊惟營中
旗幟爲三軍眼目無分晝夜陰晴皆瞻視以爲進止
今

國朝定制凡漢兵營伍俱用綠旗所以別滿兵之八旗
制誠善也直省鎮營自宜凜爲遵守曷敢輕議增改
但所處之地勢不同有不得不爲變通者臣自奉

命入閩日在行間見閩中山林叢雜地勢暄和與別省不
同木葉入冬不凋翠綠濃陰與春夏無異漢兵綠旗

如雜入林木中一里之外卽難辨識臣思兵之起伏
進止與合圍追擊惟賴旗色指揮以爲向往若辨認
不真恐誤軍行所關匪細臣再四思維請將旗式稍
爲增改查閩省各營額設每營兵丁一千名內分馬
步戰兵五百名守兵五百名今除守兵照舊仍用綠
旗外其馬步戰兵請將原用綠旗稍加紅袖鑲邊心
用紅月俾其在林木之中可以一望明白易於識認
則三軍之眼目一新藉以進止庶於軍機無誤併准
各將領旗幟之中繪畫飛虎以壯軍容此因地制宜
敬陳管窺臣未敢擅便謹具疏密

題伏乞

睿鑒勅部議覆施行奉

旨該部速議具奏

康熙十七年十一月二十四日

恭謝 天恩疏

奏爲恭謝

天恩事康熙十七年十二月十三日臣准兵部密咨爲水師請設專員微臣揣分難兼謹密疏控辭計圖萬全事內開議政王等會覆福建總督姚 題前事等因康熙十七年十一月二十六日奉

旨楊

自簡任福建提督以來剿禦賊寇恢復地方勞績

懋著着授爲將軍仍以原銜管福建陸路提督事務王之鼎才畧素優鎮守京口克稱厥職着仍以將軍調補

福建水師提督俱寫勅與他欽此密封到部合咨欽遵
查照等因到臣准此臣恭設香案望

闕叩頭謝

恩祇受

新命訖竊念臣以謏劣菲材荷蒙

溫綸簡調福建水陸提督時因閩省海逆披猖臣兼程赴
任及抵閩疆一面整兵南下一面具疏控辭水師重
務請設專員仰荷

鴻慈鑒允臣感

思無地志切自奮雖入閩以來微有奏效但烏穴未平賊

鋒尚熾

皇上不加譴責更

錫殊典授以將軍崇秩撫躬增愧理宜控辭惟以現在與
賊對壘欲令行間將士咸知

朝廷之曲垂眷注勉承

新命用以激勵諸將庶幾爭先用命臣今年邁血氣漸衰
惟有黽勉盡職益圖報稱倘邀

皇上威靈得以早殲逆孽肅清島嶼則臣犬馬報效之心

稍竭涓埃矣隨於康熙十七年十二月十八日以將軍新銜統馭將士征剿外謹具密疏奏

謝伏乞

皇上睿鑒施行奉

旨覽卿奏謝知道了該部知道

康熙十七年十二月二十四日

敬竭愚忠等事疏

題爲敬竭愚忠揆情審勢謹補牘再陳務得官兵之心力以早靖巖疆事康熙十七年十一月二十五日蒙兵部劄付內開職方清吏司案呈奉本部送據福提楊呈稱所帶親隨三百名未經收入經制起支糧餉則此三百名之行糧口糧似應准與一千七百名一體關支俟泉州解圍之日將此三百名收入經制其行糧口糧開除任支等因查該提督所稱帶去親隨三百名照援剿之例一體關支之處關係錢糧不

便據呈議應劄該提督知照可也等因呈堂奉批照
劄送司案呈到部擬合就行爲此合劄遵照施行等
因又於康熙十八年正月初五日承准戶部劄付亦
爲前事內開查該提督呈稱本提督帶往福建兵一
千七百名照援剿兵丁之例支給行糧家口准支口
糧在案至所帶親隨三百名未經收入福建經制額
數內則此三百名之行糧及家口口糧似應一體開
支俟收入福建經制補伍將行糧口糧開除任支等
因前來查該提督帶往福建兵一千七百名先經兵
部會同本部議覆准其支給行糧口糧在案此所帶
親隨兵丁三百名旣未入伍且會議案內並未議及
此所請支給行糧口糧之處無容議仍行該提督知
照可也等因各到臣蒙此該臣查得閩省海逆猖獗
臣奉

命調補福建提督准臣隨帶江南提標兵二千名入閩援
剿原與平時陞任隨帶親丁者不同故此兵丁二千
均是一例准給行坐糧餉及家日月米見奉兵部劄
付欽遵

俞旨以案臣前任江南啓行之日照二千名兵數同支康熙十七年六七八三個月行坐糧餉及家日月米以爲安家齎裹之用蓋因二千皆係江南提標兵丁同往剿賊難分彼此乃照部文一例支給但二千兵內有材官健丁三百名此臣素日培養之精銳皆在營伍食糧每遇陞調必帶以前往並非臣之家人有隨任收除之例可比也嗣因臣在途聞各兵每有脫逃臣揣其心似謂援勦之名未經題明一入經制永留閩省不得回鄉所以思逃臣復具疏請照別省援剿之例嗣兵部議覆內有令臣將此緣由曉諭各兵自此心安不思逃逸然祇請以一千七百名照援剿支給行糧口糧其材官健丁三百名則於補入閩省經制之日不敢槩支行糧口糧亦奉

俞旨欽遵在案此臣藉以慰安遠戍之兵心亦本節慎錢糧之苦思耳今臣於去歲八月二十六日力解泉圍之後即將材健三百名查補福建提標缺額隨於九月初一日收支糧餉自此不敢同一千七百名復支行糧口糧矣又念內部未悉造支任支日期備文呈

明戶兵二部茲蒙兵部劄內有事關錢糧不便據呈
議戶部劄內有所帶三百名既未入伍且會議案內
並未議及此所請支給行糧口糧之處無容議臣思
兵部所謂不便據呈議者必俟具

題而後議戶部謂會議之所未及此處無容議者亦必
俟

題請明白而後可議也至於文內此兵三百名既未入
伍正臣所謂未入福建經制之先與一千七百名同
在原

題二千名數內則支給之處俱應一例若今日三百名
已入福建經制自不得比照一千七百名矣此其顯
然易見者臣敢懇請

皇慈鑒此三百兵丁見隨征剿日與強賊對壘人人用命
爭先咸效死力

勅部允將未補經制之先支給過六七八三個月之行坐
糧餉及家口月米一體准與銷筭則獎兵咸知感奮
矣抑臣附有所

請臣於剿寇務選勁兵等事疏內題

平定縣志 卷之二 三
准調撥山東河南總河等標兵三千名又福建提標存城
及海澄迤邐之兵三千餘名約共六千有奇除按臣
經制應留四千八百五十名尚有千餘之兵自當撥
補新增營分而臣帶來之材健三百名合無仍歸撥
剿左右二營之內不惟每營一千脗合營制適符臣
原

題二千之數而臣且多得三百之兵力當此攻剿滅賊
之際多獲一兵卽收一兵之用則所費甚微而裨益
實大不揣冒昧具陳仰邀

皇上浩蕩之

鴻恩非微臣所敢妄覲也謹密疏題

請伏候

睿鑒勅部議覆施行奉

旨該部議奏

康熙十八年正月十九日

閩省要地等事疏

題爲閩省要地將備需人謹遴才

題補以佐防剿鞏固巖疆事竊惟臣自入閩以來見山海寇盜未靖日惟綜核將弁蒐羅材勇欲使人人才畧稱職庶可早奏蕩平如建寧一府地居上游界連江浙崇山疊嶂伏莽未消三省官兵會剿至今尚未底定而城守左營遊擊韓六合爲鎮臣黃大來揭報貪婪多欸已經督臣會疏糾叅見在候

旨處分查該營分防崇安建陽二汛最爲緊要員缺亟應

平陽紀 卷之二 三
遴補臣查有江南黃浦營守備李英才技優長勇畧昭著若以陞補建寧左營遊擊銜缺相當允稱要汛得人再有建寧城守中營中軍守備郭成名經臣指叅奉

旨解任提問員缺查江南金山營千總田毓瑞才勇兼資若以陞補前缺殊爲人地相宜再查江州中營中軍守備夏尚忠已經督臣題叅革職所遺員缺今查有江南江陰營千總詹鼎青年壯志才能邁衆以之陞補前缺克稱任使至臣後營遊擊一缺臣前將浙江督標後營中軍守備王昶題補因督臣先將該備保題漳浦鎮標中營遊擊已奉

俞旨部議令臣另選照例題補等因欽遵在案臣今見在行間與賊對壘亟須戰將以資調遣進剿查有本營中軍守備劉國興才勇兼備更保守泉城著有勞績允屬才能該備雖實授未幾而署理日久弁兵愛戴如出一口若以授補前缺可收衝鋒克敵之效其所遺後營守備員缺臣查松江城守營千總齊亮才技優嫻歷俸年久堪以陞補臣標後營中軍守備又福

清營遊擊朱翰已經撫臣題補撫標前營遊擊所遺
員缺亟宜遴補今臣查有署都司僉書管援勦左營
中軍守備事李應龍久歷戎行夙稱諳練且隨臣入
閩著有戰功以之陞補足資捍禦所遺守備員缺查
該營署守備管千總事楊可能技勇兼優卽以之拔
補允稱駕輕就熟以上各官皆臣慎加遴選務求爲
官擇人將來必能稱職內李英田毓瑞齊亮三員臣
曾具有閩省剿禦需才等事一疏已經題

請俟查閩省員缺補用在案合併聲明除將各弁履歷送

部查核其詹鼎履歷容取到另送外臣謹會同督臣

姚 撫臣吳 密疏保

題伏乞

皇上睿鑒勅部議覆施行奉

旨兵部速議具奏

康熙十八年正月十九日

恭謝天恩疏

奏爲恭謝

天恩併報祇領新銜

勅印事康熙十八年正月初九日據泉州安塘筆帖式剛

舒齋捧到

頒發臣昭武將軍坐名

勅書一道康字第一百六十九號銀印一顆併兵部咨文

到臣該臣率領標下將弁迎至臣駐師鳳山營盤恭

設香案望

國家圖書館 - NATIONAL DIGITAL LIBRARY, TAIWAN, R.O.C.

闕叩頭謝

恩開讀祇受隨於本月十三日開用新印訖竊念臣荷
皇恩寵渥始畀臣以總管水陸之重寄及臣控辭水師允
臣專管陸路茲復加錫昭武將軍之崇秩臣何人斯
上邀
溫綸之屢降恭承
天語之重申似此異數曠世罕逢俾臣感激
恩深圖報志切臣雖年老筋力血氣漸衰不敢自愛踵頂
惟有益竭駑駘以仰答

鴻慈於萬一耳除總管水陸併專管陸路提督

勅印容臣選差專員齎繳外所有領受開用昭武將軍新
銜

勅印日期理合奏

謝再照

新頒昭武將軍

勅後橫頭裂口寸餘兼有黑漬合併

奏明伏乞

皇上睿鑒施行奉

旨該部知道餘着察議具奏

康熙十八年正月十九日

飛報剿賊等事疏

題爲飛報剿賊大勝事竊臣等自舊年十月內攻奪江東橋之後將滿漢官兵分派屯劄於柯坑山鳳山萬松關江東橋南北各處相機進取因逆賊依阻大河恃險踞守我兵未便徑進而賊衆與我兵相持日久乏糧時來榴山寨一帶附近鄉村掠食臣等復經會議遣發署海澄城守右營遊擊許完於本年二月初五日帶領該營官兵前往榴山寨扼守以絕逆賊糧道本月十五日辰時據署海澄城守副將林葵防守

江東橋署副將詹六奇報稱探得逆賊見我兵馬絕其掠食要道遂於夜晚偷渡過河潛伏於原踞之玉洲太平果塘各寨至二月十四夜賊首劉國軒吳淑何鑽等復用船四十餘隻將各賊夥親自帶領盡渡過河希圖攻我榴山寨併欲奪江東橋等情臣隨會商平南將軍賴督臣姚副都統雅大里季爾他布胡圖福寧總兵黃大來各挑選精壯兵馬於十五日午時起行至未時末到江東橋北離榴山寨數里地名草鞋嶺寬濶處所將兵馬暫歇令官兵登高瞭

望至申時狂風陡起雷雨大作又值天晚難以進兵彼時各官兵俱未攜帶帳房臣等撫慰將士皆冒雨露處站立一夜十六日早天氣畧晴遂傳令官兵造飯食畢見前面下坑山歐溪頭各山上有賊旗十餘桿排列招搖誘敵臣等見賊數無多恐有埋伏公同遣發總兵黃大來鑲黃旗夸藍大愛音布正白旗外委先鋒章京噶而哈兒杭州鑲黃旗外委夸藍大顧光國臣標中軍叅將馬勝飛馬上榴山寨山頂瞭望果見逆賊萬餘俱埋伏於下坑山龜山果塘山上坑

山坂尾山歐溪頭各山之下臣等復會商將滿漢馬
兵分爲左右兩翼將臣標及各標營官兵派爲中隊
仍分三股進攻派令總兵黃大來帶領鎮標右營遊
擊張含高中營千總曹國泰把總崔九經張名左營
千總王鳳把總閻福友右營把總沈文桐山營千總
于得龍于良才把總陳祿外委領旗守備李化鳳朱
文及金吉謝甫黃懋進李士華林正殿葵趙貴姚昌
王路張志高蔡萬何有功張良勇芳雷起蛟外委紅
旗守備魯照李吉張洪蔡應芳沈尾朱美黃忠廖進

吳文定沈應召趙成李榮黃一陳有功劉茂陳葵陳
俊林鳳隨征都司薛化龍隨征守備楊復是外委隨
征守備邵士廷俞海珍楊斌外委隨征千總高牲王
國柱蕭應才王成郭傑劉虎柳思寧外委把總管百
總事沈太陳燦等官兵一千八百員名督標內中協
副將管左營遊擊事薛受益千總沈玉孔天福把總
丁希龍宣茂羅良柱吳賓江斌劉光玉領旗都司及
隨征官馬天福李德劉彪趙邦周馬萬成楊茂春張
豹王承恩陳德盛丁德麟王玉王嘉賓羅弘道薛弼

薛受章丘元佐薛永李廷梅王相隆林都章太齊得
勝閔廷標王德隨征武生員薛碧瑄王文高督標外
中協右營中軍守備劉進伏千總石萬金陶國佐把
總林朝馬世良冶昇姜才隨征官王星烈鄭耀張進
孝楊龍林鳳任自興杜金良李友李奇等官兵一千
二百員名從坂尾山歐溪頭右股而進督標內中協
右營遊擊王文魁領旗守備張魁元千總婁奇陳虎
宋豹把總許世忠督陣守備張璽等帶領官兵四百
員名署海澄城守副將林葵左營遊擊卓策千總張

啓鳳丘春把總畢友成饒弘勳右營遊擊許完守備
蘇節千總許玫蔡盛把總林龍柯信林棟石珍外委
都司林春胡麟徵林朝襲外委守備陳祿黃益洪勝
等官兵六百員名防守江東橋署副將詹六奇署左
營遊擊鄭興署守備李必貴千總高天鳳柯雄把總
黃捷戴參方福詹飛虎右營遊擊李棟守備馬永麟
千總詹六偉陳偉把總胡性蔡泗段一鵬林輅隨征
守備吳廷銓王子連沈銓等官兵五百員名浙江提
標前營守備張名千總范士孝郭邦威把總王三才

等領旗守備王友德鄭起鳳等帶領馬步兵丁四百員名從上坑山蔡店官埭左股而進臣標中營叅將馬勝右營遊擊李璉署後營遊擊事守備劉國興左營守備金殿龍中營千總魯從禮常應龍前營千總李國柱後營千總馬虎把總何演榮李枝華援剿左營遊擊張念祖右營遊擊楊懋綬守備李魁千總張奉李永科把總李亨連江營千總高祥福清營千總田龍見提標外委總領戎旗遊擊崔陞外委都司高永福張九龍楊撰外委守備宋官趙吉祥張貴王治

國姚金全田虎馬天祿劉才趙元吉楊鈞王安國楊得勝李進御羅成功朱鳳陳亮吳洞張承翼李朝臣督陣紅旗守備王佐苗秀李從望李景龍傅應元路天慶嚴有功劉文昌周復興張應金外委千總王龍盧之望張貴李經何應科施見雲董三亮外委把總莊一虎李貴香王起龍張福宋有仁賈士威李文周岳張明馮奇等帶領馬步官兵二千五百員名從下坑山龜山果塘山中股而進臣同平南將軍賴塔督臣姚啓聖副都統雅大里季爾他布胡圖率領滿漢

馬兵分作兩翼壓陣督戰時已近午我兵衝至下坑山歐溪頭各山上彼誘敵之賊俱從山下遁走我兵緊追直衝到山下所有埋伏之賊盡皆列陣迎敵烏砲火箭一齊施放勢甚猖獗臣等督勵官兵不許退避奮勇攻殺排鎗弓箭如雨逆賊死傷甚多尙抵死不
退臣等復同各旗副都統率領滿漢馬兵親冒砲矢從傍衝擊賊始不支大敗逃走直追至果塘太平玉洲等寨前砲火打死逆魁劉國軒下林前鎮一員劉國軒旗手一名活擒并陣斬逆賊一千有餘得獲

盔甲旗幟器械等項甚多不料逆賊於各寨之外預先修築短牆開浚河溝三丈餘濶蓄滿潮水敗賊赴水逃過河溝被我官兵砲火從後攻打及淹死者不計其數守寨賊衆於隔河施放砲火我兵無所遮蔽且日已平西又隔濠溝難以追擊方收兵回營此一役也從午時與賊對敵殺至申時連衝四陣皆仰仗天威諸臣殫心盡力鼓勵在事官兵無不奮勇直前人人用命始克大敗逆賊擒斬共一千有餘名其所獲盔甲器械等項堪用者留營改用不堪用者盡行焚燬

所有在事有功人員併傷亡官兵員目見在彙造清冊另送兵部外臣謹會同督臣姚 合詞密疏題

報伏祈

皇上睿鑒勅部議叙施行奉

旨覽卿奏會同平南將軍賴塔等率領滿漢官兵於下坑山等處地方擊敗逆賊擒斬甚多得獲器械等項具見調度有方將士奮勇可嘉在事有功人員着議叙具奏兵部知道

康熙十八年二月二十二日

剿寇務選等事疏

題爲剿寇務選勁兵以佐臂指之用仰祈

鑒俞

勅部調發期臻實用事案照康熙十七年九月初二日蒙兵部密劄內開該議政王等會覆福建提督楊 題前事等因康熙十七年八月初一日題本月十五日奉

旨議政王貝勒大臣會議具奏欽此該臣等會議得福建提督楊 疏稱臣在山東時頗知河南山東有熟習

交烏鎗者甚多儻得各撥一千名再於江南撥弓箭
砲手一千名并馬匹亦照經制撥發此皆久在營伍
之兵一經調入閩省即可殺賊立功祈令河南山東
江南三省早爲調撥所食錢糧不煩另措卽將臣標
缺額兵丁之糧餉免給調發之兵支領俟地方大定
如調發兵丁內有願留者聽其填入經制其餘悉發
回原營將臣標另行補額則各兵自不苦於徵調等
因查提督楊 旣稱召募閩省土著兵丁不堪應用
請撥河南山東江南綠旗兵丁各一千名馬匹亦照

經制撥發卽可殺賊立功等語均如所題調撥總河
標下兵馬一千山東撫標兵馬一千發往其河南省
旣有放烏鎗兵丁或於各營內抽調或召募會放烏
鎗閑散之人亦足一千發去若召募閑散之人其軍
器等物聽該撫製備發遣近經臣等會議請

旨將河南撫標一千名各營抽調五百名發往岳州

勅下河南巡撫董國興令賢能官員統領發往岳州該撫
鼓勵此項官兵若至岳州卽以効力軍機克成議叙
等因在案今亦

勅下總河靳輔山東巡撫趙祥星河南巡撫董國典將此
項兵丁委撥賢能官員鼓勵前去福建卽以効力軍
機克成議叙此送去官員將兵丁交明該提督仍各
回原任提督楊 將接管兵馬之處題明到日將該
督撫併送去官員俱交與該部議叙再俟閩省平定
之日前項調去兵丁或願回本省者發回或願留閩
省者卽留閩省其前項調發兵丁缺額卽速募補今
議於總河標下撥兵一千名其請撥發江南兵丁之
處毋容議等因康熙十七年八月十七日題本月十

八日奉

旨依議速行欽此合剴欽遵施行等因蒙此欽遵在案於
康熙十七年十一月初五日准山東撫臣趙祥星咨
開隨將本標馬步兵丁一千名調集除經犒賞外遴
委中軍遊擊李長茂守備祖進明千總劉允新楊子
榮把總王漢輔曹挺生馬名振王祿等統領於九月
初八日起程赴閩行據中軍遊擊李長茂備造兵丁
花名馬匹器械清冊并預支過四個月糧餉數目前
來擬合咨會等因又於康熙十七年十一月二十四

日准總河督臣靳輔咨開選撥中左右城守四營馬步戰守兵丁一千名馬二百匹預支三個月糧餉遴委左營遊擊楊輔鼎中營守備王璜千總張茂盛城守營千總孫應祥中營把總李廷芳左營把總張得勝右營把總郝溢管押兵丁分水陸兩路於九月十二日起行訖擬合咨達等因又於康熙十八年正月鎗兵一千名預支三個月糧餉遴委河北鎮標左營遊擊張應標督同歸德營守備陳廷謨開封城守營

千總王琦襄城營千總崔上銀河北鎮標右營把總張大友衛輝營把總張君道磁州營把總吳聯芳河南城守營把總畢昇南汝鎮標右營把總馮成龍汝寧營把總許應宗陳州營把總陳禮統領於九月二十日赴閩外再照豫省各營烏鎗兵丁原無多人今徧行抽調摻括已盡內有閩人久在豫省營伍食糧熟習烏鎗是以一併調發共足一千名之數合併咨明等因各到臣准此該臣隨即咨移督撫檄行府縣預備夫船糧餉接濟併查房安插續於康熙十七年

十二月十九二十日康熙十八年正月初七日據遊擊李長茂楊輔鼎張應標各呈報奉調兵丁俱已抵泉等情時因臣統師赴漳會剿見在鳳山嶺營與賊對壘不能親回泉州驗收臣隨捐資差官回泉備辦猪羊酒米先行犒賞官兵共計用銀二百二十六兩七錢而督臣姚撫臣吳共捐銀三千三百兩差官齋往泉州分賞領兵將弁銀三百兩兵丁銀三千兩以示鼓勵臣隨選差右營遊擊李璉署後營遊擊事王昶前營守備陳應隆等前往泉州調取各兵赴

漳驗收去後今於二月初九等日據遊擊李璉等同領兵遊擊楊輔鼎等帶領守千把各官前後管押兵馬陸續到漳臣因各省兵初到漳州隨捐銀二百二十兩激賞領兵將弁又捐銀一千四百九十九兩犒賞百隊兵丁又備猪羊酒米等物用銀二百三十七兩八錢平南將軍賴督臣姚亦經犒賞牛酒等物共相鼓舞隨據遊擊楊輔鼎等呈遞兵馬器械清冊臣躬親察點俱堪充伍但長途遠來兵有逃故馬有倒斃總河督標馬步兵丁一千名實收兵九百七

十名官馬二百匹實收馬一百七十二匹山東撫標
兵一千名實收兵九百二十名官馬二百匹實收馬
一百四十六匹河南省烏鎗兵丁一千名實收兵九
百八十四名內有閩人一百八十二名共收兵二千
八百七十四名官馬三百一十八匹併原帶盛甲器
械俱經按數分發臣標伍營仍檄令中軍叅將馬勝
等遵照閩省經制收伍再查山東撫標兵丁糧餉支
至康熙十七年十二月終止今閩省自應於康熙十
八年正月初一日接支其河標兵馬併豫省兵丁俱

支至十七年十一月終止今閩省自應於康熙十七
年十二月初一日接支亦經行令中軍叅將馬勝入
冊收造當臣初抵閩省之日見本標五營兵丁缺額
甚多於奉調兵丁未到之先有原標從海澄投回各
兵俱驗明精壯收伍以資剿禦今將點收東豫二省
兵丁二千八百七十四名併將現在舊兵補足伍營
經制外尙有溢額兵丁已經咨明督撫分發缺額營
分收伍其各兵糧餉此開彼收按月接支不致重復
臣念東豫兩省領兵將弁長途跋涉已及半載勞苦

平陽縣志 卷之二十一
堪憫臣復捐銀五百二十四兩分別賞資以資回任
盤費業於二月二十四五等日遣發各回原任訖伏
念閩省海逆披猖而兵多土著是以請調山東河南
兵丁來閩以佐臂指荷蒙

皇上俞允今兩省兵丁業已調到臣自應加意鼓勵其奮
滅賊若臣竭力捐資犒賞分所宜然而東撫以及閩
省將軍督撫諸臣皆仰體

皇上恤兵至意俱各捐銀賞資誠屬急公至於領兵將弁
長途管押著勞尤甚應否一併邀

恩議叙統聽部奪除兵丁花名年貌馬匹毛齒併盛甲器
械分別官製自備另造清冊咨送兵部察覈外合將
收過兵馬數目緣由臣謹密疏題

報伏乞

睿鑒勅部察覆施行奉

旨兵部知道

康熙十八年三月十七日

康熙十八年三月十日

旨兵將賊黨

擊盪賊情察錄欽奉

辭升之

外賊兵謀燬具緣由臣竊密蒐覈

赫不暇官變自備代鼓雷州容差兵將察獲快合錄

恩藉除餘匪時奪創兵丁蘇各平匪黑四手齒泔盪甲器

彙報固守等事疏

題爲彙報固守泉城各官勞績仰祈

宸鑒特賜叙錄以勵將弁事竊自海賊劉國軒吳淑何佑

等圍陷海澄之後大肆鳴張殘破屬邑荼毒生靈於

康熙十七年六月二十一日進逼泉州攻圍兩月有

餘凡謀燒橋梁堅豎木柵築立砲臺發掘地洞架梯

扒城放砲攻打奸計百出旣狡且毒幸賴滿漢同心

文武用命獲保全城無恙臣於康熙十七年八月二

十四日克復惠安縣賊人聞風知滿漢官兵齊集遂

連日援營逃遁因解泉圍迨二十六日臣等攻奪洛陽直進郡城時見盈街填巷老幼士民咸頌

皇恩拯救向臣馬首共訴文武保城之功不可泯沒隨准興化鎮臣劉德懋咨報前來據此該臣查看得海寇狂逞遭誅有年自陷海澄之後進圍泉郡恃逆黨之繁多肆克謀之叵測時乘大兵未集晝夜速攻所賴副都統楊鳳翔雅大里與鎮臣劉德懋協同調度而諸將弁又能竭力堵禦出奇剿殺方能保固城池當康熙十七年七月二十八日衆賊合攻七門日夜兩

次扒城官兵誓死抵敵此爲各將弁守泉第一戰功七門之中惟南門之功又居其首賊之大砲攻具盡聚於此業將城墻打塌竟成平地提標王劄總兵馬勝製造釘板木馬督造敵臺木城挑濠拒守又奮不顧身手持排鎗殺賊數十力拒塚口以至身被火藥重傷終使賊人不敢攻入宜乎鎮臣劉德懋與泉州城守署叅將甯維國等咸稱爲保城之鉅功也其餘各門俱有斬殺守禦之功至六月二十二日賊來晝夜奪橋則同安署副將馮昭京羅源營遊擊林寶晉

江營遊擊韓元朗等殺賊護守南門外新橋有功八月初一等日賊又堆青砲臺掘城挖窟則鎮標守備趙邦試等殺賊燒草臺有功他如縋城趕殺伏路活擒等功均不可泯應請察叙更有筆帖式剛舒協同文武守城不避艱苦勞績難沒泉州知府張仲舉捐資製造催釐人夫激賞傷亡併廳縣等官協助防禦均著勞績俱應題

請錄叙除另咨督撫臣察明彙

題外所有守城鎮協將弁等官功次備叙塘報情形臣

謹會同督臣姚 合詞密

題伏祈

睿鑒勅部議叙施行

康熙十八年七月十一日

平閩紀卷之三目錄

奏疏

飛報殺賊等事疏

賊盛兵單等事疏


遵諭自陳等事疏

塘報剿賊等事疏

將備署事等事疏

飛報恢復等事疏

飛報克復等事疏



彙報招撫等事疏

恭報回泉日期疏

恭謝天恩疏

閩疆已荷等事疏

地方已定等事疏

聖主恩遇有加等事疏

恩綸俯恤等事疏

懋紹漁山

平閩紀卷之三

三韓楊捷元凱著

男懋緒令鴻纂

飛報殺賊等事疏

懋綸今掌

題爲飛報殺賊大勝事康熙十八年六月二十四日據
臣標後營遊擊劉國典報稱卑職奉令帶領官兵分
防竿頭寨該汛與東石賊巢緊連最爲衝險是以先
爲稟報事奉本將軍牌仰卑職立即多派歷練哨兵

晝夜勤加瞭探仍督率馬步官兵不時遊巡護衛田禾母使逆賊侵入盜割擾害地方併防奸民透越接濟本將軍身在行間諄諄告誡該將身任地方務宜計出萬全等因遵奉在案今於六月十八日夜二更時分據探兵報稱東石偽前虎衛撥偽中協楊忠偽副將楊德帶賊衆七百餘由船欲來深滬又據探兵報稱偽中提督水師鎮在日湖撥賊衆六百餘由船欲來深滬會合各等情前來卑職一面整擄官兵隨會商靖藩下章京鄒士道浙江督標守備劉澤深等

各酌撥該標馬步官兵前去哨探准守備劉澤深撥左營千總常理中營把總牛義魏衷外委紅旗把總王豹趙起祥劉天鳳常高帶馬步兵一百三十名又准章京鄒士道撥章京李進忠同便委章京洪柱吳文小撥什庫韓虎帶馬步兵一百二十名又撥道標守備許玉千總陳天祐把總凌啓鳳帶步兵三百名及本營千總馬虎外委千總董三亮原把總萬懋連便委把總王國進陳廣紅旗伍大右營把總鄂公祿帶馬步兵二百五十名共八百名於十九日五更時

分前往深滬哨探果見賊衆屯聚深滬山下徑築月城飛報到職隨令守備劉澤深章京鄒士道晉江營千總宋得高等看守竿頭營盤卑職親領本營把總任可玖外委千總孫起龍等便委把總吳斌帶馬步兵一百名浙江督標中營千總孫尙義把總唐魁左營外委把總劉鳴鳳戎旗外委千總喻承敬紅旗把總王錫帶馬步兵一百二十名晉江營把總達養棟帶兵一百名前去接應卑職隨分三路先撥道標守備許玉千總陳天祐把總凌啓鳳等帶兵三百名分

爲左路又撥浙江督標千總孫尙義常玘把總牛義魏衷署把總唐魁外委千總喻承敬紅旗把總劉天鳳王豹趙起祥王錫常高劉鳴鳳等晉江營把總達養棟共帶兵三百名分爲右路職統本營千總馬虎把總任可玖右營把總鄂公祿外委千總孫起龍熊汝亨朱才董三亮原把總萬懋連便委把總吳斌陳賡王國進紅旗伍大等靖藩下章京李進忠便委章京洪柱吳文小撥什庫韓虎等共帶馬步兵五百二十名以爲中路三路夾擊自辰至未鏖戰多時賊見

平陽縣志 卷之三 三
我兵奮勇砲矢齊發賊始敗潰時陣斬敗亡一千餘名其餘賊衆追殺下海溺死殆盡僞中協楊忠被卑職連射數箭重傷滾水併生擒楊忠胞弟僞副將楊德又各營官兵陣斬僞官黃登蔡寶李科蔡三四員活擒僞官李學陳明史韜三員僞兵陳清等一十五名仍將月城推平焚燬大小賊船七隻所有各營得獲旗幟盔甲器械併傷亡兵丁陣斃馬匹見在造冊呈報其陣獲甲械旗幟及活擒賊犯就近解赴寧海將軍外查此項逆賊久踞東石流毒地方茲敢會合

深滬希圖窺犯被我兵剿殺殆盡皆奉本將軍指授機畧故能獲此大勝理合塘報等情到臣據此該臣看得逆賊鄭經盤踞廈門倚水跳梁分遣僞中提督劉國軒等在於觀音山一帶列營相抗臣親督官兵劉管鳳山與賊對壘日夜堵禦攻擊每有豕突輒爲我官兵所敗自奉

旨遷界之後臣與督撫諸臣會商於沿邊各要口築寨設兵派撥各標營將弁分汛防禦仍嚴飭加謹巡防以絕賊人糧道併杜奸民接濟臣每思逆賊糧盡計窮

勢必分遣賊黨沿邊侵掠復慮泉屬兵單恐爲賊所
乘自宜預防以備不虞再查東石一區逼近泉郡久
爲逆賊屯糧之地而竿頭靈水又與東石毗連最爲
險要臣隨密商督撫遣發官兵前赴泉屬沿邊分布
隄防併選撥臣標後營遊擊劉國興帶兵赴竿頭防
守以固要汛仍密授方畧令其加謹瞭探相機撲剿
而寧海將軍喇哈達駐劄泉州亦就近遣發靖藩下
及浙江督標官兵前去竿頭策應乃逆賊果遣夥黨
駕船擁至界外深滬地方創築月城巢穴伺隙侵入

內地掠食茲據遊擊劉國興報稱於六月十九日賊
衆蟻聚深滬卑職親率本標道標及靖藩浙江督標
各營官兵三路夾擊自辰至未官兵奮勇砲矢齊發
賊遂潰敗該將親射僞中協楊忠重傷滾水併生擒
僞副將楊德各營官兵陣斬僞官四員活擒僞官兵
一十八員名斬殺賊衆一千餘名餘賊溺水殆盡焚
燬大小賊船七隻得獲甲械旗幟甚多併推平新築
月城此皆仰仗

皇上天威將士用命獲此全勝所有各標營官兵臨陣斬

獲功不可泯相應

題報聽部議優敘以鼓後効除將有功人員併擒斬偽官兵員名得獲甲械旗幟以及傷亡兵丁陣斃馬匹各數目確覈備造清冊送部查核外臣謹會同督臣姚撫臣吳合詞密

題伏乞

睿鑒勅部議覆施行奉

旨覽卿奏遣發官兵於深滬地方擊敗逆賊擒斬偽副將等焚燬賊船得獲器械等項具見將士奮勇可嘉在事

有功人員着議敘具奏兵部知道

康熙十八年七月十一日

臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏
臣等謹將各處軍餉情形具奏

賊盛兵單等事疏

題為賊盛兵單

國用匱乏特

請額外捐膳以靖海疆事康熙十八年八月初六日臣准

督臣姚啓聖咨開本日准戶部密咨內開查康熙十

七年七月內福督姚 疏稱願將自膳兵一千一百

名及韓大任兵二千六十一名自七月起臣自捐膳

等因具題經議政王貝勒大臣會議准留總督標下

今該督既稱各兵請餉無術點金其兵丁應補入各

營老弱兵丁汰缺之內此兵丁另請糧之處毋容議
奉

旨依議移咨到部院准此爲照前項官兵內中協遊擊薛
受益帶兵一千四百名守江東橋一寨內左營王祿
守小港洲內右營謝思禮守萬松關今此兵旣奉議
裁本部院自應祇遵解散但三處實係要汛本部院
又未敢遽撤邊防合就咨商爲此合咨貴將軍請煩
察照本部院內標三營官兵三千二百餘員名見在
汛守邊牆今旣奉撤應撥何項官兵前往接防以遵

新旨希祈迅賜卓裁示覆等因咨商到臣臣緣督標前項
官兵三千二百餘名見在分守要汛與賊對壘勢同
騎虎我兵一撤賊卽乘隙又苦無別項官兵可調接
防不得不將難以裁撤情形一面咨覆督臣一面備
咨撫臣吳興祚會疏

題畱前項官兵照舊扼防去後今於康熙十八年九月
初六日准撫臣咨覆本年八月二十六日准貴將軍
咨前事等因到院准此爲照督標三營官兵三千二
百名分佈防守江東橋小港洲萬松關各汛皆係衝

平陽縣志 卷之三
險營盤日與逆賊對壘雖奉

旨裁補誠如貴將軍所慮未可自撤藩籬矧更無別營可
以撥發更換此兵實難輕撤亦知

國用匱乏應仰體樽節特恐萬一調撤空虛逆寇乘隙
窺伺其所關於軍國匪細備繹大咨具見貴將軍籌
畫周詳言言剴切深爲

朝廷封疆至計本院應當合詞具題請照舊留防伏祈貴
將軍玉稿列銜會題施行等因到臣竊照閩省地處
濱海沿邊二千餘里賊船在在皆可登犯若官兵分

佈不密則逆賊得以乘隙豕突及至隣汛官兵聞警
馳援往返之際豈能不遲時刻賊已揚帆而去是端
汛之兵萬萬不可不厚也臣稔知

國用匱乏自應仰體樽節但念前任督撫提督惟以勉
從樽節不敢固請增兵致有海澄失陷泉州被圍反
至多費

朝廷金錢幾億萬計若非

皇上天威震蕩閩省禍幾燎原矣比時督臣感

皇上拔擢殊恩不復顧念身家志欲滅此朝食故請自贍

各兵激勵剿禦用遏賊鋒迨臣入閩救解泉圍會師
漳郡共商機宜屢敗賊衆逆賊雖退倚山海其勢猶
盛負固相抗臣親統標兵駐營鳳山嶺與賊對壘晝
夜炮火互相攻擊其滿漢官兵各分屯要害以防侵
軼而督標三千二百兵內中協遊擊薛受益帶兵一
千四百名在江東橋外甌溪頭山劄營右對果堂寨
左對太平寨俱係逆賊營盤相去一二里不等每日
逆賊出哨與官兵相持打砲時刻不懈內協左營遊
擊王祿帶兵九百名在小港洲劄營西對陳洲面對

馬洲及灣腰樹東對觀音山四處皆逆賊營盤朝夕
對壘內協右營叅將謝思禮帶兵九百名在萬松關
嶺兜社劄營與逆賊之仔州浯浦等河邊各營盤相
對壘放砲不絕近日逆賊又添龍槓枋條等大砲二
十餘位不時攻打駐屯各營至督標內協三營官兵
各有分汛亦皆拚命堅持今若不准食糧裁補各營
老弱汰缺之內則見在邊汛空虚賊得窺我無備大
可寒心督臣咨稱應撥何項官兵前往接防臣查閩
省經制額兵以及陸續請增各兵除督標撫標臣標

及各營抽調隨征者皆見與賊對壘自難分身兼防其衝要郡邑之城守沿邊界墻之巡防大路餉鞘之護送方若不敷寧有餘兵可調卽上游四府爲江浙閩三省交界萬山叢雜賊寇流竄不常在在隘口須兵守禦並無餘兵可以抽撥臣通盤打算實實無兵可調接防况我兵沿邊戒嚴分汛固守賊倚水爲巢未能尅日卽滅然叠據投誠人員口供逆賊斷糧窮蹙情形鑿鑿可據目今水師提臣萬正色已抵省任不日水師大舉蕩平有期若將熟習對壘之官兵裁去又無額設可撥之官兵調用恐釀叵測之患非淺鮮也正在繕疏會

題問於康熙十八年九月初七日又准督臣姚 咨同前事內開本部院自舊年謬膺

簡命以來賊勢猖獗迫近堂室先經恢復漳平縣本部院復親統自膳水陸官兵并綠旗兵馬會同蒲漢旗營敗賊於龍虎山恢復長泰同安江東橋小港洲疏通大道本部院滅賊心殷止知有

國不知有家今旣奉裁自應祇遵惟是本部院自具賊

盛兵單

國用匱乏等事一疏題明自膳兵丁三千二百名之後
因見新增一萬八百之兵尙多缺額見在各兵頗多
懦弱退怯故於八月二十一日復有藩翼勁卒盡數

頂圓請

勅查出歸標等事一疏但藩翼頂圓各兵亦有在省者亦
有零星寄住各府外省者及差官四出清查直至十
二月內始查出藩兵二千七百三十一名到漳而新
增一萬八百之兵已經足額見在朝夕操演亦皆精

壯可用則前項藩兵無額可補本部院又不得不自
行膳養矣又爲軍務事康熙十八年正月初一日敬
奉親王密諭開據平南賴將軍奏贊大臣等啓前事
等語照得該將軍等所啓最是今照伊等啓議將滿
洲大兵酌留聚守於四應之處以振聲威其餘滿兵
其題請

旨或發別省或調回京爾綠旗官兵可以保固地方足資
防禦否近來該督等將閩省綠旗官兵業已增添足
額亦不爲少該督撫提等身係封疆重臣際此錢糧

告置之時務將爲

國籌畫有益之處公同妥議啓覆等因敬此該職等遵
議得

國用匱乏多留滿洲大兵其所需料草等項糜費錢糧
甚多卽將裁汰大兵糧料添膳綠旗官兵似可節省
錢糧應如該將軍所議舉行但海賊見在對壘若不
將沿邊官兵佈置周密一減大兵恐難堵禦况前因
大兵衆多故止

題請增兵一萬零八百名一遇有警馬騎可以救援今
若止酌留大兵聚守於四應之處則綠旗官兵自應
加增以備戰守至海賊向懼馬匹前職等題請督撫
提鎮八標兵丁馬三步七未荷

俞允又吳巡撫題請召募水師二萬名部議閩省未安所
關最要應如巡撫所題行職等公同議妥具

題職等議除閩安興化見在五千人不必召募令巡撫
招足一萬五千名剿賊之後以五千人歸還水師提
督其一萬名另議裁留未荷

俞允又職等因土著之兵不堪征戰故議請調宣府大同

兵二千名以資剿殺未荷

俞允如此則閩省水陸馬步兵丁甚爲單弱封疆關係重大職等不敢輕任戰守今職等公議得自廣東交界之分水關起至浙江交界之二十八都止其陸路應請再增官兵二萬一千一百五十名其所增之兵除本省召募外必須

題請直隸薊州勁兵一千五百名山西省勁兵一千五百名大同勁兵一千名宣府勁兵一千名發閩援剿事平仍令原兵各歸原省至督撫提鎮八標官兵應

請

題允馬三步七以資撲剿其水師兵丁已經巡撫於七八九等月募兵一萬二千名令總兵林賢黃鎬楊嘉瑞等管理殺賊有功塘報在案見與賊船對面灣泊日事打仗豈可復令解散况水師提督標兵五千名閩安鎮三千名興化二千名晉江一千名同安一千名此一萬二千名皆在

題定額設經制之內非額外添設者今止須增兵八千名便足撫臣所題水師二萬名之數應請

題明募足水師方足防剿事平之日再議解散陸路增兵二萬一千一百五十名水路增兵八千名於所增兵數內調薊州山西馬兵五千名到閩援剿因閩省兵丁不善騎馬故必請邊兵五千名也至督撫提鎮標兵得增馬三步七以資衝突如此水陸既添多兵沿途佈置周密則防守一事職等可以擔任大馬應留若干應掣回若干總聽親王睿裁如恐增兵數多日久致錢糧費用繁多則應請照職等前

題原疏調集江南浙江大戰船各一百號紅毛夾板二十號會同閩省新舊水陸官兵進攻廈門剿除海寇職等亦可擔任平海之後所增兵數再行掣裁伏乞親王允職等所請二萬一千一百五十名之陸兵撫臣找足八千名之水兵并允馬三步七均賜

題允職等自任戰守之事不敢推諉若再調紅毛夾板船二十隻并江南浙江戰船各一百隻職等自任攻取廈門之事亦不敢推諉時會同平南賴將軍達部堂商議已定當經本部院會同吳撫院貴將軍掣衙會啓親王請祈具題去後時復慮請裁滿兵若俟裁

兵

旨下然後招兵買馬則沿邊汛守單弱恐悞封疆大事本部院當卽遣標員張培麟閩國柱全光英等二十五員星速赴浙江江南江西廣東四出招兵買馬隨據各官陸續招到兵丁七千七百六十四員名馬二千三百九十一匹除馬分發各營外時值遷界之後沿邊正須添設勁兵而欲斷賊糧又不得不於要口設兵立寨阻截把守將新招之兵分撥大小盈灌口橫塘漸山同安泉州興化馬口鳳山等處見在設防而

親王疏內未列有增兵二萬一千一百五十名之語則所招七千七百六十四員名之兵又在經制額兵之外既已分汛設防萬難解散本部院又不得不一面措發兵餉一面具題請將自膳兵三千二百名朝廷給餉又具題請於灌口增兵一千名大小盈增一千五百名泉州增一千名興化增一千名尙餘見在官兵五千九百九十五名明知

國用匱乏與賊對壘散兵固萬萬不可請餉又萬萬不敢本部院不得不竭力捐膳餘兵五千餘名俟滅賊

平海然後解散是本部院自去年七月起止捐膳兵
三千二百名至十二月內又添膳二千七百三十一
名至正二月又添膳七千七百六十四員名此平南
將軍都統撫院貴將軍以及在漳之文武兵民人人
盡知之而

朝廷未之知也本部院破家蕩產揭債賠墊苦楚萬千真
淚盡而繼之以血詎料兩疏俱荷部覆不允則此一
萬三千六百九十五名之兵目下秋涼見在大舉散
之恐投助賊勢而弱我兵威但本部院外省貿易商

本抽調已完揭借親朋開口莫應事勢危急不得不
請貴將軍酌裁發兵更換兵譁可慮封疆事大萬祈
貴將軍速賜大計以定邊疆等因到臣又欲臣撥兵
更換披閱之下尤不勝驚悸如大盈小盈灌口東至
洛陽橋西至江東橋等處皆目今逆賊窺伺之區爲
漳泉咽喉差餉孔道上年督臣與臣等費幾許兵力
始得廓清疏通督臣又爲

國苦心增兵貼防節節皆設把守巡護故逆賊之兇狡
不得逞今督臣自膳已竭又以請給三千二百兵餉

之一疏請增灌口等汛四千五百兵之一疏俱荷部覆不允兩次移臣發兵更換臣再四思維通省既無可抽調之兵前往更換若將此一萬三千餘名之兵一撤邊汛空虛賊必擾動灌口等汛密邇廈門大小盈等汛又係差餉大路倘賊復盤踞梗塞漳泉又必阻絕可虞矣且破賊全仗火器此一萬三千餘名之兵俱熟用排鎗鹿銃及蕩寇紅衣等砲目下正資進剿豈可遽爾裁撤况各營選補足額一時無缺可收窮兵原無產業四散投伍藉此糧餉資生一旦勒令

解散不入山爲盜卽下海從逆沿邊少熟練之汛兵山海添勇敢之強賊顧此凋敝閩疆其堪再罹荼毒耶臣言念及此憂心如焚不得不將地方目擊情形
額請

皇上勿惜一年半載之費將督臣自膳兵一萬三千餘名一體給以糧餉俾資剿禦俟水陸大舉地方稍平卽先行裁汰以省金錢倘軍需過多臣愚以爲督標內申左右協兵三千二百名及大小盈等汛增防兵四千五百名伏乞

皇上允督臣所

請恩准給餉事平之日卽行通省營分汰缺裁補尙餘見在官兵五千九百餘名仍令督臣自膳俟滅賊平海然後解散庶逆賊無鳴張之隙而巖疆無切膚之憂况前撤回包衣佐領下官兵一千餘員名仍留此餉以養綠旗七千七百餘名對壘之官兵增費似亦無幾若聽督臣膳養無力祇遵部文將前項官兵盡行裁撤又無別項官兵可調接防必至變生意外憂及廟堂直至此時卽處分督撫與臣不足惜而封疆所係民

社所關恐錢糧糜費又不止此養膳七千七百餘名有限之餉也臣蒙

皇上厚恩垂老無可補報使身在地方明知安危所在亦勉從樽節之意而不言則負恩之罪何以自贖仰祈皇上俯念邊海巖疆

勅部議給糧餉則目前之戰守有資而災黎不致重罹搶攘矣臣謹會同撫臣吳興祚合疏密

題伏祈

睿鑒勅部議覆施行

康熙十八年九月十三日

遵諭自陳等事疏

奏爲遵

諭據實自陳不職仰祈

賜罷斥以弭災變事康熙十八年九月十五日准兵部咨
爲欽奉

上諭事內開康熙十八年七月二十八日奉

上諭諭吏部等衙門自古帝王撫御萬方兢兢業業勤求
治理必期陰陽順序和氣凝庥或遇災異示儆務省愆
思過實修人事挽回

天
心
茲
者
本
月
二
十
八
日
巳
時
地
震
之
變
譴
告
非
常
反
覆
思
維
深
切
悚
惕
蓋
由
朕
躬
不
德
敷
治
未
均
用
人
行
政
多
未
允
符
內
外
臣
工
不
能
潔
白
乃
心
恪
盡
職
掌
或
罔
上
行
私
或
貪
縱
無
忌
或
因
循
推
諉
或
恣
肆
虐
民
是
非
顛
倒
措
置
乖
方
大
臣
不
法
小
臣
不
廉
上
干

天
和
召
斯
災
青
若
不
洗
心
滌
慮
痛
除
積
習
無
以
昭
感
格
而
致
嘉
祥
朕
茲
力
勤
政
務
實
圖
修
省
目
今
應
行
應
革
事
宜
著
部
院
三
品
以
上
官
及
科
道
在
外
各
督
撫
明
白
條
奏
直
言
無
隱
其
在
京
三
品
以
上
堂
官
并
督
撫
提
鎮
俱
著
據
實
自
陳
毋
得
浮
泛
塞
責
爾
部
卽
遵
行
仍
通
行
曉
諭
內
外
軍
民
人
等
咸
使
聞
知
特
諭
欽
此
相
應
通
行
爲
此
合
咨
貴
將
軍
煩
爲
轉
行
所
屬
一
體
欽
遵
施
行
等
因
到
臣
臣
捧
讀
之
餘
不
勝
惶
悚
以
我

皇
上
敬

天
勤
民
勵
精
圖
治
用
人
行
政
務
協
於
宜

軫
念
凶
荒

欽
恤
刑
獄
而
於
用
兵
之
處
屢

勅
撫
綏
流
離
招
徠
歸
附
固
宜
陰
陽
順
序
和
氣
凝
麻
何
期
忽

有地震之變易象地爲臣道宜靜而動感召必有其
由欽奉

上諭督撫提鎮俱令據實自陳切念臣夙備戎行於康熙
十一年十月間軍政

大典臣時提督山東事務自陳求罷蒙

皇上溫綸留任臣益感激奮勵以表率登沂兩鎮俾扣剋
弊絕營伍肅清績蒙

皇恩調補江南提督半壁東南爲財賦之邦而臨江濱海
誠爲險要竭蹶綢繆時懷綆短汲深之慮任內有海

寇侵犯浙江乍浦地方臣不敢以隔省膜視卽率領
官兵飛馳剿殺賊踪遠遁雖沿海嗣是稍安而圖報
未盡萬一康熙十七年五月十六日奉

旨加臣少保調補福建全省水陸提督總兵官臣驚聞
寵命自揣老疾力難勝任具疏控辭未蒙

皇上俞允遵卽兼程入閩統率陸路官兵直抵興化仰仗
天威恢復惠安縣攻奪洛陽橋大敗賊衆力解泉圍恢復
同安又剿殺塗嶺上西格等處逆首隨親統官兵赴
漳會師攻復江東橋以通漳泉孔道奪獲鳳山以進

平陽縣志 卷之三
逼獅子山賊壘戮力行間殫心敵愾

高厚之恩正難報稱旋蒙

皇上加臣爲昭武將軍

寵遇優渥益茲罪歉臣於上年十月間躬率官兵駐營漳城外鳳山嶺咫尺賊營親督砲火攻擊志在滅此朝食奈賊雖敗退猶且倚海踞山引潮水入內地鑿池挖濠堅立城寨必水陸並進兩路夾攻方能搗其巢穴目今祇候船王一竣尅期大舉見在惟嚴守沿海邊牆以斷賊糧食雖屢有下坑深澗等處之勝賊勢

漸衰然逆寇尙爾逋誅揆之臣心有媿委任多矣至臣馭軍素嚴攻城克敵之時所轄官兵無一敢占小民子女者又如惠安等邑城垣皆被賊拆毀人民竄匿臣首先出示曉諭招撫復業留兵防守俾民安堵其有首發通賊巡獲越界者卽移送督撫行有司審結不敢隕越於下有負我

皇上之驅策但兵爲陰類久不戢則災異生又徭役繁多足以召致氛祲今連年用兵輓運糗糧豈能不勞力役此亦感召地震之由臣聞坤厚載物謂德能勝任

是以利載也若臣子不能勝任而覩顏尸位則地震
應之今臣晉階少保之崇班游膺將軍之隆秩顧以
智識淺鮮未能立剪鯨鯢是臣之才不勝任也臣年
已六十有四雖忠

君愛

國之心孜孜彌篤然何堪以龍鍾之軀謬當征剿之寄
是臣之老不勝任也自上年與賊對壘以來賊營鎗
砲如雨臣率先不避竊恐將士少有畏縮無論晦明
風雨臣必親巡鼓勵隄備加嚴寒暑不敢解帶晝夜

不敢交睫以致肢體尪羸精神衰耗兼之山嵐蒸濕
脾氣不調舊時淋閉之症復發是臣之病不勝任也
撫躬循省地震告譴由臣不勝任所致仰祈

皇上立賜罷斥遴選賢能俾之攻剿庶逆賊早平災變可
弭而巖疆不致貽悞矣臣曷任悚惶之至

康熙十八年十月初二日

塘報剿賊等事疏

題為塘報剿賊大獲全勝事康熙十八年十月二十四日據建寧城守左營遊擊李英塘報前事等情到臣據此該臣看得崇安一邑地處上游界聯江浙皆叢林疊嶂為隣寇流突之藪臣會同督撫諸臣嚴飭在汛官兵加謹堵防毋致侵犯在案續據防守崇安遊擊李英呈報江西逆首呂貴蘇亮等率夥三千餘眾驟犯崇汛據險結巢侵掠四鄉與海逆遙為聲援狂逞非常請兵應援搜剿等情值臣統師漳州劄營鳳

山與海逆劉國軒等對壘相持不能分身親剿隨會
商督撫諸臣啓請康親王檄調京口營并楓嶺營官
兵星馳夾擊剿除以安地方去後茲據遊擊李英報
稱本年九月二十九日會同各營官兵并隨征總兵
桑明熊鼎魁等各屯丁暨崇安縣知縣金章鼓勵鄉
壯衝破山坳架砲攻開隘口五處打殲逆賊二百餘
人我兵齊進直下新嶺四面攻破賊寨木城二十六
座殺殲逆賊五百餘人遊擊李英等親斬僞副叅遊
擊千總謝瓚郎等五員身搜僞劄陸張活擒逆賊二
十六名復於十月初一日分兵搜山又殺逆賊百餘
名共勦殺逆賊八百餘名得獲僞錫關防三顆鈐記
一顆并盔甲器械鎗砲旗幟號布等項數目甚多造
冊呈報前來此皆仰賴

皇上威靈遠震康親王調度有方俾官兵得以奮勇衝殺
破巢掃穴大獲全勝在事弁員勞實難泯相應

題叙以鼓用命以昭激勸者也除將在事有功人員并
傷亡官兵陣傷馬匹及得獲器械數目另造清冊報
部察核外臣謹會同督臣姚 撫臣吳 合詞具

題伏乞

皇上睿鑒勅部議叙施行

康熙十八年十一月初二日

將備署事等事疏

題爲將備署事日久成效已著題

請實授以重封疆以昭激勸事竊照福寧一州處閩省之北與浙江交界不惟萬山交錯而三面孤懸海中逆艘不時出沒漳州一府則居閩省之南與廣東交界又逼近廈門逆島目前士馬雲屯督造軍火甲械接護餉鞘往返絡繹此兩汛誠屬衝險要地其將備非得智勇敏練熟識地利情形者不足以資戰守茲臣查得見在署理福寧鎮標中營遊擊事務劉濟源本

官原係隨征福建右路鎮標中營中軍守備隨師屢立戰功於康熙十五年五月內經前任督臣郎廷佐題補該鎮標左營遊擊奉

旨實授至十六年二月內因中營遊擊馮昭京調委泉州城守叅將復經前任督臣郎廷相將本官調署鎮標中營遊擊事務續以閩省全復隨征右鎮奉文改爲福寧鎮本官仍署福寧鎮標遊擊經今已逾三載十七年六月內臣奉

命入閩時海寇猖獗攻圍泉州福寧總兵黃大來同臣帶兵南下救解泉圍本官留守福寧州城內靖山寇外勦海逆其悉力捍禦以保安疆土成效洵有足錄者又准福寧總兵黃大來咨稱劉濟源自署事以來已逾三載本鎮奉調應援泉漳該將防守州城保固疆圉兢兢無過日久未叨實授未免向隅咨請俯念福寧爲邊海巖地中營爲各營領袖將劉濟源

題補中營遊擊俾盡心職守以收實效等因并出具保結到臣在案再查得見署理漳州城守右營中軍守備事朱銓達該弁原係隨征左鎮標中營千總隨師

援浙復閩著有勞績於康熙十六年三月內經前任督臣郎廷相委補左鎮標右營中軍守備續因左鎮官兵奉文歸併海澄公標該弁隨征効勞至十七年四月內復經前任督臣郎廷相委署漳州城守右營中軍守備員缺經今將及兩載臣自提師到漳以來見其督造軍火甲械藥彈等項井井有條接護餉鞘勤慎無悞且青年壯志正堪驅策并據漳州城守副將郭忠孝詳稱朱銓達弓馬嫻熟出入錢糧並無扣剋料理軍火器械與夫鈴束目兵一切事務勤慎急

公出具保結到臣各在案查此二弁皆署事日久著有成效况於各地方之險易山海之情形俱已周知熟識今若卽以劉濟源實授福寧鎮標中營遊擊以朱銓達實授漳州城守右營中軍守備不特駕輕就熟人地相宜更可以激勵將來委署各弁實心料理營務則裨益封疆良多矣臣爲見在用兵邊海地方需人起見除將二弁履歷揭送兵部察覈外臣謹會同督臣姚 撫臣吳 合疏保

題伏乞

平圖紀 卷之三
睿鑒勅部議覆施行

康熙十九年二月十二日

飛報恢復等事疏

題爲飛報恢復海澄縣城仰慰

睿懷事竊惟海逆踞險拒命擾我邊陲上厯

宸衷宵旰臣自康熙十七年十月內提師到漳屯營鳳山
日與督撫諸臣咨商破賊之策務期殄滅以仰紓
皇上南顧之殷稍報

知遇隆恩近因舟師出洋進剿臣計逆賊劉國軒旣統陸
賊聚屯於獅子山玉洲灣腰樹觀音山陳洲馬洲等
處堵我鳳山之兵復分撥逆艘堵拒舟師又聯絡烏

嶼橋充龍堡金山白礁海倉松嶼各處之賊以壯聲
援是烏嶼等處賊寇皆爲海逆渠魁亟當先行掃滅
臣隨就近密商平南將軍臣賴 督臣姚 分兵留
防鳳山營盤臣同督臣親帶馬步精兵於本年二月
十七十八兩日剿殺烏嶼橋等寨堡賊衆幸獲全勝
經臣咨會督臣具

題在案二月二十日臣復同督臣前往同安縣所屬海
邊相視形勢惟高浦所與廈門相對實係逆經賊巢
刺心之地遂連建七營設兵聚紮以示陳船欲渡之
勢以絕灣腰樹觀音山各處逆賊劉國軒等之歸路
臣同督臣料知逆賊勢難四應可以分路進兵復商
定督臣先回漳州調度兵馬進取臣於高浦所安營
佈置已定遂留臣標左營遊擊朱起龍等帶領各標
營官兵五千名防守相機進取外遂星夜馳回漳州
會剿除攻破玉洲三叉河石碼等處一十九寨情形
已經督臣會疏

題報外臣於二月二十四日五鼓率領臣標叅將馬勝
等官兵會同平南將軍臣賴 督臣姚 浙江提督

臣石 各親統滿漢兵馬分作水陸三路進攻海澄
逆首劉國軒復親率水師放砲堵禦偽總兵陳昌等
四鎮城上放施大砲我兵奮勇齊進一面進攻一面
差官直抵城下宣諭

皇上如天之仁准其投誠內偽總兵蘇侃願意投誠而偽
總兵陳昌等不肯歸順城內賊兵遂自相併殺臣等
督兵乘勢攻門蘇侃接入城共殺偽兵一千一百
餘名淹死不計活擒偽總兵楊吉等一十一員名當
卽梟示其偽總兵陳昌等逃遁下海偽總兵蘇侃等

率偽兵共二千一百八十七名投誠得獲大砲五百
六十八位火藥一萬二千九百六十三觔米六百九
十三石穀一千二百五十八石奪獲賊船二十七隻
滿漢大兵於二月二十四日巳時進城秋毫無犯百
姓安堵仍現在會議相機進取廈門逆穴以絕根株
所有在事有功大小將弁職名及陣亡官兵馬匹數
目一時難以盡查容臣查明另造清冊送部查叙外
今將恢復海澄縣城日期合先飛報仰慰

睿懷臣謹會同督臣姚 合詞密疏

五
題報伏乞

皇上睿鑒施行奉

旨覽卿奏親率官兵進剿海逆恢復海澄縣城可嘉着議
奏該部知道

康熙十九年二月二十六日

飛報克復等事疏

題爲飛報克取廈門逆島事竊照海澄旣復賊衆奔竄
臣撫安殘黎卽一面多張示諭并差能員於各處宣
布

皇仁曉諭各僞官兵許以就撫自新隨材錄用當有僞總
兵吳桂羅士鈐僞副將吳天祿等各率領僞官兵船
隻眷口前來投誠臣厚加賞賚撫慰將伊等家眷安
插縣城之內因詢廈門情形各據稱逆賊因在烏嶼
橋海滄等處被我官兵勦殺又見我兵安營高浦所

絕其歸路賊已喪膽今海澄克復勢益搖動桂等願
効力前驅協同官兵乘時進取等情臣隨飛咨督撫
諸臣調撥官兵分路進攻督臣姚 平南將軍臣賴
漳浦總兵臣趙得壽率領滿漢大小各將弁配坐
船隻從松嶼進兵撫臣吳 與寧海將軍臣喇 副
都統臣吳 同安總兵臣王英興化總兵臣曾承率
領滿漢大小將弁配坐船隻從潯尾進兵臣同福寧
總兵臣黃大來漳州總兵臣吳三畏率領鎮標各營
叅遊馬勝等并守備千把以及外委隨征大小各弁
員配坐分撥督臣捐造八槳船三十隻及投誠總兵
吳桂等帶來船隻仍挑選新附熟練精兵卽令僞鎮
將吳桂羅士鈐吳天祿帶領協同官兵從海澄一路
而進三路訂期於二月二十六日一齊追擊逆賊聚
鯨迎敵我兵大砲擊破賊船甚多斬殺淹死逆賊在
海洋之中難以千百計數賊衆大敗遠遯當有防守
廈門僞總兵黃瑞張雄吳國俊等率領僞兵投誠隨
於二月二十七日亥時克取廈門島中人民數萬口
臣等仰體

皇仁禁戢官兵不許傷害出示安撫訖查探賊船尚有三
百餘隻現泊蓼螺等處尙思狂逞應俟水師提臣船
兵到日會商夾勦以絕根株但臣自提師鳳山與督
撫諸臣罄竭心力經營滅賊之策時因省會無水師
南下未能飛渡且臣係統轄陸路原無船隻水兵近
因分撥督臣捐造八槳及招諭偽總兵吳桂羅士鈐
等各帶船隻來歸臣多方鼓勵各願領衆殺賊自効
臣不敢以水陸岐視致失事機隨飛咨督撫諸臣調
發官兵分路夾擊今積年盤踞逆穴一旦蕩平海宇

廓清邊陲安靖此皆仰藉

朝廷威德下賴各將士協和用命而水師提臣之功尤不
可泯除在事有功大小將弁及傷亡官兵併得獲船
隻器械等項數目容臣查明另造清冊送部察覈外
理合先具飛

報上慰

睿懷臣謹具疏密題伏乞

皇上睿鑒施行奉

旨覽卿奏會同滿漢官兵進剿海逆擊敗賊衆恢復廈門

具見調度有方將士奮勇可嘉在事有功人員著議叙
具奏兵部知道本內副都統訛寫都統着飭行

康熙十九年二月二十九日

彙報招撫等事疏

題爲彙報招撫投誠官兵數目仰祈

睿鑒事竊臣自康熙十七年七月內提師入閩八月內救
解泉圍旋即帶兵至漳州劄營鳳山一帶與賊對壘
賊首劉國軒等調集各處精銳賊兵十餘萬分佈觀
音山灣腰樹等處倚山負海挖濠築城以拒我師臣
仰仗

天威雖屢戰屢勝斬殺不計奈賊衆繁多誅之不可勝誅
臣晝夜焦思非剿撫並用不能一時散其黨羽潰其

腹心遂一面斷其糧道出奇撲勦以張捷伐之威一面散遣間諜多方招徠以廣

皇上好生之德併申飭沿海將領一體招撫計陸續招到偽官共一千二百二十八員偽兵共一萬四千七百四十三名眷口共二百四十七名口難民共三千七百五十二名失陷投回官共二十八員投回兵共五百六十名臣俱竭力捐資多方安頓查係偽總兵副叅遊則賞給緞疋袍帽凡係偽都守千把弁兵則分別酌量賞給花紅銀牌等項以示鼓勵比因海澄未復廈門未平臣滅賊志切未遑題

報俱經咨明督臣在案內有已經督臣彙

題支給俸餉者有願在營食糧分發各營收伍者有願原籍歸農行令有司安插得所者此自康熙十七年七月起至十九年二月二十三日止臣所招撫偽官兵民之數也茲於本年二月二十四日恢復海澄二十七日克取廈門賊渠敗竄其拚命奔船餘黨或潛踪海汊或逃匿深山若不及時招撫恐復爲害地方臣卽多張曉諭分遣能員許令就撫自新隨招到偽

總兵八員僞副將叅遊等官共三百九十一員都守千把等官共三百五十六員僞兵部并僞監軍叅議副使文職等官共三十一員僞兵共一萬三千九百八十八名眷口共一千零七十二名口各繳有僞印劄船隻盔甲器械旗幟等項前來投誠臣隨逐一查明凡係僞總兵及副叅遊僞兵部監軍等官俱給賞緞疋袍帽若係僞都守千把官兵俱分別賞給花紅銀牌外復卽連人咨送督臣分別安插在案內有僞總兵吳桂羅士鈐僞副將吳天祿等感激

國恩願殺賊自效臣遂令協同官兵攻克廈門著有勞績已經另疏

題報外此臣自本年二月二十四日以後仰體

皇仁招撫僞官兵目之數也似此撫綏脅從散賊黨羽乃分內之事非敢希倖議叙但臣兩載之內剿撫兼施備竭心力今幸賴

皇上齊天福祚海宇廓清賊黨向化合將前後招撫過情形併疏

題報除將僞官兵姓名數目僞印劄關防船隻盔甲器

械另造清冊送兵部查覈至各僞官傾心歸附作何
分別錄用合聽部議臣謹具密疏

題明伏乞

皇上睿鑒施行

康熙十九年三月十三日

恭報回泉日期疏

題爲恭報微臣回泉日期仰祈

睿鑒事竊照微臣自康熙十七年六月內奉

命調閩七月內入境卽整兵進剿誓期掃平逆賊以上報
隆恩嗣於八月二十六日救解泉圍後十月初四日帶兵
南下漳州駐營鳳山一帶與賊對壘官兵晝夜環甲
枕戈迄今十七閱月雖嚴寒酷暑風雨晦明之候俱
不敢刻令懈弛至原帶盔甲器械等項因屢次與賊
血戰露處日久多有損壞不堪茲仰仗

天威海澄克復廈門蕩平所有被陷百姓及投誠僞官兵
日人等臣與督臣姚 撫臣吳 上體

皇仁加意撫綏移明分別安插其海澄廈門係水師汛地
交水師提督萬 檢兵防守外惟是泉州係臣駐劄
之地今逆穴旣平自當亟回彈壓兼各官兵征剿年
餘亦當稍爲休息再加訓練以養銳氣其盛甲器械
弓箭等項應收拾整頓以壯軍威况臣已衰老久在
行間衣不解帶日不交睫心血俱枯淋閉舊症復發
亦擬就泉延醫調治除將沿邊各汛應行設防善後

事宜移咨督撫諸臣酌議分布俟議妥之日會疏另
題外臣隨於康熙十九年三月二十四日帶領臣標官
兵回駐泉州再加整棚保固地方所有回泉日期理
合具疏

題報伏乞

皇上睿鑒施行

康熙十九年三月二十四日

恭謝天恩疏

奏爲恭謝

天恩事本年三月二十六日臣自漳南班師回臬行至同安地方接得在京提塘官丁天生稟稱蒙內院發出御賜日講四書解義一部四套計二十六本齋捧到臣臣隨恭設香案望

闕叩頭謝

恩祇領訖伏思

皇上備堯舜禹湯之姿

體孔曾思孟之道

孝慈恭儉

文武聖神加之敬

天勤民

宵衣旰食於是逆孽削平寰區底定正當畏威懷德之年
務求內聖外王之學爰

命儒臣於日講四書解義彙校成帙

親加裁定復灑

宸翰序之篇首使聖賢理道昭昭如日月之經天而又

睿思覃被

寵頒內外文武大臣各一部今皆開卷曉然斯誠

聖王千秋之勝事曠代之

盛典也臣以橐鞬之餘仰荷

隆恩得邀

殊錫際此凱旋息馬不特微臣跪誦欣覩

聖學之高深卽在軍中將士亦共明尊

君親

上之大義而臣子子孫孫敬奉爲

平陽縣 卷之三
典謨訓誥咸戴

榮恩於奕世矣謹具疏奏

謝伏乞

皇上睿鑒施行

康熙十九年四月十五日

閩疆已荷等事疏

題爲閩疆已荷

天威底定謹

請撤回援剿官兵以省錢糧事切臣自康熙十七年六月
內奉

命入閩時值海逆猖獗臣恐閩省官兵不足以資征戰隨
於欽奉

上諭事一案內請就松江提標六營內挑選精銳馬步戰
守兵丁一千七百名合臣原帶材健共足二千名戰

平陽縣 卷之三
馬四百匹及盛甲砲械并遴選將弁等員分領隨臣
入閩照例支給行坐糧餉與安家月米并

請照昔年臣標調援浙江之例事平之日卽令各兵仍歸

松江原伍等因荷蒙

俞旨部文行臣欽遵在案各兵自到閩省卽隨臣解救泉
閩旋復南援漳州剗營鳳山與海賊咫尺對壘朝夕
砲火相持大小數十血戰各官兵皆首先用命破敵
極爲勞苦茲仰賴

皇上天威海澄克復廈門等島俱已蕩平臣於本年三月

二十四日班師後念各兵久戰積勞擬卽疏

請遣歸松江原營緣臣身任封疆之重雖島嶼甫清而鄭
經劉國軒等先敗遯蓼羅繼竄銅山南澳希圖勾連
廣東巨盜乘隙再逞兼以江西交界之邵武建寧延
平各府山寇江機楊一豹等尚未投誠臣有通省應
援之責一聞有警卽當帶兵星馳撲剿故不得不將
原帶松江援剿官兵暫留以保萬全今銅山已經克
取鄭經劉國軒俱遠竄臺灣其朱天貴等與山寇江
機楊一豹等俱經臣同督撫諸臣會遣弁員宣布

皇仁招徠次第就撫是全閩山海地方已定雖臺灣餘孽未盡殄滅然有水陸經制官兵現在奉

旨公同巡閱酌議派防自足分佈扼守其援剿官兵除臣原帶材健三百名先已補入福建提標經制缺額外今左右兩營額兵一千七百名應照事平之例題

請發歸原伍以慰久戍兵心以仰承樽節者也除將遣發各官兵回松緣由臣已經面商兵部侍郎臣溫等會疏另

題外再查本年二月內臣准兵部咨開爲請撤援勦官兵以期節省錢糧以免士卒遠戍事內開効勞官兵俱額外存留准食俸餉官員俟本省有應補之缺出卽行推補其兵丁查汰老弱及缺額陸續頂補干把等俟有缺出卽行推補嗣後撤回効勞官兵如有似此裁缺者俱照此例奉

旨欽遵在案今援勦左營遊擊張念祖守備楊可能右營遊擊楊懋綬守備李魁千總鄧應魁張奉李永科李亨等四員把總蘇明彥張六陳亮江光斗楊保王豹曾子孟等七員皆遠涉數千里瘴濕地方與海賊兩

年血戰鋒鏑餘生勞苦已極自荷

皇仁破格軫念其發回額外仍准食俸俟本省缺出推用之處合聽部議內遊擊張念祖一員現委署福建建寧府城守副將事務經臣會疏保

題實授尚在候

旨合併聲明至於各兵自泉回松計程二千八百餘里俱原帶有盔甲砲械什物等項長途不能肩負并乞

皇上俯恤官兵在閩血戰勤勞

勅部照例行文福建浙江江南督撫陸路撥給人夫水路撥給船隻并將各兵原給鹽菜行糧沿途照舊支給俟到松之日住支俾各兵途中不至匱乏則三軍益深感激爭思報効於將來矣臣謹會同督臣姚撫

臣吳合疏密

題伏乞

皇上睿鑒勅部議覆施行

康熙十九年六月二十七日

地方已定等事疏

題爲地方已定久戍堪憐謹

請發回原調兵丁以恤勞卒事竊臣於康熙十七年六月
內奉

命入閩至七月二十二日到福建省城隨查福建提標額
兵因在海澄失陷缺額過半臣欲召募補伍以資征
勦恐新兵土著脆弱又未經訓練臨敵難用隨以剿
寇務選勁兵等事疏

請就於山東河南調撥精兵入閩殺賊立功所食錢糧卽

平陽府志 卷之三
將臣標缺額之糧餉兌給支領俟地方大定如調發兵丁內有願留者聽其填入經制其餘悉發回原營將臣標另行補額等因隨經部議調撥總河標下兵馬壹千山東撫標兵馬壹千河南烏鎗兵丁壹千委撥賢能官員鼓勵前去福建覆奉

俞旨行臣欽遵在案至康熙十七年十二月十九二十等日康熙十八年正月初七等日各兵先後到臣營盤分撥臣標伍營收補缺額卽派守邊牆晨夕與賊砲矢相持屢經血戰用命勞苦今仰賴

皇上洪福海澄已復厦金各島俱平卽上游延建邵各處山寇亦已次第就撫前項兵丁拋離父母妻孥從山東河南跋涉數千里遠戍海疆辛勞可念相應准照事平之例發回各省原營收伍以遂休息至於各兵歸到原營之日應否准照請撤援剿官兵以期節省錢糧以免士卒遠戍事一案之例額外存留食餉俟該省查汰老弱及缺額陸續頂補之處合聽部議惟是各兵自閩發回山東河南程途遙遠其原帶盔甲砲械等項什物不能身自肩負伏祈

皇上慈恩俯念軫恤

勅部照例行文經過閩浙江南各省陸路撥給人夫水路撥給船隻俾各兵長途得稍免勞苦則三軍益深感激思効矣除將發遣各兵各歸原營緣由臣已經面商兵部侍郎臣溫 會疏另

題外再查各兵入閩之時俱經東豫督撫選撥將備千把等官分領管押茲遣發各歸原省若無將弁統率恐長途生事滋擾在臣標各營既將各兵發回所遺額缺應候兵部侍郎臣溫 併督撫諸臣會議卽於

閩省現在議裁官兵之內挑選精強補伍但海疆雖定而臺灣餘孽尚未盡殄若新收零星之衆不爲及時操演萬一地方有事不足以資臂指之用是臣標將弁必須留營訓練新兵以備征剿委難着令押護東豫之衆茲臣議於閩省各營選撥能幹遊擊三員建寧城守中營遊擊馬登瀛福州城守左營遊擊韓又琦汀州城守左營遊擊董子英并於各營挑選能幹守備千把各弁候

命下之日着令帶領各兵回山東河南原營惟是各兵長

平陽縣志 卷之三
途缺乏盤費臣一面咨會督撫俟起行之日給與兩
個月糧餉以免各兵枵腹理合一并

題明臣謹會同督臣姚 撫臣吳 合疏密

題伏乞

皇上睿鑒勅部議覆施行

康熙十九年六月二十七日

聖主恩遇有加等事疏

奏爲

聖主恩遇有加微臣老病實甚謹激切陳情仰祈

天恩俯允以無誤巖疆事切臣一介戎行荷蒙

世祖章皇帝我

皇上知遇隆恩歷任山西江西廣東福建山東江南等處

計三十餘年督兵所至剿寇安民倖無隕越比時年

力強壯身無疾病東西南北惟

君所命嗣調任松江臣年已逾六十血氣衰弱脾家泄瀉

幼年所患淋閉之症復發時時頭目昏暈每欲乞休
醫治伏念時方多事

皇上正在宵衣旰食臣何敢言老言病數年拮据幸江南
半壁財賦重地得保安全至康熙十七年五月初六
日復蒙

特恩加臣少保調補福建全省提督臣實自揣老疾不堪
具疏控辭荷蒙

溫旨慰勉跪誦之下感激涕零遂扶病冒暑兼程赴閩自
恢復惠安縣奪獲洛陽橋救解泉圍卽赴漳州會師
攻復江東橋屯營鳳山嶺以逼賊壘又蒙

皇上加授昭武將軍臣益自感奮誓不與賊俱生前後大
小數十餘戰皆親冒砲火槍箭於鋒鏑之下身幸無
恙惟是逆賊以臣自刎從戎久在各省立功獨挑選
精銳扼踞險要與臣師相拒經臣屢挫其鋒又於海
倉烏嶼高浦等處斷賊聲援遂得分頭進兵連破一
十九寨攻復海澄克取金門廈門逆穴此皆

皇上洪福微臣職分當然然臣兩載行間備受山嵐瘴氣
兼之晝夜食不甘味臥不安寢心血嘔盡精力日益

平陽府志 卷之三
三
衰憊淋閉之症日甚一日加以陰陽不分脾泄痰多
手足麻木兩目昏花此將軍都統督撫滿漢文武所
共知者自班師回泉以來遍訪名醫診脉咸謂勞傷
過甚氣血兩虛非靜息調治不能痊可臣思提督全
省任大責重兵馬日應操練軍務日應料理無容片
刻休息况剿除寇氛猶易保境安民爲難今海寇雖
經敗遁而鄭經劉國軒等奔竄臺灣必須年力強壯
之才方能爲閩省圖保萬全若臣實老實病倘因循
時日貽誤地方上負

聖恩臣罪滋大正在繕疏具辭間蒙

皇上差兵部侍郎溫代到閩會同詳閱地方形勢安設官
兵展復海界各事宜臣遂未敢拜疏復扶病同侍郎
溫代尚書介山侍郎吳努春暨督撫於沿海一帶地
方遍歷山島親涉波濤衰病之軀冒暑驅馳疾勢益
增更屬難支此又奉命大將軍和碩康親王與侍郎
溫代尚書介山侍郎吳努春暨督撫各鎮所目擊者
卽欲控辭復念水陸設防諸事見在會議合疏具
題又臣所帶江南官兵及調來山東河南勁兵疏

平陽縣志 卷之三
請撤回日候部文到日遣發何敢遽爾稱病今巡界設兵
諸事已竣山東河南江南各官兵已准到部文業卽
捐俸犒賚起行而臣病已深時臥床箠間精神贖耗
萬難勉強支持矣臣受

恩兩朝叨榮四世秩進將軍若少可力疾供職何忍輕言
辭任矧臣二年剿賊當鋒鎬危險之中尚思捐軀盡
瘁豈今事平之日反亟乞休則臣非規避可知又臣
自松江聞

命曾經控辭迨上年十月內自陳一疏本年三月內班師
一疏俱備陳老病歷歷可查則臣非今日冒竇可知
且臣之病體疴羸凡閩省八旗將軍都統督撫諸臣
共悉更

上差侍郎溫代等目覩最真則臣非托辭圖逸可知臣於
入閩之初正值逆氛猖熾山海交訌經臣兩年心血
剿撫兼施幸今逆島已平地方底定是臣已將閩省
封疆百姓竭力經營少可上副

聖恩任使臣聞犬馬有勞尚加帷蓋之恩臣以三十餘年
効力疆場望

恩尤切伏乞

皇上鑒臣篤疾憐臣真悃

特允辭職俾得就醫調治另

簡賢能膺茲重寄倘醫治少痊不卽遽填溝壑異日尚可

爲

朝廷報効則有生之年皆再造之日矣臣不勝惶悚待

命之至爲此具本遵例傳捧謹具奏

聞伏候

勅旨奉

旨卿簡任提督効力巖疆平定地方久歷戎行功績茂著

年老有疾朕已悉知以福建濕熱與卿病體不宜特旨

調補江南提督着速赴新任加意調攝安輯兵民不必

以疾求罷該部知道

康熙十九年九月二十四日

恩綸俯恤等事疏

奏爲

恩綸俯恤愈隆臣心感激無地謹力疾祇遵恭謝

天恩事臣於康熙十九年十一月初七日准到兵部咨爲
請

旨事內開職方清吏司案呈奉本部送兵科抄出該本部
題前事內開江南提督王永譽已陞廣東將軍所遺
員缺相應推補該臣等議得查定例內提督缺出將
八旗副都統及現任總兵官輪推開列十員職名具

題今江南提督員缺將候缺提督馬寧開列具題外
此員之後或將八旗副都統或將現任總兵官開列
具題之處臣等未敢擅便謹題請

旨等因康熙十九年九月初一日題本月初四日奉

旨楊 蒞任福建提督剿禦海賊安輯地方著有勞績前
任江南兵民相安今閩省已經平定着以原銜管江南
提督事寫勅與他欽此欽遵抄部送司案呈到部擬合
就行合咨欽遵查照等因到臣准此臣以衰老病軀

驚聞

寵命卽擬繕疏控辭緣於本年九月二十四日具有

聖主恩遇有加微臣老病日甚等事疏懇乞休私計犬馬
衰憊情形必邀

睿鑒俞允正在引領候

旨故未敢再為竇陳茲於十一月三十日接閱邸報內開
臣具奏

聖主恩遇有加等事奉

旨卿簡任提督効力巖疆平定地方久歷戎行勞績茂著
年老有病朕已悉知以福建濕熱與卿病體不宜特旨

調補江南提督着速赴新任加意調攝安輯兵民不必
以病求罷該部知道臣跪讀之餘踧踖無似念臣荷
兩朝知遇自分捐糜踵頂不足上酬

高厚於萬一祇以力難勝任少幸闕疆平定用敢冒昧瀝
情乃重蒙

眷注憐臣老病

天言慰勉更以閩地濕熱與臣病體不宜調補江南
命臣加意調攝臣雖實老寔病視茲曠世

隆恩義則

君臣親逾父子臣獨何心安敢再言老病仰辜

殊寵謹電勉力疾祇遵望

闕叩頭謙

恩從此一息尙存圖報

聖恩一息不敢少懈惟有鞠躬盡瘁爲

皇上保固地方安輯兵民以副

異眷之優渥也應俟部文到日方敢欽遵恭

謝因奉有速赴新任之

成命感

恩心切不敢稽遲謹疏奏

謝候新任提臣到日交代卽赴江南任所另疏題

報再臣既奉

特旨以原銜管江南提督事所有昭武將軍印相應恭捧
至江南衙門開用理合一併

奏明伏乞

皇上睿鑒施行

康熙十九年十二月十一日

平閩紀卷之四目錄

箋啓

飛調官兵啓

飛調官兵覆啓

延平兵不便發回啓

用荷蘭議啓

遣發興鎮兵啓

統兵援漳啓

往漳會剿啓



緩征東石啓

覆同安兵單啓

啓康親王

密陳平海啓

彙報僞鎮投誠啓

微臣報國心切啓

塘報殺賊啓

塘報剿賊啓

報安營啓

恢復海澄縣啓

恢復廈門啓

彙報招撫投誠啓

清查兵數啓

平閩紀卷之四

懋紹漁山

三韓楊 捷元凱著 男懋緒令鴻纂

懋綸今掌

箋啓

飛調官兵啓

爲丞請飛調官兵事竊照逆賊猖獗攻陷海澄現今
侵犯泉州本職叨受

朝廷重寄恨不星馳撲剿滅此朝食奈所帶官兵爲數無

平陽府志 卷之四
幾而逆賊擁聚數萬勢甚鴟張非調集官兵多帶砲
火不足以大挫賊鋒本職管見除延建汀邵四府現
有山寇江揚子等響應竊發流突不常恐上游震動
不便輕調外如福清長樂等營俱可移緩就急以濟
目前援剿今查福清營官兵一千名除前經抽調三
百名今現在七百名內應抽調二百名長樂營官兵
一千名除前經抽調二百名貼防福清今現在八百
名內應抽調三百名羅源營官兵一千名除總督調
征三百名今現在七百名內應抽調二百名連江營
官兵一千名未經抽調內應調撥四百名福州城守
三營兵共二千七百名經前抽調四百名尙存兵二
千三百名內應抽調三百名福寧鎮標三營官兵共
三千名并桐山營官兵一千名未經抽調應調二千
名以上共應抽調官兵三千四百名伏乞

王爺俯念泉郡垂危援剿刻不容緩如允本職抽調卽
當遵照飛檄各營照數抽撥多帶火器併飛咨福寧
總兵官親自帶兵尅日到省以便本職統領前往興
化相機策應候大兵到日大舉滅賊事關抽調官兵

平陽縣志 卷之四
本職不敢擅專仰懇

王爺睿鑒速賜行職遵奉施行啓

康親王

康熙十七年七月二十六日

飛調官兵覆啓

爲啓覆事本月二十六日敬奉

王爺令諭內開查福清等營官兵俱經總督先已抽調
赴漳今各營城守所存無幾諒無可再調之兵其福
寧總兵官黃大來前經總督屢啓調發本親王以省
城爲重不便遣發今該提所啓各營官兵尙未清查
卽如長樂一營先調二百貼防福清後奉本親王又
調五百前赴興化該提俱在未知今所啓各營官兵
應否可調該提逐一再行據實查明啓覆可也等因

到職敬此案照職先以所帶兵馬單薄前途賊勢猖獗恐有衆寡不敵之虞具啓

王爺請調福州城守并長福連羅以及福寧鎮標銅山營各處官兵三千四百名帶領前進今敬奉

令諭以職所啓各營官兵尙未清查再行據實查明啓覆等因但職初到閩省凡衙門卷案數目及經承人役俱係前任提督段帶往海澄今現在書役數名亦只就經制兵數約畧開筭其各營之現在細數實所未知除長樂營官兵今遵奉不調外如福清管應

調之二百名連江管應調之四百名因該管現在兵數未據冊報無憑查筭然大約缺額不多俱應照原啓之數抽調羅源一營近據該營守備余福冊報現在兵丁九百九十名除調往漳州三百二十三名現兵六百六十七名亦應照原啓抽調二百名至於福寧鎮標及桐山營近據各該將領劉濟源等冊報現在兵丁三千八百四十名亦應照原啓調兵二千名併令該總兵統領來省其福州城守三營雖未據該副將冊報實數近處

王爺赫濯之下諒可無恐亦應照原啓抽調三百名以上福清連江羅源福寧并福州城守各營共應調兵三千一百名職豈不知閩省沿邊各營在在需人扼守惟是今日泉州被困勢在萬分危急賊衆數多人心搖惑而職所帶兵馬爲數有限若於各營移緩就急候大兵到日一齊奮勇直前大挫賊鋒則泉州之圍旦夕可解倘不亟調各屬之兵則無兵可調猶豫耽延賊衆之烏合愈多官兵之志慮益懈稍有不虞則全閩之大事去矣海疆安危在此一舉今敬奉前因職不得不懇切啓覆伏乞

王爺睿裁賜示施行

康熙十七年七月二十七日

延平兵不便發回啓

爲啓覆事本月初三日奉

王爺發下延平城守副將康泰啓本二道并奉

令諭交發提督敬此該本職遵查啓內所報尤溪大田
二縣毗連德化聞逆賊聚衆在赤水欲來侵犯城汛
兵單乞將守備宋希聖所帶兵丁三百名發回以備
防禦等情竊照守備宋希聖等官兵先經本職啓明
王爺發回一百名隨令把總龐友帶領協防大田尤溪
去後再查延平二營兵數據副將冊報實在兵丁一

平岡紀 卷之四
千九百六十二名內除調往漳州六百八十二名留
省二百名現在該府縣汛尚有實兵一千零八十八名
際此多事之時該副將身在地方自當酌量險易移
緩就急通融扼守以保萬全何得執定發回宋希聖
所帶兵丁二百名方足分堵要口且目下泉州被圍
勢甚危急本職以兵力單薄懇切具啓荷蒙

王爺俯鑒准調各營官兵并力南下現在檄催齊集何
等緊急查各營俱係邊海要地處處需兵惟以酌量
緩急勢不得不嚴檄調撥若各營俱如副將康泰之
屢次混濇則通省無一兵可調將泉州之圍可坐視
不救耶伏乞

王爺大奮睿斷飭行副將康泰於實在兵丁一千八十
名之內酌量調遣策應扼防務保萬全如藉口兵單
致有疎虞請祈

王爺威靈治罪施行

康熙十七年八月初四日

用荷蘭議啓

爲稟明下情懇乞 題請事本年九月二十七日敬
奉

王爺令諭內開准兵部清字咨開該議政王會覆福建
巡撫吳 具題前事查得巡撫吳 奏稱荷蘭國馬
珍西氏稟稱夾板船到閩隨卽貿易如有順風卽令
發回等語相應將現到船隻令其貿易如伊要回卽
令發回稟內又稱必得覓一空閑之地蓋房居住除
奉禁貨物之外其餘聽憑貿易并請給

勅如有用本國之處於何年用差遣何事亦應請

勅書內註明等語大將軍康親王等身在地方或於目前用荷蘭國之兵夾剿海賊或於何年定期用荷蘭國之兵夾剿金門廈門等處問明馬珍西氏定議具

題到日給

勅并空地蓋房及嗣後作何貿易之處再議具

題可也康熙十七年九月初七日 題本日奉

旨依議欽此欽遵抄出到部擬合就行到本親王准此合行諭知該提即將水師曾否招齊船隻曾否備足今

荷蘭國官兵應於何時調用在於何處夾剿速將此等事宜確議啓覆本親王以憑再加會議

題覆可也爲此特諭等因到職敬此竊照本職自江南帶兵到省時因泉城被圍日久急於應援隨卽整旅南下力解泉圍拮据行間兩月於茲其於水師之曾否招齊船隻曾否足用尙未及周知至於荷蘭國官兵應作何調用令其何處夾剿本職到閩日淺尤未深察其腹心情形未敢輕率啓覆况招集修理水師船隻及調用荷蘭國官兵俱係撫院

題請今奉前因除現在就近移咨撫院商議容議妥移
覆到日另文啓覆外合先具啓伏乞

王爺睿鑒施行

康熙十七年九月二十八日

遣發興鎮兵啓

爲諭知事本年九月二十八日敬奉

王爺令諭內開據興化鎮總兵官劉德懋啓報湄州有
賊船二百隻內有大桅船八隻水陸賊兵俱剽湄州
滿山上俱是帳房約有一二萬衆議定水陸齊進黃
石涵頭業經三啓殿下遣發官兵來興防守未蒙遣
發職何敢再四瑣請但事在危急之秋不得不涕泣
相告伏乞俯念興化一郡爲下游咽喉城內兵單至
極迅賜諭行提督楊 將職標留臬官兵遣發回興

等語照得該提爲福建全省重寄何處當多兵固守何處當酌量調撥應從長計議務保萬全其在臬官兵亦不爲少今屢據劉德懋啓報情由合行諭知該提或以興郡緊要應將興鎮留臬標兵速行遣回或以興郡爲不足慮亦聽該提酌量而行可也爲此特諭等因到職敬此案照先准興化總兵劉德懋咨報海寇聯踪湄州上山劉營欲犯府城等因業經本職會商巡撫於九月二十一日一面遣發興化鎮標右營遊擊陳永茂并撫標隨征總兵張韜共帶官兵一千名前往興化應援一面各差官星夜馳往興化探聽逆賊情形續據差員回稱查得興化沿邊並無海賊上山劉營亦無大船賊艘并據防守涵江撫標隨征總兵陳欽塘報海逆情形相同本職隨經移明總兵劉德懋嗣後務將賊情偵探確實咨報勿得輕聽浮言在案令奉

王爺令諭前因本職自當敬遵酌量遣發但洛陽橋惠安縣二處乃邊海要緊汛地兼惠安尙無城垣若防守兵單何以彈壓容俟再查海賊動靜作何向往有

平陽縣志 卷之四
無豕突之息另爲調遣可也合先啓覆伏乞

王爺睿鑒施行

康熙十七年九月二十九日

統兵援漳啓

爲咨會事本月初五日卯時准寧海將軍喇 咨開
照得本月初四日有

王爺發來鈞諭諭副都統查音布卽將四路兵馬挑選
帶往漳州進剿提督石 總兵黃 官兵仍同前往
其提督楊 乃係福建全省重臣泉州係是緊要之
地去與不去聽該提督自行酌量等因則是福寧鎮
黃總兵乃係奉令往漳進剿之員今現同貴提督在
東石剿賊或俟東石賊平前往漳州或彼處兵力已

足卽令馳赴漳州統候貴提督酌量遣發可也等因到職准此竊照東石地方久被賊踞前同巡撫吳興祚會商發兵進剿先遣邵武副將郭奇等帶兵先行攻剿去後嗣巡撫於初三日起行本職於初四日領兵前進聞據副將郭奇等報稱巡撫已將撫標遊擊呂八音福清遊擊朱翰原帶官兵一千名掣回帶往漳州去訖今本職看得東石一寨逼近海邊雖應剿滅第三面皆海數年以來築城挑濠恃險拒敵一時難以攻克且不過彈丸之地今總督姚啓聖咨稱逆賊大夥俱在漳州屢催滿漢大兵會剿茲副都統查音布已奉

王爺令諭同浙提石調聲總兵黃大來齊往漳州茲泉州雖係緊要重地但現有寧海將軍喇哈達同副都統楊鳳翔統領滿漢官兵駐守至漳賊未平本職亟應前赴剿除現將隨帶官兵同副都統查音布等馳往漳州會剿其東石一寨俟剿滅漳賊之後再行攻取亦未爲遲理合啓明伏乞

睿鑒施行

康熙十七年十月初六日

往漳會剿啓

爲啓報往漳會剿海寇事竊照東石一寨乃海賊運糧要地先經寧海將軍同查都統吳巡撫與本職商議應先行攻取然後南征隨於九月二十八日遣發撫標遊擊呂八音及職標遊擊王景張念祖并各協營官兵共三千員名委令邵武副將郭奇總統前往攻打東石續據副將郭奇等稟稱此寨三面臨海只西北一面通岸路官兵到彼下營賊卽用砲打出我兵亦發砲打進兩下相持奈路窄難以進攻具稟請

示間續因總督移咨請兵吳撫院於十月初三日隨將攻取東石撫標遊擊呂八音福清營遊擊朱翰并所帶兵丁調掣隨帶往漳面會總督去後初四日本職選帶官兵并運大砲蘆圍往攻東石因詢據各將弁皆云東石雖一彈丸小寨奈逼近海邊所開河溝與海潮相接只一面通陸路官兵攻打無可用力之處且又准總督催請往漳等因本職隨於初五日將大砲蘆圍發回泉州於初六日帶領官兵先行漳州會剿劉國軒等賊已將緣由啓明

王爺在案初六日本職在沙溪下營又准總督咨爲十請泉州官兵會剿海賊事移催本職速赴漳州會剿并據副將郭奇遊擊王昶各稟稱奉總督行調該將等立刻往漳如再遲延定行先拿後叅等語各將領恐爲總督叅拿懇請各准帶兵南下本職因此二枝兵馬原係總督發隨寧海將軍應援泉州之兵未便固留准其去訖本日又准寧海將軍咨留本職回守泉州咨內備敘奉有

王爺令諭泉州係緊要之地提督有全省之責應否往

漳聽本職自行酌量等因但本職細思泉州雖係緊
要重地現有寧海將軍并楊副都統彈壓且有綠旗
各營官兵三千員名本職尚恐不敷防守又撥福州
城守千把總王烈楊宗錢有功等官兵二百八十名
回泉添防自可無意外之虞今漳州現有賊首劉國
軒等大寇在彼窺伺且總督十次移咨諄切請援而
本職忝有全省責任似當赴漳會商進剿俟事平回
泉再剿東石小寇亦未爲遲除現在率兵南下并咨
覆寧海將軍外理合啓明伏乞

王爺睿鑒施行

康熙十七年十月初九日

緩征東石啓

爲諭知事本月十一日奉

王爺令諭內開據寧海將軍啓請再諭撫提速回東石
剿殺逆賊等語照得該提身任全省重寄何處緩急
自應籌畫調度今東石地方現有逆賊且離泉不遠
若泉州或有可虞之處該提卽當酌量發兵將東石
逆賊速行剿平以清泉州肘腋之患或以東石爲不
足慮官兵卽可赴漳亦俟剿滅漳州逆賊之後該提
當作速回泉保固地方總之該提身在地方自知緩

急情形茲據該將軍啓報前因合行諭知該提酌量而行可也爲此特諭等因到職敬此案照攻取東石情形業經本職啓明

王爺在案續因總督疊咨請兵本職又不得不帶兵南下今已於十一日到長泰縣過河十餘里下營十二日可到漳州俟到漳面會總督巡撫商議應作何進剿另啓馳報倘仰邀

王爺威靈得早奏膚功自當星速回泉再剿除東石之寇也今奉前因合先啓覆伏乞

王爺睿鑒施行

康熙十七年十月十二日

覆同安兵單啓

爲特諭事本年十月二十日敬奉

王爺令諭內開據寧海將軍喇哈達啓報海寇復犯同安已被侵佔杭協副將馬化龍等俱退回泉州府等語照得泉州屬縣原係緊要而同安一邑尤須多設官兵加謹防禦是以本親王前諭有提督統轄通省應否赴漳該提當自爲酌量而行今該提並未前後籌畫竟自赴漳以致同安失陷該提爲通省重寄自當籌畫周詳不得似此疎忽今於支到之日作速遣

發官兵恢剿同安平復之日仍須多撥官兵嚴加固
守毋得如前輕視可也爲此特諭等因到職敬此案
照十月初四日據副將馮昭京報稱海賊吳淑率領
賊衆數千於十三日從石滸地方登岸搶糧離縣十
餘里該副將會同杭協副將馬化龍率領官兵前去
堵禦我兵奮勇冲擊殺死賊衆一百餘名被傷賊衆
二百餘名奈賊夥數多我兵單薄衆寡不敵隨冲圍
殺出因同安縣城先經被賊推平至今尙未修築無
城可守隨將兵馬抽割梵天山副將馬化龍將兵馬
復帶回泉州逆賊亦卽退回上船而去但同安要地
請添兵設防等情隨經本職面商督撫挑選馬步精
兵四千五百名於十五日馳往同安添防隄備海賊
聞風立即開船遠遁仍回海澄去訖該本職復細查
逆賊吳淑帶衆在石滸海邊搶糧離城十餘里實未
到縣且城垣未築人民俱未歸家官兵無城可守因
衆寡不敵退割梵天山原非失陷城池今奉

王爺令諭前因理合據實啓覆伏乞

睿鑒施行

康熙十七年十月二十一日

啓康親王

爲機有遲速等事本年十一月十七日准 兵部密
劄該議政王等會覆福建提督楊 題前事等因康
熙十七年十月初十日題十一月初一日奉

旨議政王貝勒大臣會議具奏該臣等會議得福建提督
楊 疏稱臣率領江南帶來原兵并福建提標官兵
七百餘名長驅赴漳到同安縣地方忽接督臣疏稿
以爲屢調不至坐失事機等因具題當海寇圍困泉
城聲勢洶洶之際急于奔援者機有不可遲也及泉

圍既解臣未克速往者實因餘氛未靖倘不圖善後則漳泉兩郡勢皆不可爲臣今現在漳州與督臣面商進勦機宜務期文武和衷掃蕩群寇以紓

皇上南顧之憂斷不敢稍存圭角等因查近經臣等會議總督提督俱係封疆大臣嗣後總督提督等若有調度綠旗官兵之處一面卽聽伊等酌量調遣而行一面具啓知會

大將軍王等至總督提督等俱係

朝廷倚任封疆大臣必于地方事宜籌畫有益和衷共濟等因具

題行文在案今提督楊 疏稱臣今見在漳州與督臣面商進剿機宜務期文武和衷掃蕩群寇以紓

皇上南顧之憂斷不敢稍臣圭角等語適符大典相應

勅下提督楊 總督姚 和衷共濟同心一意速行勦滅海寇以靖地方可也等因康熙十七年十一月初二

日題本日奉

旨依議欽此爲此合劄該提督欽遵施行等因到職承准此除欽遵外理合具啓伏乞

王爺睿鑒施行

康熙十七年十一月二十日

密陳平海啓

爲密陳平海機宜等事本年四月二十五日准

兵部密咨內開該議政大臣等會覆 和碩康親王

劄授副將原福建安溪縣武學生員李日成 奏爲

密陳平海機宜仰祈 睿鑒採擇事臣草茅微賤生

長閩陬緣閩海煽亂臣親姪光地密與臣謀遣人條

奏機宜幸際光復蒙 恩優授侍讀學士去年海逆

攻圍泉州光地復同臣團練鄉兵守禦地方迎接大

師以解泉圍復蒙 恩優授學士并議敘及臣光地

以臣誼當然不敢冒受又以身在制中不敢親詣

闕廷控辭俾臣齋疏代奏隨蒙傳臣到內閣問海上情形
臣已畧陳一二但聞音塞澁區區之愚未能盡達伏
念臣全家感激

皇上厚恩義不與賊俱生謹臚列滅海數款惟

皇上鑒臣愚忠俯賜採擇一曰嚴海禁逆賊竊踞海島凡
糧食衣甲器械船料等項俱一一取給於內地海界
未遷時沿海居民愚弱者供其搜掠奸巧者潛與交
通故賊得肆行其志自去歲奉

命遷界士民以手加額謂游鬼可立致釜中乃尙蔓延至
今者緣守禦官兵稀少海寇深入不足以制其鋒致
被掠取糧物如故臣愚以爲宜添設綠旗官兵照依
原遷沿海舊堡多人守防一堡寇至則附近諸堡相
爲救援有不用命者置之法至於內地奸民有陰爲
接濟者一經拿獲立置重典務使一絲一粒絕不相
通不過數月彼衆將自潰矣然利之所在走如鶩
無論奸民交通卽防守將弁保無有貪利行私而陰
與爲市者是宜專責督提諸臣嚴加清察勿徇情面

使人人知通海有不赦之條則犯者自寡此不勞而
滅賊之第一策也壬寅癸卯年間行之已效惟在着
實禁防不則空有遷界之名無益也一日杜招撫海
禁既嚴賊糧既絕駸駸乎有不能自存之勢矣爾時
必有倡爲招撫之說以息我師者卽我師久頓海濱
或亦利於撫以爲可庶幾成事也不知海賊萬不可
撫議撫亦萬不能成且一次議撫卽一次墮其奸計
如順治甲午年間會議撫鄭成功矣乃議撫不成而
彼乘我弛備突犯泉漳外縣俱被攻陷去年又議撫

鄭經矣亦議撫不成而彼乘隙攻陷海澄圍困泉州
幾於不守此議撫之明鑒也况內地奸民反側無常
一聞議撫以爲海賊將復得志也則群趨而附之是
議撫爲海賊樹幟也且海賊卽受撫肯遂散其黨夥
乎我師遂可撤回乎徒長賊人之志熾奸民之心墮
國家之體甚無利也臣愚以爲宜一意進剿絕議招撫
則人無附賊之心而滅除之易易矣一日選水師水
師之帥宜得其人也海逆經今三十餘年未能撲滅
者緣彼恃海爲險我無慣練水軍以搗其巢穴故彼

得以內無顧忌而外肆鴟張乘我師之在漳也則揚帆而至泉而泉城被圍矣迨我師之援泉也又揚帆而至漳地而漳地被擾矣彼以逸待勞我疲於奔命可謂計之得乎况我既嚴海禁以絕彼糧食彼勢不能坐而待斃必將大舉登岸以與我師相抗衡勝負之機未知所定惟有習海之將統率舟師一軍直取廈門以攻其腹心一軍趨據澎湖以斷其歸路則彼首尾不能相顧未有不立見授首者故爲今日之計莫急于舟師而舟師之任莫要於得人見今滿漢諸

大帥俱係方畧宿望臣豈敢謂非其人然而水陸異宜以北人而出沒於波濤洶湧之間未見其爲全利也必得平日熟於泉漳水道兼威望素著又深悉海賊伎倆者以爲帥始足寒賊膽而操必勝是在

皇上細加詢訪苟得其人則逆賊之根株可以斬絕而閩海從此永定矣一日商緩急選舟師以滅海誠今日之要著矣然而攻取之法尤有緩急之宜如臣所謂直取廈門以擊其腹心趨據澎湖以斷其歸路此所宜急者也悉力以攻海澄此所宜緩者也蓋海澄三

面臨海一面通陸去歲爲賊所陷賊復掘斷陸道通引海潮則此一面之陸復成巨浸且城小而堅無人民之聚粟米之蓄賊之糧運直從海道相通是彼得之易爲守我失之難爲攻也若欲急於恢復頓兵相拒曠日持久兵疲糧費而無損於賊之毫末計之至拙者也臣愚以爲莫若以攻海澄之力徑取廈門澎湖則逆孽必遁而海澄在吾掌中矣說者謂海澄乃廈門要地欲取廈門必由海澄此不知海者之論也我之舟師自同安以抵漳州處處俱可入海惟患提調水師之無人耳苟提調得人何必區區爭一海澄以爲入海之路兵法舍勞而就逸故緩急不可不議也一日急撫緩聞之民爲邦本本之不固斯爲元氣之憂欲以息亂而亂不可息閩民自甲寅之變遭海寇荼毒者三年矣開復以來荷

皇上蠲免租稅父老感泣喜見天日然時當用兵之際徭役輸將亦勢所不能無惟在去其太甚則民受其賜如兵行則用民夫此用夫之不得已者也然保無有過爲虐索之弊乎有兵則有糧此買糴之不得已者

也然保無有侵沒之弊乎

皇上明見萬里自能深知此中情弊無庸臣言惟願嚴加申飭買糶必使民沾實惠用夫毋得過濫夫額將弁不由有司不得擅索夫役擅派草料旗丁不得藉口劊草等項虐索民夫有司不得有無名之徵奉一派十如此休養生息則民感再生之恩必不肯挺而走險而作賊者寡矣如是而尙有嘯聚山林與海逆遙爲聲援者此亂賊之尤法當剿殺奸民除而良民益安止亂之道莫善於此以上五款俱係滅賊機宜緣

報安營啓

爲啓報安營地方以備策應夾剿情形事竊照職於本月十六日同總督各親帶官兵自鳳山營盤起身於十七十八兩日在烏嶼橋堡充龍堡金山白礁海滄松嶼一帶地方追剿海寇緣由已經啓報

王爺睿鑒在案續同總督審視海滄松嶼地勢離同安尙遠孤處海外與漳州同安各營兵馬聲息不相聯絡不便安營於二十日同總督到灌口界外下營復同往海邊相視形勢見高浦地方與廈門對峙水洋

平賊紀 卷之四
甚近且與同安相隔不遠兼潯尾地方先已有賊踞
占現在屯營并有船隻往來游移意在堵我同安港
船隻與高浦只隔一港汊約有三里餘遠職與總督
相議卽於高浦安設伍營如梅花相聯多架砲火以
牽制潯尾之賊并可爲同安港八槳策應聲援俟我
舟師大鯨到日便可就近夾擊逆賊商議已定總督
遂於二十一日馳回漳州調度官兵船隻預備進剿
職在高浦督令各官兵築壘挖濠伍營共安官兵五
千名俟營壘修築完日職卽馳回漳州統領兵馬進

臣有一得之愚兼詢之輿論不揣密陳字多逾格貼
黃難盡伏祈 睿鑒施行等因康熙十八年四月初
四日具奏本月初九日奉

旨這本內事情議政王貝勒大臣會同確議具奏欽此該
臣等會議得劄授副將李日成條奏內稱宜嚴海禁
杜招撫選水師之帥直取廈門趨據彭湖宜急攻海
澄宜緩買羅必沽實惠用夫毋得過濫五款俱於破
滅海賊撫綏人民似有大益查近經奉

旨特以岳州總兵官萬正色在洞庭剿逆著有勞績令其

選帶伊標官兵赴閩將破滅海賊恢取廈門等處事
宜與大將軍康親王該督提等會商而行已經行文
除水師之帥宜得人一欵無庸議外其餘各欵全錄
行文大將軍康親王及叅贊大臣該總督將軍巡撫
等將作何舉行可以速破海賊以救災黎平定地方
逐一詳議妥確速行具題可也等因康熙十八年四
月十一日題本日奉

旨依議速行欽此等因到職准此理合具啓伏乞

王爺睿鑒施行

康熙十八年四月二十六日

彙報偽鎮投誠啓

爲彙報偽鎮率衆投誠仰副招撫德意事案據同安
城守左營遊擊王大有報稱節奉本將軍憲令仰職
相機勦撫鄭不伐不得稍有疎畧墮落賊計等因奉
此緣照甲職奉令提兵進勦山寇鄭不伐於正月二
十七夜進圍逆寨屢次堵截盜糧殺敗賊衆得獲大
旗火藥器械仍活擒全髮賊夥俱經解報同安馬總
兵轉報及彙報外仍復多方設伏狡賊偵知莫敢下
山接運食盡衆飢鄭不伐計無所出二月十八日始

遣員下山請撫卑職隨宣布

皇仁使其欣歡効順十九日復遣僞坐營中軍鄒其昌赴漳面陳輸誠續奉憲臺頒發旗幟銀牌花紅到寨卑職卽催起行而鄭不伐藉夫米不到游移未決忽於二十四午掌號起營卑職登卽帶兵接踵追行由山路至漳竭方隄防多方招致於二十九日引至軍前投見理合稟聞又三月十六日據投誠僞木武鎮都督僉事陳士愷呈稱卑職帶到轄下官兵及隨附文職共一千四百八十六員名所有隨帶僞令諭三十

九道銅關防五顆關記一顆業繳 總督部院外理合備造清冊呈繳又五月初九日據泉州城守叅將傅成報稱案奉本將軍憲牌指授方畧務將逆賊楊尾黃高郎相機勦撫在案又於本年四月二十一日奉 寧海將軍喇 令牌爲軍務事內開據泉州府報據南安縣報稱逆賊楊尾黃高郎屯聚十六十七等都派劫等情據此合行撫勦備牌仰職卽便帶領所轄官兵親自統率協同浙江撫標守備郭維忠湖協守備張大謨各率本標官兵前往南安相機勦撫

等因又仰泉州知府蔣毓英通判段炳然并令晉江南安二縣知縣調領鄉練民兵協同前往勦撫奉此卑職帶領各營官兵卽於四月二十二日進至南安洪瀨地方探賊衆已離十六七都天晚扎營密行前探續探稱賊衆楊廷彩黃伯屯住十五都隨於二十三日辰時率兵前進由十六七都趕至十五都賊又移去至二十四日又探得賊屯寶塔山踞險分兵佈禦卑職慮賊衆恃險一路難於奏功隨分兵四路扼要並進卑職率領本營把總趙吉楊玉高等原委把

總王三桂有扎守備楊三元隨征外委守備傅國鼎領旗把總朱成龍王奎王尚武等外委把總周世榮蔣旭百隊陳義謝輝等投誠總兵高起勝副將王成叅將黃陵功加遊守千把陳斌忠陳地李振等浙江湖協守備張一謨率領湖標千總段敬亭把總林尙外委把總陳貴周得祿等隨征監生張浩候選府經歷張振遠紅旗李萬春張徵馮二百隊王才李秋等浙江撫標守備郭維忠率領本標千把總田鰲鄧國明李應彪外委把總王瑞福王進忠等南安知縣鄭

天倫城守營千總張文福等率領鄉練洪挺等四路
各逼寶塔山見賊屯住山頭分兵佈禦卑職密傳四
路齊進奮勇協圍兵刃交加四無去路勢逼來歸方
講投誠卑職等見其賊衆甚多適大雨傾盆天又將
暮遂允其投誠有偽藩前親軍船樓前鎮總兵官都
督同知楊廷彩當繳到偽劄一張銅印一顆轄下偽
行營叅軍督理糧餉監軍道副使吳大義偽劄一張
銅印一顆偽領兵正中軍副將梁天貴偽劄一張銅
印一顆偽坐營正中軍劉光祖偽劄一張銅印一顆
偽旗鼓正中軍張芳劄一張偽隨征營將方祿劄一
張偽驍翼營將蔡榮和劄一張偽火攻營將康春劄
一張偽隨征協將施忠劄一張偽領旗協將王邦俊
劄一張偽中協副將楊勝劄一張銅印一顆偽後協
副將陳志劄一張銅印一顆偽中協中軍張良委牌
一張偽中協正領許旺委牌一張偽右協正領尤文
正委牌一張偽後協正領柯勝委牌一張偽後協副
領葉元科委牌一張內偽總理候缺將蔡宗委牌一
張另繳染病未到後協將吳連劄一張又一鎮偽援

勦中鎮總兵官都督僉事黃伯劄一張銅印一顆僞
坐營副將李芳劄一張僞左營副將呂輝劄一張銅
印一顆僞右營副將林舉高劄一張銅印一顆僞中
營副將戴勝劄一張僞前鋒營副將江龍奮劄一張
於四月二十五日早職等率領僞官兵復回洪瀨溪
埔札營隨即稟請本將軍憲令並寧海將軍喇 憲
示登奉 今牌內開爲照該將等進勦海寇不費一
矢而楊尾黃高郎等傾心歸誠具見文武同心調度
有方深可嘉尚其楊尾黃高郎二股兵目卽令守備

郭維忠張大謨率領該標官兵護送進城尚逆賊蘇
樑等一股兵目該將卽便帶兵前進招撫前來等因
又奉將軍喇 今牌遣發浙江督標千總孫尚義把
總唐魁等官兵協同招撫蘇樑等奉此早職遵將守
備郭維忠張大謨率領該標官兵護送楊尾黃高郎
等僞官兵進城就近叩見寧海將軍喇 外早職卽
於二十六日從南安帶領本營把總趙吉楊玉高等
有劄守備楊三元隨征外委守備傅國鼎領旗把總
朱成龍王尚武嚴勇王奎外委把總黃用黃貴馮朝

榜等功加遊守千把陳斌忠陳地李振等浙江督標
千總孫尚義把總唐魁等戎旗把總陳貴等各官兵
再往晉江四十四都招撫海賊蘇樑等一股僞官兵
歸誠隨差百隊曾明領旗薛茂蘭隨征守備黃玉武
舉王興邦投誠副將何承珪把總趙吉及府廳縣差
丁前往宣諭招撫卑職奉令卽督率各營官兵前進
於四月二十九日僞副總兵蘇樑等赴職就撫先繳
僞銅印四顆僞劄二張卑職隨於五月初一日督催
僞官兵下山初二日撫齊僞官查有僞中提督左鎮

左營副總兵蘇樑計銅印一顆劄一張僞中軍叅將
林材銅印一顆劄一張僞左翼叅將吳英印一顆僞
右翼叅將黃盛印一顆又探有逆將周魁率兵潛伏
晉江四十四都卑職隨令武舉王興邦宣諭 憲臺
招徠弘仁旋卽就撫繳到僞援勦左提督右鎮前營
副總兵周魁僞劄一張到職卽於初三日早帶領僞
官兵進城卑職隨將各僞官引見寧海將軍喇 蒙
將僞官僞兵各發泉州府當堂削髮安插已上通共
三鎮計僞官二十九員僞兵五百四十七名內未歸

農兵三百四十名登請歸農兵二百零七名所有偽印十三顆偽劄二十二張偽委牌六張俱蒙寧海將軍發交泉州府收繳其高照大旗各旗共二十二桿并排鎗片刀藤牌長鎗鑼鼓號頭甲械亦卽交收府庫外合將招撫過偽三鎮將全旅歸誠查明實在官衙員名及偽兵偽印劄數目理合塘報爲此具報各等情到職據此爲照閩省未寧由於山寇海逆勾連交訖欲除海逆必先肅清山寇職統師鳳山晝夜與逆首劉國軒等對壘而於泉屬各山寇刻刻經心有

僞牛宿鎮鄭不伐卽鄭奇烈嘯聚亡命依附海逆踞險跳梁流毒漳泉各邑爲害已久隨經本職咨會總督檄發原晉江營遊擊韓元朗同安城守左營遊擊王大有洛陽橋遊擊趙雲密授方畧合師夾擊剿撫並用去後鄭不伐見我官兵攻圍迫急設計詐降覬圖就計逃遯復經本職嚴檄遊擊王大有跟踪尾追相機剿撫鄭不伐被我兵追急隨同差官到營輸誠又有僞鎮紀朝佐楊尾黃高郎等盤踞南安永德各縣沿鄉肆劫荼毒生靈并經本職咨會督撫檄調駐

防德化福州城守左營遊擊韓又琦泉州城守營守
備魏進陞原晉江營遊擊韓元朗酌撥官兵前往南
安一帶地方着令防弁鍾奎督同鄉練李元烈等爲
嚮道會合總兵陳龍等合力夾剿紀朝佐續經總督
專員招撫詎朝佐狡謀多端此剿彼逃復經本職檄
行本標左營遊擊朱起龍帶兵在於大小盈堵截以
防朝佐從東石入海併嚴飭遊擊韓又琦躡跡緊追
朝佐狡請就降又乘間遠遯潛踪於永福之伏口尤
溪永德三縣交界處所遊擊韓又琦登山涉水緊追
至彼堵絕糧道又經本職咨移總督飛檄福延興泉
各城守官兵四出會剿分頭堵截紀朝佐又從永德
沿村仍歸南安舊穴當經遊擊韓又琦追至橫溪斬
殺大挫賊鋒截斷餉道賊情急迫隨爾歸誠其僞鎮
將楊尾黃高郎等亦先經本職飭行泉州城守叅將
傅成等相機勦撫務在掃除以靖地方在案今俱相
繼就撫更有僞木武鎮陳士愷者仰慕

王爺好生德意帶領所轄官兵輸誠向化查陳士愷係
海上有名大鎮茲已率眾挈眷航海來歸可以鼓勵

未來之僞鎮其鄭不伐紀朝佐等皆係山寇渠首今已歸誠雖零星小寇尙未盡淨而渠魁歸服已絕山賊海逆勾通交訏之患此皆

王爺恩威遠播所致查僞總兵鄭不伐帶到僞官共五十三員僞旗手兵丁共七百四十六名又續到二百七十三名僞總兵紀朝佐帶到僞官共六十九員現在僞兵三百名歸農僞兵八百二十九名楊廷彩卽楊尾黃伯卽黃高郎蘇樑三僞鎮共帶僞官二十九員僞兵五百四十七名以上僞鎮副叅遊守弁目俱經本職給賞袍帽靴子花紅銀牌以昭激勸并咨明總督分發隨標安插得所外理合彙齊啓報伏乞

王爺睿鑒施行

康熙十八年五月二十二日

微臣報國心切啓

爲微臣報國心切等事本年五月二十八日准
兵部咨開等因業經本職啓明

王爺在案茲敬奉 令諭內開前事等因合行諭知該
督提等速爲確議啓覆并查照部文內載閩省原經
制綠旗兵及靖南王下兵共有六萬餘名等語該督
等卽將前項兵丁備造清冊啓送前來以便

題覆等因敬此爲照閩省地方依山阻海沿邊南自廣
東分水關起北至浙江分水關止延袤紆迴二千五

百餘里賊艘飄忽靡常在在皆可登犯此險要情形
久荷

王爺洞鑿不敢再陳惟是海澄一邑現被賊踞金廈等
島逆黨猶繁今一時舟師未備難於尅期搗巢在沿
邊各汛要口必須增設重兵分布堵禦以固邊疆茲
准 部文內開原經制綠旗官兵及靖南王下兵共
有六萬餘名以此兵進取金門廈門等島破滅海賊
等因查康熙二年間進取廈門等島破賊之時雖閩
省共有兵六萬餘名彼時地方全盛海澄未失舟師

齊備兼水兵操演熟練尙有海澄公黃梧遵義侯鄭
鳴駿慕恩伯鄭纘緒慕仁伯陳輝總兵楊富何義郭
義蔡祿楊學臯等共約計兵二萬四千餘名共船四
百六十餘隻更有零星投誠官兵船隻皆係慣習海
戰之水兵尙調紅毛艇船并經制大小戰船將及千
隻共圖夾攻且值僞國姓江南敗遯走死臺灣之後
賊黨解體接踵投誠是以大師一舉方克蕩平嗣後
地方稍寧官兵卽議裁減故十三年變亂實因兵少
處處營伍不能保守地方海賊乘機竊踞漳泉各府

平圖紀 卷之四
蹂躪內地逮十五年大師入閩漸次削平逆孽退居窮島彼時經制初復舟師未設不能直搗巢穴致餘氛倚水跳梁遂成滋蔓前任督提以宇內多事措餉維艱不敢仍請增設以致堵剿乏兵遂至海澄失陷泉郡被圍幸賴

朝廷洪福

王爺方畧調遣滿漢大兵直抵救解茲逆孽竊踞海澄併厦金等島見與我師對壘復散遣逆艘往來游移沿邊窺犯目下官兵奔馳應援正苦不敷調撥今

內部以需餉浩繁請

勅酌量存留剿殺賊寇看守地方作何裁減之處具題等因在

王爺睿鑒自有確裁本職愚昧目擊今日山海情形雖經制官兵共有八萬七千一百餘名內除撫標官兵貼防各汛併駐防延建汀邵四府堵剿鄰寇把守關隘去兵一萬四五千名又在省水師兵二萬名又分派福寧福州興化泉州同安龍灌等處城垣臺寨要緊口岸共兵二萬餘名又彈壓固守漳郡堵防漳屬

之馬口長橋漳浦雲霄詔安城垣臺寨緊要口岸共
兵一萬餘名實在榴山寨江東橋萬松關鳳山大小
港洲以及洪漚一帶地方緊對逆踞之觀音山灣腰
樹玉洲東尾太平果塘各處現在軍前對壘只有職
標并督標福寧漳州二鎮標官兵約僅二萬餘名今
海澄尚未恢復金廈等島逆賊尚在猖獗沿海一帶
地方已經遵奉

俞旨俱照順治十八年遷定界限又須安設臺寨際此賊
勢猶盛每每乘間窺犯在在需兵防禦營營分布露
肘以職揆度今昔事勢尤須請增兵額暫資剿禦殊
不敢更議裁減貽悞邊疆卽克復海澄蕩剿逆島事
平之日大兵全撤回 京仍應額設經制綠旗官兵
八萬七千餘名方足彈壓山海地方然計每年所需
糧餉不過百十餘萬若今海賊未滅遽議裁兵將來
邊防不足固守恐糜費錢糧更無底止也本職身在
地方切念

朝廷封疆重大不得不剴切直陳是否有當統祈
王爺睿裁妥確具

題可也至於閩省原經制綠旗兵數自變亂之後本職
衙門卷案俱被海賊焚燬片紙無存難以備查惟約
畧查記原額開報營分兵數清單啓送伏祈

王爺睿鑒施行

康熙十八年六月初六日

塘報殺賊啓

爲塘報殺賊大勝事本月二十四日據本標後營遊
擊劉國興報稱本月十八夜二更時分據探兵報稱
東石僞前虎衛撥僞中協楊忠僞副將楊德帶賊衆
七百餘由船欲來深滬不知何意又據探兵報稱僞
中提督水師鎮在日湖撥賊衆六百餘駕舡欲來深
滬會合各等情據此該卑職隨一面整擗官兵聽調
外案查先爲稟報事奉本將軍憲牌前事仰職立卽
多派歷練哨兵晝夜勤加瞭探仍督率馬步官兵不

時游巡護衛田禾毋使逆賊侵入盜割擾害地方并謹防奸民透越接濟本將軍身在行間鞭長莫及惟有諄諄告誡而該將身在地方務宜計出萬全等因又爲稟報事奉寧海將軍喇 令牌據卑職報前事等緣由據此本將軍現在整搦官兵聞警策應外俾牌仰職即便選歷練哨兵瞭探逆賊或係游移或係登岸賊勢多寡屯聚處所逐一確探明白呈報以憑酌奪等因本月十八日又爲稟報殺敗賊衆事奉寧海將軍喇 令牌據卑職稟報前事等緣由俾牌仰

職文到即便鼓勵官兵益加奮勉再圖勦殺深滬登岸賊夥務盡根株奏功之日本將軍自當彙啓優加陞賞等因各到職奉此該卑職仰遵憲令又據前情隨會商章京鄒士道浙江督標守備劉澤深等各酌撥該標馬步官兵前去哨探隨准守備劉澤深撥左營千總常玘中營把總牛義魏衷外委紅旗把總王豹趙起祥劉天鳳左營外委紅旗把總常高帶馬兵三十名步兵一百名又准章京鄒士道撥李章京同便委章京洪柱吳文小撥什庫韓虎帶馬兵二十名

步兵一百名又撥道標守備許玉千總陳天祐把總
凌啓鳳帶步兵三百名及本營千總馬虎外委千總
董三亮原把總萬懋連便委把總王國進陳賡紅旗
伍大右營把總鄂公祿帶馬步兵二百五十名共兵
八百名於十九日五更時分前往深滬哨探果見賊
衆約有一千四百餘人屯聚深滬山下徑築月城卽
飛報到職卑職隨令守備劉澤深章京鄒士道晉江
營千總米得高等看守竿頭寨及營盤卑職親領本
營把總任可久外委千總孫起龍熊汝亨朱才便委

把總吳斌帶馬步兵一百名浙江督標中營千總孫
尙義左營外委把總劉鳴鳳戎旗外委千總喻承敬
帶馬兵二十名步兵一百名晉江營把總達養棟帶
兵一百名前去接應我兵齊集卑職隨分三路先撥
道標守備許玉千總陳天祐把總凌啓鳳帶兵三百
名分爲左路又撥浙江督標中營千總孫尙義把總
牛義魏衷署右哨把總唐魁左營千總常玘晉江營
把總達養棟共帶兵三百名分爲右路卑職統本營
千總馬虎把總任可久外委千總孫起龍熊汝亨朱

才董三亮原把總萬懋連便委把總吳斌陳賡王國
進紅旗伍大右營把總鄂公祿靖藩下李章京共帶
馬步兵五百二十名以爲中路三路夾擊自辰至未
賊見我兵奮勇砲矢齊發賊隨敗潰時陣斬賊衆一
千餘名被我兵追殺下海溺死者不計卑職射死僞
中協楊忠并生擒楊忠胞弟僞副將楊德一名及各
營官兵活擒僞官兵一十八名仍將月城推平焚燬
大小賊船七隻所有各營得獲旗幟盔甲器械并傷
亡兵丁及陣斃馬匹現在列造清冊具報其陣獲器
械旗幟及活擒賊犯就近解赴

寧海將軍發落外查此項逆賊久踞東石流壽地方
茲會合深滬希圖窺犯被我兵勦戮殆盡皆奉本將
軍指授機畧故能獲此大勝也緣係殺賊大勝理合
呈報等情到職據此爲照海逆被我在漳官兵堵困
窮迫遂散遣賊艘游移沿邊希圖窺犯掠食屢據鎮
營稟報逆賊情形業經本職會同將軍督撫嚴飭沿
邊各汛防將并加謹隄備整棚堵剿去後茲據遊擊
劉國興報稱逆孽蟻聚深滬狂逞窺犯被我官兵三

路夾擊於本月十九日自辰至未官兵奮勇砲矢齊
發賊隨潰敗當被該將射死偽中協楊忠并生擒偽
副將楊德一名各營官兵活擒偽官兵一十八名陣
斬賊衆一千餘名追殺下海溺死者不計焚燬大小
賊船七隻得獲旗幟甲械甚多等情前來此一役也
在事各官奮勇勦殺大勝已褫逆賊窺犯之魂實仰
荷

王爺洪福之所致也其各官用命殺賊功誠難泯據報
前情除卽現在繕疏具

題外理合具啓伏乞

王爺睿鑒施行

康熙十八年六月二十五日

塘報剿賊啓

爲塘報剿賊大獲全勝事本年十月十六日據建寧
城守左營遊擊李英報稱切照江西賊首呂貴蘇亮
等率黨二千餘衆突犯崇汛北路岑陽山坳一帶地
方踞高守嶮扎立木城結蓋巢穴侵掠四鄉生靈塗
炭卑職會同崇安縣籌酌進勦隨即調集各路聯絡
鄉勇及將各汛防守官兵移緩就急量行抽調齊備
卽於九月十六日親統馳赴相機夾勦業經呈報在
案卑職隨督師駐扎陂前親往踏看地勢相度情形

以便分頭進攻驟見逆賊倚山踞險必進隘口俱有埋伏緊守官兵一時難進卽差的當日兵躡探小徑以便扒山夾剿於二十六日始據探丁回稱小的遵往躡探奈四面皆是懸岸峭壁難登直探至黃龍巖山背後見有樵徑岐路可以扳藤而進隨卽扒上山頂細看有小路四處一可通賊巢之後路一可直進賊巢之左一可直入賊巢之中更有一路由黃龍巖之側小徑扒山可透入賊巢口子之內其大路山坳峯陽一帶隘口密佈堵守甚緊實難直進等語據此

該甲職隨卽商酌分路夾攻議定隨征總兵桑明率領舊標屯丁由黃龍巖扒山進攻賊巢後路議休致總兵熊鼎魁率領屯丁鄉勇協同浦城新興七箇仁風一三箇鄉練李彥英王大英等由黃龍巖扒山進攻賊巢之左議撥投誠遊擊程應榮把總吳勝等率同屯丁鄉勇扒山進攻賊巢之中行令楓嶺營千總楊得勝率領該營兵丁扒山而下夾攻嶮要寨口甲職親統本營把總呂應龍中營把總陳子龍右營把總韓國柱京口營功加署遊擊管把總事王國祥并

各營外委千把百隊兵丁由大路進剿俱各衝先截殺恢復山拘連奪逆賊五隘圍攻大破木城直抵新嶺下衝破巢穴轉戰二十餘里焚燒木城蓬寨二十六座約計殺賊七百餘級帶傷跌死者不計活擒逆賊二十餘人就地正法訖官兵奮勇自己至酉逆賊踰山越嶺大敗逃遯時因官兵力乏又值天雨黑夜難以扒山追勦暫卽收營歇息再於次日復令官兵尾踪追剿去後俟獲勝情形另文馳報除陣斬僞官得獲劄付并奪獲旗幟砲械及各營傷亡士卒馬匹以及在事有功人員另行查明彙叙塘報事關殺賊搗巢掃穴大獲全勝皆賴憲臺之威靈合先飛報等情到職據此切照鄰寇流突侵犯居民受害已極屢據該營呈請援師夾剿業荷

王爺令諭檄調官兵星赴撲剿去後茲據該遊擊報稱逆首呂貴蘇亮等率夥三千餘衆突犯崇汛北路岑陽山均一帶地方踞險結巢分頭掠劫今於本年九月二十六日被我官兵奮勇衝殺破巢掃穴當陣斬殺逆賊七百餘級活擒二十餘人焚燒木城蓬寨二

十六座并得器械等項雖將士奮力用命實仰賴
王爺威靈遠播大獲全勝所有在事有功人員應俟其
報到之日咨會 題叙以鼓用命以昭激勸者也今
據前情理合啓報伏乞

王爺睿鑒施行

康熙十八年十月十七日

擣海澄另具啓報外今將安營情形合先具啓伏乞
王爺睿鑒施行

康熙十九年二月二十二日

恢復海澄縣啓

爲飛報恢復海澄縣城事竊照職同總督於二月二十日親帶兵馬到同安縣所屬邊海相視形勢議於高浦地方建築營壘安設官兵防剿緣由已經啓報王爺睿鑒在案職安設布置已定卽星夜馳回漳州會同總督調遣兵馬進攻玉洲三叉河觀音山石媽等處一十九寨得獲全勝情形已經總督塘報外職於二月二十四日五鼓率領職標叅將馬勝等官兵會同平南將軍總督姚啓聖浙江提督石調聲等各帶

領滿漢官兵分作水陸三路進攻海澄逆首劉國軒復親率水師放砲堵禦偽總兵陳昌等四鎮城上施放大砲我兵奮勇齊進一面進攻一面差官直抵城下宣諭投誠內偽總兵蘇侃願意投誠而偽總兵陳昌等不肯歸順城內賊兵遂自相併殺職等督兵乘勢攻門蘇侃接引入城共殺僞兵一千一百餘名淹歿不計活擒僞總兵楊吉等一十一員當卽梟示其僞總兵陳昌等逃匿下海僞總兵蘇侃等率僞兵共二千一百八十七名投誠得獲大砲五百六十八位

火藥一萬二千九百六十三觔米六百九十三石穀一千二百五十八石奪獲賊船二十七隻滿漢大兵俱於二十四日巳時入城秋毫無犯百姓安堵仍現在會議相機進取廈門逆穴以絕根株所有在事有功大小將弁職名及陣亡官兵馬匹數目容職查明另報外今將恢復海澄縣城日期理合先行啓報伏乞

王爺睿鑒施行

恢復廈門啓

爲塘報事本年二月二十八日戌時據職標中軍叅將馬勝右營遊擊李璉戎旗守備徐可成督標前營叅將劉詔後營叅將謝朋德內右營叅將謝思禮署援剿左營遊擊事馬四玉援剿右營遊擊楊懋級等報稱本年二月二十六日奉總督部院姚 昭武將軍楊 憲令着卑職等帶領各營官兵會同新到歸誠總兵官吳桂羅士珍吳天祿等官兵大小船隻於二十七日乘潮直抵廈門古浪嶼前殺敗海寇連綜

逃遯復同各官兵奮勇爭先攻擊岸上海賊當時潰
敗得獲廈門城一帶地方其餘輸誠官兵及招撫地
方兵民偽官偽兵併在事有功人員得獲器械俟查
明的實另行開報緣係恢復地方殺敗渠寇理合塘
報等情到職據此理合啓報伏乞

王爺睿鑒施行

康熙十九年二月二十九日

彙報招撫投誠啓

爲彙報招撫投誠官兵數目仰祈

睿鑒事切照我師於二月二十四日恢復海澄縣二十
七日克取廈門職隨宣佈

皇仁暨

王爺德意通行出示招撫并差員多方接引許其就撫
自新隨材錄用隨有各偽鎮將等率領官兵眷口船
隻器械前來呈繳偽印劄投誠俱經職逐一面驗剃
髮賞給袍帽緞疋花紅銀牌移送總督安插分別入

平陽縣志 卷之四
伍歸農外所有各起投誠官兵眷口船隻器械印劄
數目理合彙造清冊啓報伏乞

王爺睿鑒施行

康熙十九年三月十三日

清查兵數啓

爲清查兵數事案奉 王爺令諭照得本親王班師
在邇所有綠旗官兵數目合行清查論到該提卽將
福建通省綠旗官兵總數并撥防某處汛地若干某
處留防城守若干核筭的實開造清單啓送查閱爲
此特諭等因敬此該職遵將福建通省綠旗官兵除
督撫二標并分隸水師提督管轄各營不造外今將
陸路所屬各鎮協營官兵總數分別撥防沿邊縣汛
留防城守員名數目彙造清冊現在理合啓送俯乞

王爺睿鑒施行

康熙十九年六月初十日



平閩紀卷之五目錄

咨文

軍機亟宜等事咨兩院各鎮

緊急軍機咨福寧鎮

為稟報事咨福寧鎮

為密商事咨督院

會勦賊寇事咨左鎮

為具報事咨興化鎮

詳察探報咨興化鎮



詳明請示咨撫軍

稟報事咨左鎮

請調營兵咨兩院

咨會事咨兩院

懇請撥兵咨兩院

邊汛遼瀾咨兩院

欲靖海寇咨督院

咨商臺寨咨兩院

安設要汛咨督院

請寬海禁咨督院

遵奉 俞旨咨督院

申飭透越咨四鎮

設法示禁咨兩院 平南將軍

海氛不靖咨兩院

地界安兵咨福寧鎮

地界安兵咨督院

平閩紀卷之五

懋紹漁山

三韓楊 捷元凱著

男懋緒令鴻纂

懋綸今掌

咨文

軍機亟宜等事咨兩院各鎮

爲軍機亟宜展布靖寇必先安民謹瀝愚忠密奏仰

祈

天語飭行以收蕩平實效事本年七月十二日承准

兵部劄付該 議政王等會覆江寧提督楊 題前
事等因康熙十七年六月初九日題本月二十六日
奉

旨議政王貝勒大臣會議具奏欽此該臣等會議得福建
提督楊 疏稱臣本庸材荷蒙

皇上畀以提督八閩重任誓期捐糜頂踵以仰紓我

皇上南顧之憂但臣遠在行間軍機間不容髮伏望特賜
天語申飭凡有行間及地方機宜准臣相機興舉并飭行
督撫諸臣如地方各官有玩悞軍務撫輯無能者立

行特叅等語均應如其所題一切軍機及地方緊要
事務聽其一面酌行一面奏

聞至地方各官如有玩悞軍務撫輯無能者該提督卽行
指名題叅可也等因康熙十七年六月二十八日題
七月初二日奉

旨依議欽此爲此合劄該提督欽遵施行等因到本提督
承准此擬合就移爲此合咨

貴部院煩爲查照 部文覆奉

旨內事理轉行所屬各營一體欽遵施行

康熙十七年七月二十七日

緊急軍機咨福寧鎮

爲緊急軍機事照得海逆嘯聚烏合圍困泉州本處
督兩經啓請

親王抽調各營官兵會勦去後七月二十七日敬奉

親王令諭內開該提督所啓抽調各營官兵俱屬沿
邊但該挺身荷封疆重寄地方責任攸關旣稱各營
可以移緩就急且知係沿邊可以抽調悉聽該提行
調其福寧總兵官黃先經本親王調赴羅源今羅
邑離省不遠該提進兵之時即可調赴同往似不必

先調來省爲此特諭等因到本提督敬此合就移咨爲此合咨 貴鎮煩爲查照希卽迅檄鎮標三營併桐山營各將領於該營挑選曾經戰陣精壯兵丁務足二千名俱要多帶排鎗砲火不得以怯弱充數仍選撥慣戰驍勇將備千把帶領 貴鎮仰遵

王諭迅速調選齊赴羅源卽統領來省與本提督一同前進今泉州萬分危急 貴鎮旣親在行間尤宜多帶精銳共奏敵愾事關緊急軍務幸勿延緩其城守暨沿邊各岸仍祈嚴加申飭存營將領加謹防禦瞻望務須移緩就急通融調撥以保無虞迅卽示覆施行

康熙十七年七月二十八日

為稟報事咨福寧鎮

為稟報事准 貴鎮咨開康熙十七年七月二十七日據署中營遊擊劉濟源報稱本月二十三日據署中軍守備蔡遜報據州前嶺兵丁陳彪松山臺百總朱盛同報稱本日在高山瞭望已時瞭見外洋有大小雙篷船四隻由烽火門駛進三沙等情各到遜轉報到職據此為照賊艘或三五隻或七八隻日逐零星自南而來皆由烽火門而進灣泊三沙五灣意在合踪聚夥來困州城搶奪戰船卑職除一面嚴加防

禦外但州汛兵單賊艘日聚恐一時登犯叵測堪虞
理合稟報等情到鎮據此案查先節據該遊擊呈報
賊船灣泊火焰山及駛進松山口并登岸焚燒茅蕪
被官兵殺敗退泊火焰山等情俱經該遊擊通報在
案今又據報賊衆合夥有來困州城掠奪戰船之意
查福寧海中如火焰山三沙五湧以及秦與沙垵雙
頭衛釣湧各島湧俱有賊船灣泊倚山蓋屋伺隙窺
犯本鎮振甲枕戈晝夜防禦一有警報卽介馬星馳
東西應援海賊不敢登岸福寧一帶地方悉獲安堵

今本鎮敬奉 王諭帶兵駐劄羅源聽調隨於各營
抽調兵丁壹千貳百名親帶到羅將州港戰船交署
中營遊擊劉濟源帶兵百餘名看守不足防禦復啓
親王調平陽官兵五百名來守桐山調署桐山營遊
擊曹良帶兵五百名來守州城因平陽官兵未到桐
山官兵不可調動州汛實爲兵單且戰船灣泊赤岸
橋離州城十里離大洋三里賊船乘潮揚帆倏忽可
到今賊船前後約計有二百餘隻灣泊外洋看守兵
單疎虞可慮倘或狡謀侵犯州城以百餘名之兵豈

足防禦上關

朝廷封疆下有出師眷口在內關係匪輕且福寧處萬山之中非如漳泉各處道路平坦內有數處俱係懸岸峭壁下臨不測之谿鑿石架木憑空編橋卽有應援之兵倘或賊寇踞險堵截莫能飛渡事關地方理合備咨請煩察照啓請 親王裁奪仍祈賜覆施行等因到本提督准此爲照閩省官兵荷蒙

朝廷豢養深恩值今海寇跳梁漳州隔絕泉州被困凡現在兵馬少可通融撥防自應移緩就急以救泉州之

危接准 大咨此誠 貴鎮未雨綢繆至意但查

貴標三營暨銅山營共三千八百四十餘名除本提督啓請 王爺准調二千名 貴鎮帶領前往應援

尚存一千八百四十餘名既福寧州城卑弱似應於原派各汛內酌量緊要口岸汛地通融派防如內地少可緩者量留數名瞭防遇有緊急仍於就近鄰汛互相策應其餘兵丁希飭行在城將領調赴福寧州城防守既可保固封疆又不遲悞應援殊爲兩全至守備蔡遜呈報大小雙篷船隻日逐零星自南而來

意在合夥困州搶船尚屬揣度之詞相應仍藉 貴
鎮勝筭調度通融防禦務保無虞可也茲准前因相
應咨覆爲此合咨 貴鎮煩爲查照施行

康熙十七年八月初一日

爲密商事咨督院

爲密商事爲照本提督恭膺

簡命初蒞閩疆見全省官兵俱先調集漳泉其延建等郡
又以鄰寇江拐子等作祟跳梁山寇因之竊發興化
逼近泉州正在用兵所餘僅省城左右數鎮營而已
亦皆抽撥不次而本標官兵則一無可調是以憂心
如焚詳加察訪乃知閩中兵單原不敷徵調遂欲具
請增兵謬擬小橐內稱於詔安海澄同安安海惠安
楓亭鎮東浦城福寧州并江東橋洛陽橋等處擬添

官兵等因正繕疏會銜拜發間接奉 兵部密劄內
開再查近經會議總督姚 題疏內已經議准閩省
添兵一萬八百名及總督標下伍營兵外又添兵三
千有餘其所添兵丁速行召募等因在案仰見 貴
部院洞達兵機特倡宏議業邀

俞允則小疏毋庸煩瀆矣但蕩蕩之見有切切於中者是
用再抒一得之愚上希 鑒裁謹按 部覆內只有
添兵一萬八百名及三千餘名之數未覩 貴部院
當日原疏作何分派今又奉 兵部密咨內開同安

漳浦仍舊各設總兵官一員各爲三營各管兵三千
名此總兵官等標下應設之兵於新增兵一萬八百
名內通融撥足等因是准增兵數內原有可以通融
之處除添二鎮標并 貴標外尙有四千八百有餘
之兵據本提督愚見按險要大路邊界添兵扼守不
特藩籬鞏固卽往來餉道亦免阻塞本提督昔曾援
閩頗知地勢情形如泉州之洛陽橋漳州之江東橋
應各添兵一千名各設遊擊以統之興化之楓亭應
添兵五百名設都司以統之此三處乃省會興泉漳

各郡往來咽喉要道且俱係海港要口賊艘乘潮易於闖入內地一為逆賊所踞則聲勢中斷須各設一營官兵專司汛守於江東洛陽二橋南北應照舊例俱各砌築土堡其楓亭則現有土寨但須稍展之以為官兵守禦之地又有浦城一營亦應修復舊制添設參將一員兵八百名此專司餉道塘撥為七閩之門戶江浙必由之路豈可不令其疏通况目下又有江西逋寇耽視虎踞於其傍此又情勢不可緩者再如福寧州准黃總鎮咨請復設城守以此州要口繁多處處可登該鎮有援勦之責應添城守兵五百名設都司以統之至於安海為鄭逆故址鎮東寨逼近海壇惠安有大岞小岞之寇在 貴部院自能致慮周詳似不煩瑣瑣也如以管窺不謬幸蚤賜采納於准增兵數內通融撥定本提督將竭綿力以贊襄於成擬合密商為此合咨 貴部院請煩查照迅希裁酌併原題疏彙抄錄示覆施行

康熙十七年八月初六日

會勦賊寇事咨左鎮

為會勦賊寇事本年九月初九日准 貴鎮咨開准
江西提督許 咨訂會勦日期并咨商調撥各協營
官兵分路堵剿等因到本提督准此案照先鎮 貴
鎮咨調延建協營官兵一千名并調邵武協營官兵
分堵火燒雲際等關等因業經本提督飛檄各協將
遵照并經咨覆 貴鎮在案今復准前因除再嚴檄
邵武遊擊何勇韓瑞等各親帶官兵星赴火燒雲際
等關堵禦夾勦并飛催延建各協營速發官兵前往

聽調外合就咨覆爲此合咨 貴鎮煩爲查照仍祈
鼓勵將士奮勇用命殲絕逆寇早奏膚功以安黎庶
施行

康熙十七年九月十一日

爲具報事咨興化鎮

爲具報事本月十九日准 貴鎮咨開據守備趙邦
試報稱南日湄洲二島有賊船二百六十餘隻等情
合亟咨請俯念封疆重大迅將鎮標留泉官兵發回
扼防等因同日又爲飛報事准 貴鎮咨據守備趙
邦試報稱海寇的於二十日左右要搶黃石等情事
甚危急不得不懇切再四咨請伏乞亟賜將本標官
兵星夜遣回以資防剿等因各到本提督准此爲照
海逆雖爾猖獗不過倚水跳梁若果有長技則泉城

之役斷不肯望風披靡茲聚艘湄州南日料其狡謀大約半爲牽制之局分我兵勢半爲懼我舟師南下搗其廈門巢穴耳 貴鎮身任封疆重寄興郡一帶全藉彈壓自當酌量形勢布置堵防密差偵探的確動靜親帶官兵相機勦捕且查興化兵數鎮標及城守各營官兵之外尚有 撫院所委之陳朱二總兵所轄官兵通計不下五千名萬一有警儘可相資策應剿禦何乃輕信防官張皇之報急遽疾呼叠咨請兵也今准前因除會商 撫院吳 撥發 驛傳道王 帶領撫標官兵共一千員名星馳前往興化協同 貴鎮調撥防剿外合就咨覆爲此合咨 貴鎮煩爲查照施行

康熙十七年九月二十二日

詳察探報咨興化鎮

爲咨明詳察探報以重軍機事爲照海氛未靖出沒無常聲東犯西狡謀叵測惟在我有以洞察其虛實鎮定備禦不爲動搖庶逆賊無所施其奸詐如近者南日湄州各島雖有逆艘灣泊不過虛張聲勢希圖分我兵力兼堵南下舟師而 貴鎮未察逆謀過聽探報九咨請發援兵隨經本提督合商 撫院調遣官兵前往策應外因見 大咨之內有逆賊劄營陸地將犯府城十分危急情形復經會遣差官馳往查

看的實另爲酌奪去後續據防守潮江總兵官陳欽
報稱探役回報湄州與賊船駕駛往北等情又據差
員回報沿邊各處並無賊營亦無大鯨逆艘等語雖
未雨綢繆發兵固無過舉但過爾張皇未免墮賊奸
計若將來之軍機進止亦倣此而行不特本提督難
以信從徵調策應卽官兵亦未便徒令其往返辛勞
而逆寇且得以益恣其虛張矣 貴鎮爲封疆屏翰
際此逆謀百出卽有賊夥登犯轄汛只當細加斟酌
持重擔當督勵將士相機堵勦幸勿搖奪浮言以慎
軍機可也合就咨明爲此咨 貴鎮煩爲查照施
行

康熙十七年九月二十五日

詳明請示咨撫軍

爲詳請明示事本月二十六日據德化縣詳稱竊照
德化殘邑蒙 巡撫都察院吳 親統大兵恢復尙
有敗殘餘孽招集千餘人盤踞天平山四出剽掠民
不聊生卑縣業經兩次詳請添兵進剿蒙 巡撫都
察院批仰移仙遊等四縣會剿務盡根株繳等因奉
此該卑縣隨卽移會仙遊永福尤溪等縣會剿去後
內惟仙遊永福二縣撥練總帶領鄉兵前來其大田
尤溪二縣至今未發兵卑縣隨將本縣鄉兵再加團

練聽候進勦外復蒙憲臺撥後營任把總帶兵二百
於十七日到縣甲縣隨同韓遊擊商酌一面固守城
池一面相機進剿續據任把總稱奉本提督憲牌內
有轉奉 巡撫都察院吳 撥安溪縣李鄉紳烏鎗
手五百名前來協剿須候到齊一同前進但今海逆
踞窠剽掠派米派銀民困湯火日夕望救寔難刻緩
官兵已到數日惟候安溪之烏鎗手未到不敢擅進
合無詳請憲臺批示或仍候安溪烏鎗手到齊進剿
抑或先令官兵往勦懇乞明示救民水火爲此備由

具申等情又爲稟報事據遊擊韓又琦呈稱本月二
十四日據練總李孕球報稱蒙着球等帶領鄉兵各
處偵探機宜探得逆賊葉明唐用不從招撫肆行劫
掠乞速發大兵勦滅等情到卑職據此合就呈請憲
臺迅勦安溪縣鄉兵速令至汛以便卑職前往撲剿
毋使遺孽蔓延日久地方得寧等情各到提督據此
案照先據德化縣詳稱逆孽葉明等竊踞天平山剽
劫等緣由業經會商 貴院各調撥官兵鄉勇前往
會剿在案續據遊擊韓又琦呈請催發原調烏鎗手

五百名復經咨明 貴院檄催去後今復據該縣防
呈詳前由合并咨催爲此備咨 貴院請煩察照飛
檄前項烏鎗手星馳前往德化以便合力進剿以淨
根株仍希示覆施行

康熙十七年九月二十九日

稟報事咨左鎮

爲稟報事本年九月二十九日准 江西總督部院
董 咨開據遊擊高覲光吳志報稱卑職等奉 提
督憲行令職等帶領官兵前至船坑小嶺地方確探
實息相機堵勦逆賊該卑職等先已分佈官兵把守
各隘每日探到小嶺地方離船坑十有餘里尙未見
賊形踪切奉本部院憲令把守船坑橫溪高洲乾溪
一帶四十餘里皆是賊巢後路要隘晝夜隄防準備
勦殺所有閩界岑陽關於本月初三日福建總兵熊

四 國 紀 卷 之 五
四 魁 差 百 總 周 文 昇 到 營 報 稱 熊 總 兵 領 兵 在 銅 箔
山 遣 發 都 司 周 士 龍 帶 兵 劄 營 在 岑 陽 關 把 守 已 經
報 明 在 案 其 岑 陽 關 離 船 坑 二 十 餘 里 本 營 偵 探 兵
丁 每 日 與 閩 省 探 兵 交 探 會 話 至 初 八 日 探 到 周 都
司 營 盤 不 見 人 影 隨 卽 差 遣 千 總 陳 璇 把 總 羅 士 英
帶 兵 探 過 岑 陽 關 二 十 餘 里 未 見 一 人 岑 陽 關 無 人
把 守 合 就 稟 報 等 因 到 部 院 據 此 爲 照 逆 賊 江 機 見
今 敗 逃 高 坑 地 方 我 兵 見 與 逆 賊 對 壘 今 據 報 岑 陽
關 無 人 把 守 除 已 照 會 福 建 劉 左 鎮 迅 發 官 兵 堵 禦

誠 恐 隔 省 岐 視 相 應 咨 請 貴 提 督 迅 發 官 兵 堵 剿 岑
陽 關 併 凡 通 福 建 隘 口 庶 逆 賊 得 以 殄 滅 不 致 逃 入
閩 地 則 感 佩 無 既 仍 祈 示 覆 施 行 等 因 到 本 提 督 准
此 爲 照 逆 賊 江 拐 子 等 剽 掠 肆 害 現 今 三 省 會 勦 正
宜 乘 機 夾 擊 以 絕 根 株 前 准 貴 鎮 移 咨 已 經 嚴 檄
建 寧 邵 武 各 協 營 遣 發 官 兵 於 江 閩 各 關 口 堵 截 撲
剿 在 案 何 以 岑 陽 一 關 竟 無 官 兵 扼 守 今 准 前 因 合
就 咨 達 爲 此 合 咨 貴 鎮 煩 爲 查 照 希 卽 就 近 嚴 飭
建 寧 邵 武 各 將 領 務 令 乘 此 會 剿 之 機 各 督 官 兵 於

接連江西各關隘處所悉力堵禦相機夾剿勿令逆
寇得以逃入閩地倘各將領有不遵調度及進戰不
力者祈卽指名咨示以憑叅處施行

康熙十七年十月初一日

請調營兵咨兩院

爲請調營兵再配大船以便會剿事本月初二日據
援剿水師總兵林賢呈稱竊照海逆妄犯郡邑幸

大師進剿泉州圍解各縣盡復卑職水師官兵亦經
擒殺賊魁燒獲賊船此皆憲天威令水陸全勝逆賊
敗遯勢同破竹矣但海上之賊素諳水務向之犯我
內地以我舟師未備故敢罄其所有登岸狂逞不以
廈門巢穴爲憂今賊旣水陸俱敗勢必挑選賊兵多
配船隻分佈各港道禦我舟師倖而勝則依舊再犯

內地敗而去則退保廈門巢穴卑職伏讀 撫憲檄
文湄州現有賊船二百四五十隻此則賊之防我舟
師已可槩見今浙賊又有僞鎮朱天貴劉天福劉祖
漢陳義等自北而下計有賊船六七十隻已到三沙
西洋游移卑職現與各總兵將領整備勦殺期在先
滅此賊方可乘勢進勦海壇湄洲然浙來之賊係佔
上風我舟逆風難以遽進揣賊之情必與海壇湄洲
兩相犄角牽制我師若我追進一灣則彼退一灣而
去我追迫愈遠則恐湄洲各賊或襲我後復踞定海

擾亂省城門戶卑職所統船兵現在卑薄難爲分合
勦禦之計查省城修完烏船尚有二十隻趕繕船尚
有四五十隻雙蓬船尚有三十隻目今興化鎮官
兵旣已回汛其中左貳營原係水師熟兵晉江營在
汛旣無船隻該營亦係水師熟兵俱可令其赴省配
駕戰船福寧州原有水師熟兵現在州汛有船八隻
亦可令其駕出定海合鯨又涵江陳朱二總兵等現
有水兵千餘查興化所修之船僅有小趕繕船四隻
餘俱雙蓬船白艚哨無裨實用莫如調令陳朱二總

兵等將兵盡帶赴省配坐大船併再行府縣將前日奉調未到之灣兵水手竭力催解將在廠督修各千把總加與職銜令其招募兵丁立功總將在省戰船盡數配駕出洋進征從此在廠之船不用留兵看守合興化晉江各處之兵船多兵足可以長驅而進又朱天貴各賊今已游移閩界則浙江海邊屬於底定若蒙移會浙江水師提督撥船會剿大張撻伐直抵巢穴蕩平兩島此一勞而永逸也除呈 巡撫都察院吳 外爲此冒昧密陳等情到提督據此爲照海

逆惟以慣習風濤舟楫倚水跳梁游移沿海每窺我間隙輒聚艘登犯及救應之兵馬厚集彼已揚帆遠逝我勞彼逸爲害已久近我舟師雖經屢勝然於逆寇之大夥根本尙未搖動若促令順風南下恐船隻有數兵力未厚萬一逆賊悉其船隻精銳從中堵截未出萬全茲該總兵呈稱省城現有修完烏船趕繕雙篷船各船共一百隻請於興化鎮標中左貳營晉江營原舊水兵并涵江陳朱二總兵所轄之衆調令配駕并行令各千把總招募湊集共圖大舉仍移會

浙江水師提督撥船會剿以收一勞永逸之效言之
鑿鑿是亦剿滅海逆之一策也既據該總兵呈請前
來合就咨商爲此備咨 貴_{部院}請煩察照酌奪仍
祈示覆施行

康熙十七年十月初三日

咨會事咨兩院

爲咨會事本月初五日卯時准 寧海將軍喇 咨
開照得本月初四日有

王爺發來鈞諭副都統查音布卽將四路兵馬挑選帶
往漳州進剿提督石 總兵黃 官兵仍同前往其
提督楊 乃係福建全省重臣泉州係是緊要之地
去與不去聽該提督自行酌量等因則是福寧鎮黃
總兵乃係奉令往漳進剿之員今現同貴提督在東
石勦賊或俟東石賊平前往漳州或彼處兵力已足

卽令馳赴漳州統候貴提督酌量遣發可也請煩查照施行等因到提督准此爲照東石一寨逼近泉州雖應剿滅但三面皆海數年以來築城挑濠恃險拒敵一時難以攻克且不過彈丸之地今

貴部院 容開 總督部院姚 容稱 逆寇大夥俱在漳州 都統

已奉

親王令諭統領滿漢官兵起行本提督有全省責任泉州雖係緊要重地已有 寧海將軍彈壓是漳賊未平亟應同赴剿除今現在調集官兵馳往漳州其東

石一寨俟勦滅漳賊之後再行攻剿亦未爲遲也至

於副將郭奇前經 貴院 派留防守泉州茲據該副

將稟稱現奉 總督部院 調令往漳會剿等情查該

副將原係 總督部院 行調之員本提督未便專主

或應令其留防泉州或應令其往漳會剿應聽 寧

海將軍酌行除咨覆 寧海將軍喇 并咨會 都

統 去後合就咨達爲此備咨 貴 部院 請煩查

照施行

康熙十七年十月初六日

懇請撥兵咨兩院

爲懇請撥兵協防以固巖疆事本月十五日據同安副將馮昭京詳稱竊照職標現在官兵不滿五百而陸續招回舊兵只先到四百餘名業已分發灌口沙溪等外汛及安設上下各塘計在縣之兵稀若晨星今汀州左營董遊擊已奉調赴泉而總鎮馬雖於十一日到然其原帶官兵奉 將軍喇留泉其所隨來者寥寥無幾前當營兵足額之時猶添福清營千總田龍見帶兵三百協防今又隨本軍門出征至漳茲

同安地方初復山魃未盡根株海逆日在眈視卑職
密差偵探聞欲俟滿漢大兵經過之後卽結連而起
雖風聞未可盡信然究之邊疆咽喉要地不當示之
以弱致其狡視生心况城垣盡推房屋罄拆官兵現
劄城外奈何以數百之卒孤駐荒郊能保狡逆之不
避實擊虛乎且咫尺泗州其來也無時去也無跡覆
轍不遠能不寒心伏乞本軍門垂鑒地險兵稀不拘
滿漢旗營迅撥協防勒令星夜赴同以保巖邑卑職
不勝引領以待等情到提督據此爲照同安一邑爲

泉漳兩郡適中咽喉要區與廈門對峙且泗州一島
逆寇擁衆踞守與該縣只離十餘里當此城垣未築
窺犯不時若不添設重兵無以資防勦而通大路現
今逆賊敢於登犯總因兵少之故茲城守營官兵旣
寥寥無幾馬總兵又隨帶官兵無多亟應撥兵防禦
今據該副將詳請前情合亟咨會爲此備咨 貴部
院請煩察照酌奪迅撥官兵前往添防以固邊汛以
通孔道仍希示覆施行

康熙十七年十月十六日

邊汛遼澗咨兩院

為邊汛遼澗請照舊制添設營將以固地方事本月十七日准福寧黃總兵咨開竊照本鎮標額設中左右三營遊擊三員守備三員千總六員把總一十二員兵丁三千名分防福寧一州福安寧德兩縣後因設立桐山營官兵於通省八府一州抽調本鎮標左營遊擊一員把總一員中左右三營共抽調兵丁一百五十三名設防桐山左營止留守備一員分防福安竊福安一邑襟山帶海毗連浙界叢山峻嶺賊寇

易於竊發際茲山海多事之時若非營將不足以彈
壓地方况守備職司兵馬錢糧城池汛防不能兼顧
伏祈貴提督俯念邊汛遼濶將左營遊擊曹良照舊
添設分防福安將桐山遊擊另設能員駐防庶邊疆
鞏固而地方有攸賴矣擬合咨移爲此合咨貴提督
請煩察照咨商

督撫

兩院酌奪會

題施行等因准

此爲照桐山營官兵原因海疆寧謐無事故前任督
提會議於通省各營酌量地方緩急通融抽調設立
該營以固浙閩連壤之聲勢此皆因時而制宜也目

今地方多事山海弗寧而福安一縣倚山負海寇盜
不時竊發誠非一守備可以兼顧而彈壓者至於原
調入桐山營官兵查皆沿邊各標協營經制額內之
數先以海逆遠竄臺灣額缺奉文不准補足茲下游
各營皆逼近廈門逆穴現在海寇跳梁各有汛地防
守之責况徵調不時外應難周空有千兵之虛額而
無千名之實數致盜賊得以乘間窺犯所當亟

題補足以固邊防斷不可仍膠舊議懸缺久空也時有
不同事有緩急今准該鎮請照舊制添設營將移咨

前來合就一併咨商爲此備咨 貴部院請煩察照
會疏具 題補足以收實用仍祈示覆施行

康熙十七年十月十九日

欲靖海寇咨督院

爲欲靖海寇根株等事本年十月二十八日准 貴
部院咨內開康熙十七年十月二十六日准 兵部
咨內開可否將水師提督同安漳浦二鎮之兵不必
另募照所題舉行之處公同詳議妥確速行具

題等因到部院准此合咨察照酌議見覆會 題施行
等因到提督准此爲照欲除海寇須設舟師此固理
勢之所宜然者但必先固我之內地根本然後可以
一意直前查閩省沿邊二千餘里皆逼近大海逆艘

隨風乘潮倏忽數百里在在可以登犯若該汛兵力
單薄難以堵禦勢須告急請援在我之援兵於陸地
奔馳及到所犯之處而賊已飽颺遠引此從來之失
計故海寇得以一島之微肆志跳梁至今未收蕩平
之效也近藉 貴部院經濟宏裁特疏 題增兵額
於同安漳浦各添設總兵彈壓蓋以同安爲泉漳之
咽喉同安兵厚然後泉漳之聲息可通漳浦乃閩廣
之接壤漳浦勢固然後閩廣之脈絡相連况現今海
逆披猖登犯不時若同安之勢孤則漳泉之聲息中

斷漳浦之兵單則閩廣之脈絡不接而雲霄詔安一
帶地方且因而騷動矣此目前添設同安漳浦及沿
邊各營汛官兵所謂先固內地之根本確乎不可移
易者也俟水師提標官兵招募足額舟楫收拾完固
將爲搗巢之舉卽於同安漳浦二鎮及沿邊大小各
營之內挑選練習水戰兵丁配駕協同出剿亦可以
資驅策今若罷同安漳浦之添兵盡從事於水戰計
製造船隻尙須時日逆賊刻在狂逞東西騷動沿邊
汛守單薄我官兵將奔馳救援之不暇又何暇遙及

於掃蕩逆穴乎此尤藉 貴部院之始終主持也事
關封疆大計既准咨議不得不披瀝芻蕘是否有當
惟祈酌妥主稿具 題庶積寇可殲蕩平可奏耳合
就咨覆爲此備咨 貴部院請煩察照仍祈示覆施
行

康熙十七年十一月初一日

咨商臺寨咨兩院

爲咨商臺寨官兵以收防邊實效事爲照遷邊之役
已經通行勒限報竣此月之終大約可以就緒但邊
界旣定則臺寨亟宜修築在各縣有司以愛惜民力
爲詞未免有遲延耽擱苟簡從事之弊不知臺寨關
係邊防大計若任意耽遲則官兵棲身無所堵禦無
資若潦草報竣則一經風雨不久便有傾圮之虞此
尤祈 貴部院嚴檄該地方官及早修建務期堅固
以免將來崩塌修理之煩此臺寨之建不可一刻稍

緩者也至於應設官兵查自福寧州起各營皆經徵
 調南征現在存營寥寥無幾今際邊畫界分防臺
 寨處處需兵若悉力於邊防則城邑空虛若居重於
 根本又邊防單弱爰據各將弁連篇累牘大聲疾呼
 請發原調官兵回營以資分守等情前來雖屢經慰
 詞批答通融派防然空言終無濟於實用如任其分
 佈未周守禦未密何以遏寇防奸今應否將行間官
 兵酌量發回各原營以資分佈巡防以收遷邊寔效
 合就咨商為此備咨 貴 部院 請煩察照酌奪仍祈

示覆施行

康熙十七年十一月十六日

安設要汛咨督院

為咨商安設要汛官兵事為照洛陽橋一汛當海潮之衝為泉州門戶最為緊急之區在先海逆遠竄地方寧謐無事或有時輪派晉江營分防但該營原係水師今水師提督不久到任則該營仍歸管轄應聽其調防原舊各灣水汛而洛陽橋陸汛未免空虛貴部院經綸海甸無遠不照所當及今題設官兵之時於洛陽橋添將官一員帶兵一千餘名以備防守以固要衝蓋有專官彼將以地方為切已之責不

平陽縣志 卷之三
三
敢懈弛疎畧若輪派撥防彼且視同傳舍苟簡從事
欲其規爲久遠何可得也倘兵額分派已多亦須酌
量添設七八百名萬一有警再於本標官兵之內隨
時調遣添防庶免將來之紛更耳再查安海一寨近
經細詢係康熙八年展界所建今若照順治十八年
舊界遷移則此汛係屬界外尤祈 貴部院鴻裁酌
定卽將議設安海官兵移設大盈令其兼顧小盈是
否妥便合就一併咨請爲此備咨 貴部院請煩察
照施行

康熙十七年十一月二十日

請寬海禁咨督院

為請寬海禁等事十一月二十八日准 貴部院咨
開據督糧道會同興泉道呈報興泉二府沿邊各臺
寨分防官兵數目冊到部院據此先為前事業經本
部院咨覆貴提督查照順治十八年舊汛移行各標
鎮協營撥兵扼防去後今據該道呈稱興泉二府墩
寨舊界皆係貴標併興化城守營以及晉江水師等
營分佈防禦似不可緩除將墩寨催令沿邊各府縣
星速興工修建外合就咨催希卽移行各鎮協營迅

速撥防施行等因到提督准此爲查各營官兵皆經先行別調勦禦見今存營寥寥無幾而單開沿邊各汛需兵甚多將何以資分派卽如本標之兵除出征在漳及發守各縣汛之外存城不過百十步卒今縱令其盡數出守已屬不敷若將行間之兵發回則邊牆無兵可守展轉思維實難分顧况今日事勢又與往日大相懸殊當此海逆猖狂乘潮肆逞處處可虞且沿邊臺寨相去或一二里或三四里不等茲以十餘名步卒駐守其間萬一逆賊以大夥登犯攻圍該

汛雖官兵竭力堵禦然衆寡不侔保無疎失失則損挫兵威所關匪小本提督不得不剴切言之 貴部院文經武緯慮無不周尚祈少加裁察以保萬全者也今准前因除卽移行各鎮營酌量地方緩急將現在官兵通融量派汛防并將單開同安縣所屬地方內有原係水師官兵防守之處業經移行同安鎮將速爲分守毋得推諉各去後尤祈 貴部院俯察地方形勢賊情兵力各將弁委難支應迅將議添營制先行委員任事令其分頭招募兵丁以資派遣并嚴

檄各有司速將臺寨勒限修竣以備防兵棲止庶戰
守有資邊防可固矣合就咨覆爲此備咨 貴部院
請煩察照裁奪施行

康熙十七年十二月初二日

遵奉 俞旨咨督院

爲遵奉 俞旨安設官兵分佈緊要以鞏邊疆事本
月初一日接 貴部院會稟內開浦城添兵五百名
聞安添兵一千名鎮東添兵四百名蒜嶺楓亭各添
兵四百名惠安添兵一千名洛陽橋添兵七百名同
安添兵三千名灌口添兵五百名龍江添兵五百名
海澄鎮移駐漳州額兵三千名漳浦鎮照舊仍轄額
兵三千名漳浦營添兵五百名雲霄營添兵五百名
海澄城守添兵一千名江東橋添兵二千名福寧添

兵四百名以上共設兵一萬八千八百名卽在奉
旨添設一萬零八百名并公標併入八千名之內等因仰
見 貴部院許謨碩畫佈置周詳本提督自當祇遵
會 題安敢復有異議惟是此番 題定之後遂成
繩墨若內中稍欲更張似未便再疏入 告又不得
不少申末議也查福寧州雖當添兵但該汛離廈門
逆穴頗遠向雖有零星海逆黨羽游移窺犯近爲我
舟師追擊而逆首朱天貴等已逃竄南下今我舟師
大隊出屯定海相機搗穴在逆賊斷不敢飛越北上
則福寧州可無海寇之患矣旣無海寇可虞則城守
四百之兵不須添設只將鎮標原調入桐山營額兵
一百五十三名准撥補足額再將該鎮標左營原調
入桐山營遊擊一員把總一員准其補復員缺便足
以資分佈彈壓近本提督曾經面商該鎮亦無異詞
故敢述以叅議也尙剩兵二百四十七名內再請將
一百五十名准撥補敝標五營原調桐山之額餘存
九十七名留備別用再查福清一縣離省會不遠旣
於鎮東添兵四百名則蒜嶺卽添兵三百名亦足扼

守似可省出一百名以益楓亭蓋楓亭一區夙多伏莽數十年來未嘗一日平靜此往來差員商旅所却慮而戒心者也至於大盈小盈尤爲山寇要衝此地旣近東石逆穴咫尺大海內則九溪諸山路通安溪永春諸邑山海逆寇每於此中出沒若不安設重兵不足以斷絕山海之勾連本提督愚見擬於此汛添設守備一員帶兵五百名防守卽將原議減設福寧城守守備一員餘兵九十七名歸其管轄尙少兵四百零三名擬於雲霄營那兵三百名漳浦營那兵一

百名蓋雲霄惟一土堡非如郡邑之有倉庫堪虞旣有官兵一千二百名自可分佈無事漳浦一縣已有總鎮重兵彈壓又有漳州爲之聲援不日水師提督蒞任復有水師牽制逆賊之腹背則漳浦一邑有兵一千四百名居守其中自有虎豹在山之勢無煩再慮以上雲霄漳浦共減兵四百名奏福寧存兵九十七名共四百九十七名卽令議減福寧城守守備一員統領駐守大盈小盈二處以塞東石安海之衝若有警息再於敝標調撥協助如此則沿海一帶星羅

碁布隨處周密戰守之權確乎在我掌握矣彼此俱屬王土何處非關責任本提督身駐泉城見統數千之衆乃於大盈小盈議添防守而於雲霄漳浦福寧則議減戍此非臆爲輕重也蓋以本標士馬有應援各府之責且山海未靖警息頻仍一遇有事便當介馬星馳倘遠出追勦鞭長莫及若泉州至同安一百三十里大盈一帶適中孔道無專防之兵扼守恐宵小勾連又滋一番震動事關地方大計故不得不因此會議之機詳慎敷陳惟貴部院再垂參酌可耳合就咨請爲此備咨貴部院請煩察照裁奪示覆施行

康熙十七年十二月初二日

申飭透越各四鎮

爲申飭透越接濟之弊以絕盜糧事爲照遷邊畫界
設兵巡防原期杜奸清野俾逆賊掠食無從則烏合
之夥勢當不久潰散惟恐有一二不肖弁目聽信奸
棍唆誘希圖微利明知故縱任其透越勾通合就移
飭爲此合咨 貴鎮煩爲查照希卽轉行嚴飭所屬
沿邊各協營將領務令不時親自帶領兵馬嚴行巡
查并申飭汛防各弁兵凡係港口寸板不許下水若
係陸路一絲一粟不許越出界外敢有陽奉陰違分

肥故縱及稽察不嚴致被透越者或經訪聞或被首
發定以通賊指叅事關邊禁

功令森嚴 貴鎮責任攸關幸勿泛視仍將通飭過緣由
見覆施行

康熙十七年十二月初十日

設法示禁咨兩院 平南將軍

為懇恩設法示禁急救殘黎事本年正月二十二日
據江東副將詹六奇呈稱據二十八都上坑九東等
社居民楊仕楊同等呈稱本社數村附居大路屢被
海虐慘不可言幸逢大兵討賊喜見天日豈料本社
土樓攻破顆粒無存哀聲滿道僅存空屋又被兵丁
乘取柴火拆毀殆盡合情乞示禁止招徠殘黎等情
前來據此為照二十八都各村逼近大路雖未遷移
凋殘已極僅存棲身房屋况又播種及時今被營兵

拆毀不留半柱隻椽可憐未定驚魂又作流離落魄
卑職聞之痛切卽請憲令禁止旋復躬親傳諭孰知
頑兵不遵軍令數百成羣公然無忌將以民居爲瓦
礫場矣今據前情合亟呈請軫念民爲封疆根本移
知 都統迅示嚴禁庶留未拆之餘以免露宿之苦
實憲臺恩施廣廈千萬間也等情到將軍據此爲照
逆孽狂逞倚水相持茲滿漢官兵雲屯漳郡相機進
勦凡附近孔道居民田廬荒毀流離之狀在

貴

將軍院

洞悉民瘼早垂矜恤茲據該副將呈據上坑

九東等社居民呈詞懇乞設法嚴禁等情除經出示
嚴禁外合藉 貴

將軍院

威靈嚴示禁飭俾滿漢官兵

共有遵守殘黎稍獲安堵得以及時播種其所造於
地方非淺鮮也今據前情合就咨會爲此備咨

貴

將軍院

請煩察照嚴飭仍祈示覆施行

康熙十八年正月二十四日

海氛不靖咨兩院

爲海氛不靖勝筭宜周急陳情形請乞速撥重兵防
汛以固內圉以保子遺事本月二十三日據晉江縣
詳稱竊照逆孽披猖流毒已久我上憲經畧海邦剿
撫並施迅行遷界嚴禁接濟蠡茲小醜滅在旦夕區
區下吏何庸置喙然在晉地今日情形計之界地旣
遷逆賊計窮勢如困獸必鬪餓豕必突卑職日據所
聞海寇橫行縱恣派劫殘黎驚魂遍野哀號不敢不
激切陳之謹按泉郡濱海延袤三百里海逆在在可

以登岸而自晉地言之最要者無如安平前埔竿頭靈水等處由小橋折而東則自陳埭青陽蚶江石湖等處古陵舖折而南則沙溪金厝寮等處皆逆賊出沒之要路先是順治十八年調兵分汛扼險而守十里一寨五里一墩碁布聯絡聲勢相援故逆賊不敢入犯內地之民得以盡力南畝安枕無憂今自遷界之後調兵列守之符日遲一日逆賊剽掠之慘日甚一日內地居民泣無保障請兵致討則聚散無定防禦難周則往來肆虐勢至城外兩關人民驚惶是思

尺有鞭長之慮深為隱憂者也卑職身經守禦情形已熟終日焦思晉邑為泉郡要領聚數十萬之戶口全係此數處之屏翰茲者東石一處久為賊踞深河結柵已成負嵎之勢而安平前埔靈水等處地相逼連逆賊聚為淵藪從此出入內地招夥派餉萬一復踞一所深溝築壘固成窟穴倚為犄角則南鄉人民淪陷湯火内外市肆貿易阻絕額編糧糶毫難徵問是委萬姓之膏脂以資賊棄藩籬而守堂與閭郡生靈復危矣且賊敢入內地擾害者不過憑海鷗張嚇

我人民輸納糧餉以濟漳賊耳如我沿海之汛地蚤
一日安兵守禦則臺寨可蚤一日修築碁布勢成應
援聲壯此不惟泉郡之門戶永奠金湯併可以遏絕
漳賊之糧運速彼銷亡矣蓋逆賊以游踪海上旦夕
倏至焚民廬舍孥民妻子待我大師搜剿賊已揚帆
飄去故民寧受荼毒以救死者皆緣沿邊之汛地未
有重兵防護也今日安危機在肩隄伏懇迅發重兵
安置守禦固七泉之根本甦萬民之性命其在指顧
間矣合就申詳爲此除申

督撫兩院 寧海將軍外

卑縣備由具申等情到將軍據此爲照海逆肆亂以
來全閩沿海郡縣悉遭焚掠之慘漳泉尤甚茲滿漢
大師雲屯漳土逆孽猶時有乘間登犯擾我黎庶者
則泉屬沿邊紆迴數百里之間留禦兵單不敷分守
賊徒之頻入焚擄不問可知每據各將領呈報亟欲
調遣分防奈官兵限於制額無可藉手雖先前亦有
安設而寥寥百十之衆無濟事機本將軍爲邊防日
疎地方日壞輾轉思維心血已枯茲邊界既定勢當
派防本將軍廣詢昔季之情形細察今日之事勢卽

此派防之間又有當費一番籌畫者查順治十八年
間海賊以屢敗之餘膽寒氣喪故我沿邊五里一臺
十里一寨百十官兵便可保固無事然畢竟尙有馬
匹得以迅速冲突今逆賊之聲勢方張內地之奸宄
襍逞若邊防之兵只循舊數恐海逆乘潮突至千百
爲羣而我臺寨弁兵衆寡懸殊不特難以出勦尤慮
不足自守萬一挫損兵威則賊鋒愈熾兵心愈疲將
來且不可再振矣此前日興泉道建議請設重兵良
有以也今卽不能盡如該道所派之數亦應稍爲加

增昔之原額惟是本將軍現在行間又不得不酌留
標兵以勦進剿今擬俟東豫新兵調到收明之日卽
爲斟酌撥防除稍緩地方應俟本將軍回泉之日酌
撥外至於竿頭靈水前埔古陵大盈小盈各處更爲
衝要之尤者亟應於竿頭安兵五百名靈水安兵四
百名前埔安兵五百名古陵安兵二百名大盈安兵
五百名小盈青石宮二處共安兵四百名以上各汛
先應安兵共二千五百名以應目前之急但查各汛
相去或十四五里或二三十里不一遇有警彼此

應援非藉馬匹難以星馳電擊今本標官馬缺乏
部發無期購補無資尤恐徒步之卒有警難於遠馳
互援則又屬紙上空言罔濟定用不得不仰藉 貴
部院之計謨早示區畫以救此泉屬之殘黎也今據
前情合就剴切咨商爲此合咨 貴部院請煩察照
仍祈酌妥迅賜示覆施行

康熙十八年正月二十六日

地界安兵咨福寧鎮

爲地界非安兵莫守橫寇非重兵莫禦謹瀝陳遷後
情形仰祈鑒憐救濟以保疆土以全民生事據福寧
州申稱切州境沿邊二百數十餘里汎地不爲不廣
隘口不爲不多當鎮營全設之日猶鯁鯁以地廣兵
稀不敷分守是虞况於今日所設之官兵其分防隘
口者豈能周密屈指而計中營遊擊劉濟源官兵二
百餘名駐劄赤岸橋看守船隻調防桐山營遊擊曹
良官兵三百餘名守禦州城調防平陽營遊擊傅鵬

翔官兵五百名駐守桐山此三營相隔脩途峻嶺各有守城守船之責其餘不過差遣塘撥以供瞭望偵探而已孰敢以寥寥有限之兵遠分要隘以當逆賊之衝而疎城池船隻之防故各寇如入無人之境日甚一日曾無一毫顧忌甚至直入內地焚殺捲擄嚇餉立威遠近刻無寧宇向者患在海濱今則患移內地藉非迅發官兵立時撲滅肅清內地以固疆界則賊勢日增民生日促恐涓涓不絕將成江河矣等情到本將軍據此案照先據該州申爲逆謀報忿有據等事內稱陳張諸逆屯踞地方意圖雪忿侵犯州城伏請酌撥水陸捍衛等緣由業經本將軍咨商 總督部院并移咨 貴鎮量發官兵回汛防禦在案續准 督部院咨爲呈請酌撥官兵等事復經本將軍移准 貴鎮咨覆撥發桐山營把總游明帶兵一百名候領糧餉立令起行等因茲復據該州申稱汛廣兵稀賊寇公然屯剽肆橫劫擄若非迅發官兵撲滅則賊勢日增民生日促等情前來爲查沿邊遷移已定要口自應撥兵防守惟是福寧官兵調起來漳而

在州汛防官兵雖云卑薄亦當設法堵禦相機剿殺
乃因循退縮致賊勢鴟張以致劫擄此該州之不得
不屢請重兵及時剿滅以靖地方者也照據前情合
再亟移爲此合咨 貴鎮煩爲查照希卽迅發把總
游明帶兵星馳回汛守禦仍嚴飭在州將弁酌量地
方險易通融扼守務要晝夜用力瞭探加謹隄防遇
有警息奮勇馳剿保衛人民以安地方仍將撥兵起
行日期并飭行過緣由見覆施行

康熙十八年二月初六日

地界安兵咨督院

爲地界非安兵莫守等事本月初七日准 貴部院
送到 康親王令諭內開據福寧州知州張敏啓稱
州境沿邊汛廣兵稀逆寇直入內地放火殺人捲擄
男婦財物張示嚇餉并開遷界後被害地方日期情
形伏乞垂鑒等因敬此爲照福寧僻處閩省北隅離
海逆巢穴較遠向來頗稱寧謐自福寧鎮帶兵南下
會剿而山海小醜窺我兵單遂敢乘隙劫擄然據報
俱係零星逆孽實非大夥海寇若在州文武果能和

衷協力鼓勵官兵鄉勇互相守望堵剿何以致其流
突無忌該州雖係文職亦有地方之責平時既無弭
盜之術而有事輒大聲狂呼越啓 親王前據該州
詳同前由本將軍隨經移咨福寧鎮催將原議發回
桐山營官兵一百名迅令馳回福寧協同在州將弁
酌量地方險易通融扼守去後今奉 王諭前因相
應再於該鎮所帶官兵之內掣回二百名并前議遣
之數共足三百名令其兼程回州相機防剿是否妥
便迅祈示覆以便轉移遵照至於該州狂呼越啓未
知 貴部院前此曾否申飭細揆該州之意寔欲速
福寧鎮之回州以卸地方之責任耳然行間與賊對
壘日夕相持兵馬尚慮單薄該鎮豈可輕易遽撤諒
貴部院碩畫當有以洞及也合就咨商爲此備咨
貴部院請煩察照迅祈示覆施行

康熙十八年二月初七日

平閩紀卷之六目錄

咨文

酌設沿邊咨兩院

特請增兵咨撫院

稟報事咨督院

請令撤兵咨兩院

備陳勦賊咨兩院

備陳勦賊咨浙督

遵奉 俞旨咨兩院

平閩紀卷之六目錄

咨文

酌設沿邊咨兩院

特請增兵咨撫院

稟報事咨督院

請令撤兵咨兩院

備陳勦賊咨兩院

備陳勦賊咨浙督

遵奉 俞旨咨兩院

詳請添兵咨督院

奏聞事咨督院

密報事咨喇將軍

呈請憲示咨兩院

特請飛調咨督院

密請添兵咨督院

賊盛兵單咨督院

稟報事咨兩院

密報事咨興化鎮

密請安置咨兩院

特請飛調咨水提

重地未便咨喇將軍

平閩紀卷之六

懋紹漁山

三韓楊 捷元凱著

男懋緒令鴻纂

懋綸今掌

酌設沿邊咨兩院

爲酌設沿邊要汛以資防禦事准 貴部院咨開准

撫院吳 咨前事等因到部院准此爲照惠安營至

福清蒜嶺沿邊一帶已經撫院吳 巡閱各汛應設

官兵佈置分防既經酌定相應咨會爲此合咨貴將

軍請煩察照希即迅撥官兵二千五百名分佈沿邊各汛倘有不敷本部院再撥兵五百名統聽貴將軍分發防守仍希見覆施行等因并准 撫院吳 咨同前因各到將軍准此時本將軍因驗收東豫新兵發伍正在酌定兵數分發回泉汛守然後咨覆復准大咨前事內開准 撫院吳 咨內開本院旋師閱歷躡勘形勢并與鎮汛諸將細加商酌自漳州大王廟起以至泉州并興化至蒜嶺一帶安設官兵數目業經本部院備移貴將軍迅發官兵防守倘有不足

本部院再撥兵五百名統候分撥在案但邊界遷徙已經兩月沿邊處所尚未安兵盜賊縱橫出入無忌斷難刻緩合就咨催爲此合咨貴將軍請煩察照迅撥官兵令興泉道同貴標員沿途安置分防望切望切等因准此爲照沿邊遷界已定自應設兵防守茲撫院巡閱漳泉興化各郡縣邊汛派定官兵堵防備極周密詳悉深得安攘至計惟是各營兵額猶恐不敷分布如泉州沿邊各處所需兵數計本標制額只有四千八百五十名而本將軍現在行間與賊對壘

堵守邊牆尤爲緊要不得不酌留官兵以備緩急今除酌撥官兵二千名於本月初一日着令本標左後兩營遊擊朱起龍劉國興帶領回泉酌量地方險易先爲分佈守禦去後若照撫院原定之數尙屬不敷似應俟蕩平漳寇之日本將軍帶兵回泉方克如數撥發也其洛陽橋惠安二汛雖已添設營制而兵馬皆未補足茲查本標五營已收東豫新兵其舊兵溢額約計一千上下已經行令中軍叅將馬勝將溢額舊兵盡數分發補入洛陽惠安二新營且洛陽遊

擊趙雲奉令帶兵往同安會剿今鄭不伐已經投誠該將現在赴汛料理則洛陽惠安二汛只俟本標溢額舊兵發到即可分佈巡防至於興化沿邊所需兵馬除已經檄行遊擊李雯將現防洛陽官兵俟遊擊趙雲并本標溢額兵丁收補之日盡數撤回興化則興化邊防亦稍足資矣再查福清連江羅源原調南征官兵內除酌留福清砲手一百名連江營砲手二百名防守邊牆外其餘已遵大咨盡數發回原營守邊去後茲查得小盈青石宮大盈地方已有本標

官兵防守惟東嶺荔枝園二處乃大盈小盈青石宮
適中之地本標額兵不敷撥派而東石內瞭山九溪
山海逆乘隙出沒得荷 貴部院垂念邊防大計撥
發勁旅五百名在彼添防則大路一帶可保萬全此
又藉 貴部院之鼎力鴻謨也

康熙十八年四月初三日

特請增兵咨撫院

為特請增兵汛守以固地方事准 貴院咨開據驛
傳道呈詳福清之鎮東牛宅海口等處逼近樹頭海
壇山請飭福協仍撥龐守備再增兵三百名汛守其
漁溪等處或將調去福清之兵發回本營分汛或別
撥兵丁選員協同防守等緣由到院據此相應咨達
等因到將軍准此為照福清汛地遼濶兵力不敷汛
守先經本將軍咨明 督院將所調南征官兵發回
二百名以為汛守邊汛之用至於蒜嶺等處新經

題設守備一員額兵四百名近該營守備田龍見請留
福清營原發回南征官兵以爲安營立寨之資業經
本將軍咨准 督院覆示飭行該備迅將額兵作速
設法募補足額發回原兵在案是福清之赫嶺等處
兵力頗足似可少敷防禦至於鎮東一帶尙須添防
但附近各營委無餘兵可以調撥祈 貴院碩畫或
就近酌量緩急通融那移以資汛守俟新設之鎮東
營官兵募足之日撤回可耳

康熙十八年四月初十日

稟報事咨督院

爲稟報事本月十三日據延平城守左營遊擊邵乘
龍呈詳等情到將軍據此爲照逆孽紀朝佐流竄德
化永福二縣自當發兵窮追搜捕以絕根株茲據稱
延平郡城只有將官邵乘龍兵三十餘名現在無兵
可撥等情惟是永春一縣與德化毗連在臬官兵現
經盡數撥防沿邊無可遣發前往接防該縣城池倉
庫爲重其延平原防永春官兵似未便發回所有副
將康泰所帶會剿寧化官兵七百九十名近據各協

將報稱黃機禾屢爲官兵殺敗等情則逆賊之形勢
畧可槩見今或只令郭裴二副將會同樂總兵官兵
在彼搜剿行令延平副將康泰將所領官兵盡帶回
延會剿紀朝佐或行令該副將於所帶官兵之內酌
發二百九十名着令能員帶回并行遊擊梁九鳳將
現防寧洋官兵之內酌撥一百名馳回延平庶足以
資堵剿并可兼顧郡邑城池倉庫查寧洋縣汛係漳
州所轄應祈 貴部院檄行漳州鎮標擇撥官兵二
百名前往防守責令遊擊梁九鳳將原帶官兵二百
名馳赴寧化會剿黃機禾其副將康泰乃係委署回
部改推之員若久在行間未必盡心且恐呼應不靈
或應令其原帶官兵七百九十名帶領回延內留二
百九十名固守郡城倉庫其五百名責令遊擊邵乘
龍帶領會剿紀朝佐庶出處戰守均之有備矣本將
軍管見如此是否有當合就咨商爲此備咨 貴部
院請煩察奪示覆以便行營遵照施行

康熙十八年四月十四日

請令撤兵咨兩院

為稟報請令撤兵事本月十四日據邵武副將郭奇署延平副將康泰隨征屯田總兵樂燦報稱竊照卑職等奉憲令帶領官兵會剿逆寇黃機禾等已于三月二十日進攻賊口二十二日辰時直搗巢穴當陣殺賊奪械并逆賊棄却空堡竄逃各情形俱經具報在案時職等暫劄畱猪坑分差躡探黃機禾踪跡間於二十四日據原發上伊一路進剿各營千把范得勝等寧化縣安遠司巡檢馮奇同報稱得勝等遵奉

卽於三月二十二日黎明帶領目兵前進陸里郊洋地方賊黨踞險抗敵四處理伏得勝等分兵三路奮勇冲殺奪進賊口當斬殺賊旗手二名得獲大旗二桿殺灰賊衆三十餘人得獲篙鎗馬叉旗幟等件及至午時賊敵不住又奔上高山竄入空土堡得勝等協同巡檢馮奇帶領上伊難民鄉壯張教化等四面架梁冲殺上山圍堡當陣砍賊十餘人砲傷滾落山崖約計二十餘人餘黨四散潛逃其空堡當卽火焚各營兵丁陣獲旗幟鎗砲等項相應一并報奪等情

據此卑職等會商畱猪坑巢穴空堡已焚師劄無益隨議令汀營裴副將卽領該標官兵前往汪家地一路搜緝卑職等帶領官兵前至郊洋一路搜緝時據上栢丈難民熊邇爲報稱聞有黃機禾只帶五六十人走往江西地方去等語卑職等挑選目兵三百名着令邵營千總何承統范得勝等各領星馳追趕去後於三月二十六日據千把何承統等回稱三月二十四日酉刻統等蒙令帶領精壯目兵漏夜前往至二十五日辰刻到石城高田地方計趕八十餘里時

平昌系
卷之六
據本地練總何就口稱并鄉民傳說黃機禾被福建
大兵殺得大敗只帶五六十人走去江西贛州投誠
去了等語卑職統等會商未知果否欲劄高田又係
江西地方所帶目兵糧米無辦難以窮追不便久劄
合撤回營等情據此該卑職等切照黃機禾聚眾肆
虐盤踞畱猪坑老巢茲奉憲令撲剿前後劄殺三陣
取遁江西巢穴已蕩餘黨零星潛匿只今各營重兵
久駐敗亡餘賊斷不敢出惟是卑職等經歷地方目
覩田地拋荒議將克剿地方應聽該轄汀州裴副將

一旅暫劄要地會全寧化縣多方設法招徠編氓庶
餘黨自出歸農而界內一清則黃機禾不敢復逞地
方漸見寧謐矣今卑職等除移會裴副將及照會寧
化縣知縣招徠去後各帶官兵撤至中砂地方暫劄
現候憲令撤兵外理合具稟等情到將軍據此爲照
山賊黃機禾負固跳梁業遣發各副將督領官兵會
師夾剿擒斬纍纍燬巢獲械而黃機禾被追勢促只
帶隨從五六十人鼠竄江西所有脅從餘黨悉係附
近居民大劄之後勢必零星潛匿似不必將各營兵

馬久屯境上相應行令副將裴天祿酌留才幹守備一員帶兵二百名暫留該地方與江西交界處所會同寧化縣相機剿撫以絕盜萌其餘各營官兵仍令副將郭奇裴天祿帶領馳至德化會剿紀朝佐其副將康泰帶兵回守延平以便遊擊邵乘龍帶兵前赴永福德化尤溪三縣交界之地會剿以絕內奸事平之日即便發回各營本將軍管見如此是否有當合就咨商爲此合咨 貴部院請煩察照裁奪檄調仍祈示覆施行

康熙十八年四月十七日

備陳勦賊咨兩院

爲備陳勦賊情形亟賜上策以絕根株事本月初二日據桐山營遊擊曹良呈稱竊照卑職奉令會同浙師夾剿南鎮雙頭嶺二處逆賊叨蒙憲臺福庇於四月十一日同各營官兵攻克南鎮得勝緣由業經塘報在案更有雙頭嶺一處逆賊尙未搗穴會同密商進剿至十二日浙汛官兵全卑職一齊掣赴後崎界外屯住議撥目兵踰探路徑據浙閩各營目兵回稱後崎離雙頭嶺有三十餘里十五里之內尙有一線

之圖系
卷之六
小路餘皆連海靠山乃海巖峭壁一人尙要攀緣而
上過此皆汗泥深階越一小山看見賊巢係孤懸海
島四面皆水非船萬難進剿窺前現有賊艘在彼灣
泊等情卑職公同詢實間隨准溫協賈副將溫鎮標
左營馬遊擊福寧鎮標中營劉遊擊等面云據稱雙
頭嶺係海中心陸師雖勇未能飛渡必須水師重兵
夾攻方克有成等語其賈副將馬劉二遊擊於本月
十五日黎明各帶領弁兵起行回汛外卑職細思南
鎮巢穴已經我師焚搗而餘氛奔遁上船勢必合歸

雙頭嶺嘯聚今日倘不盡力滅根後日毒害地方滋
甚卑職固不足惜其如封疆何茲賈副將馬劉二遊
擊決意歸汛難以強畱而在州水師丘遊擊又負約
愆期畏縮不前不得不備情哀請憲臺迅發諸練水
師以攻其前陸師以躡其後餘孽根株不日可靖卑
職所帶官兵一面駐劄白琳地方堵防一面候發水
師夾剿仍請飭行浙閩原同夾剿官兵依舊會齊一
處協力截殺地方幸甚卑職幸甚等情到本將軍據
此爲照南鎮逆賊雖被官兵剿敗然根株未絕終屬

遺患况雙頭一處尙未搗穴今各兵卽欲回汛賊勢
必將復燃自應乘此兵威水陸夾剿掃蕩巢穴乃爲
上策今據前情合亟咨商爲此備咨 貴部院請煩
察照希卽檄行水師營速撥諳練水師重兵船隻駕
進雙頭徧口并檄行原同夾剿各官兵訂期會師水
陸夾攻以空巢穴以淨根株施行

康熙十八年五月初五日

備陳剿賊咨浙督

爲備陳剿賊情形等事准 福建撫院吳 咨開本
年五月初一日准 定海將軍王 咨開本年四月
二十七日准本院咨開准本將軍咨前事等因到院
准此爲照海逆灣汨雙頭徧既係孤懸海島非船難
以進剿該將請撥水陸夾攻今經貴將軍運籌制勝
添撥水師會同劉遊擊訂定日期水陸奮力夾剿深
見計謨碩畫但咨 浙江督院飛飭原發官兵仍至
桐汛訂師會剿應候 貴將軍主稿可也等因到本

將軍准此爲照南鎮雙頭衛賊巢原准 浙江督院
咨移兩省會師水陸夾剿今南鎮之賊業經官兵攻
殺焚巢餘孽敗遁則雙衛之賊誠宜一并殲除前據
福寧鎮標中軍遊擊劉濟源報文本將軍已經飛飭
原在福寧配船水師叅將丘廷輔星速會同劉遊擊
率兵訂期水陸進剿矣今桐山營遊擊曹良以地係
汎屬恐貽後患乃請浙閩兩省原調會剿官兵合力
剿除應否如其所請故以奉商今准大咨前因但本
將軍所管者水師也或原發船兵足以剿除或應再
爲添發協力夾擊本將軍不敢岐視至於陸路進兵
且事在鄰省則應仰請貴院主持咨會飭行本將軍
似未便越俎合再咨會貴院請煩查照酌示等因到
院准此合就咨會爲此合咨貴將軍請煩查照裁酌
迅賜示覆等因到本將軍准此爲照南鎮雙頭衛海
逆恃險跳梁業荷 貴部院遣發浙屬官兵會同閩
省福寧桐山官兵協力夾擊南鎮逆賊已經攻殺餘
夥復投雙頭衛盤踞海島茲 水師將軍王 現在
照撥水師官兵合師搗穴至於陸路官兵除經本將

軍移咨福寧鎮着令能將帶領馳赴桐山候期進發外所有 貴部院原調來閩會剿官兵統祈 貴部院威靈檄令星速前來訂期協剿俾浙閩得受救寧之福皆出 貴部院之鴻慈也今准前因合就咨達爲此合咨 貴部院請煩察照賜覆施行

康熙十八年五月十二日

遵奉 俞旨咨兩院

爲遵奉 俞旨等事本年四月十一日准 貴部院咨開准 兵部密咨前事等因到部院准此合就咨商請煩察照作何建議 題覆惟祈卓裁示覆等因到將軍准此爲照閩省地方形勢南北延袤二千餘里一面倚山一面臨海倚山則崇岡疊嶂臨海則萬里汪洋自康熙十三年變亂山海逆寇乘機交誼踞險跳梁及康熙十五年大師入閩漸次削平使當時卽增設官兵星羅碁布則餘孽勢當潰散不致復有

此番之騷動惟是以宇內多事措餉維艱前任

督提

不敢陳請增兵以致調撥不敷防剿無藉遂致海澄

失陷泉郡被圍致煩滿漢大兵雲集應援若非仰賴

朝廷威令則閩南半壁幾不可爲茲海逆現在與我師對

壘更散遣逆艘往來於沿邊窺伺在我各汛扼防不

可不極其密密業荷 貴部院宏裁建議 題增兵

額并海澄公原轄兵丁俱分派於沿邊要汛防剿設

官分轄以肅責成此蓋相度形勢因地制宜邇來扼

守頗密孔道始通山海之勾連隔斷賊眾之糗糧始

絕茲 內部以所汰海澄公原兵一千一百三十七

名不准補足又以所添一萬八百名之兵原未令其

另立營伍添設官員并將水師提標官兵既就此所

增兵額之內派撥移咨再議具 題等因查原 題

派撥官兵汛地如浦城一汛實爲全閩上游之衝外

省解運協餉必由之路際此鄰省山寇未靖不時侵

入若不特設專汛斷難保無疎虞若閩安爲省會之

門戶鎮東爲福清之藩籬皆逼臨大海賊艘乘潮可

以直入內港必設重兵方可扼其侵犯至於蒜嶺楓

亭乃驛站孔道凡解運餉銀火藥甲械到此勢須歇宿且咫尺波濤逆艘日在游移尤當設兵彈壓以杜覬覦惠安爲興泉之脉絡洛陽乃泉州之咽喉每值大潮之候萬頃汪洋若不亟設重兵則賊之艘艦巨艦往來無所顧忌不特內地居民日受蹂躪且恐孔道不通軍機因而阻梗矣其灌口龍江乃漳州接壤適中之地與廈門逆穴對峙相隔一江卽此一千之兵尙慮单薄又何可輕易議減也在江東橋官兵現在與賊對壘日夜戒嚴海澄一縣雖未恢復而該營

所設官兵亦現在屯劄江東橋兩兵互相犄角以堵逆賊勾連山寇取糧之要道是又不可一刻疎防也至福寧一州處閩省北偏地勢紆迴爲濱海重地雖有鎮標及銅山官兵而汛險兵單不敷防禦是城守官兵又亟宜添設也以上各處俱十分緊要自應仍照原題之數設立官兵以資彈壓至若泉州所屬之大小盈逼近東石逆穴當設重兵一千餘名以資邊防祇因錢糧匱乏再難議增今若將所汰各標原兵不准募補又於此內撥充水師提標再除漳浦漳

州同安三鎮已經奉 旨設兵九千名則餘兵僅三千餘名將何以分佈於沿邊各汛乎夫以閩地之邊汛皆賊踪飄忽在在可以登犯兼之逆賊狡謀每見餉銀火藥經過遂欲擁衆截劫本將軍屢次統兵接護今若各汛兵單萬一有失則賊志愈張咽喉孔道不通軍餉輓運難前山寇復從中遙應窮民因而騷動恐殷鑒不遠前轍堪虞且查水師提標官兵原在二萬數內已於備陳剿賊等事一案經 親王具題部覆奉 旨准行在案此尤祈 貴部院剴切陳明

者也至添設官員另立營伍有兵自應有官若使附近各營將弁遙爲統領恐責成不專巡防不力莫若當汛弁員以汛爲家功名性命相關自必加謹嚴愆總之閩省從我 朝定鼎以來爲海逆擾攘勞師動衆所費 公帑金錢幾千萬計延至今日尙未蕩平今欲保固封疆一勞永逸自當破格用兵奮揚威武設官分職勿惜小費秋間水陸大舉轉盼屆期倘邀朝廷威靈掃平逆穴芟鋤積寇事平之日或可將新設官兵酌量裁併以省 國帑若再因循從事邊防不固

三
卷之二
恐糜費錢糧無所底止本將軍雖賦性愚昧豈不知
措餉艱難當勉從樽節惟以身在地方目擊山海情
形既准 大咨詢及不得不備晰直陳是否有當尚
祈 鴻裁酌妥主稿 題覆可也今准前因合就咨
覆爲此合咨 貴部院請煩察照施行

康熙十八年五月十五日

平閩紀卷之七目錄

咨文

咨會事咨督院

地方任重咨兩院

塘報事咨

將軍賴督院姚

軍務事咨同安鎮

呈明克復咨喇將軍

稟報事咨興化鎮

嚴飭力行咨兩院



稟報事咨督院

稟報事咨三鎮

特叅將弁等事咨督院姚

慎重操駕咨

兩院
水提

呈請憲令咨福寧鎮

緊急軍機咨撫院

水師出洋咨兩院

緊急軍機咨

福寧
興化鎮

欽奉 上諭咨督院

欽奉 上諭咨同安鎮

欽奉 上諭咨水提

進剿之師咨喇將軍

平閩紀卷之七

懋紹漁山

三韓楊 捷元凱著

男懋緒令鴻纂

懋綸今掌

咨會事咨督院

為咨會事本年九月二十八日准 貴部院咨開准
水師提督萬 咨前事等因到部院備咨到將軍准
此為照閩省現船三百隻配駕經制水兵尙缺萬餘
名今既難於 題增又無餘兵可調勢必就於陸營

官兵之內移緩就急酌量抽調配駕船隻以應搗巢大舉但查上游各協營官兵先經調赴漳泉防邊矣所存官兵今又會剿隣寇江楊等逆尙在堵禦不敷並無可調之兵若從沿邊各鎮標營而論如桐山一營地處浙閩交界海逆分踪游移竊踞雙頭嶺等處撲剿尙未淨盡福寧鎮標三營官兵該總鎮現帶領一千六百名在軍前與賊對壘其興化鎮標三營內除中左兩營已屬水師只有右營官兵一千名以興屬汛地險要猶須別調官兵防守方保無虞新設洛

陽一營官兵除派守城門巡邏倉庫以及分防縣汛又有護送鞘差之煩同安城守二營內右營已歸水師經制只有左營官兵城守分佈實屬不足雖有同安鎮標三營官兵共資彈壓但該汛與逆島緊對衝險尤難輕動漳浦鎮標三營官兵俱分防要汛日事剿禦更難調撥本將軍滅賊心殷運籌謀拙計惟有於福州城守三營之內撥出官兵一百五十名連羅長福四營每營各撥出一百五十名興化城守營撥出一百名惠安營撥出一百名灌口營撥出一百名

海澄二營江東二營各撥出二百名漳州鎮標三營
撥出二百五十名漳州城守三營撥出三百名漳浦
雲霄二營各撥出四百名詔安營撥出二百名以上
各鎮協營着令挑選善於水性者共計撥出官兵三
千名此俱防邊對壘之兵本將軍愚見權行抽調是
否妥便合候宏裁至於尙缺配船之數惟祈 貴部
院碩畫斟酌俾水陸兼善以收蕩平之效也今准
大咨移詢謬抒末議并將抽調兵數緣由咨覆爲此
備咨 貴部院請煩察照裁奪示覆以便移行遵照

施行

康熙十八年十月初五日

地方任重咨兩院

爲地方任重兵力枝分請令飭練鄉衆聯絡捍禦網
繆保固事本月初三日據漳浦鎮標中軍遊擊兼攝
漳浦營事王昶呈稱竊照卑職奉憲委署理漳浦營
務相度浦屬形勢居於山海要衝伏莽情形不時見
告雖時加飭行各汛防弁小心隄備然汛廣兵單未
免憂虞地方要害之處辰下關切之弊不得不爲憲
臺陳之夫浦汛所轄地方南有高洋口眉田古竹等
處與銅山大海對峙瞬息一潮可到襟連界外荷步

白塔下寨與頭以至梁山硎穴東有荔枝園東窰寨趙家城張坑等處俱負山背海界外扈頭礁舊鎮竹與陸鰲鎮海均有賊船連踪灣泊而井尾佛潭橋赤湖玲瓏硎皆賊寇淵藪之所更有防守盤陀以至長橋椽海砲臺及馬口城汛沿邊內地延袤千里計新舊營兵除分撥砲臺塘兵之外按汛設防每處汛兵不滿百名有一汛卽有一汛轄屬週圍鄉村奚啻百里在防弁自當備禦嚴密以副職守會奈濱海汊港不一船之所至隨地可登加以山徑多岐一遇警息

近者聞報汛弁可以急呼立應其在村落巔原多所遙隔實有鞭長莫及之慮是以去歲憲臺僉立鄉練更設藍大總練責其調度指揮使之訓練鄉壯寓兵於農守望相助互相稽察斷絕透越平居可以固守有事可以應援誠良法也惟是鄉練旣設未見實心奉行自設立以來凡奉派一夫一役顆米粒穀無一不票着催辦稍有稽遲或繫於縲紲或因於囹圄苦辦公之不前又何暇及練務乎卑職身在地方稔知情節不敢緘默不言合無仰請憲臺嚴飭總練舉人

藍陳畧遍傳各屬練總團練鄉衆沿鄉逐保闔戶連
村督率聯絡各村要口伏路支更一遇賊寇出沒鳴
螺傳號四處練總齊率鄉衆一而合應防官一面飛
報卑職帶兵策應如一保一名不到詳報按以重法
一應催科事務嚴行漳浦縣責成于保戶長其所設
練總專督鄉壯不得干與別事使其衆志成城捍禦
堅固地方可寧若不亟行飭練該營官兵不能沿鄉
逐家星羅碁佈值此收穫之際恐地方不能在在得
安仰祈憲鑒迅賜飭行地方幸甚等情到將軍據此

爲照海氛未靖在在汛防務要設法堵禦庶幾有備
無患查得漳浦所屬沿邊一帶地方俱緊對逆夥島
與賊艘游移窺伺殆無虛日當此冬成之候尤宜倍
加隄防今據該將呈請嚴飭總練舉人藍陳畧遍傳
各屬練總耑督鄉壯團練一應催辦別務不得與及
使其衆志成城互相保固一遇有警鳴螺傳號以便
防守官兵馳剿等情誠爲目前綢繆地方至計合就
咨達爲此備咨 貴 部院 請煩察照祈卽檄行有司
着令實心舉行保固邊防以安地方仍希賜覆以便

行營遵照施行

康熙十八年十月初六日

塘報事咨

將軍賴
督院姚

爲塘報事爲照逆孽竊踞海島倚水跳梁被我官兵
堵絕糧道勢甚窮蹙乘此禾黍登場屢據各協營探
報調集夥黨空巢登岸掠命掠食業經本將軍會同
總督部院姚 嚴飭沿邊各汛防官兵整棚隄備茲
於本年十月初九日巳時據署海澄城守副將林葵
報稱本月初九早晨時才在榴山寨瞭見海賊揚旗
擺隊約有六千餘衆向果堂後東北灣頭山包寨希
圖窺犯江東內地劫搶大路糧道以延殘喘等情本

將軍卽於本日午時親統戎旗官兵并本標援剿各營馬步官兵共一千五百員名暨 總督部院姚

親統標營馬步官兵并福寧黃總兵帶領本標官兵

會同

平南將軍賴
浙江提督石

各親統滿漢大兵星赴江東

橋鼓勵各標營官兵奮勇齊進撲剿直追至翁溪頭坂尾山下坑山各地方砲矢齊發殺歿賊衆甚多逆賊抵敵不住遂抽退灣頭山隨會商 總督部院暨

平南將軍賴 親臨壓陣督戰尾追趕殺奪佔坂尾

山翁溪頭山詎料逆賊先於灣頭山包築寨牆開濬

濠澗河溝踞險歿拒砲火如雨本將軍親領戎旗外

委遊擊崔陞外委領旗都司楊撰韓啓龍外委領旗

守備羅成功等及外委紅旗守備苗秀千總王龍把

總張福等馬步官兵并本標中軍叅將兼管中營事

馬勝中營千總盧國聖前營把總馮魁李鳳後營把

總任可久援剿左營把總江光斗陳亮右營把總王

豹候補千總楊會楊貴外委領旗千總俞陽何應科

外委領旗把總周岳吳榮汪世英候補把總劉上才

等帶領本標援剿并福清連江各營馬步官兵奮勇

追殺至濠邊賊衆敗走過河不及被我官兵砲箭打中死者數百餘名得獲排鎗十二桿藤牌五百牌刀四口小鐵砲一位鐵甲二身白旗一面因河溝深濶我兵未帶有扒寨雲梯器具難於飛越隨於對濠架砲攻打自未至酉中營千總盧國聖衝鋒扒濠當陣被砲傷亡更有傷亡官兵未據各營查報因天時昏黑卽收兵劄營於坂尾山翁溪頭與灣頭山相離里許實爲江東橋門戶隨會商 總督部院 平南將軍卽於坂尾灣頭山兩處連夜修築二寨安兵堵禦

絕其窺犯掠食糧道以便乘機進取外續據督標前營叅將劉詔報稱本年十月初九日辰時奉 本部院令箭傳諭着職撥發官兵四百名前赴果堂等寨應援等因奉此該卑職一面安兵固守營汛一面挑選精勇兵丁五百名令千總趙文魁陳元把總李天祿許福劉正泰并効用人員等馳赴應援去後本日戌時據千總趙文魁等塘報內稱職等奉令帶領目兵至果堂寨逆賊排列鎗砲矢石如雨前來迎敵職等當奉 本部院暨昭武將軍憲令着本營官兵從

中路衝鋒前進職等督率目兵冒險當先奮勇攻擊
逆賊敗據濠溝我官兵併力砍殺直抵濠塹不避矢
石自午至酉戰經四時陣斬僞官三員射歿逆賊五
十餘名於戌時奉令收兵回汛所有傷亡官兵陣斃
馬匹火藥箭彈等項俯俟查明另文報銷外理合塘
報等情前來據此該卑職理合轉報等情又據督標
內右協叅將謝思禮報稱本月初九日巳時蒙 本
部院令箭差官傳職前往江東橋地方進剿殺賊職
隨帶領左哨千總陳得功把總丁伯勝曹公捷右哨
把總萬助興隨征副將羅得守備盧國英千總李瑞
吉把總白大勝等同官兵進剿時值賊衆猖獗職領
官兵跟同 總鎮王 從右路衝殺官兵奮勇爭先
砲矢齊發陣歿不計其數賊勢大敗迺遁土圍我兵
力戰至戌收兵所有陣亡重傷官兵另文開報等情
又准福寧黃總兵報稱本鎮面准本將軍指授方畧
統領本標戎旗及中左右三營官兵由下坑山土寨
西路進攻湧頭山逆賊於寨外預伏賊兵五千有餘
擺列五色旗七十餘桿倚險迎敵本鎮指揮官兵開

砲攻打自未至申賊勢愈熾本鎮率領領旗守備趙貴朱文等及紅旗守備陳俊林鳳等中營署守備曹國泰署千總張名外委効用守備劉進張志高等挑選蕩寇砲排鎗奮勇進攻本鎮領兵首先衝入賊陣砍殺賊兵甚多陣斬賊級七顆割取背牌八個得獲排鎗二十三桿逆賊敗進寨內因天晚收兵所有傷亡兵丁陣斃馬匹及用去箭矢藥彈等項俯俟查明另文報銷外合就塘報等因又據署海澄城守副將林葵報稱本年十月初九日海賊向果塘後山入犯

江東卑職一面飛報一面令右營遊擊許完帶領右哨千總蔡盛左哨把總林棟右哨把總林龍隨征遊擊嚴陞隨征守備洪國佐韓仁外委千總蕭從龍楊輝余香外委把總王友祥江城許程沈坤等同帶目兵赴太平寨邊會合大兵奮擊據報稱至果塘後山見賊壘有短牆河溝盡力進攻自未至申賊兵歿傷甚多至酉時聽令抽回本汛卑職見玉洲寨內海賊擺隊從太平寨山脚埋伏隨督率百總王得勝管隊馬明外委守備林勝紅旗千總楊隆分兵一股從衡

倉社橫截玉洲賊兵架砲攻打賊退入玉洲城內至酉時依令收兵回汛本月初十日辰時據左營遊擊卓策報稱本月初九早海道擁屯東尾後山策帶領千總丘春把總畢友成陳聰饒弘勳領旗隨征千總方德守備卓棟等督率全營官兵會大師撲剿至黃昏奉軍令抽回安營果塘地方所有臨陣傷故目兵另文開報等情到職據此緣係攻剿事理理合塘報等情各塘報前來惟是逆賊妄肆狡謀率夥六千在於灣頭山包寨窺犯江東橋被我官兵一齊追趕撲

剿在事各官奮勇用命此皆仰賴

貴將軍 威靈所

致也所有各營傷亡官兵員名數目俟各標營查明報到另文咨報外照據前由合先咨報爲此備咨

貴將軍請煩察照施行
貴部院請煩酌奪作何

題報以鼓用命以示優恤統祈賜覆以便查明會

題施行

康熙十八年十月十二日

軍務事咨同安鎮

爲軍務事本月十一日准 貴鎮咨稱奉本將軍憲
票內開前事等因奉此所有東石寨汛事務地方機
宜移交邵武城守副將郭奇統理調度外并移興泉
道速催人夫尅期修砌各寨知照去後正在起行回
縣間本月初八日准興泉道手本移稱前事等因又
准邵武城守副將郭奇咨呈東石一寨向稱汛險兵
單仰邀鎮駕暫留彈壓俟各寨將竣得以固圉各等
因到職准此該卑職查同安一邑俱貼邊海雖在外

出征日爲鯁慮已蒙憲鑒今准興泉道郭副將各移稱前來合再呈明本將軍上裁或遵照前令卽刻回縣保固邊防或俟東石一寨稍竣回同統候憲示以便遵行等緣由到本將軍准此爲照東石一汛雖屬險要現有各標官兵聯絡固守可保無虞惟是同安地方爲漳泉適中衝要之區迫近涵州各處逆島且有賊艘游移窺伺總領彈壓刻不可緩兼以同安副將馮昭京左營遊擊王大有奉文降調現在候代只有右營遊擊李全信等將備似難責其巡防周密保

無疎虞之患本將軍以 貴鎮歷練雄謀隨面商總督部院刻調 貴鎮星回同安駐鎮調度去後今准咨稱興泉道移留料理俟各寨將竣卽刻回縣等情但彼此均係緊要地方相應准從暫任數日俟東石一寨稍有就緒希卽星馳回同倘再延緩時刻致同安要汛或有疎虞 貴鎮責任攸關尤匪淺鮮矣照准前由合就移知爲此合咨 貴鎮煩爲查照施行

康熙十八年十月十三日

呈明克復咨喇將軍

爲呈明克復東石微勞仰祈憲鑒在事末員事本月十四日准 貴將軍咨開據本標後營遊擊劉國興呈前事等緣由到本將軍據此爲照分汛各官職在防禦原無不聽調遣而輕離汛地之理但擅行輕舉罪固難辭而奮力圖功情或可亮今東石之役掃清逆孽凡屬壯士固當努力自効而貴標遊擊劉國興旣無調撥且未聲明擅自帶兵逐隊而往倘有疎虞咎將安歸據稱沿邊警息合爲聲援夫征剿之師志

在直搗賊穴有何警息必藉聲援雖幸而成功終難免擅專之失本將軍權衡斟酌未有定議是以啓報親王文內不爲具敘誠恐此例一開未免爲違紀邀功者效尤茲劉國興具籲前情而吳都統亦稱其同焦遊擊官兵進剿乞錄敘以示鼓勵本將軍再三籌度欲錄其功恐開僥倖之門欲懲其罪恐失激勸之典合就咨會請煩查照成例希爲酌奪務使功罪各得其當勸懲悉合其宜檄行該遊擊遵照施行可也等因到本將軍准此爲照東石一寨海逆竊踞爲運糧

要地本將軍自救解泉圍之後議先行攻取以斷賊糧然後泉州之邊警可息嗣因急於援漳統師南下日夜與賊對壘未暇滅取東石惟時加嚴飭竿頭靈水前埔等汛各將弁加意堵禦密爲採探若有機會可圖立即聯絡上下近汛併就近稟請 貴將軍方畧乘機進取毋得互相推諉致干軍令各在案茲九月二十六日 貴將軍密遣都統吳并興泉道率領滿漢各官兵前往攻打東石竿頭實與毗連該將知各官兵進攻賊寨不敢按兵坐視違本將軍平日之

誠令以自貽譴責乃不稟請 貴將軍之調遣遂自率兵前往咎固難辭但念該將若欲先期稟請往返恐遲會師之期是以奉令急公之心適成擅專離汛之過幸藉 貴將軍雄畧奇謀克復要汛大殲賊黨該將等帶兵効命可幸無罪耳惟是 貴將軍素愛將士凡有微功俱賞嘉無已今該將等奉令有素合兵聲援以逐隊搗巢罪似可原尤祈 貴將軍鑒該將奮力圖功之情少爲寬宥用昭激勸以勵用命可也至於先期未請 貴將軍命令竟自率師前往事後率爾具呈籲請

題敘本將軍隨准 大咨卽嚴檄申飭以肅軍紀矣今准前因合就咨覆爲此備咨 貴將軍請煩察照施行

康熙十八年十月十九日

稟報事咨興化鎮

爲稟報事本月二十六日准 貴鎮咨開據遊擊李
雯報稱賊船三十餘隻灣泊在塔外隨着把總莊興
帶兵至百美應援仍整棚兵馬防禦并移涵江陳總
兵知會外合就轉報等情前來合就咨明等因同日
又爲前事准 貴鎮咨據遊擊陳永茂報稱十八日
午刻列嶼門海上有賊船十餘隻游移未灣又有二
隻在於東汾港前又小嶼門大小賊船一十五隻駕
駛不知欲往何處等情各轉咨到本將軍准此爲照

興化沿邊一帶俱逼臨海濱際此海逆未滅賊船游
移窺伺勢所必有若必各汛俱設多兵防禦則通省
經制兵額有限斷難處處周密所藉各營將弁勤慎
隄備多方瞭探審視賊船苗頭所向并多差精細能
幹兵役密察其蠢動情形務得逆賊謀犯某地方的
息若偵知逆賊將登犯南界則我先將北界汛防官
兵酌量留防本汛將精銳抽出如期密往南界知會
該汛弁兵堵截夾擊倘偵知逆賊將登犯北界則南
界汛防官兵酌量留防本汛將精銳抽出先期密赴

北界仍先知會該汛弁兵堵截夾擊如此連環臂指
互相通融應援則逆賊知儆自不敢希圖窺犯矣各
該營將領身在地方尤當詳加籌畫謀力兼施卽

貴鎮雖經奉文回 部然未離任所在地方一日有
一日之責任尤祈大展 鴻謨嚴飭防邊將士協恭
聯絡出奇制勝以安地方以保殘黎本將軍統師漳
南與賊對壘經年相持晝夜環甲難以分身遙及興
化一郡惟仰藉 勝筭安全今准前因合就咨達爲
此合咨 貴鎮煩爲查照希卽飭行沿邊各將弁遵

照通融聯絡互相聲援施行

康熙十八年十月二十九日

嚴飭力行裕兩院

爲咨請嚴飭力行保甲良法以清響應之奸以杜接濟之弊仰山海晏安地方鞏固事爲照八閩地方延邵汀以山爲枕民多負固而叢山皆四通夙稱流孽淵藪典泉漳以海爲襟民多曠悍而瀕海幾千里素爲游覓窺瞰至福州建寧兩府地居上游爲通省喉舌五方襍處四民往來又爲最易藏奸之地是保甲一法爲天下不可不行之良法尤爲八閩不可不行之實政也目今江楊流孽猖獗於山劉吳游覓狂逞

於海但江楊流孽昔經江浙會剿夥黨已散忽然豕
突崇安光澤各縣賊徒日熾則響應之多可知劉吳
游寬今既拆邊堵禦糧道已絕猶敢扼守觀音山灣
腰樹等要害未卽潰散則接濟之衆可知今卽水陸
並征合師進剿然官兵能征剿有形之寇盜不能清
查無形之奸宄惟在有司加意查緝消弭於無形使
反側自安勾通絕迹是保甲一法爲八閩不可不行
之實政尤爲目今不可不行之良法也但有治法無
治人在上司未嘗不以保甲爲良法行之司道以通

及于府廳州縣及至州縣委之佐二衙官惟於朔望
取具甘結一紙回覆不過云該職查據地方本鄉並
無歹人細訊家甲本鄉皆係良善而已究竟山海寇
盜或陣擒活口或投誠親供皆稱某縣某保某甲人
氏是地方內原有歹人家甲中不盡良善也明矣如
近據建寧城守守備田毓瑞報稱江楊隣寇鴟張有
奸民葉正卿鼓衆響應於寺後等村劫殺燒房及該
備提兵搜剿正卿又已逃入建陽地方等情又據同
安副將馮昭京呈據店頭沈井洪塘等鋪塘兵王祖

陳龍等呈報內開一夥奸棍三五十人成群肆志夜
行遇之逃生無地等情此輩非通賊接濟卽聚夥劫
掠耳又屢據沿邊汛守各營將弁時常巡獲越界奸
民冒死亡之禁而不顧甚至亡命作奸或勾派米穀
或擄劫殷戶竟敢剃髮入鄉窩藏親戚故舊之家爲
賊線索鄉約庇之而不發其逆隣里畏之而不摘其
奸山賊之所以滋蔓海寇之所以賒死皆由於此若
不力行保甲之法嚴加稽查則此弊不除山海何由
得靖本將軍鯁鯁過慮輒抒管見所及謬列七款咨

商敢祈 貴部院鴻裁詳定

一山海村落甚多官兵豈能盡行派守官兵防禦於
此盜賊出沒於彼往往有之今設立保甲原古守
望相助之遣十家編一甲十甲爲一保各擇有身
家良善者爲之長當安常無事則輪值支更遇寅
夜有警則交相救護無論關廂市鎮遠僻孤村俱
要一例編甲仍須嚴立條例倘值有事被劫之鄉
卽放火爲號鄰村卽傳炮相應村村遞相傳炮里
里共爲聲援近者馳赴夾攻遠者要口堵截使官

兵聞炮便可飛馳撲剿如有該鄉遭劫同里不援
近村被寇隣社坐視不爲舉號傳炮又不走報官
兵次日僅以一報塞責者必嚴加懲處是編保甲
卽所以聯救援也

一山海賊徒亦皆有父兄弟親戚族黨今十家一
甲編造戶口須將某戶原係幾口一一登註入冊
不許隱漏一人內有某甲某人於某年月日或入
山或下海卽填註名下則賊徒多有根據先使父
招其子兄招其弟親戚族黨各招其親戚族黨十

日不來則限半月半月不來則限一月能自行招
回者卽係良民或免其雜差或給伊花紅以示鼓
勵其依違觀望不行招回者以從逆之罪罪之戶
口旣清按日稽查則人知畏法不敢不招回其親
屬是清戶口卽所以廣招徠也

一逆賊入界行劫及奸民接濟勾通必有窩隱線索
之形迹斷不能逃鄉里隣右之耳目今旣編造家
甲須嚴隱庇連坐之條如甲內有謀爲不軌及爲
賊細作窩家嚮導接濟等項俱着令甲內人等互

相查詰舉首卽或一家之內父兄子弟親戚族黨私相往來者亦許令發覺免罪其本犯一經審實按律就於本處正法如仍前容隱庇護致經查出一體治罪仍將保長隣右分別連坐如此則人人不敢不互相查詰賊線無處安身接濟自然絕迹是嚴連坐卽所以杜勾通也

一山海逆賊多有假扮行商過客潛入市鎮鄉村隲探者今家甲旣經編定須令關廂市鎮各歇家設立循環簿將逐夜所歇客商查明係何姓名何籍貫或販賣何物或探望何親是兵則問明何營伍其有攜帶黃袱包稱係何衙門差遣往何衙門投遞公文者亦必查明來歷逐一登記循環簿內於次日早將簿呈繳該管地方官查驗朔望仍具並無往歇友人甘結卽庵觀寺院亦着令一例挨查則歇店不敢容奸而面生可疑之人無所投宿是稽客店卽所以絕偵探也

一投誠官兵願食糧者隨其食糧願歸農者聽其歸農其收伍食糧者勿論惟歸農之衆在上司未嘗

不行令州縣官安插得所第州縣官發歸里甲取具收管之後誰復時爲稽查此輩游手游食已慣初回故里未必卽能安心淡薄改絃從善其或鷹眼未化暗爲賊囹復歸賊伍者未必無之今家甲初編定時卽於戶下先註明某甲某人在山在海有籍可稽州縣將奉發投誠人員詢明里甲人氏有父兄子弟者卽着落父兄子弟保領有親戚族黨者卽着落親戚族黨保領其或無父兄親戚而有一二故舊相識者卽着落故舊相識保領又責成保長鄰右不時稽察則此輩衣食得有照管不致凍餒生心行動得有稽束不致逃走作奸是善安插卽所以化匪類也

一 邊海越界之禁甚嚴而奸民毫無顧忌乘官兵巡防所不及有相率輸運者間有人貨俱被巡兵拏獲發交有司審究若照例執法透越原無輕罪第有司多事姑息每爲出脫誰知玩法奸徒益無所憚而透越愈多今旣編定家甲須申嚴條例如拏獲一越界奸民審係某甲某戶之人將本犯照例

治罪保長與鄰右皆分別從重究處則人人知畏其衣食稍足者斷不肯輕罹法網卽飢寒切身者保長與鄰右亦共相勸卹以避株連古人刑亂國用重典皆此意耳是遵

功令卽所以廣好生也

一閩省崇山峻嶺每多寇盜伏莽遠僻鄉民遂建寨設堡以防剽掠此乃全身保家之計詎料一種豪強土棍卽恃寨堡爲巢穴當一切正項應供差徭奉文追徵或敢閉寨抗拒如遇有警息非招納亡

命揭竿爲旗卽聚衆踞險附逆侵鄰是築寨本以避寇而奸豪反資之以爲寇必須嚴飭有司時行清查如有土豪奸棍逋課抗差及收留來歷不明之輩群聚寨中立拿究治倘保長容隱不發一經查獲十家連坐如此則遠僻山寨可無負固爲非矣是清寨堡卽所以遏亂源也

以上七款視之不過常談行之皆可取效若有治法而無治人朔望具結祇屬虛文佐二奉行率皆故套一毫無益於實事百姓反多此騷擾若有治人以行

平定縣志 卷之十
治法實心實意通變宜民則編甲定而戶口斯富家
嚴而歇店清安挿善而稽查審

功令遵而豪強戢將見救援聯則刦擄日以息招徠廣則
生聚日以多勾通弭則夥盜日以散匪類化則奸宄
日以消偵探杜則行旅日以安好生普則犯法日以
寡亂源遏則地方日以平無一縣而不行是法卽無
一保而不勸於善是八閩向爲易動難靜之地一變
而有久安長治之風民生漸安封疆永靖矣賢有司
果能遵飭奉行 貴部院 又有鼓舞激勸以隨其後

有司又何憚而不力行也本將軍自愧芻蕘未必有

當於事理惟藉 貴部院

院之鴻謨碩畫斟酌咸宜嚴

飭於先勸懲於後期在必行行在必久或可佐奠安

山海之一籌鞏固邊防之末議也合就咨商爲此備

咨 貴部院

院請煩察照酌奪仍祈示覆施行

康熙十八年十一月初五日

平陽縣 卷之十

稟報事咨督院

為稟報事本月初四日據署同安城守副將報稱廈門賊船俱弔在港誠恐早晚侵犯又稱廈門整船數百號賊各在船而泗州高崎各處添賊甚多每賊帶草一束泗州賊寨不許外人進入請乞迅發馬步官兵到同添防等情到將軍據此正在移咨 貴部院酌裁調遣官兵進剿聞初五日又據署同安鎮王副將稟報密探情形請憲發兵急備等情為照同安一汛最為衝要之區當此逆孽飢寒交迫勢必妄逞狡

謀聲東擊西希圖乘隙侵犯掠食在我沿邊各汛尤當未雨綢繆本將軍揆厥情由如同安縣城既有官兵駐鎮諒彼逆賊自不敢侵入惟沿邊外汛屯劄零星單營及泉州之東石大小盈灌口之十八堡一帶地方俱皆逼臨賊島恐逆艘窺我兵單聚眾突犯誠為可慮在 貴標官兵俱已撥防外汛本將軍堵守邊牆又無餘兵可以撥發即止以步兵添防尤難四應馳剿相應仰藉 貴部院移咨 平南將軍賴准將在漳浦騎撥發五百名前往同安以壯聲援若

遇有警即可星馳衝殺再藉移咨 寧海將軍喇

將在泉浦騎撥發三百名前至東石附近地方下營則逆賊知我有備斷不敢妄逞螳臂自取滅亡而沿邊一帶即可保固無虞矣再查存同八槳船隻刻下乏兵看守仍祈 酌裁檄行同安鎮或將前項船隻收入內港或暫運縣內以免叵測是否妥便據報前情合就一併咨達為此備咨 貴部院請煩察照迅為移咨 寧海 平南 二將軍速發浦騎馳赴應援以固邊防仍祈示覆施行

康熙十八年十一月初六日

稟報事咨三鎮

為稟報事本月初十日准 總督部院姚 咨開准
貴將軍咨開據前營遊擊焦國巡呈稱等因到將軍
據此為照海逆以糧道斷絕希圖侵犯情或有之若
劉國軒果爾北上只留吳淑在觀音山則此處賊勢
單薄乘時進搗是亦一策咨請密檄各鎮協營先期
挑選精健官兵整棚預備一聞探報劉國軒帶夥北
上我兵即擣觀音山覆其老巢彼若不動我仍居守
牽制搗虛之機諒鴻謨早已計及請煩酌裁不覆等

因到部院准此除通行密飭各鎮協營挑選精兵整
棚預備相時擣穴外合就咨覆等因到本將軍准此
案照先據本標前營遊擊焦國巡報據偵探回稱逆
賊劉國軒因各賊衆飢寒勢迫謀欲率夥圖奪東石
舊穴糧道等情業經本將軍移咨 總督部院一面
檄行防守東石諸將加謹巡防一面行令各鎮營挑
選精兵預備若劉國軒果爾帶夥北上我在漳官兵
卽乘虛進搗觀音山老巢等因咨商去後今准咨覆
前因擬合移知爲此合咨 貴鎮煩爲查照希卽行
令所轄將弁速於各該營挑選精健慣戰官兵整棚
甲械多帶砲火先期預備聽候不時調遣進擣逆巢
乘勢攻復海澄幸勿延緩仍祈見覆施行

康熙十八年十一月十三日

咨督院姚

爲特叅將弁違禁越販私塩等事本月二十日准

貴部院咨開據按察司詳前事等因到部院據此爲

照出界越販犯者無赦今革職遊擊張國傑等故違

功令經貴將軍題叅該弁發銀與把總鄭文明越界私販

令鄉民出界計有百餘人挑運三日私塩今審張國

傑供係投誠副將許明等寄垣湖西等三甲發錢鄭

文明收買又鄭文明供四月十五日付價十六十七

日挑運到縣等語查鄭文明在趙總兵審時供稱係

張遊擊差夜役林順帶錢到汛買鹽四月十五日領錢十六十七兩日在樓下甲湖西甲趙家城甲三處買鹽每甲有三四十人出界挑鹽歷歷在案當時並無一語係屬投誠官帶來之鹽及分三日運縣之語今俱改供支飾夫平常販賣私鹽罪止城且出界勾通法應駢首亟須覆勘再查原首報者副將陳桂買鹽者出自界外今陳桂供係探聞許明認爲寄頓明係賄縱將原叅出界重案竟雪消冰釋讞法固如是乎至張玉弁髦

國法給票與陳任等勾通販鹽據供買於小樓裏陳春之家查原叅疏內係差官王振起於二更時分伏路緝獲倘非買於界外夫何寅夜潛踪如畏人知者陳春何人貯積鹽觔並未直窮到底如此重案承問竟爲出脫難以

題覆除駁行按察司嚴加覆審并取承問官疎縱職名外擬合就移爲此合咨請煩察照施行等因到本將軍准此爲照革職犯弁張國傑越界私販贖貨通賊先准漳浦鎮揭報審據鄭文明口供鑿鑿確據本將

軍以事關邊防大計若不嚴加叅處恐效尤日衆故
卽咨會 貴部院會疏糾叅茲質訊之下該弁狡口
支飾而鄭文明陳桂亦敢遽易前供希圖脫網雖魑
魅幻形終難逃 貴部院高懸之秦鏡卽駁行臬司
嚴加覆審并取承問官疎縱職名庶幾水落石出違
禁之奸弁得以依例究擬然尤祈 貴部院主持法
紀再爲檄行嚴鞫使犯弁不得巧於支飾而承問者
不致爲所欺誑輕於出脫則

功令旣申勸懲昭著沿邊防弁不敢效尤卽欲勾通圖利
亦相率畏忌而賊糧得絕邊界得清奸宄斂跡滅賊
有期矣今准前因合就咨覆爲此備咨 貴部院請
煩察照施行

康熙十八年十一月二十三日

慎重操駕咨

兩院才提

爲咨商慎重操駕之選以收萬全之效事爲照水陸
異宜本將軍上年控辭水師專管陸路征剿事務其
於水師機宜旣非素所習知豈容復爲置喙矧重以
康親王方畧貴部院提督鴻裁遠猷調撥進剿叅酌盡善
乘破浪之長風掃積年之逋寇在指顧間耳本將軍
惟有秣馬厲兵佇候訂期大舉更何他贅第念庸愚
衰老受

朝廷重寄又叨附同舟管見所及雖無益於高深又不敢

誘爲水師機宜而不密相咨商也查海逆延喘窮島非舟師不能蕩平而舟師出洋非舵舵繚斗諸人不能操駕將士在船全賴諸人熟習海道之險易審察風勢之上下與將士一心成大功是非土著之人素相信托可恃無患者難藉以取勝今目前出洋船隻計三四百號所有舵舵繚斗諸人爲數甚多豈能一一盡皆土著師期旣迫一時召募不遑勢不得不從投誠官兵之中選慣習熟練者並用操駕但其間實心向化効力殫誠共圖殺賊者固多能保無逆賊狡計陰遣奸細陽爲我用者乎當兩軍相對波濤洶湧之間正藉乘風折戟而舵舵繚斗諸人之內萬一有肆其狡謀則所關非細况

廟堂藉以紓南顧之憂全閩賴以鞏金湯之固專恃此畚一舉必事先無纖毫之慮然後動出萬全本將軍愚意似應將現在所調舵舵繚斗諸人不論新募舊旅以及投誠人員俱令各該管將弁慎加查察果係何府縣人氏有無父母兄弟妻子及親戚族黨着令各具的保存案若無根據之人必無的保卽汰退不用

如此則海道之狡計無所施而舟師之出洋更爲萬全矣事隸水師本將軍不應輕爲越俎但忝封疆其濟之末敢進芻蕘一得之愚是否有當惟祈 貴院部提督採擇再加裁酌合就咨商爲此備咨 貴院部提督請煩察照施行

康熙十八年十二月初五日

呈請憲令咨福寧鎮

爲呈請憲令申飭等事本月十七日准 貴鎮咨據遊擊劉濟源呈前事等情到鎮據此爲照福寧負山襟海地瘠民貧茲值遷邊立界沿海居民雜聚四郊奸良莫辨官兵奉調南征在汛者分防沿邊塘汛臺寨之外州城所存無幾誠恐奸宄夤緣作祟稽察巡防不容少懈衙役暮夜行走旣無憑據必滋假冒貽患匪輕今據呈詳前情理合備咨爲此合咨本將軍請煩察照咨商 督兩院檄行地方官協力巡察併

令凡差遣衙役暮夜行走給以印信腰牌俟防官
兵便於稽察假冒奸宄易於擒獲仍令嚴飭民人凜
遵順治十八年舊址爲界不許踰越一步庶奸宄斂
跡地方獲寧謐之福矣等因到本將軍准此除卽移
咨 督撫部院檄行福寧州着令各衙役盡行印給腰
牌以便暮夜往來不致奸宄混冒并令協同遊擊劉
濟源共行申嚴夜禁至於沿邊界路嚴飭照依順治
十八年舊址不許奸民踰越一步以安城汛以肅邊
防外今准前因合就咨覆爲此合咨 貴鎮煩爲查

照施行

康熙十八年十二月二十日

緊急軍機咨撫院

為緊急軍機事本月初六日准 貴部院咨開狡逆
狂逞江口涵江一帶最為扼要亟須重兵力禦等因
到將軍准此為照涵頭江口及蘇溪漁溪一帶俱屬
邊海要衝今經 貴部院鴻謨調遣各營官兵分佈
扼守併令貴標叅將李懋珠統領調度聲援可稱磐
石之固矣今准前因除卽移咨 興化鎮酌撥官兵
前往楓亭黃石各處添防并檄行長福二營遊擊李
應龍劉珠各親帶官兵五百名星赴蘇溪漁溪一帶

聽貴標李參將總統調度分佈防守聲援外惟是長樂福清兩縣皆係邊海要地茲該營官兵盡調出防外汛而縣城留守兵單萬一逆賊乘隙侵犯城邑備禦無資尤祈 貴部院就近從長斟酌調撥固守以保萬全者也合就一并咨覆為此備咨 貴部院請煩察照酌奪仍祈示覆施行

康熙十九年正月初九日

水師出洋咨兩院

為水師出洋剿寇陸路亟宜聲援咨商調撥接應以收萬全之效事為照海逆倚水為巢恣肆狂逞茲我戰艦數百號已經修整完固復經 貴部院會商選撥陸路各營慣練水性兵丁七千名并原舊及新招之衆共計三萬有餘重以 水師提督萬 之籌畫勝筭配駕進發諒可殄掃賊船以奏膚功矣但本將軍查詢得 前任總督部院李 當時調發水師船隻出洋殺賊有并撥陸路官兵齎帶火砲於沿海地

方隨我船兵所到之處陸師卽附近劄營接應遙爲
聲援所以備不虞亦以壯軍勢也雖當時出海船兵
爲數無多與今日水兵數萬大相懸隔然逆賊以水
爲家久慣波濤我兵新舊不一未免中有一二未甚
精熟水戰者况海面風信不時而在寇逆謀叵測似
當預爲準備遣發精兵多帶火砲於沿海地方伺候
隨舟師所至灣汊之處卽移營附近共爲聲援以壯
軍勢以固衆志尤爲萬全諒 貴部院鴻謨洞鑒早
已遙計及此在本將軍叨附舟誼管窺所到又不敢
不瑣陳咨商至於沿邊各營防兵單薄今應調撥何
項兵馬增添以爲接應之處惟祈宏裁酌奪以收萬
全之效可耳合就咨商爲此備咨 貴部院請煩察
照酌奪仍祈示覆施行

康熙十九年正月初九日

緊急軍機咨

福寧
興化鎮

為緊急軍機事正月十八日准 總督部院姚 咨

開准貴將軍咨開據福清營遊擊李應龍呈前事等情到本將軍據此為照福清一邑逼近海濱向以該營官兵不足分布業經 撫部院調撥撫標營官兵於沿邊扼守在案茲該營官兵奉調五百名據遊擊李應龍呈稱於沿邊各汛抽減只奏有三百六十名聽調起行其縣城只留兵一百名防守等情呈報前來查該縣離海甚近守城兵力過薄即長樂連江羅

源各營俱逼處邊海今若盡撥赴涵江恐逆賊偵知乘隙侵犯在涵頭不過一市鎮而各縣有城池倉庫所關尤重惟祈貴部院鴻裁從長斟酌以保萬全勿致疎虞可也等因又准貴將軍咨開爲照長樂乃濱海地方雖逼近閩安鎮際此舟師出洋進剿逆寇諒不敢輕易登犯但該縣南界接連福清松下各要口緊對海壇逆島現在賊艘聚踪此處希圖堵我舟師兼游移沿邊窺伺每思乘隙登犯掠食前屢據該營將弁呈報賊船游移情形茲沿邊防兵調撤南下據

稱存營兵丁只有一百一十名似此单薄萬一逆寇乘虛突犯剿禦無資似當酌量留防以備未雨者也合咨酌奪示覆施行等因到部院准此爲照前據偵探報稱海賊林陞等領糧開船狡啗侵犯涵江一帶是以移咨 撫部院調撥長福連羅四營各挑勁兵共成二千名星赴涵江隨經復咨 撫部院福長連羅俱爲要地似須各調各縣兵二百名各千總一員帶領總屬于叅將李懋珠統管調度則一千有餘之衆亦可以勝林陞至四縣有城池責任仍令各將領

兵守城方爲兩便等因已經咨明 撫部院外合就
咨覆等因到本將軍准此案照先據福清營遊擊李
應龍呈前事業經本將軍咨會 督部院商酌去後
今准咨覆前因合就移知爲此合咨 貴鎮煩爲查
照希卽轉行連羅長福各該將遵照着令千總一員
帶兵二百名前往興化聽候叅將李懋珠調度防禦
該將卽便星速馳回各該縣固守城池倉庫不得疎
畧仍希取具各該將到縣日期移覆查考施行

康熙十九年正月二十一日

欽奉 上諭咨督院

爲欽奉 上諭事本月二十一日准 貴部院咨開
准 巡撫部院吳 咨前事等因到部院准此爲照
搗剿廈門等處

上諭慎重其事先准 水師提督萬 議先取海壇業經
本部院咨移 撫院再商去後今准咨覆先取海壇
再商取廈門此用兵次第 撫部院與 水師提督
萬 任而行之等語但事關重大未便草率合亟咨
商爲此合咨貴將軍請煩察照希卽酌裁賜示以便

平定縣志 卷之七
題覆施行等因到將軍准此爲照海逆拒命窮島擾害
殘黎自當乘時掃蕩以清海宇以仰答

朝廷知遇之恩惟是兵家戰鬪非可懸度近奉

上諭行令再加詳商妥確具 題是以咨請 貴部院暨

撫部院 水師提督從長再加斟酌以遵

上諭慎重之意今准 撫部院咨開已經親到定海閱視

將士齊心船隻堅固不待荷蘭國船兵先行水陸進

取等因本將軍自當整齊士馬候訂師期卽從陸路

進發但管見以福清與海壇緊對或 撫部院不必

遽臨同安且暫赴福清爲水師聲援策應俟水師旣

取海壇然後統師南下同安共商合力以搗逆巢尤

爲妥便本將軍因

特旨諄諄不敢不再三慎重以副動出萬全之勝筭尤祈

貴部院鴻謨酌裁主持以仰符

上諭可耳今准前因合就咨覆爲此合咨

貴部院請煩察照施行

康熙十九年正月二十一日

欽奉 上諭咨同安鎮

爲欽奉 上諭事本月二十五日准 水師提督萬

咨開本月二十一日辰時准貴將軍咨覆前事內

開本將軍早已整搦陸兵磨礪以須蒞候訂期卽當

直搗海澄水陸夾攻以絕根株至於水師機宜本將

軍旣非素習實難懸議惟藉 貴提督籌畫仰遵

聖諭應進應止相機酌妥迅覆以便一面會

題一面進兵夾攻等因到本提督准此爲照搗巢大舉

聖諭備極慎重令諸臣等詳商妥確在本提督責專水師

自當籌畫周詳見可而進至於決策萬全實藉貴將軍宏畧勦夾擊共濟茲逆寇結踪海壇本提督惟審風時便利尅期先取海壇乘勝搗巢此月十二日巡撫部院親臨定海已面約統領陸師趨赴同安各港聲援去後又本月二十一日未時經本提督咨覆總督部院姚請調陸兵先據圍頭處所安設砲火攔截上下賊舟及各路夾攻等緣由去後但陸師夾攻統賴貴將軍并力大舉請卽迅調精兵先往圍頭分佈併擊本提督破滅海壇之後便可會師直搗廈門共奏蕩平也至欽奉

上諭機宜伏祈貴將軍就會同總督部院姚主稿會題今准前因合就咨覆會剿爲此合咨貴將軍請煩查照迅賜施行等因到本將軍准此爲照水師旣已出洋剿寇在陸路官兵自當調撥於緊要口岸屯營以分賊勢以壯水師聲援相機堵截殲力夾攻今准前因除卽咨會總督部院會調官兵接應并咨覆水師提督知照仍嚴檄防守東石竿頭副將郭奇遊擊焦國巡韓元朗劉國興丁世芳等就近多方瞭探

平陽縣志 卷之七
俟貴標兵馬到日互相聲援相機夾擊各去後合就
移知爲此合咨 貴鎮煩爲查照希卽於鎮標三營
之內多撥精健兵丁擡運發煩大砲着令能幹將弁
帶領前往圍頭附近地方屯營與副將郭奇焦國巡
等遣爲犄角聲援仍候 總督部院示下卽使進兵
前赴圍頭要口堵截攻奪逆艘事關軍機幸勿泛視
仍將挑撥過官兵員名并起行日期見覆以憑查考
施行

康熙十九年正月二十六日

欽奉 上諭咨水提

爲欽奉 上諭事本月二十五日准 貴提督咨開
爲照搗巢大舉

聖諭備極慎重令諸臣等詳審妥確在本提督責專水師
自當籌畫周詳見可而進至於決策萬全實藉貴將
軍宏畧助勦夾擊共濟茲逆寇結踪海壇本提督惟
審風時便利尅期先取海壇乘勝搗穴此月十二日
巡撫部院親臨定海已面約統領陸師趨赴同安各
港聲援去後又本月二十一日未時經本提督咨覆

總督部院姚 請調陸兵先據圍頭處所安設砲火
攔截上下賊舟及各路夾攻等緣由去後但陸師夾
攻統賴貴將軍并力大舉請卽迅調精兵先往圍頭
分佈併擊本提督破滅海壇之後便可會師直搗厦
門共奏蕩平也至欽奉

上諭機宜伏祈貴將軍就近會同 總督部院姚 主稿
會 題今准前因合就咨覆會剿爲此合咨貴將軍
請煩查照迅賜施行等因到本將軍准此爲照 貴
提督旣已統率舟師出洋追剿逆寇在陸路官兵自

當調撥於海邊緊要口岸屯營以分賊勢以壯聲援
相機堵截共相夾擊今准前因除卽一面咨會 督
部院調撥仍酌安主稿具 題一面移咨 同安鎮
王 就於鎮標三營之內多撥精健兵丁擡運發煩
火砲着令能將率領前赴圍頭地方屯營并飛檄防
守東石靈水竿頭副叅遊郭音韓元朗焦國巡劉國
興丁世芳等務與同安官兵相爲犄角互相聲援相
機堵截攻擊逆艘并行長樂福清興化惠安洛陽泉
州各將領嚴令親自多帶官兵各於沿海所轄地方

巡哨堵截以壯我兵聲勢各去後本將軍惟有時候
好音即便親統官兵進搗海澄共殲積寇也合就咨
覆爲此備咨 貴提督請煩察照施行

康熙十九年正月二十六日

進剿之師咨喇將軍

爲進剿之師已發夾擊之計宜行亟請調兵以分賊
勢事正月二十七日准 貴將軍咨開茲者 水師
提督萬 統率樓船漸次進發第逆孽現在連踪堵
截要害恐我師不無壅阻之虞非分路齊發未易一
舉成功竊經 督院設有泉州同安二港水師原欲
乘機調發以資夾擊今閩安舟師旣出各港船隻法
當分作數路并力齊舉令彼倉皇首尾不能相顧賊
勢旣孤便可乘風直搗海賊存亡正在此舉等因到

本將軍准此爲照海逆竊踞窮島擾我邊陲亟當
除以清海甸先准 水師提督萬 咨開舟師已經
出泊定海定議先取海壇等因本將軍業卽嚴檄長
樂福清興化惠安洛陽泉州及防守竿頭靈水東石
各副叅遊將弁挑選精健兵丁多帶砲火親自率領
於所轄沿海緊要口岸屯營巡哨仍多撥精細能幹
兵役於高山眼亮處所勤加瞭探如遇水師官兵船
隻追擊海賊經過該汛卽便多撥砲火以分賊勢以
壯水師聲援聯絡夾擊并將追擊海賊情形不時稟
報以便統兵直搗海澄窩巢及移咨同安鎮多撥精
兵着令能將帶領擡運火砲前赴圍頭堵擊逆艘各
在案今准 大咨仰見鴻謨碩畫不禁佩服但以職
司陸路未能鼓柁揚帆其乘長風掃清島嶼惟有督
勵官兵候訂師期夾擊殲此逋寇以紓

九重南顧之殷耳至於泉州同安二港所設水師原係
督部院捐貲養膳之衆除已移商 督院調撥夾剿
外合就咨覆 貴將軍請煩察照施行

康熙十九年正月二十八日

平閩紀卷之八目錄

咨文

咨訂師期咨同安鎮

懇恩再培咨漳浦鎮

月米分給咨督院

會師搗巢咨水提

咨會出兵咨漳

州浦鎮

緊急軍務咨督院

剿殺海逆咨督院

康熙十九年正月二十八日

平閩紀卷之八目錄

咨文

咨訂師期咨同安鎮

懇恩再培咨漳浦鎮

月米分給咨督院

會師搗巢咨水提

咨會出兵咨漳

州浦鎮

緊急軍務咨督院

剿殺海逆咨督院

會師擣巢咨水提

咨會遣發咨督院

再商保固咨兩院

咨明事咨督院

飭勦內地咨五鎮

咨取功員咨五鎮

借給糧餉咨撫院

飛報事咨督院

謹陳平海咨督院

咨商事咨督院

平閩紀卷之八

懋緒漁山

三韓楊捷元凱著

男懋緒令鴻纂

懋綸今掌

咨訂師期咨同安鎮

為咨訂師期事本月初七日准 水師提督萬 咨
開為照海賊船隻厚集海壇所有進取機宜業經咨
商詳晰矣本月初一日准貴將軍咨覆本提督內開
除卽一面咨會 督部院調撥仍酌妥主稟具

題一面移咨 同安鎮就於鎮標三營之內多撥精健
兵丁擡運發煩火炮着令能將率領前赴圍頭地方
屯營并飛檄防守東石靈水竿頭副叅遊郭奇韓元
朗焦國巡劉國興丁世芳等務與同安官兵相爲犄
角互相聲援相機堵截攻擊逆艘併行長樂福清興
化惠安洛陽泉州各將領嚴令親自多帶官兵各於
沿海所轄地方巡哨堵截以壯我兵聲勢各去後本
將軍惟有竚候好音即便親統官兵進搗海澄共殲
積寇也合就咨覆等因准此本提督細繹大咨具見
貴將軍調遣周詳精誠爲

國同舟誼切深爲厚幸今本提督的於本月初四日由
定海出師分兵夾攻務期制勝但圍頭乃賊艘上下
寄泊之灣所關最爲要緊須寔得精銳陸兵先據其
地安設砲火堵截攻擊非與他灣虛張聲援者可比
茲屆師期合再咨訂爲此合咨貴將軍請煩察照迅
調施行等因到本將軍准此案照先准 水師提督
萬 咨開撥發精兵先於圍頭分佈截擊上下逆艘
等因業經本將軍移咨 貴鎮於鎮標三營之內挑

選精兵着令能將帶領檣運發煩火炮前赴圍頭附近處所屯札會合東石竿頭各防將相為犄角聲援候示進據圍頭要口相機夾擊并經咨會 總督部院及咨覆水師提督各去後今准咨訂師期前來合再移催為此合咨 貴鎮煩為查照希即立刻於鎮標三營之內多選精健兵丁并多帶砲火着令勇敢將弁帶領星夜馳赴東石會合靈水竿頭各防將挑選精兵多帶砲火合營進據圍頭要口相機攻擊逆艘不許上下灣泊游移事關緊急軍機希勿少緩若恐同安留守兵單 撫部院刻期將到另為商酌調遣分布可也併將撥過官兵姓名數目日期迅覆查考施行

康熙十九年二月初八日

懇恩再培咨漳浦鎮

爲懇恩再培縣脉樹德官民事據漳浦縣鄉紳林琛
黃性震陳天達舉人藍陳畧陳炳林登虎生員黃台
佐蔡邁廣丘士錚里民郭春洪正等僉呈稱浦邑自
昔人文甲上郡丁糧冠十城良以梁峯拱秀吉水朝
宗自赤檜中流由雙溪而遶衛縣治以護城隍地利
居於全盛也至戊子年洪水崩陷溪港多岐赤檜雙
溪水違故道本邑由是丁糧日減文物衰替幸將軍
大老爺前任駐節浦邑檄發梅林保人民鳩衆召工

平陽府志 卷之八
四
修築河堤官民利賴茲數年以來水濫雙溪堤關四
潰士民感受其害今欲使吉水仍朝本縣費用浩繁
別召工匠又多生疎難以計日報竣伏惟將軍大老
爺恩施浦邑雞犬桑麻蒙休者數萬戶春秋俎豆戴
德者數十年今值節鉞再臨之日乃恩波復造之時
彈壓全省獨切一方琛等相率匍呈叩乞痼瘵舊治
始終栽植查照往例仍着附近梅林保人民自備芒
扒木料工匠竭力堅築以一保而培一縣之地脉相
應暫免該保徭役一年以均勞逸伏乞行縣示准起

工庶彫殘可起富盛可期合邑士民咸荷慈恩於無
既矣等情到本將軍據此爲照漳浦城外赤檜雙溪
之水實爲該縣治之脉絡向因亂後隄防崩潰水不
朝護城郭而閭閻日敝人文之氣中衰本將軍於順
治年間援勦入閩駐節該邑此時城垣倒塌里巷丘
墟本將軍相度城垣舊址檄行有司庀材修築不數
月而工竣人民復集因詢及紳衿耆老知水脉枯涸
乃倡議修導而該縣之戶口丁糧人文甲第幾復其
舊經今二十四載矣年來海逆播亂水隄再決茲據

紳士里民僉呈重修猶恐工程浩大請暫免梅林保
徭役一年俾該保人民就近自備工料修築以固河
隄以通水脉等情前來除檄行漳浦縣酌免修砌外
諒貴鎮建牙茲土凡係裨益地方事務未有不舉行
恐後者是本將軍經營於前貴鎮修復於後總期大
有造於該邑也今據前情相應咨達爲此合咨貴鎮
煩爲查照希卽就近面諭漳浦縣作速酌議修砌以
復水道以阜民物施行

康熙十九年二月十二日

月米分給咨督院

爲月米分給本折標兵獨歎偏枯籲請一視同仁以
均戍苦以恤兵饑事據前營遊擊焦國巡守備丁世

芳呈稱案奉本將軍憲票准

總督部院姚
巡撫部院吳

咨開

前事等因各到本將軍准此案照先據該將呈請咨
明駐防東石各營官兵應給本折月米通融發散以
均苦樂等情業經本將軍咨商

督

兩院檄府勻給去

後今准前因除將原文抄粘外合行遵照備票仰職
卽便移知各營嗣後駐防東石官兵應支月米遵將

本折通勻給散以均苦樂毋違等因計粘抄一紙奉
此該卑職國巡隨卽移會泉州府及移知各營遵照
外仍會同屢催均勻給發并着令千總周葵田琦守
催去後茲據周葵田琦同稟稱葵等日赴泉州府坐
催正月分糧米詎蔣知府屢以通行廳縣均派運給
爲辭迨至本月初一日方稱正月分糧米本標在汛
未有攤勻應照舊米折若要均勻必俟二月分方得
勻給今米價亦且未有暫候設處其正月分餉銀必
俟協餉解到方得發給似此推延汛兵枵腹難待稟

乞轉詳本將軍檄催速給以濟兵飢等情據此竊照
泉汛米價湧騰窮兵借貸無門買糴莫措忍飢待斃
幸蒙本將軍軫念汛兵艱苦恩賜本折均勻各兵踴
躍歡呼感激無地但自奉憲行以來日望糧米不啻
雲霓之切屢催泉州府日久未經運給刻下征勦大
舉汛兵乏食何以責其荷戈用命合無懇請本將軍
檄行泉州府迅將本標防守東石兵丁正月分糧米
撥運到汛以濟兵糈庶三軍得藉飽騰而邊疆永固
矣等情到本將軍據此案照先據該將等僉呈駐防

東石各汛本標官兵應支月米請與各營本折通勻散給以均苦樂等情業經本將軍咨准 貴部院覆准檄府勻給在案際茲青黃不接之候米價騰貴窮兵懸釜待炊據稱該府推諉不給刻下水陸征剿大舉堵擊正在需兵安能責其忍飢禦侮今據前情合亟咨會爲此備咨 貴部院請煩察照俯恤征兵所卽檄令泉州府作速設法將正二月分糧米通勻散給以濟飢軍日食俾各兵知奮報効疆場有裨征剿非淺鮮也仍祈賜覆施行

康熙十九年二月十三日

會師搗巢咨水提

爲會師搗巢事本月十三日准 貴提督咨開爲照
逆鯨厚結海壇恃爲外固今海壇旣破先奪所恃福
興邊民可無寇害但賊鯨敗逃會鯨崇武并力堅防
則廈門勢必虛危本提督惟審風潮利便刻期進師
平海牽制崇武之賊貴將軍前咨曾示調集各港八
槳船隻若乘此時賊勢上危下虛徑先密遣精銳襲
渡廈門逆鯨必分力回顧本提督統率大鯨長驅躡
殲上下夾攻會期合舉根株立可盡淨此乘虛襲擊

攻取要機惟祈 貴將軍俯察力行共襄大舉以奏
 蕩平也至圍頭要口最為關係前咨屢請曾否調集
 合再咨竇等因到本將軍准此為照海逆恃習波濤
 拒命窮島接准 大咨已抵海壇賊艘敗遯諒應喪
 膽自可長驅殲擊直取廈門矣今賊雖會鯨崇武若
 貴提督統率大鯨臨之何慮并力堅防在本將軍於
 未准 大咨之先已經面商 總督部院整棚士馬
 刻即親自統領并會合滿騎於沿海松嶼等處緊要
 口岸調度堵擊逆賊外至於調集各港八槳船隻乘

勢密襲廈門本將軍所統陸路官兵多屬外省東豫
 之眾向未嫻習舟楫况八槳船隻先經 督部院膳

撫

有水兵早已委員專統知其自有調度至進據圍頭
 多帶砲火攻打使逆艘上下不能停泊本將軍節次
 移咨 同安鎮王 并屢飭防守東石竿頭各將弁
 會師合營進屯該地方夾擊專候 貴提督追勦南
 下在案本將軍滅賊心切陸路機宜無不力行而水
 路進剿尤祈 貴提督之詳察力行其勦大舉也今
 准前因合就咨覆為此合咨 貴提督請煩察照施

行

康熙十九年二月十五日

咨會出兵咨漳

州鎮

為咨會出兵日期事為照舟師已抵海壇則陸路官兵自當乘時夾擊茲本將軍會同督部院各親自酌帶馬步官兵於本月十六日前往同安松嶼沿海一帶地方踏看形勢調度策應夾擊并稽察各營防剿官兵飭令用心預備合力進剿所有鳳山營盤業已議留福寧總鎮黃照舊堵守以備豕突外至於漳屬沿邊一帶地方尤祈貴鎮就近嚴飭各營官兵嚴加堵守以保萬全可也合就一并移知為此

平陽縣志 卷之八
合咨 貴鎮煩爲查照施行

康熙十九年二月十六日

緊急軍務咨督院

爲緊急軍務事本月十七日據洛陽營遊擊趙雲報
稱本月十四日奉 寧海將軍喇 軍令飛調卑職
帶兵三百名赴泉聽候 副都統吳 率領滿師調
遣夾勒卑職卽於十五日寅時帶兵自洛陽起行外
所有本汛已交浙江守備劉澤深本營守備李印防
守訖等情到本將軍據此爲照舟師已抵湄洲在陸
路官兵自當調撥分佈以備大舉夾擊但查洛陽一
汛爲衆郡之門戶現今逆艘聚泊於臭塗崇武一帶

誠恐狡謀早晚窺伺萬一乘該汛兵單豕突焚劫不特地方人民受害尤恐墮我軍聲似當仍令遊擊趙雲回守該汛以固邊防俟水師船隻到臭塗之日檄令該將帶兵南下夾勦尤爲慎重也緣要汛空虛總總慮合就咨達爲此備咨 貴部院請煩察照祈卽咨商 寧海將軍仍令趙雲回守洛陽以固根本仍祈示覆施行

康熙十九年二月二十日

勦殺海逆咨督院

爲塘報剿殺海逆事爲照水師訂期於本年二月初六日出海咨會到本將軍隨卽會同 貴部院咨行各鎮營飛調陸路官兵先據圍頭要口安設大砲聲援夾擊令上下往來賊艘不得停泊以便水師官兵進取復於本月十五日會商 平南將軍賴 將漳州鳳山一帶營盤邊牆分留福寧黃總兵漳州吳總兵等帶領各營副叅遊守官兵照舊嚴加堵禦外 貴部院同本將軍於十六日各親帶馬步官兵自漳

州鳳山營盤起身本日到嶺後嶺地方安營隨探得有僞左虎衛何祐統領僞中衝鎮等十餘鎮大小賊船八十餘號約計賊衆四千餘預割烏嶼橋堡充龍堡金山一帶地方相聯屯營以拒我師南爲廈門屏蔽北爲崇武臭塗等灣各逆艘聲援且聞我同安港八槳船隻將出會同水師夾擊廈門希圖於此處堵禦先須發兵勦除破其犄角 貴部院與本將軍計議已定隨於十七日五鼓挑選精兵各親自統領於辰時到烏嶼一帶列陣詎逆賊分爲三股前來迎敵 貴部院同本將軍分遣貴標內中協副將蔣懋勛署右營叅將薛受益內中協右營遊擊王文魁後營叅將謝明德守備陳印奇千總王應龍把總應順甫等隨征總兵陳士愷副將康泰馮昭京侯晉爵等叅將秦守信韓瑞閻國柱等遊擊王大有南甫曹明等外委督陣都司張璽鄭有德守備章得勝戎旗遊擊盧楚佩功加守備韓琪領旗各官劉彪等帶領馬步官兵由中路進發本標中營叅將馬勝左營遊擊朱起龍援勦右營遊擊楊懋綬援剿左營中軍守備楊可

平定縣志 卷之八
能千總楊會把總王豹等外委總理戎旗遊擊崔陞
都司高永福楊撰守備徐可成張貴千總王起龍楊
茂把總王貴成隨征副將王耀龍叅將會展雄遊擊
鄭鍾如都司倪俊等帶領馬步官兵由左路進發又
調撥灌口營叅將藍理江東左營遊擊鄭興同安鎮
標右營遊擊趙邦試千總林明等外委千總程鯉把
總湯泰投誠副將藍英等帶領官兵由右路進發我
兵三路奮勇齊進冲過潮溝自辰至午殺死逆賊甚
多尚有白礁等處賊兵千餘見我官兵殺敗賊衆突

出應援 貴部院親督委晉統領護印八旗披甲筆
帖式樂敏外委驍騎校樊金榜張應隆龔玉堂王潤
子撥什庫劉德趙廷芳李之華斬有福閏得榮年文
燦劉首相并戎旗各材健等本將軍親督外委戎旗
都司張九龍守備羅成功等并各材健分爲兩翼飛
馬抄出逆賊陣後腹背夾擊賊遂大敗我兵盡力砍
殺共陣斬賊衆一千六百餘名活擒僞官七員活賊
一百八十七名連破賊營七座將賊堡盡行焚燬拆
平餘賊奔逃上船被我兵尾追急迫落水淹死不計

得獲賊船大小共九隻立即放火焚燒更得獲大旗二十三面高招旗一十九面及盔甲器械藤牌等項甚多至申時收兵回營據各營將領呈解陣擒偽官兵俱經 貴部院驗明悉係長髮因對陣重傷垂斃隨盡發沿邊梟示訖復據探兵報稱又有逆賊約有二千五百餘人在海倉寨屯劄離營盤有三十里等情 貴部院同本將軍於十八日復親帶各營官兵前往撲剿賊衆見我兵勢大不敢出戰閉寨堅守放炮擊打官兵我師初到銳氣正盛遂鼓勇攻擊扒上

寨城炮矢刀鎗一齊擊殺當斬逆賊一千二百餘名賊衆披靡奔船其船上各賊不敢救應爭先開船逃走又復落水淹死無數生擒偽官二員活賊三十二名俱卽就該地方梟首外打沉賊大趕繒船一隻雙篷船四隻得獲威遠大砲一位發煩砲二位高招旗六桿大旗十八面戰被二十領并盔甲大刀長鎗藤牌火箭等項甚多將寨牆着令兵丁立刻拆燬因天晚收兵回營此兩戰也皆藉 貴部院之方畧各將士之協心用命故能獲此全勝今沿海一帶地方自

烏嶼橋起至海倉松嶼止數十里之間數年盤踞賊巢盡皆掃蕩無遺賊已膽破魂消矣至於內閣中書揀選候補知府陳啓霖候補僉事道黃性震俱奉

貴部院差遣修砌橋梁道路與有勞績俱不可泯所有各營得獲高招大旗盛甲刀鎗大砲籐牌等項軍器查畧堪用者發交各營改用不堪者盡行焚燬更查各營共陣亡兵丁一十三名輕重陣傷官兵共七十一名俱經本將軍會同貴部院分別賞銀殮埋并給賞醫藥各營共陣斃官馬二十七匹俟旋師之

日聽其各自呈報開除外相應一併備叙塘報爲此備咨貴部院煩請察照核明會疏

題叙以鼓後効施行

康熙十九年二月二十日

會師擣巢咨水提

為會師擣巢事本月十九日准 貴提督咨開進師
平海牽制崇武之賊若乘此時賊勢上危下虛先密
遣精銳襲渡廈門逆踪勢必分力回顧上下夾攻會
師合舉根株立可盡淨至圍頭要口最為關係曾否
調集備移在案未見咨覆茲師次平海日在相機前
進但貴將軍何地集師何期合舉尤期迅發訂示以
便協力撲勦等因到本將軍准此案准 貴提督咨
前事業經本將軍備將夾剿機宜咨覆 貴提督在

案本將軍復會同 總督部院面商 平海將軍賴
將漳州鳳山一帶營盤邊墻分留 福寧總鎮黃
漳州總鎮吳 統領各營副叅遊守官兵照舊嚴
加堵禦外本將軍同 督部院各親統馬步官兵於
本月十六日自鳳山起身本日到龍嶼界外嶺後嶺
地方下營據探兵報稱有賊首何祐帶領偽鎮十餘
鎮賊衆四五千在於烏嶼橋充龍金山一帶相聯屯
營七座計圖一爲廈門屏蔽一爲崇武臭塗等灣各
逆艘聲援等因自應首先剷除遂經本將軍會同

督部院於十七日親帶馬步精兵分爲三路進兵大
獲全勝計陣斬活擒賊衆共一千七百復據探報海
滄有逆賊屯踞寨城十八日復各帶兵前往撲剿又
經斬獲千餘將逆賊所劄寨城俱已盡行焚毀拆平
今沿邊自烏嶼橋起至海滄松嶼止一帶賊巢向爲
逆寇盤踞者今皆掃蕩無遺現在會同 督部院相
機進取外此皆陸路賊營本將軍業經會師勦蕩至
於何地集師何期會舉專候 貴提督一破崇武等
灣迅發訂示便可協剿以收蕩平全效也今准前因

之昌系 卷之八 九
合并咨覆爲此合咨 貴提督請煩察照施行

康熙十九年二月二十一日

咨會遣發咨督院

爲咨會遣發官兵攻取廈門逆穴事爲照海澄旣復
賊心離散本將軍復多方宣布

皇仁廣行招撫隨有僞鎮陳昌於二十六日午時差遣僞
監紀叅議周天奇等前來納款隨經本將軍賞給花
紅銀牌仍給照票遣其接引陳昌作速來歸已經咨
會在案至本日酉時僞總兵陳昌率領所轄大小船
隻百餘號官兵五千餘員名并移帶眷口到海澄城
外登岸投見已經撫慰暫行安插外又有僞總兵吳

桂羅士鈐先遣僞通判葉光寰等前來投誠請領旗號并請發兵迎援隨遣援剿右營遊擊楊懋紱中軍叅將馬勝等帶兵迎援隨各帶官兵船隻眷口前來投誠本將軍卽令剃頭將伊眷口搬入前任水師提督施衙門內安頓外據稱廈門兵民紛紛搖動亟宜乘時進兵攻取桂與士鈐願爲前部等情本將軍隨經遣發本標中軍叅將馬勝右營遊擊李璉各帶領官兵乘坐總兵吳桂羅士鈐帶來大船會同吳羅二總兵官兵并副將詹六奇林葵等官兵乘坐八槳船隻爲頭敵先進併令總兵陳昌所轄官兵立刻剃頭挑撥精銳乘坐原帶船隻爲二敵其貴標將官三員本將軍現在諭令商議酌撥一員帶兵協同進取逆穴以絕根株外本應先期咨會然後發兵因事機貴速恐往返耽遲故一面遣發一面咨會尤祈貴部院星速酌撥官兵隨後接引以收全效可也合就咨會爲此備咨貴部院請煩察照施行

康熙十九年二月二十七日

再商保固咨兩院

爲再商保固巖疆之長策以豫消未萌事爲照鄭錦
鷗張窮島山寇乘機竊發遙爲響應致全閩騷動幾
成燎原幸藉

朝廷威福 貴部院訐謨海澄已復逆穴蕩平復荷會議

將水師派防廈門金門鎮海銅山海壇定海日湖潯
尾各島嶼將陸師派防平海崇武獺窟臭塗東石圍
頭各要口是水陸要汛星羅碁布沿邊可恃無恐矣
仍將新設之閩安蒜嶺鎮東興化泉州大小盈灌口

平陽縣志 卷之八
江東橋雲霄漳浦各營共裁去官兵九千三百名亦
可以仰承樽節之部議矣但本將軍愚見更有商者
攘外固不可不周安內亦不可不密年來兵燹頻仍
民間困苦已極鳩形鵠面觸目堪憐而沿海遷徙之
衆棄其田廬移入界內備極流離今雖會議展界准
回故土第昔日之產業荒廢一時不能生聚其投誠
弁兵原皆游手好閑之徒祇逼於兵燹事勢不得不
投戈倖免今在伍者卽月有所給然軍興之餘米珠
薪桂恐有限之餉未必濟其衣食歸農者未必真皆

悔過自新肯安於耕鑿而議裁九千之衆亦原無素
業可以資生一旦糧餉議裁何以糊口若今日措置
得宜衣食有所自出則前項諸人漸次革心皆我循
良赤子倘安插不得其所撫綏一有未周則饑寒日
甚勢必異念復萌一遇警息則此種貧窶皆揭竿爲
亂之資也况崇山深谷之中奸狡隱伏以待覲觀變
者未必無人所藉 貴部院之弘猷長慮飭行各府
縣賢有司亟爲實心勞來稽察俾善懦得免飢寒狡
黠知所儆惕則內外清肅反側消除閩南半壁從此

可以永安矣再查興化一郡原設鎮標三營城守一營共兵四千名因地當孔道前此兵力不敷分布故請設楓亭一營今將鎮標三營盡派防守海壇楓亭一營又撥防平海只餘城守一營恐不足以資彈壓并分防各縣汛或當再爲別加損益以收萬全尤祈貴部院之宏裁斟酌者也本將軍自念衰老行當懇切乞休似無庸復多置喙惟以

國恩深重目擊民情時勢又不敢以將退之身而遽爲緘默敢竭芻蕘以備鑒採倘荷 俯賜裁酌亟爲區

處或可少佐上慰

廟堂下奠黎庶也合就咨請爲此備咨 貴部院察照酌奪仍祈示覆施行

康熙十九年三月初十日

咨明事咨督院

爲咨明事爲照逆島旣平石碼地方乃屬內地似毋庸重兵駐劄業經本將軍檄行漳州城守副將郭忠孝撥留將官一員帶兵五百名暫爲防守俟 水師提督萬 回師之日交明撥官接管其餘官兵着令該副將盡數帶回漳州仍令該副將將鳳山一帶各營盤原調安頓攻打逆賊大小紅衣發燭各砲位盡行擡運進城如係城上舊砲仍安頓原舊處所至獅子山沿河一帶各賊營得獲大小砲位數目俱經具

題報 部之物不便久頓外汛恐有奸民釘塞砲眼
并偷移別用之弊相應一併着令該副將擡運府城
查明收貯除併經檄行副將郭忠孝遵照外合就咨
明爲此備咨 貴部院請煩察照施行

康熙十九年三月十八日

飭勦內地咨五鎮

爲飭勦內地餘孽以安民生事照得閩省向因海逆
鼓亂凡各標協營官兵調征邊汛者多留防內地者
少未免兵力單薄致深山僻壤之間無賴宵小嘯聚
出沒或百千爲羣或夜屯曉散剽掠鄉村肆害殘黎
茲逆經敗逃島嶼蕩平現在會議於沿海各島澗要
口安設官兵巡防彈壓是海賊之患從此可以消除
至於各鎮營原調南征官兵已經盡行遣發回營則
各處兵力俱厚所當及時搜剿山寇以靖內奸除經

飭行各協營將領遵照搜捕外合移通飭爲此合咨
貴鎮煩爲查照希卽飭行所屬各協營將領着令會
同各該縣多差精細能幹兵役於所轄汛地之內密
行訪探如有前項亡命宵小潛伏巖谷或煽誘遷徙
窮民或窩藏逃回海寇結夥出沒竊劫害民者立卽
撥發官兵勦捕以盡根株至於投誠歸農僞官兵務
令各該縣安插得所取具地方鄰佑保結不時稽察
以杜反側目今大寇已平海疆旣靖凡一切竊劫盜
案 部例處分甚嚴 貴鎮有統轄之責所關綦重
尤祈勿惜情面嚴加督率務令地方肅清庶免代人
受過倘各營將領偷安玩寇悠忽疎防立卽指名揭
報以憑飛章叅處仍祈將嚴飭過緣由并取具各將
領遵依見覆查考施行

康熙十九年三月十九日

咨取功員咨五鎮

為咨取功員履歷清冊達 部 題叙事本月十七

日准 總督部院姚 咨開照得逆孽盤踞海島歷

經多年本部院蕩平心切會同貴將軍統領水陸官
兵於本年二月二十三日克復陳州馬州灣腰樹觀
音山展旗寨豐門寨灣頭寨果堂寨太平寨石碼三
叉河玉洲等處一十九寨二十四日巳時恢復海澄
縣二十七日亥時恢復廈門金門各島俱經具疏

題報在案但在事大小人員積數載之辛勞獲連日之

奏凱功不可泯相應查取姓名履歷彙冊造送以憑
達部

題叙者也除檄行本標并各鎮營查造外合就咨達爲
此合咨貴將軍請煩察照希卽行令貴標將領并移
行各鎮營迅將陳州等一十九寨海澄廈門各案在
事有功人員照案開造履歷清冊彙送本部院以便
咨題叙功施行等因到本將軍准此擬合就移爲
此合咨貴鎮煩爲查照仍希轉行所屬各協營速
將克復陳洲等十九寨并恢復海澄縣廈門金門各

島在事有功人員照案分別開造履歷冊底着令經
識賚赴本將軍轅門以憑核明發造清冊咨送督
部院彙送內部

題叙希勿遲緩施行

康熙十九年三月二十日

借給糧餉咨撫院

爲咨請借給糧餉以濟兵食事爲照泉州米價騰貴業荷 貴部院違恤殘黎嚴示勸諭而閉糴如故每石米價高擡至四兩三四錢不等日甚一日人心惶惶近本將軍班師回泉目擊心愴當卽出示告誡使平價發糴以蘇民困惟是本標五營併援勦各營兵丁月支米折盡付買米尚不敷十日之需爲念各兵久出征勦勞苦已極茲幸海逆初平暫回休息然餘孽尙未盡滅常游移於閩廣交界沿邊之地各兵猶

須披甲荷戈以期剿禦但米珠薪桂困苦之狀殊難
指述計惟有借出月餉就省買糴米石船運到泉散
給各兵庶兵丁既免枵腹之苦而泉郡亦無高擡米
價之重困也案據中軍叅將馬勝呈請借給四月分
糧餉銀兩隨經本將軍移咨 總督部院借給業荷
在漳給發矣今夏季五六兩月分本標五營并援勦
左右兩營應支官兵俸餉等銀請祈 貴部院照數
給借以便就近買米船運來泉給濟兵食本將軍本
擬借銀赴省買糴奈長途帶銀跋涉維艱尤祈 貴
部院俯恤窮兵廣開 弘慈不特三軍感激卽本將
軍感佩相成之誼匪淺鮮矣今據中軍叅將馬勝并
援勦左右營遊擊馬四玉楊懋綬等備具領狀前來
合就咨送爲此備咨 貴部院請煩察照給借仍祈
示覆施行

康熙十九年四月初一日

飛報事咨督院

爲飛報事本月十三日據署建寧副將張念祖報據
左營遊擊李英報據防守曹墩把總呂應龍報稱賊
首江機帶領羽黨約有數千突犯境內竹溪黎源屯
田守備吳應雄家又有王都爺住呂孔源黎源下洋
火燒橋等處徧聚搜山捉拿男婦勒糧索餉散劄招
兵鄉民盡皆逃竄又有吳應雄下旗牌王甲帶領屯
丁三百餘人投入賊營江機遣發官頭暗來曹墩各
處招去原屯田遊擊程應榮名下屯丁同入夥黨又

有當日投誠人黃祚今招夥復投入賊營各鄉人民
攜老扶幼紛紛逃竄沿途號泣悽慘倍常等情本刻
又據興田塘兵宋國武報稱今興田地方并四處附
近鄉村百姓聞有逆賊現扎黎源下洋一帶欲來地
方打糧索餉男婦紛紛奔逃村無人烟等情各到職
據此竊照卑職駐防崇建二汛時以剿撫爲念前因
原投誠遊擊程應榮病故守備吳應雄被賊計殺約
有屯丁二三千不等俱係昔年投誠之輩恐其鷹眼
猶存二弁相繼而亡屯丁無主約束况江機賊營相

近恐生叵測之變故卑職英會商崇安金知縣親往
武彞宮傳集程吳下衆頭領再四面諭安慰各給委
牌令其嚴束屯丁毋使投入匪類業將委官姓名開
報在案今不期渠魁江機奸計百出暗勾屯丁入夥
如虎添翼不思區區山寇屢奉各憲招撫已經差員
賚繳印劄又奉

親王加授將軍爵位恩逾格外卽應出山歸誠矢心報
効毋負上恩乃反率黨移劄建陽竹溪地方布散黨
羽流突崇汛呂源黎源下洋各處鄉村搜山擄掠捉

人索餉今建陽新厝塘頭杜潭長坪一帶殘害無忘
且聲言我等奉 王劄不日赴省剃髮歸誠因乏路
費口糧故來告借等語以致汛防官兵恐悞各憲招
撫之意未便輕易進勦查得興田地方乃通衢官道
設有塘兵遞送公文居民懼賊驚逃倘賊漸至彼地
則羽書中斷關係匪輕又查得武夷山巖向有富民
避亂於彼山賊素所垂涎今江逆見我兵卑必往劫
掠無疑伏乞憲臺迅發馬步官兵駐劄興田中道以
張聲勢仍乞迅撥官兵二三百名星赴曹墩協同把
總呂應龍相機進止庶地方不致塗炭春耕尚有可
望而

國課不致虧缺等情本日又據左營中軍守備程瑋報
稱三月二十九日據長坪塘兵何福等稟稱今有偽
兵俱在大路下建陽一帶地方搶擄人畜更在竹溪
招兵理合飛報等情各到職據此竊照賊眾借撫紛
紛出巢流突建境擄掠鄉村捉人索餉又招屯丁入
夥情形叵測且 宣武將軍官兵俱往邵武而建寧
兵單寥寥無幾除護餉解逃尙不敷差遣今據左營

將構塘報警息除一面立撥領旗丘光信等帶領馬兵馳往建陽一帶哨探仍一面檄令中軍守備田毓瑞撥發把總張瑞瑛帶領兵丁前往興田駐劄堵禦外理合具報又爲飛報事據崇安縣呈稱該縣職查得江機陽奉陰違肆行剽掠殺戮生靈招人入夥漫山遍野橫行無忌崇邑斗大孤城將何堵禦伏乞憲臺迅賜酌奪救民湯火以全巖邑卑職可勝翹首待命等因各到將軍據此爲照山寇江機楊一豹狡言就撫遲我官兵進勦今復招民同叛橫肆劫掠各處

屯丁復投入夥勢益鴟張致上游居民流離遠竄產業拋荒先屢據各營將領具報逆賊突犯出沒情形節經本將軍移咨 貴部院并嚴檄飛催該汛防將弁作速協力進勦在案今復據該副將具報以逆賊曾受 王劄加授將軍爵位聲言不日赴省剃髮因乏路費故來告借等語以致官兵遲疑恐礙撫局不敢進攻逆賊以就撫緩我兵機久不出降橫行劫擄賊勢日漸滋蔓百姓日受荼毒若不亟爲剿滅則地方受禍無有底止查各標營征勦官兵初班回汛自

應暫令休息但江楊二逆剽劫愈熾又未便聽其蔓
延除經移咨福寧鎮挑選能將帶領精兵一千名飛
赴崇陽地方會同各該營官兵星速進勦去後合就
咨會爲此備咨 貴部院請煩察照仍祈會飭福寧
鎮迅速遣發官兵前往掃蕩以靖山寇以安地方仍
祈示覆施行

謹陳平海咨督院

爲謹陳平海善後十策永奠海疆事本年四月十四
日准 貴部院咨開准 兵部咨前事內開查總督
姚 條奏廈門等島沿海要地官兵防守俟荷蘭國
船到日進滅海賊尅取臺灣會同廣東官兵剿滅海
賊劉國軒沿海仍舊展界新增綠旗官兵陸續漸撤
浙江調來官兵應行撤回投誠官兵給與俸餉等情
關係最要應與總督姚 將軍管提督楊 巡撫吳
水師提督萬 勅令會同將每件一一確議速奏

再議俟

命下之日將總督姚 條奏八款俱錄出發與總督將軍
巡撫提督可也等因於康熙十九年三月二十二日
具奏於本日奉

旨依議速行欽此欽遵抄出到部移咨到部院准此所有
原疏合就抄送爲此合咨貴將軍請煩察照酌議示
覆會 題施行計抄疏一摺等因到將軍准此爲照
逆孽鄭經與渠魁劉國軒等負固窮島擾害邊陲茲
仰邀

朝廷洪福 貴部院訐謨逆賊敗竄島嶼肅清 貴部院
懲前毖後條列良策入

告務期永奠海疆 內部咨移確議又荷 貴部院俯賜
咨詢管見所及敢不備陳一廈門金門並宜固守查
廈門昔年爲我師取而復棄後逆賊卽踞爲巢穴前
進剿時本將軍親至其地審察形勢是厦金之不可
不駐重兵固守誠有如 貴部院所策者至其間兵
數多寡船隻派設駐防或提或鎮本將軍職司陸路
是在 貴部院與 撫部院 水師提督斟酌盡善

者也一內地官兵移駐沿海要汛如閩安鎮兵三千名出守定海灌口兵二千名出守灣尾高埔以爲廈門犄角尤無遺議矣查興化原係府城又屬全省往來咽喉孔道原設鎮標三營城守一營共兵四千名前緣兵力不敷分布故請添設楓亭一營今將鎮標三營盡移防海壇楓亭一營又撥防平海只留城守一營不足以資彈壓况差使餉鞘護送絡繹何以四應仙遊一縣又山海交錯奸宄時常竄匿似興化一郡當駐重兵以備不虞至惠安兵一千名出守崇武

惠安地當冲路所轄塗嶺又爲四通之道若巡緝防範護送差鞘無兵可恃恐滋不測查水師提督請設兵一千自獺窟轄至崇武則惠安營官兵似當酌留以保固城汛分防塗嶺也一遣發舟師會合水陸官兵先勦粵寇以絕滋蔓一俟荷蘭船隻進攻臺灣以靖根株其次第乘勝進取以掃積年之逋寇登沿海數千百萬生靈於衽席者實爲目今要着但本將軍於海道未諳不敢輕議一開還邊界以上裕

國課下濟民生誠爲利益但今賊首雖遜餘孽尚未盡

滅茲邊界既展延袤數千里賊踪處處可以登犯奸
民在在可以勾通卽 水師提督能節節設備沿邊
似可無患萬一海逆擁衆乘潮順風合踪而至水師
或不及堵截內地兵卑顧此失彼不特村鎮遭其荼
毒并恐城池有警人心風鶴是目前之展界固屬便
利內汛之分防尤當佈置周密方可無虞也一裁撤
新增官兵查閩安興化泉州大 盈江東等處官兵
皆久用命於砲矢鋒鏑之間今海逆初平一旦卽議
裁撤分防更爲不周內地益見卑弱况驟裁萬數之

兵此輩不習耕種不善經營赤貧無措勢必相率爲
盜是海寇尙有遺孽內地復啓亂萌矣在管見以裁
汰之兵不必定限於四五月之內止就其中果屬
衰弱者汰之不補強壯者仍留且暫令沿邊分守以
固我疆圉一先撤浙兵以省錢糧糜費洵爲至當不
易者矣一投誠官兵請給糧餉查閩省投誠之衆爲
數甚多豈盡傾心向化不過迫於兵威事勢俛首求
生儘有歸農之衆面革心非尙煩吾之顧慮其在隨
標入伍者又皆勇悍不安耕作之人資身無策僅藉

月餉存濟苟不爲贍給必至復循故轍是尤在 貴
部院力爲主持請給糧餉以安其心者也總之閩省
地方山海環峙鞏固要策必須水陸相維山海互防
蓋

朝廷正供錢糧百姓地畝廬舍皆在於陸不在於水更城
池倉庫之重餉藪差使之繁又多在陸路內地則駐
防之兵未可盡移於沿海况邊、旣展奸民無地不
可出入賊艘無處不可登犯倘深山窮谷之中又有
淵聚流突海逆復肆勾連水陸交訐如昔年紀朝佐
鄭不伐廖璵等可爲前鑒若再有變起倉卒卽發兵
星馳撲勦亦恐鞭長莫及目今 王爺大兵將次旋
師浙兵業已先回兼之遷界流、尙未復業投誠兵
衆未盡革心劉國軒見在粵東招集舊賊聯絡巨盜
以乘我隙是陸路防維正當嚴謹之日若遽裁一萬
之衆防範不周種種可虞度時量勢宜俟夾剿逆孽
劉國軒殲滅之後次第裁撤則

國計民生兩有攸賴矣末議如此是否有當統祈 貴
部院鴻謨再加確裁今准前因合就咨覆爲此備咨

貴部院請煩察照主稿 題覆并祈示覆施行

康熙十九年四月二十日

咨商事咨督院

爲咨商事爲照泉州米價騰貴兵民交困本將軍回
泉時目擊心愴隨即移咨 撫卹院將本標五營併
援剿兩營官兵應支五六兩月餉銀一萬七千餘兩
差中營守備丁世芳就省採買糧米撥船海運到泉
除給兵食之外其餘盡行照依省價發糶窮民接濟
時艱業經咨明在案但往返買糶耽延迄今尙未能
到而泉郡米價日甚一日每石竟至五兩餘目下兵
困民饑人心惶惶顛連困苦觸目傷心大可畏懼案

准 大咨倡捐銀一萬四千兩買米七千餘石先運
至泉聞該府縣將此項米石撥給滿洲致民間未沾
寔惠米價日長若不亟爲設法接濟恐至五六月來
勢必湧至七八兩本將軍見此兵民嗷嗷憂心如焚
寢食俱廢茲聞漳州各邑米價比泉州地方稍平擬
欲措銀數千兩差員前往龍溪南靖一帶採買糧米
船運來泉卽照漳州所買原價以數平發兵食以救
目下五六兩月青黃不接之艱俟至七月早稻收成
便可無慮本將軍爲地方兵民起見愚意若此如屬
可行統祈 貴部院酌奪示覆以便專差的員星赴
採買尤祈 洪慈於投誠船隻之內酌撥十數隻借
用其中或有滲漏併請着令府 修艙堅固以便差
員裝運糧米來泉仍請移咨 水師提督轉行各汛
驗明放行 貴部院軫念兵民無所不至今地方饑
困若此本將軍目擊急切情形敢不咨請以解刻下
兵民重困合亟咨商爲此備咨 貴部院請煩察照
迅賜示覆施行

康熙十九年四月二十六日



平閩紀卷之九目錄

咨文

請復邊海咨兩院

飛報恢復咨兩院

飛報克取咨兩院

題報勦殺咨督院

請掛糧餉咨督院

借領月餉咨督院

飛報恢復咨兵部



平閩紀 卷之九 目錄

飛報克取咨兵部

飛報大捷咨督院

請 旨事咨督院

邊海要島咨督院

嚴查私藏咨撫院

嚴飭巡拿咨

兩院
水提

嚴查私藏咨撫院

咨請酌給咨兩院

修葺城垣等事咨

督
撫兩院

稟報事咨漳浦鎮

密報事咨督院

密報事咨吳部堂

平閩紀卷之九

懋紹漁山

三韓楊 捷元凱著

男懋緒令鴻纂

懋綸今掌

請復邊海咨兩院

爲請復邊海遷民故業等事本月初二日准 貴部
院咨開准 兵部咨前事等因到部院准此合咨查
照酌議主稟會 題施行等因到將軍准此案照先
准 兵部咨同前事業經本將軍於四月二十七日

備咨 貴部院察照酌議主稿會 題去後今准
大咨酌議查開展邊界俾遷民復歸故業誠有裨於
國計民生但釋 部咨之內有海寇尚在廣東沿海地
方游移尚未剿滅海界照舊展復所關甚爲緊要等
語是 內部於此極其慎重况鄭經劉國軒現在彭
湖臺灣等處猶思收集散亾餘孽希圖窺伺若邊界
遽開則奸民之接濟無從稽查而細作之往來亦難
盤詰沿邊二千餘里處處可以登犯萬一逆賊順風
乘潮連踪突至沿海奸民爲之勾引內應藉寇兵而
齎盜糧豈不可虞是目前展界固有裨於

國計民生倘遊覓竊逞再需大兵進勦將浩費錢糧恐
反多於所入矣本將軍管見似應俟彭湖廣東二處
餘逆指日掃盡之後再行展界可也是否有當合就
咨覆爲此備咨 貴部院請煩察照酌奪施行

康熙十九年五月初七日

飛報恢復咨兩院

為飛報恢復海澄縣城等事本年五月二十二日准
兵部咨開職方清吏司案呈奉本部送兵科抄出據
昭武將軍楊 題前事一疏奉

旨覽卿奏親率官兵進勦海逆恢復海澄縣城可嘉着議
奏該部知道欽此除滿洲有功官兵應俟回京之日議
叙外查該將軍未經造冊送部此抄無容議覆應行
該將軍將殺賊數目并在事各官有無事故職名履
歷詳造清冊送部之日再議至得獲船械米穀等項

五國系
卷之八
三
聽該督報明戶工二部可也等因呈堂奉批照咨送
司案呈到部擬合就行爲此合咨貴將軍煩爲查照
施行等因到將軍准此除移行各鎮營在事有功各
弁員一體欽遵知照外今准前因合就咨達爲此備
咨 貴部院請煩察照施行

康熙十九年五月二十五日

飛報克取咨兩院

爲飛報克取廈門等事本年五月二十二日准 兵
部咨開職方清吏司案呈奉本部送兵科抄出據昭
武將軍楊 題前事一疏奉

旨覽卿奏會同滿漢官兵進勦海逆擊敗賊衆恢復廈門
具見調度有方將士奮勇可嘉在事有功人員着議叙
具奏兵部知道本內副都統訛寫都統着飭行欽此除
遵

旨飭行并滿洲有功官兵應俟回京之日議叙外查該將

軍未經造冊送部此抄無容議覆應行該將軍將殺賊數目并在事各官有無事故職名履歷詳造清冊送部之日再議可也等因呈堂奉批照咨送司案呈到部擬合就行爲此合咨貴將軍煩爲查照施行等因到將軍准此除移行各鎮營一體欽遵知照外今准前因合就咨達爲此備咨 貴部院請煩察照施行

康熙十九年五月二十五日

題報勦殺咨督院

爲題報勦殺海逆克取東石地方事准 貴部院咨開奉

康親王諭准 兵部咨前事等因到本親王准此行諭到本部院敬此合就移咨請煩察照 部文內事理希卽轉行標營將當日克取東石地方在事官員殺賊功次查造履歷清冊一樣二本移覆本部院以憑咨 部議叙施行等因到將軍准此隨卽檄行本標中軍叅將馬勝轉移前後二營將當日克取東石在

事有功人員查明履歷造報去後今據該將造繳本
標前後二營遊擊焦國巡劉國興等履歷清冊前來
合就咨送爲此備咨 貴部院請煩察照彙咨 內
部議叙以鼓勞員施行

康熙十九年六月十七日

請掛糧餉咨督院

爲請掛糧餉月領接濟兵食事據中軍叅將馬勝呈
稱據左右前後營中軍守備金殿龍張洪宗陳應隆
齊亮等呈稱竊照本標五營官兵應支糧餉中營坐
派泉郡四營支給省運遵行在案今查本標康熙十
九年分銀米前經中營中軍守備丁世芳赴省領運
至六月分止源源接濟各兵均沾鴻慈茲秋季屆期
兵食似難刻緩合行預具領狀請掛赴省支運但查
呈掛領狀應同四柱數目冊一齊繳掛惟是本標現

今購買新馬陸續發營配騎所有起支草乾日期理
應具詳批示且兼挑有守兵領馬者必當詳拔馬兵
若守兵既拔馬兵則溢額戰糧又當改降守兵似此
呈詳收除勢必稽待時日窮兵勞戍望餉維殷今殿
龍等公同預具秋季糧餉領狀先期請掛赴省支領
以濟兵食俟後詳批收除歸一登卽撥造冊領呈送
核掛掣回原領銷筭如有長短盈縮應找應還自當
清筭以重錢糧不致混透呈繳秋季分領狀到職等
情據此該卑職查得左右前後四營餉銀糧米向應

赴省領運茲按月請支數冊因候新馬詳拔收除歸
一方得造掛泉省隔遠秋季屆期各兵望餉懸切如
准預先具領掛支隨後造冊銷筭實爲接濟兵艱出
自憲恩軫恤標營咸沾宿飽德澤矣茲據四營呈具
領狀前來卑職查明蓋印現在理合呈請掛咨

督撫

兩院轉行布司糧道支給等情到將軍據此爲照本
標五營官兵馬匹俸餉乾銀除中營按月在泉州府
支領外左右前後四營應需餉銀例應司庫給發茲
秋季屆期窮兵望餉如歲緣本標新購官馬爲數繁

多挑選配騎升降不一本將軍近以會閱邊界未及親加驗明未便批准入冊茲據該將呈送左右前後四營備具預借秋季分銀米領狀前來統祈 貴部院掛送發司照數給發以濟兵食所有冊領俟本將軍回泉之日將配騎馬匹兵丁再行試驗批准入冊着令各營攢造冊領桂號補送撤回借領可也今據前情合就咨送爲此備咨 貴部院請煩察照惟祈掛送 撫部院發司照數給發以濟兵食仍祈示覆施行

康熙十九年七月十四日

借領月餉咨督院

爲呈請借領月餉事據援勦左右二營遊擊馬四玉
楊懋綬等呈稱據中軍守備楊可能等呈稱切照本
營官兵入閩援勦業荷各憲天威已平海逆今駐紮
泉州物價騰貴各兵應支月餉相應預期請領庶得
接濟軍需所有應支本年七八月分俸餉該卑職等
查照現在官兵數目備具借領呈送現在合無呈請
差員前赴本將軍軍前投遞領文赴司支領以資給
散俟月終扣定實支數目備造冊領呈送掛發掣回

借領等情到職等據此該卑職等出具領狀專差千
總鄧應魁前赴本將軍軍前領文支給外理合呈請
等情到將軍據此爲照援勦左右二營官兵應支七
八月分餉銀因泉州百物騰貴且現在收拾候

旨各回原營是以各兵望餉如歲茲據二營將弁備具借
支七八兩月分餉銀領狀各二張專員齎送前來所
有冊領俟月終扣定實數照例備造核掛移送撤回
借領等情合就咨送爲此備咨 貴部院請煩察照
俯恤兵艱核咨 撫部院掛發藩司照數給發以接

兵食施行

康熙十九年七月十八日

飛報恢復咨兵部

爲飛報恢復海澄縣城等事本年五月二十二日准
本部咨開職方清吏司案呈奉本部送兵科抄出據
昭武將軍楊 題前事一疏奉

旨覽卿奏親率官兵進勦海逆恢復海澄縣城可嘉着議
奏該部知道欽此除滿洲有功官兵應俟回京之日議
叙外查該將軍未經造冊送部此抄無庸議覆應行
該將軍將殺賊數目并在事各官有無事故職名履
歷詳造清冊送部之日再議至得獲船械米穀等項

平定縣志 卷之九
聽該督報明戶工二部可也等因呈堂奉批照咨送
司案呈到部擬合就行爲此合咨貴將軍煩爲查照
施行等因到將軍准此隨卽移行准據各標鎮營將
十九年二月二十三日恢復海澄縣城在事有功人
員開造履歷功冊前來惟查此案本將軍統師恢復
海澄之時因急於具疏

題報以紓

皇上南顧所有當日在事有功各官職名俱未叙入原疏
今准

本部行令詳造清冊送部之日再議等因理合逐一
核明各官職名并傷亡官兵員名陣斃馬匹及零星
得獲器械數目備造履歷功績清冊又查准 本部
咨內開至得獲船械米穀等項該督報明戶工二部
等因除卽移咨 總督部院姚 報明 戶工二部去
後再查當日恢復海澄原將水陸官兵分作三路進
攻至於二路有功弁員應聽 總督部院姚 查明
彙冊咨送 本部議叙外今將各標鎮營大小將弁
跟隨本將軍一路進攻在事有功人員履歷彙造清

冊合就咨送爲此備咨 本部請祈察照俯念邊疆
血戰勞員議叙

題覆以示鼓勵施行

康熙十九年八月二十七日

飛報克取咨兵部

爲飛報克取廈門等事本年五月二十二日准 本
部咨開職方清吏司案呈奉本部送兵科抄出據昭
武將軍楊 題前事一疏奉

旨覽卿奏會同滿漢官兵進勦海逆擊敗賊衆恢復廈門
具見調度有方將士奮勇可嘉在事有功人員着議叙
具奏兵部知道本內副都統訛寫都統着飭行欽此除
遵

旨飭行并滿洲有功官兵應俟回京之日議叙外查該將

軍未經造冊送部此抄無容議覆應行該將軍將殺賊數目并在事各官有無事故職名履歷詳造清冊送部之日再議可也等因呈堂奉批照咨送司案呈到部擬合就行爲此合咨貴將軍煩爲查照施行等因到將軍准此隨經移行准據各標鎮營將十九年二月二十七日亥時攻克廈門逆島在事有功人員開造履歷功冊前來但查此案本將軍統師進取廈門之時因急於具疏

題報以紓

皇上南顧所有當日在事有功各官職名俱未叙入原疏今准 本部行令詳造清冊送部之日再議等因理合核明各官職名并傷亡官兵員名得獲器械數目備造履歷功績清冊至當日攻取廈門原訂期從海澄松嶼潯尾三路進兵一齊追擊逆賊聚鯨迎敵我兵大砲擊破打沉賊船共一十一隻斬殺淹死逆賊在海洋之中實難千百計數合再聲明惟是積年逆穴一旦蕩平此皆上邀

朝廷洪福下賴各將士戮力用命鼓勇齊進著有血戰勞

平陽縣志 卷之九
續實難泯沒除將從松嶼薄尾二路有功弁員應聽

總督 巡撫 部院

姚 吳

查明彙冊各自咨送議叙外今將各

標鎮營大小將弁跟隨本將軍從海澄一路配坐船隻進攻在事有功人員職名履歷彙造清冊現在合就咨送爲此備咨 本部請祈察照俯念勞員議叙題覆以示鼓勵施行

康熙十九年八月二十七日

飛報大捷咨督院

爲飛報大捷事案准

貴部院咨開准

兵部咨前

事內開奉

旨覽卿奏進剿海逆斬殺甚多攻破賊寨一十九處得獲船隻器械等項具見調度有方將士奮勇可嘉在事有功人員着議叙具奏該部知道欽此移咨到部院准此合咨察照希將攻破十九寨一案當日在事有功各官職名履歷并殺賊數目得獲船隻器械等項轉行各鎮協營逐一詳造清冊移送以便彙送議叙施行

等因到將軍准此隨即移行准據各鎮營今將連破
一十九寨在事有功人員職名開造履歷清冊前來
合就咨送爲此備咨 貴部院請煩察照查核彙叙
文冊咨送 兵部議叙以鼓邊海勞員施行

康熙十九年八月二十七日

請 旨事咨督院

爲請 旨事本年八月二十七日准 貴部院咨開
准 兵部咨前事內開通省量留防守應裁兵一萬
九千九十五名亦應照題裁去見今老弱不堪者查
裁五千其餘應裁之兵將老弱陸續裁汰逃故之缺
停其頂補以定應裁之數至總督提督巡撫總兵官
標下准爲馬二步八此所裁官兵並分守地方等事
聽該督等公同詳定具題可也等因康熙十九年八
月初一日題本月初四日奉

旨依議欽此移咨到部院准此擬合就移爲此合咨貴將
軍請煩查照欽遵將所減官兵并分防地方酌定會
題施行等因到本將軍准此爲照閩省陸路各標營官
兵旣經侍郎溫 疏開八萬一千七百四十五名量
留舊制兵馬應裁兵一萬九千九十五名 部覆奉
旨依議移咨前來自當遵照裁留查閩省陸路現兵只共
七萬七千六百四十五名除多開兵四千一百名另
文咨詢外今卽照八萬一千七百四十五名之數裁
留除裁去一萬九千九十五名實應留兵六萬二千

六百五十名除現在 督撫提鎮并 題准新舊各
營已有額兵六萬零八百五十名尙應撥兵一千八
百名添足議留經制六萬二千六百五十名額數此
所撥添一千八百名之內應將一千名補還通省各
營原調入桐山營兵額更餘兵八百名或應於裁營
守備之內撥出二員內一員帶兵四百名防守大盈
兼轄康店一員帶兵四百名防守小盈兼轄沙溪青
石宮一帶如此則邊海孔道可以鞏固無虞矣此議
留之兵額也其應裁兵一萬九千九十五名查 貴

標裁兵七千六百九十五名撫標一千五百名本標
援剿左右二營一千七百名續增具題未准之灌
口一千大小盈一千五百馬口九龍嶺八百興化一
千泉州一千楓亭六百共只有兵一萬六千七百九
十五名內再撥出一千八百名添足議留六萬二千
六百五十名外實只存應裁額兵一萬四千九百九
十五名尚缺少裁額四千一百名不知此項額兵原
係何營之數本將軍無憑查考今卽就此現存一萬
四千九百九十五名清筭內除援剿二營一千七百
名發回江南又本將軍原調山東河南兵丁三千名
入閩補伍今現候

旨發回原營但各兵自入閩以來逃亡事故之外今實在
只有二千一百餘名應照數撥出二千一百餘名補
入本標以足原額再於現兵之內查將老弱沙汰五
千名以符部議尙剩應裁兵六千一百餘名統候
貴部院宏裁酌委將弁帶領分防縣汛俟通省各標
協營陸續查汰老弱并逃故缺出卽於此存剩裁兵
之內分發補伍此開發裁兵之大畧也其無額四千

一百名之數惟祈 貴部院查明果係何項兵丁於
疏內聲明 題覆可耳至於分防地方除沿邊寨汛
先經各營原安有兵防守無庸更議其近准 部文
所開浯嶼圍頭永寧日湖獺窟平海烽火門七處內
浯嶼烽火門二汛查係海中島嶼陸兵難以飛越應
聽水師專防其圍頭應令駐防東石原江東左營遊
擊鄭興派兵分防永寧擬調雲霄營增設守備帶領
增設原兵五百名防守日湖就近着令泉州城守酌
量撥兵瞭探巡防獺窟着令洛陽營守備領兵四百
名分防平海擬調漳浦營增設守備帶領增設原兵
五百名防守已經另文咨覆外其江東橋副將詹六
奇應遵照 部議留駐銅山所有左右二營官兵應
將右營官兵一千名留防江東原汛其左營官兵一
千名應調赴東石地方駐防內派兵四百名分顧圍
頭尚有裁剩兵丁六千一百餘名俟通省各營缺額
撥補尚需時日或應分派於各處暫為防守統候
碩畫之酌定也今准 大咨見詢合抒末議備覆為
此備咨 貴部院請煩察照酌奪主稿 題覆并祈

示覆施行

康熙十九年閏八月初三日

邊海要島咨督院

為邊海要島等事八月二十七日准 貴部院咨開
准 兵部咨前事等因到部院准此合咨察照酌議
示覆以憑會 題施行等因到將軍准此為照浯嶼
圍頭永寧日湖獺窟平海烽火門七處侍郎溫 原
疏題令陸兵水師酌調共相防守內查浯嶼烽火門
二汛乃係海中島嶼巡防勢需船隻方克有濟在陸
營官兵既無舟楫難以飛渡應聽水師專防似不必
撥發陸兵協防外如圍頭一汛與東石形勢毗連本

將軍近經咨請 貴部院將江東橋左營遊擊鄭興
調令帶領該營官兵駐防東石在案今應就遊擊鄭
興所帶防守東石官兵之內令撥出四百名分防圍
頭彼此互相聲援甚爲妥協其永寧一汛擬調雲霄
營新增守備賴益桐帶領增設兵丁五百名駐守日
湖擬令泉州城守營撥兵汛防查該汛咫尺汪洋大
海與內地隔離頗遠若多派官兵出防便當建築寨
城又多費一番民力惟着令該營酌量撥兵瞭探巡
防可耳至於獺窟一汛查與洛陽營形勢相連本年

五月二十一日爲移會事一案經本將軍咨議着令
洛陽營守備帶兵出防獺窟等因在案今似應照舊
議行令該營或守備或千總一員帶目兵三百名前
往該汛防守遇有警息該營將官率兵聲援其平海
乃興化府所轄應就興化撥兵出防但查興化鎮標
三營內中左二營係屬水師右營官兵一千名分守
沿邊錦墩後架白沙一帶尚恐兵力不敷實難再撥
城守一營除守城分汛并撥防仙遊之外亦無多餘
之兵今當調令漳浦營增設守備侯世裔帶領所增

兵丁五百名前往防守此陸兵派防事宜管見未議
是否有當惟祈碩畫酌定也若厦金銅山海壇等處
水師總兵各員以某人鎮守某處此屬水師機宜諒
貴部院宏謨遠畧早有定見或移咨 水師提督萬
再爲少加酌爰分布鎮守 題覆可也今准前因合
就咨覆爲此備咨 貴部院請煩察照酌奪主稿
題覆仍祈示覆施行

康熙十九年閏八月初四日

嚴查私藏咨撫院

爲嚴查私藏鎗炮火器以銷造亂之具事本月初七
日准 貴部院咨開將各地方凡民間所藏鎗砲火
器盡行查出收之入官有不自首送者予以重罰卽
有奸徒揭竿亦易於撲滅矧現奉

上諭嚴禁民間私鑄火砲尤當速行窮搜合亟咨商若何
而使藏匿盡除又不滋擾必有良法可措施行再弓
箭一項亦非小民所宜藏蓄似應一併查收庶源流
並絕或足爲銷亂未萌之萬一也是否可行均祈酌

奪示覆等因到將軍准此爲照閩省自遭變亂之後
往往易動難靜總因百姓或被脅從而習兵革或衛
身家而具利器遠近皆然耳目旣經習熟一遇不逞
之徒乘勢竊發卽蟻聚以拒官兵每藉砲火器械爲
鴟張之具 貴部院明鑑遠徹欲查追民間火器弓
箭以銷亂於未萌仰見鴻謨遠畧先事綢繆之善策
本將軍惟有敬服良籌欣承教益自當檄行各協營
將領會同各府縣協查追繳以絕亂源第恐弁兵粗
悍與閩民之才黠未必相能一旦奉令下鄉追查軍

器勢必沿門挨戶盤詰倘奉行不善定滋紛擾若一
兵民爭訐不惟有拂 貴部院銷亂之美意并恐有
負 貴部院愛民之盛心以愚見所及凡屬城汛附
近地方則令營弁協同有司查追若窵遠鄉村及深
山窮谷似應專責各府縣督察或撥令賢能首領前
往挨查旣查之後卽取里保家甲甘結存案如有隱
匿軍器不繳者事發之日本犯按法重處該里保家
甲一併連坐如此庶人知儆畏不敢扶同隱藏矣其
沿海一帶地方無非隸屬有司者亦各令其查追尤

五
卷之九
爲妥便統藉 貴部院之酌裁也至於嚴禁鐵匠人
等不許私行打造砲火交排鎗等項軍器更爲端本
澄源之先務惟祈 貴部院咨會 總督部院嚴行
各府州縣村庄市鎮嚴加禁諭本將軍亦當出示嚴
戢但立法旣善尤藉奉行者具有實心此尤祈 貴
部院檄行各該道府廳縣加意舉行實心督察斷不
至於違悖懈弛則民間之兵器自銷而海疆永無後
患矣今准前因合就咨覆爲此備咨 貴部院請煩
察照施行

康熙十九年閏八月十一日

嚴飭巡拿咨

兩院水提

爲嚴飭巡拿違禁船隻以杜勾通透越以安地方事
本月二十四日據福清營遊擊李應龍詳稱康熙十
九年閏八月十六日奉本將軍憲票內開照得沿邊
界限業准 部文奉

旨不准開復本將軍已經通行欽遵在案在各該協營將
領自當顧惜身名飭行防邊弁目稟遵

功令大破情面於各該轄汛港汊要口加意嚴謹稽察巡
邏凡遇有篷船隻進港俱當逐一細加查詢如無印

信牌票爲憑卽當連人船擒解沿海旣無友船則奸民雖有通天機巧從何飛越大海勾通逆孽如水師提督萬 近在浚後地方擒獲賊船一隻訊據賊夥供稱有奸民許開洪興魯子六張文興等前去勾通等情已經 水師提督萬 據供 題報不日旨下在專汛弁員難逃處分是其自取在 督 部院與本將軍俱有責任若沿海向無賊船游移則奸民何從線索乃近訪聞各將領非因循玩忽則瞻徇情面不復顧畏

功令凡所轄各要口篷桅舟楫羣屯以採捕魚蝦爲名紛紛停泊賢奸莫辨以致奸民走險勾通疎防蔑法莫此爲甚合行嚴飭爲此票仰該將照依事理卽便嚴飭防守沿邊各要口弁兵嗣後除係無篷無桅原係內港採捕魚蝦平底小艇許聽從民便外如遇有篷桅船隻進港務要嚴加詢詰徹底查明若果奉有水師提督萬 印信牌票差遣出哨剿賊者方許停泊若無印信牌票及裝載貨物私行買賣者不論何項船隻俱要連人船盡數擒解通詳候奪該將仍不

時卑騎巡察以防弁目通同情弊不得仍前因循贍
狗聽其出入無忌致滋勾通透越一經訪聞除弁目
立行鎖拏重處斥革外立將該將飛章叅處斯時功
名既墮身家俱失勿謂本將軍不諄諄申飭也仍將
遵依緣由報查更訪聞有種奸民假充營兵佩刀持
械背帶違禁貨物以巡哨爲名公然出入而守口不
肖弁目互相容隱不行攔阻等弊務要一并嚴行查
究毋違速速等因到職奉此該卑職遵卽嚴行所屬
汛守弁目一體遵照備具遵由回報仍卽出示曉諭

盤查外但查海口牛宅一帶叠有篷桅船隻進港或
稱脩整篷桅或稱看家買菜及避風等情船內亦有
裝載魚貨者卑職向令該汛弁目嚴加盤查據報各
有照票抄到查驗或係水師或係聯絡率皆自刊私
記並無欽給印信且多干把末弁所給甚有不服盤
查者今沿海邊界奉

旨不准開復照舊嚴禁則地方汛守責任匪輕倘各營船
隻仍前只執私記照身出入爲憑旣難辨其真僞設
若奸宄假冒出沒爲患不小自應遵照憲令擒拏詳

報以杜奸弊但水陸勢阻恐有一二強悍抗拒所當
籲請憲裁咨會 水師提督通行水師各官及聯絡
等營凡有奉差出哨必請 提鎮印信牌票如遇進
港停泊務聽該汛官兵盤驗不許仍前自給私票不
服盤查其絕影冒庶透越勾通之弊可以永杜矣更
如島民奉

旨准其仍住耕種而海壇江陰等島居民及汛守兵丁遇
有進入內地似應在該島汛守鎮營給與印信照據
以便稽察以防詐僞踰越亦防範之一端也卑職未
敢擅便合併詳請憲示庶便遵行爲此備由具呈伏
乞照詳施行等情到本將軍據此爲照海逆遠竄臺
灣通誅海外若內地果無勾通斷絕接濟則釜底游
寇自當消滅所以

廟堂建議不准開邊嚴加巡緝以杜透越本將軍稟奉
嚴旨屢經移行各鎮協營嚴飭沿邊將士加意稽察如有
違禁船隻卽行擒拏以遵

功令各去後茲據該將詳稱福清海口牛宅一帶叠有篷
桅船隻進港船內裝載魚貨查驗照票並無水師鎮

營

欽頒印信悉係營中千把末弁私刊條記何足取信甚至恃強不服盤查既難別其真偽設有奸宄假冒出入致悞邊防誠非淺鮮今據前情合就咨達爲此備咨貴部院請煩察照祈卽移咨水師提督通行水師各

官及聯絡等營嗣後凡有奉差出哨等船必請水

師提鎮印信牌票進港停泊務聽陸汛官兵查驗以絕假冒勾通之弊至於海壇江陰等島居民及汛守兵丁進入內地亦應呈請該汛鎮營給與印照庶便

稽察則邊界肅清而勾通永絕矣仍祈示覆以便行營遵照施行

康熙十九年閏八月二十七日

嚴查私藏咨撫院

為嚴查私藏鎗砲以銷造亂之具事本年閏八月二十七日准 貴部院咨開為照清查民間軍器一事茲准貴將軍咨覆內開嚴行各府州縣村庄市鎮嚴加禁諭等因深見 卓識宏裁本部院循照 大咨除沿海一帶移會 水師提督委員清查外但此舉務期必盡獲藏匿之兇器若作尋常通行終不緊切可否將八府一州地方分畫嚴查如漳汀邵三府則藉 總督部院嚴督該道府行查泉州府竟藉貴將

軍嚴飭營汛及地方官行查福延建三府本部院嚴督該道府行查興化府則藉興鎮飭該營汛及地方官嚴查福寧州則藉福寧鎮飭該營汛及地方官嚴查如此責成稽察耳目易周各官當不敢以泛常相視至應作何指授方畧使藏器者終不敢匿復萬萬不至擾民生事併限以期日搜查完報尙祈碩畫指示應再咨商爲此合咨貴將軍請煩查照示覆施行等因到將軍准此爲照查追民間鎗砲乃銷亂之良籌茲准大咨分畫督查本將軍自當祇遵飭行各

縣營實心奉行至欲使藏器者終不敢匿復萬萬不致擾民并限期日搜查完報等因查民間私蓄軍器內惟砲火交排鎗鹿銃等項最爲利害在官府何由備知在里甲鄰右平時無不熟悉今遣官親往追繳惟責成里甲鄰右互相舉報取具不扶遺隱甘結存案具結之後若有一家藏匿事發之日除本犯嚴加究處外里甲鄰右一併連坐貴部院仍先行大張告示使村庄里甲家論戶曉則小民畏法似可無敢藏匿矣如欲不至擾民務在嚴行道府選委廳縣佐

五原縣志 卷之九
貳才能素著之員量帶從役逐鄉逐甲加意挨查如有借公行私需索擾民或被告發或經 貴部院訪聞役則按律究處官則照貪吏指叅諒地方各官當凜遵

功令必自愛畏亦不至於滋擾矣若限期報竣似應論縣分之大小地方之衝僻繁簡酌定期限督令查報追報竣之後 貴部院再加體訪如某邑某員果能實心奉行搜查淨盡卽以才能獎薦如泛視不力查追不盡一有發覺卽以關茸叅處寓激勸於查追之中

知 貴部院自有鼓舞妙用又不待本將軍之贅言也然本將軍更有請者民間旣無軍器又恐有不軌之徒潛匿軍器於深山窮谷知里巷無備禦之具恣行劫掠如別項軍器尚可防範倘藏砲火交排鹿銃等件其害尤烈必作何區畫使深山窮谷皆無匿器交排鹿銃悉盡追銷一有藏匿遺漏事發之日如何從重處分庶銷器與弭盜兩無遺策然後以清查保甲之法兼而行之則永久可以無虞此雖本將軍之過慮統惟 貴部院評謨碩畫斟酌盡善者也是否

平國紀 卷之六
有當總聽 鴻裁緣准咨詢敢竭芻蕘今准前因合
再咨覆爲此備咨 貴部院請煩查照仍祈示覆施
行

康熙十九年九月初五日

咨請酌給咨兩院

爲咨請酌給硝磺火藥以安重地事爲照泉州一郡
乃邊海要區上爲興化省城之聲援下爲同安漳州
之脈絡在泉之備禦旣嚴庶上下之氣勢皆壯雖日
下逆孽遠邇但根萌未絕防範之策似宜周密查泉
庫現在硝磺火藥爲數寥寥似此邊疆重地咫尺汪
洋大海萬一逆寇伺隙狡焉深入則攻擊之具非硝
磺火藥不足以殲敵制勝若臨時赴省請領往返數
百里能不耽延時日所關地方軍機尤非小可當及

今請發火藥五萬觔礮一萬五千觔焰硝五萬觔或交泉州府縣官吏收貯或發泉州城守營將弁着令修築高曠房屋爲局用心收貯看管以備緩急歲時差員檢查似無礙冒破侵蝕在無事之時既可與省局官役分任收管之勞有事又可應倉卒殺賊之用且可以備興化同安之接濟而城汛之氣勢人心亦可藉以雄壯事有似緩而實急者此類是也相應咨請爲此備咨 貴部院請煩察照酌奪示覆以便轉行遵照具領請給施行

康熙十九年九月十三日

谷督撫兩院

爲修葺城垣鼓樓疏通街衢水道以固金湯以興文
運事爲照泉州一郡上連福興下接漳州爲閩省下
游適中要區逼臨濱海根本重地自變亂之後繼以
海逆竊踞殘破已極其城垣崩塌樓堞傾圮不特非
復昔時雄觀甚至通衢水道淤泥積穢居民住址悉
在水鄉以致民生日益凋敝文運因之不興茲仰邀
朝廷洪福 貴部院許謨逆寇敗逃山海肅清所當及時
修葺以復舊觀以開太平之象本將軍自班師回泉

查閱城垣見城樓堞堞傾圯不堪併見郡內頽垣廢址街衢溝道併城濠堆積馬糞壅塞不通一逢天雨軍民居住水鄉觸目荒涼大非漸復太平景况隨經照會興泉道劄付泉州府於閏八月初十日會集通城紳衿耆老里民於府學明倫堂公同會議修葺用固金湯查城中東西南北四處鼓樓俱關風水除南鼓樓爲泉州第一緊要本將軍現在捐俸僱匠重新包葢外其餘各項所需工匠費用頗多而各紳衿士民耆老咸爲久遠之計欣然僉議願就泉州七縣產米之內每石暫議輸銀一錢三分共計銀六千九百餘兩倘不足用則本將軍暨道府廳縣各員以及通郡縉紳舉監學校共相捐輸以勸盛事此皆通郡士民歡欣踴躍以衆擎易舉情願樂爲原非別項私派者比本將軍親臨會議細察輿情委非勉強承認通郡士民周知茲因前議久未舉行催准興泉道回稱據該府詳奉布政司批有捐輸出之民米未免涉於私派等語且又未奉 貴部院批示故爾耽延等緣由查修葺城垣敵樓以固金湯以鞏根本而街衢鼓

樓及郡內城濠八卦溝水道舊蹟實爲泉郡風水命脈所關若任其頽塌傾圮壅積不通則民生疾病災沴頻見旣官斯土凡修廢舉墜振起作興實屬分內且係士民公議樂輸似當及時舉行以壯雄觀以培命脈者也本將軍雖荷

聖恩回任江南束裝在邇然與貴部院共事三載旣得海疆平定凡有裨益民生利濟地方之事在此一日自不忍一日置諸膜外在貴部院鞏固封疆振興文運愛養殘黎無所不至尤祈鑒此輿情加意作

興迅賜批示舉行使泉郡重地煥然改觀則士民荷沐撫綏之德更無旣矣合就咨達爲此備咨貴部院請煩察照檄行興泉道作速舉行以固根本以復舊制仍祈示覆施行

康熙十九年十月二十四日

稟報事咨漳浦鎮

爲稟報事本月二十五日准 貴鎮咨開十月十六日有賊船二十三隻灣在白沙灣地名小鎮海合就咨報等因到本將軍准此爲照逆賊敗竄臺灣通誅海外今復聚踪至二十三隻竟灣白沙灣小鎮海港岸似此橫行無忌奸謀叵測案據水陸各鎮營咨報賊艘游移緣由俱經本將軍移咨 督撫部院迅移水師提督速發舟師亟行驅剿在案今准前因除再咨會 督撫部院咨催水師官兵迅行追剿外合移

飭防爲此合咨 貴鎮煩爲查照希卽檄行所屬沿邊守汛官兵廣行瞭探整棚隄備若有侵近內港卽行攻擊如遇水師官兵追剿各該汛卽遙爲聲援策應務殲逆氛以固邊防仍嚴飭各將弁時加巡察不許內地奸民私通接濟毋得稍有疎畧致干

功令仍將嚴飭過緣由見覆施行

康熙十九年十月二十八日

密報事咨督院

爲密報事本月初九日據泉州城守叅將傅成呈稱案奉憲行近因沙汰投誠兵丁無家可歸嘯聚深山互相煽誘希圖不軌若不及時躡探剿捕漸成滋漫貽害地方所關非小仰職卽刻選差能幹兵役扮作鄉民分頭前往所屬各處密行躡探嘯聚賊黨約有若干賊首是何姓名現今巢穴何處限五日內密報前來以憑勦捕以杜亂萌等因奉此該卑職隨密差目兵扮作鄉民四處偵探去後今於十二月初八日

據差兵王桂等緝到偽總兵吳勝一員偽綾劄一張
圖書一方併陳福一名到職詢據吳勝供稱小的本
名陳公舉住南安二十都有家眷先在海上做千總
十七年投誠 撫院衙門給有千總劄付名係陳四
劄付昨晚燒了小的專用籐牌一切人馬都不怕還
會用排鎗小的是七月往省同五個人是我的兵一
個謝萬是司理地方人一個林仔是我的小廝一個
草箕住永春縣一個進仔住洪賴街一個張贊明住
南安二十一都土名王斗有家眷我先投誠時他們

曉得我能幹我在省城做生理十月間上去連江縣
路上撞着林日向就邀我永福營盤山上草寮說生
理難做給我總兵劄付林日向是管四省三十八府
節度使住永福用的是金印林日向就擺酒飯請我
跟林日向的人有五六十來往通報有三四匹馬
扮作我們衣帽行走我在那裏住五天林日向并他
的人日間東走西走夜間山上草寮議事旗號還沒
有說目下就到我就回來興化住三天仙遊住五
天白鴿嶺住一天又到興化住二天永春住三天回

家招有四五十個兵若一傳他就來大小官多不曉得名字人都認得南安九十都十四都人甚多我轄下千總是李興住南安十六都還有一個總兵歐用果住南安司裏土名謝山頭有家口有身家的他的本家宗族多又一個總兵呂寬娘住土名謝山頭有家口有身家的宗族多兩個總兵都有割付是親自往永福地方林日向處領的泉州南安城裏都有受割付的人拿到歐用果呂寬娘就曉得城中有割付的人連江到省城一天到永福三天林日向下人有

三四萬說旗號一到就要動手了軍器有的林日向有書差我到漳州女王處投女王姓鮑住烏丁壩離漳州五天路女王係裹脚二十五六歲甚是能幹有妖法有兵六千若有奸細打探他要銀子就有銀子外人做的事他就會曉得女王留我喫飯說叫他旗號快到分定營頭好在十二月半交春動手女王有回書交我投送走到永春嶺頭菴撞見林日向人就交付他去投我回來走到南安九十都平嶺頭又撞見林日向的人齋劉國軒書又到女王處去投女王

的漢子是清朝殺了如今一路上都有人凡頭上帶的氈帽兩邊不剪開的有黃紬帶在腰間的都是記號有包頭布纏身的亦是他的人又有一個葉日高原是耿王下總兵嶺後一族是四省節度使在各處招的人多在永德十二都十四都來往走動不定等語又據吳勝下陳福供稱小的是廈門人今年十月從廈門上來吳勝家住是吳勝下人常差到司裏地方總兵呂寬娘家去因知吳勝在山作事故到他家又去廈門聞知吳勝有劄付到因此又從廈門上

來到吳勝家住四天了等語理合解報聽候憲奪計呈解吳勝陳福等情到將軍據此爲照山海雖平猶恐伏莽未靖兼之沙汰投誠之衆無家可歸者復萌故智嘯聚深山邃谷之中互相煽誘貽害地方將來滋蔓實爲隱憂本將軍業經嚴行臬屬各營加意偵緝消弭於未然茲據該叅將將僞總兵吳勝等訊據口供尚有僞節度使林日向葉日高等多人與漳州之女王往來交通併結連海逆劉國軒謀爲不軌幸天敗其奸吳勝就獲所供夥黨亟宜緝捕以殄亂萌

除將吳勝等併綾劄圖書就近檄發泉防廳同叅將馬勝傅成副將朱起龍嚴審確實情形事干地方應審明咨請徹緝但恐事露宵遯一面選差幹員前往南安會同有司密拿葉日高等各夥黨外所有林日向偽女王等相應咨請 貴部院嚴檄道府作速密拿以靖根株俟泉防廳會審確實另備咨移今據前情合先咨達爲此合咨 貴部院請煩察照施行

康熙十九年十二月初十日

審報事咨吳部堂

爲審報事康熙二十年正月二十二日准 貴將軍部堂咨覆前事內開爲照投誠解散之衆鷹眼未化欲逞奸謀幸賴貴將軍保障宏才密訪緝獲使反側之輩未得梟逞堪爲地方手額但事關重案理宜速結以安人心雖值貴將軍榮遷猶幸未卽就道其已獲之歐果卽歐用果等旣覆詢情真証確仍應藉貴將軍斧斷速結以絕若輩覬覦其未獲之吳勝葉長等并打搶之林辰林細等亦希就近嚴檄該汛將

升并移 總督部院嚴飭該地方道府會同火速躡
緝庶無漏網如待本將軍部堂催緝及取詢口供中
間駁查往返會商耽延恐未獲奸輩不無聞風鬼脫
致此案遂成葛藤矣今准前因合就咨覆爲此合咨
貴將軍煩爲察照就近嚴檄速緝未獲以絕根株以
安地方施行等因到將軍准此爲照事關叛案理宜
嚴行速結以安人心第緝獲叛犯營汛均有責成其
研審真情妥招定案事在右司本將軍業經屢咨移
會 督兩院檄行興泉道府轉行該廳縣將已獲各

撫

督兩院諒有同心自

犯嚴加確審未獲各犯躡緝務獲在案茲准 大咨
除復轉移行催速結外然本將軍交代在即不日起
行其肅清奸宄以靖地方在 督兩院諒有同心自
必嚴催迅鞫結案不致遲延使反側漏網今准前因
合再咨覆爲此備咨 貴將軍部堂請煩察照施行

康熙二十年正月二十六日

平閩紀卷之十目錄

牌檄

檄守備余福

牌行建寧郭副將

牌委總理戎旗遊擊崔陞

檄遊擊晉淑玉等

檄叅將朱起龍等

檄副將田萬侯

檄守備趙士奇

國立中央圖書館藏

牌行各協營

檄建寧營郭副將

檄僞副將蔡斌

檄遊擊韓六合

檄中軍馬總兵

票檄隨征副將會榮

檄同安洛陽兩營

牌行蒜嶺守備田龍見

檄左營朱起龍

檄福州城守右營遊擊陳七

檄漳州城守江東灌口三營

檄左營遊擊朱起龍

檄建寧劉副將

檄遊擊焦國巡

檄泉州城守傅叅將

檄副將朱起龍

檄副將朱起龍等

檄副將朱起龍

檄守備張有才趙勝

檄遊擊劉國興

檄行福清營遊擊李應龍

平閩紀卷之十

懋紹漁山

三韓楊 捷元凱著

男懋緒令鴻纂

懋綸今掌

牌檄

檄守備余福

為海寇乘潮突犯事據該備報稱本月初三日有賊大船百餘號海賊數千餘自邊崎由泥田乘潮登犯離縣十里許我兵分三股夾剿賊傷甚多淹歿莫計

今賊船尚在游移等情到本軍門據此照得賊船飄忽靡常乘潮登犯情或有之但查泥田係內地小港海寇所駕大船何以得連踪直入既稱我兵分三路夾剿爲時諒已許久潮水稍退大船卽當擱淺何不乘勢奮擊盡行剿殺又復聽其揚帆而去游移窺伺卽此類推則此報未免有虛張聲勢情弊且追殺賊寇務將的數呈報部文久經通飭今僅以賊傷甚多淹歿莫計一語了局殊屬疎畧合并飭查爲此牌仰該備照依事理卽查前項賊寇當日果否俱乘大船侵入泥田我兵果否三路夾剿其殺歿若干淹歿又有若干因何不極力堵擊致賊大船復得從內地小港逸出在外洋游移逐一從實回報毋得隱飾致煩查出取咎未便速速

康熙十七年八月初六日

牌行建寧郭副將

爲特糾不職營弁以肅軍紀事照得本軍門蒞任伊始整飭維新今該營中軍守備郭成名不守官箴尅扣兵餉將銀十二兩私書一封串同該營字識林永秀夾帶進署希圖餽送本衙門書吏已經搜出銀書當發福州城守營黃副將究審供認在案除現在特疏

題叅外合就行知爲此牌仰該副將卽將郭成名收管在營其中軍守備事務暫於千總內擇選才守兼優

平定縣 卷之十
之員署理至代寄之林永秀卽行羈候併將發去原
銀私書收貯在營聽候承問衙門弔審施行文到卽
出具收管二紙併收明私書銀兩收領一紙具報查
考施行

康熙十七年八月初八日

牌委總理戎旗遊擊崔陞

爲閩疆剿撫需材等事照得本軍門欽承

特簡提調福建全省軍務際此山海交訌馳剿孔亟必需
材勇能員以資臂指查得標下隨征戎旗遊擊崔陞
才猷素著技勇超羣且隨任有年勤勞茂著本軍門
業經

題明隨帶從征遇缺補用奉

旨依議欽遵在案合行給牌以示鼓勵爲此牌仰本官照
牌事理卽以遊擊職銜總理戎旗事務一切隨征官

三
卷之二
四
丁及各局材官俱聽本官管理約束遇事則統率各員聽候指示隨宜防剿凡遇征戰務宜奮勇當先摧鋒克敵斬寇擒渠果能建立功績一遇相當員缺卽行特疏

題補實授本官受茲委任尤當益加勉勵以副本軍門拔擢至意毋得怠惰悞事有負任使慎之勉之
康熙十七年八月十二日

檄晉淑玉等

爲申明賞罰以鼓勇往事照得海逆狂逞圍困泉州本軍門統率官兵會合各路兵馬進剿諒此烏合之衆敗亡在指日間正將弁奮志立功之會兵丁乘時報効之秋但軍中賞罰務宜申明今本軍門設立賞格凡我叅遊都守千把等官暨百隊兵丁有能奮勇先登衝鋒陷陣擒斬賊魁扒城跳舟者俱照依賞格重加賞賚立卽特疏

題補現缺以昭鼓勵其有臨敵退縮進戰不力者定按

軍法從事立行梟斬除賞格粘單外擬合行知爲此
票仰該將將照依事理卽使加意勉力建立奇功本軍
門會同 撫院定行頒賞特

題以酬血戰功績倘或怯懦退縮臨陣不前軍法無私
斷不姑貸仍遍傳千把百隊兵丁一體遵行以鼓勇
往各宜奮力勉之勉之

康熙十七年八月二十日

檄叅將朱起龍等

爲行查守城勞績事照得海逆狂逞攻圍泉城經兩
越月所賴在城將士相機戰守協力同心獲保無虞
今海賊敗逃所有當日宣力用命人員本軍門不忍
泯沒卽當會疏

題叙以酬勞績以示鼓勵擬合就行查取爲此票仰該
將照依事理卽將當日在城固守宣力將弁勞績逐
一查明彙造清冊呈報以憑核明會

題議叙毋得遺漏及冒開功次致煩駁查速速

康熙十七年九月初五日

檄副將田萬侯

爲飛報大勝事本月初九日據該協報稱官兵在官塘洋面剿殺海賊得勝緣由到本軍門據此照得海逆游移邊汛剽劫殘黎爲日已久罪惡貫盈茲官兵奉令追剿各皆奮勇用命大敗賊衆擒斬纍纍此皆該協調度有方本軍門閱報不禁欣躍除卽啓報

親王并移咨

督撫兩院俟事平會

題請敘外合行獎勵爲此牌仰該協照依事理卽便轉行在事各該將弁務宜益殫忠勤悉力追捕先清近

島以剪逆焰之鴟張再奮遠猷以靖海疆之鯨浪事
平之日定行會疏

題請優擢以酬勞績至於重傷官兵速卽發回調理不
必帶在船上恐失于醫治實切軫懷各毋違錯

康熙十七年九月十二日

檄守備趙士奇

爲會報招撫島民事本月二十四日據該備會同福
清縣呈稱於本月十四五等日躬詣界邊分委把總
楊彪典史駱應期并各弁員招撫到海壇江陰二島
難民周善等共二千三百七十五名口等情到本軍
門據此照得逆孽肆虐致室家完聚之赤子輸租供
賦之良民流離飄散慘被俘掠本軍門時切疚心今
招到難民如許具見該文武留心邊務加意民瘼除
該縣及各文職應聽 撫院旌獎外擬合就行爲此

票仰該備照依事理仍卽轉行把總楊彪各准記獎
勵一次該備仍會同該縣將招到人口善爲安插編
入里保家甲之內共相保全勿致失所可也毋違

康熙十七年九月二十六日

牌行各協營

爲振舉激揚查取賢否以重彰獮事照得閩疆民困
未甦寇虐未靖將弁有保衛地方輯睦兵民之責允
藉賢能共襄底定本軍門自奉

特簡調補八閩未入境之先已訪聞大小各營將弁克自
砥礪恪守官箴者固不乏人而貪黷擾民縱兵玩寇
者亦殊不少總緣因循日久彰獮不公遂致賢能無
由奮勵不肖得以姑容本軍門初解臬圍整飭營伍
考核官評以定舉劾所有將弁賢否合行查取爲此

牌仰該將協將照依事理即將所轄各官慎加採訪其將某弁馭兵有術防勦有方給餉無虛兵民安輯其將其弁廢弛營務扣剋兵餉縱寇殃民怯懦失事務須廉訪明確矢公矢慎開載切實事蹟填註切實考語密速具呈以憑覆核賢能者特疏薦揚不肖者飛章叅處本軍門志在激揚實心振刷卽以該將協將所呈賢否之虛實驗政令之從違定平素之優劣勿得徇私愛憎舉報不公致干未便

康熙十七年九月二十八日

檄建寧營郭副將

爲會剿賊寇事九月二十七日據福寧鎮標左營守備阮照報稱本年九月十五日准防守壽寧縣建寧右營千總黃榮手本移開九月初十日本汛斜灘地方被山寇百餘劫擄殆盡隨即會同壽寧縣發兵征剿賊卽潛遁橫山村查此地方係貴汛界口奈兵寡賊衆猶恐難以克敵事于隣封寇犯合行移請官兵會剿以安地方移會到職等因准此卑職隨撥効用官陳有德吳君太帶領目兵一百名前往本營轄汛

界口畚頭地方屯劄聽候壽寧官兵訂期會剿爲此

除一面徑報 福寧總鎮黃 併 督撫兩院外理合

報明等情到本軍門據此照得山寇肆劫防兵自應

飛馳追捕以保衛地方今斜灘被寇劫擄殆盡守汛

官兵漫無剿獲縱寇殃民莫此爲甚查壽寧縣係該

副將所轄汛地何以竟無隻字報聞殊屬疎忽今據

前情除嚴檄守備阮照速令官兵前往會剿外擬合

飭行爲此牌仰該協照依事理即便嚴飭壽寧防弁

務要親帶官兵前往斜灘橫山一帶地方會同福寧

左營官兵將前項山寇剿滅淨盡并不許騷擾地方

一草一木如敢藉口兵單偷安玩愒致賊衆滋蔓貽

害地方定行叅處不貸慎之毋忽速速

康熙十七年九月二十九日

檄僞副將蔡斌

爲招撫投誠事照得邊海殘黎皆我赤子屢被逆寇蹂躪多有脅從下海逼授僞職以致難旋鄉井遂成水底游覓嗟此流亡深可憫惻本軍門仰體

朝廷浩蕩洪恩宣佈招徠業經遍示沿海許以自新今有僞親軍副總兵蔡斌等現駐日湖地方意欲歸誠殊堪嘉尚合行招撫爲此票仰該副將照依事理即便剃髮率衆來歸官以原銜錄用兵則收標補伍其有願歸農者發回原籍善爲安插本軍門素以信義待

人毋得懷疑觀望有負招徠至意

康熙十七年十月初三日

檄遊擊韓六合

爲飛行追殺逆賊事本月初五日據該將報稱帶領官兵在於坑口一帶地方剿殺逆賊七百餘名等情到本軍門據此照得逆賊剽劫害民爲禍已久今三省會剿賊勢潰敗亟當乘此機會窮追搜捕以絕禍萌擬合就行爲此票仰該將照依事理務要督率弁目乘此破竹之勢速將前項賊寇剿捕淨盡毋令一賊兔脫以滋後患事平之日定行會疏

題敘勉之毋忽

康熙十七年十月初九日

檄中軍馬總兵

爲呈請招撫巨寇以安民生事據該將呈稱漳協隨
征副將會榮與江機原有一面之識自願前往招撫
等情到本軍門據此照得逆賊江機嘯聚亡命流劫
害民致煩三省官兵會剿近屢准據各鎮將容報斬
殺得勝現在追趕合圍指日可以殲滅等情在案但
帝德好生若進兵剿殺有傷天和旣據該將呈請前情合
准招撫除咨商 督兩院選委賢能有司前往該地
方暫行安撫一面查詢各僞兵情願歸農入伍分別

造冊呈報以便發回原籍并發營起支外爲此票仰
該將照依事理即便轉諭副將會榮用心前往招諭
務要宣布

皇仁開示禍福諭令江機并原營各僞將頭目作速帶兵
來歸定行會疏

題授原職照例給俸其副將會榮事竣之日一併另疏
題敘以酬勞績功名之會宜自勉勿違

康熙十七年十月二十一日

票檄隨征副將會榮

爲耑員招撫事照得

皇恩浩蕩宏開宥過之仁智士審時宜體

好生之德茲訪聞江機雖夙墮乎迷津今思反于覺路本
軍門祇奉

皇仁合行耑員招諭爲此票仰該將照依事理即便前往

江機營中宣揚德意開示禍福令其率衆來歸本軍
門定行會同

督撫兩院特疏

題擢以嘉與維新其所轄官兵有願隨標効勞者給與

俸餉有願離伍歸農者卽爲安插得所斷不爽信該
將務宜備悉陳諭以開迷途可也毋違

康熙十七年十月二十九日

檄同安洛陽兩營

爲稟報事本年二月二十八日據泉州蘇同知晉江
營遊擊韓元朗報稱切照卑職等於本月二十一日
抵同安縣緣同安城守左營遊擊王大有奉 督憲
遣統官兵先抵王地山賊巢其賊首鄭奇烈卽鄭不
伐聞卑職等帶兵自南安山內趨來因遣人赴 同
安總鎮馬 處約降卑職等不便造次竟進隨請商
總鎮馬 馳詢王遊擊俟其回報以定進止於二十
二日亥時王遊擊具稟 總鎮馬 云蒙 督憲遣

來差官卽時進寨鄭奇烈排隊出迎王遊擊仍遣千
總楊明等齎 督憲所發旗幟花紅銀牌入寨諭令
卽速下山等語候至二十三日午刻仍無下山的信
甲職等恐其游移且慮王遊擊駐兵在王地山其外
卽係苧溪橋海賊登岸之要道理宜扼守隨商 同
安總鎮馬 所見亦同甲職等遂於二十三日未時
移營苧溪橋一以防備海逆一以接應王遊擊仍遣
隨征叅將周隆等齎書開導鄭奇烈速其赴漳復於
本日密訪苧溪防兵據云鄭奇烈昨差二僞員往廈

門說接家眷來山竟未接來往來俱坐海上施亥舍
船隻其僞員係二十二日過此向我等云今晚海上
有船來要搶你們仔細是夜果有賊船三十餘隻登
岸入劫下店寨至今賊船尙泊岸口未去聞說鄭奇
烈原非真心投誠因寨內糧盡又聞你們官兵從山
裏出來方說投誠等語甲職等聞此熟思彼旣遣員
約降多日海上豈不聞知往接家眷自是竊取何敢
如此張揚兩海上竟任其往來其中必有詭謀况下
店賊船不退明屬藉撫脫圍接應歸海耳隨經密書

通知王遊擊再察虛實以便移兵會商兼詢其帶來官兵數目於二十四早王遊擊差人復書云鄭不伐只等人夫三百名即便起身不必移兵前來至其官兵數目屢囑開示未肯等語當即料理催夫聞至午刻據差去周隆等回稱齋書進寨再四開諭鄭奇烈察其舉動尚屬游移隨閱回書詞皆支飾就於此刻內遙見鄭奇烈山頂寨內火發卑職等虞有變立時拔營進內至坑仔鄉地方遇王遊擊來兵云鄭奇烈竟不通知王將主忽自燒寨放炮掌號整隊從長奉

山路而去王將主已帶官兵追去等語時已日暮卑職等即駐營坑仔鄉於二十五日午時准王遊擊移稱鄭總兵歸誠日索夫籐米石屢經稟請 總鎮馬并馮協鎮設處應付而鄭總兵忽於二十四日午時掌號起營本府望見即帶官兵星馳追至酉時到長泰林墩地方與鄭總兵連營今其意向未欲行等候米夫祈即迅發前來給其起行等語卑職隨除行同安縣催備運送外而 督標隨征副將陳惠漢遊擊張輝亦從山內移營出來云王遊擊未令伊等前去

平陽紀 卷之十一
卑職等思鄭奇烈如果傾心効順何不開報官兵數目何不先繳軍器何不約會徑行如果尚需夫糧何不候於本寨而候於長泰之林燉既至林燉何不直趨漳州又以候夫糧爲枝節且林燉地屬長泰去同安甚遠何不就近取夫糧於長泰種種可疑情實叵測卑職等初欲進兵碍於降議恐有驚疑阻撫之嫌繼欲會合又因王遊擊遣人回止今欲前追又慮其叛撫難定且如陳副將張遊擊在彼同割之兵尚遣其回卑職等未便擅往除具報

督撫兩院并 寧海

將軍喇 外俟其再探真偽另報合將鄭奇烈回書抄呈一摺馳報等情到本將軍據此爲照逆賊鄭奇烈卽鄭不伐雖云遣人約降據報游移情狀似尙有懷二之心恐狡謀叵測緩我師期且據報內敘及芎溪防兵所稱鄭奇烈差僞員前往廈門搬接家眷突有賊船三十餘隻登岸劫掠下店至今賊船尙泊岸口又不知會遊擊王大有忽自焚寨放炮整隊從長泰而去種種詭謀情實不測合亟飭行爲此稟仰該將照依事理趁此官兵會剿之勢一面會商行間各

將弁分兵佈置各要口絕其救援斷其糧道一面催給夫役速其造報投降官兵器械冊籍晝夜小心隄備如鄭不伐悔改前非的實輸誠則善爲接引如狡計緩兵情形彰露則合師夾擊該將身在行間務要相機剿撫不得稍有疎畧以致墮落賊計可也慎之毋忽

康熙十八年三月初一日

牌行蒜嶺守備田龍見

爲遵奉

俞旨安設官兵等事照得蒜嶺一汛緊迤海濱最爲衝要孔道先經題准安設守備一員兵四百名必得諳練能員方稱斯職是以本將軍以本官久歷邊汛技勇優長固守泉城著有勞績業經咨會總督部院合疏具

題補用去後但要地需員料理合先委用爲此牌仰本官照依事理即便前赴蒜嶺地方任理守備事務招

募精壯兵丁設立營制酌量地方險易分防扼要其
應設千把等官務選歷練營務有身家可以稱職者
呈送驗補至所需砲火甲械軍器等項查明應用數
目具文詳奪以憑咨請給發本官受茲委任尤須殫
心料理戢盜安民其新遷界限嚴加稽察約束官兵
以固邊防以疏大道俾往來錢糧商旅務保萬全毋
得怠惰玩悞致負

題擢至意仍將到汛日期通報查考勉之毋忽

康熙十八年三月初一日

檄左營朱起龍

為行知事據晉江營署守備蔡斌條議兩欵前來本
將軍閱之其言多有可採合亟行知為此牌仰該將
即便傳該守備查照後開事宜面同細加商確如果
有益即速舉行仍將行過緣由報查該將夙稱練達
務要實力實心不得虛應故事有負委任勉之勉之

計開

第一款逆賊敢與我師對壘恃有泉屬一路之糧道
蓋泉屬之外地雖遷而汛防未設界外之室廬雖燬

而出入罔禁試就安平靈水前埔竿頭等處界口論之數處皆東石出沒之咽喉深滬日湖賊藪之運道茲者採捕有禁矣而操舟入海者如故饋餉有禁矣而齎糧運輸者不絕魚鹽之利悉爲賊有閭閻之財盡充賊帑一種亡命遂藉此作奸或派夫鹽或擄殷戶或勒米石剃髮雖如編氓橫暴無非賊焰親戚庇之而不發鄉黨畏之而不斥無怪乎東石深滬之嘯聚爲泉郡之邊患也今請不時出兵瞭探或月兩次或月三次變化不測使賊不知虛實或遇颶風驟起則直搗賊船處所使在山派米者不得下海逃生而在船看守者不能艤舟渡載時出擒捕則賊必懼而不敢恣行窺探一可以奪賊黨之魄一可以塞勾派之漸

此一款該將須與該備細商作何遣撥精細能幹弁兵應於何時差出探聽擒捕如能拿獲真賊並勾派接濟奸民立即解軍前審明梟示以儆其餘用命人員定行獎拔重賞

第二款東石之賊皆內地奸棍爲之乘此設防之日

編造保甲使之互相糾察凡甲內有從賊在海者令其自行舉首為賊鄉導派米者聽其密行指報仍編造戶口冊十家一甲或某甲某人從賊則填註名下先使其父喚子兄喚弟妻勸夫叔勸姪自行招回免其罪愆五日不來則限十日十日不來則限半月半月不來然後究其親屬治其從逆之罪或有窩容不舉則按以連坐如此則賊黨日散羽翼日消矣

此一欵該將與該備細查賊黨最多之處勾派接濟要路逐一開出即便移會道府選委賢能廳縣該將仍便委勤慎守備一員量帶兵丁協同查編保甲開諭居民使其互相覺察限日喚回如限外不歸立行拿解親屬并嚴飭去員不得生事取究

康熙十八年三月初五日

檄福州城守右營遊擊

爲稟報事本月初十日據該將報稱逆賊紀朝佐於
二月二十九日申時逃走雙翰練總蘇英隆堵守石
獅岐帶領鄉兵堵截逆賊不顧鎗砲衝出等情到本
將軍據此照得賊首紀朝佐因被官兵緊追勢窮力
竭故以投誠爲緩攻之計先據該將呈報就撫情形
業經本將軍飭行可招則招應剿則剿嚴加隄備在
案該將身在行間卽當細察情僞益嚴紀律申飭官
兵鄉勇協力攻圍絕其糧道扼其要口使彼窮蹙無

望則就撫就擒勝筭在我何得漫無定見一聞投誠
之信便自疎防不加把守致將斃之賊復行奔逸因
循玩寇貽悞軍機莫此爲甚今據前情合行嚴飭爲
此牌仰該將照依事理即便躡探逆賊紀朝佐現今
逃往何方屯任何處務帶所轄官兵督同鄉練并知
會晉江營遊擊韓元朗星夜窮追勿分界限期在擒
滅此賊以贖前愆方准回師如再飾詞推諉偷安縱
寇定行特疏糾叅斷不姑貸并查逆賊衝出逃走之
時所往之處係何千把弁員帶兵扼守何以並不督
兵堵捕只付鄉練蘇英隆把守致賊得以乘隙衝走
更屬疎忽仰該將一并查明據實回報以憑提究各
毋違悞火速

康熙十八年三月十三日

檄漳州城守江東灌口三營

爲嚴禁勾通以絕盜糧事照得沿海遷邊之後築墻扼守原期堅壁清野以絕盜糧至于奸民之勾通接濟屢經本將軍叮嚀告誡營汛將弁嚴加防範不得疎縱已不止三令五申若沿邊將弁果能凜畏

功令稽察嚴密則奸民自然屏跡而絕島逆孽自可坐致飢餒乃近訪聞有等奸徒愍不畏死或倚藉本汛弁兵叔姪子弟名色搬運米穀布帛出界換回魚貨動至數十擔充塞道路公然貿易以致逆賊得延殘喘

此皆汛防官兵貪圖賄賂通同作弊縱奸養寇大干

法紀該

副將

有地方之責全不念及功名身命若知

而不拿則爲狗縱若慢無覺察則係溺職現今遍處

賊壘而該

副將

猶如聾如瞶何以辭咎除經差員密

訪外擬合嚴行申飭爲此稟仰該

副將

將照依事理卽

便猛加省惕嚴飭所轄防邊各弁員洗心滌慮嚴加

巡察不得仍前疎縱前項弁兵子弟叔姪出界致令

奸宄勾通魚米出入無忌如有前項透越不論何項

人等立卽擒拿解軍前卽將所獲貨物給賞盤獲

之人該

副將

仍差親信人員於各口岸不時闖查務

要盡除前弊如防邊弁兵仍敢扶同作奸或奉行不

力不卽擒解致被他汛盤獲者審明定將弁兵正法

該

副將

以知情故縱特疏叅處决不輕貸事關杜絕

勾通本將軍法在必行各宜凜遵毋自貽戚慎之慎

之

康熙十八年三月二十八日

檄左營遊擊朱起龍

爲飭查事照得大盈小盈一帶乃衝要孔道且逼近東石逆穴山海賊寇不時出沒其間是以遣發該將會同 興泉道帶領官兵前赴該汛築寨設防該將受此重任自當作速催召人夫砌寨開河加謹隄備晝夜小心瞭探遇有警息督率官兵奮力剿殺以挫賊鋒以固邊界何以據報三月二十一日到汛經今半月有餘竟不催夫建築完竣致官兵棲止無地該將瞻徇情面任意稽延且訪聞四月初一日逆賊登

犯直冲該將營盤道路傳說紛紛而該將杳無一字
申報豈傳聞未確耶抑該將隱諱不報耶事關軍機
合行飭查爲此票仰該將照依事理卽將本月初一
日賊寇登犯官兵對敵勝敗情形立刻據實飛報前
來以憑察奪其寨城濠溝務卽催取民夫開砌堅固
勒限完竣嗣後尤須晝夜小心勤慎加謹備禦不得
偷安怠玩致有失事大干未便慎之毋忽速速

康熙十八年四月初七日

檄建寧劉副將

爲稟報事本月初八日據該副將報稱卑職前奉
撫院憲檄赴崇浦二汛調度業已齊集官兵惟俟借
給府餉卽前赴策應等情同日又據該副將報稱
已於三月二十二日親帶官兵自建起行馳赴崇安
堵剿隣寇各等情到本將軍據此照得建寧地連江
右際此隣寇竊發自當發兵堵剿惟是該郡城池當
全閩上游之衝現今該營官兵徵調四出存郡寥寥
無幾惟該副將與千總一員城守而已今若再行遠

出城池倉庫所在關係何等重大况刻下春水盛發
河道泛濫依山附海之徒易於乘機窺伺而外省解
閩協餉以及各衙門差奏不時經過尤須保護防禦
務無疎虞今據前情除即移咨 督撫兩院酌妥外合
行知照爲此稟仰該副將照依事理即便仍回建寧
固守城池倉庫其堵剿鄰寇事宜即轉行署事叅將
李盛功知會施桑二總兵併休致總兵熊鼎魁督率
官兵鄉勇合力夾擊殲滅鄰寇以靖地方不得稍有
遲悞自干

功令未便慎之慎之速速

康熙十八年四月初九日

檄遊擊焦國巡

爲咨明事據後營遊擊劉國興呈稱遵奉憲行令職
帶領官兵馳赴竿頭靈水等處一帶地方扼守知會
駐防大小盈參將韓元朗互相犄角策應聲援卑職
敢不遵依但查竿頭地方南離靈水五十餘里北離
日湖三十餘里其間灣船之溥節節皆是賊踪時常
飄忽難與內地汛轄者比若遵照憲令兼轄靈水未
免地廣勢懸顧此失彼請乞再撥將官一員駐防聯
絡應援等情到本將軍據此案照先准 總督部院

谷商大小盈竿頭靈水前埔一帶緊要處所需兵防
守故將省來并興化泉州所招兵丁一千六百名又
調出安溪兵丁行令興泉道傳齊着晉江營遊擊韓
元朗統領協防小盈竿頭去後總之大小盈等處須
將官一員竿頭靈水前埔等處須將官一員方爲萬
全等因業經本將軍檄行遊擊劉國興帶領官兵駐
防竿頭一帶去後并經行令該將速將原防惠安官
兵帶回泉州操練兵馬聽候調遣在案茲據遊擊劉
國興呈稱竿頭靈水地廣勢懸誠恐猝遇警息鞭長

莫及合行遵照爲此票仰該將照依事理除大小盈
等處地方係叅將韓元朗現帶官兵駐防竿頭係遊
擊劉國興帶兵扼守外該將卽將惠安帶回該營兵
丁現有若干名并移知左營朱副將挑撥添足三百
名該將火速帶赴靈水一帶地方扼防務要夙夜勤
慎加意探防遇有警息知會叅將韓元朗遊擊劉國
興星馳電擊互相策應以固邊防不得少有岐視因
循疎忽致干

功令仍將到汛日期具報查考施行速速

康熙十八年四月十八日

檄泉州城守傅參將

爲稟報事本月二十四日據該將報稱有海賊紀朝
佐下營將蘇良帶兵八十餘人來五堡社安歇口稱
係官洋鄉武舉王興邦招撫投誠的等語又有僞鎮
楊尾黃高郎等帶兵三百餘人現在十六等都官園
鄉出示稱奉 院道牌招歸誠又紀賊將會光賜等
帶兵百餘人在鷓哥嶺任劄居民騷動又黃高郎戴
賡口稱蒙 撫院委官招撫投誠地方驚惶等情慮
恐賊計叵測難以聽信隨請明 寧海將軍喇 整

備官兵相機剿撫等情同日又據泉防廳報爲飛報
賊情事內稱楊尾紀朝佐率夥五百餘猛來駐十六
都等處藉稱受撫橫肆無忌攻寨殺戮人莫敢禦又
要來高田寨報怨等情各到本將軍據此照得

朝廷招徠叛逆乃好生洪慈若輩既云受撫自當卽刻投
戈洗心歸化何得藉口投誠遷延各鄉依舊劫掠擾
害鄉民該將有專城之寄責任綦重不得任其橫肆
今據前情合行飭查爲此票仰該將照依事理卽便
就近移會興泉道查照前項逆寇果否奉有

督撫兩院招撫之文若果差員招徠可卽速催率衆投
戈進城以便安插若係假借就撫爲名希圖搶劫害
民立卽就近稟請 寧海將軍發兵剿捕毋得聽其
狡詞藉撫騷擾殘黎貽害地方火速火速

康熙十八年四月二十七日

檄副將朱起龍

爲知照事照得大盈小盈以及前埔竿頭靈水俱係
邊海要汛且逼近東石逆穴際此南風盛發誠恐賊
艘窺伺隄備不可不嚴尤恐該將所帶兵單近經本
將軍咨商 總督部院已准咨覆行調邵武副將郭
奇帶領邵武延平二協兵丁一千餘名前來大盈前
埔一帶分布扼守不日即可抵汛合行知照爲此票
仰該將照依事理卽將大小盈併前埔靈水竿頭一
帶寨城作速催築完竣以便官兵扼守仍須晝夜嚴

督現帶官兵加謹隄備以防逆寇豕突俟副將郭奇到汛之日商酌作何派防具文呈報以憑察奪俱毋違錯速速

康熙十八年四月二十七日

檄副將朱起龍等

爲稟報事本月二十五日准 興化鎮谷開本月十五日辰時遣發興化城守營千總李先春帶兵星赴仙遊縣追剿紀賊今據該弁報稱逆賊被我官兵追逼迆避山窩當卽傳令各兵四處搜剿並無踪跡至申刻據探兵鄭勝回稱逆賊尙有三百餘夥於十四日晚乘夜奔入南安二十八都王巢寺地方等語據此該先春查得王巢寺地方係南安安溪同安三縣交界管轄離仙遊縣界有二百餘里彼處原有徑路

可通大盈小盈並半嶺同安各處先春慮及逆賊被
我兵追剿計窮或從彼處潛回下海或奔遁別處合
就稟報請乞檄行該縣官兵就本處可通海道要口
加謹堵截令其不致漏脫下海則逆賊斷無生路矣
先春因逆寇遠離境界越歷幾縣途遙未便輕進隨
將所帶目兵撤回於十五夜二更仍到營盤分布要
口守禦並差兵馳道密探外俟有情形另報等情前
來據此合亟咨報等因到本將軍准此爲照逆孽紀
朝佐被我官兵夾剿敗創之後四處流突據報奔入

南安二十八都王巢寺地方趁其敗奔之時亟宜搜
剿今准前因合亟飭行爲此牌行該將照依事理立
卽會同叅將傅成韓元朗卽便酌遣官兵會合鄉勇
堵絕要口協力夾攻務絕根株不得稍有因循懈弛
致令兔脫下海貽害未便速速

康熙十八年四月二十七日

檄副將朱起龍

爲飭查事照得閩省山海未靖剿禦需兵本將軍初蒞之日以本標伍管兵丁缺額過多召募一時難足兼恐土著脆弱不耐征戰所以

題調山東河南勁兵三千名入閩補額續因出師在漳鞭長莫及念泉州邊汛亟宜設防兼該將同興泉道到漳請兵故特委該將帶領山東河南官兵前往大小盈靈水竿頭一帶相度地勢分佈扼守謂該將必能仰體委任至意撫恤官兵固守邊汛近乃訪聞東

豫新兵相率脫逃竟至三百餘名本將軍細查逃走緣由方知各兵自回泉至今陸續只支銀五錢三次共只關米一斗五升饑餓難忍求借無門故爾脫逃該將受端委重任則地方官兵皆係該將之責成若官兵缺乏糧餉便當早爲催領以資日食如呼應不靈尤須懇切具詳本將軍以憑移咨
督撫兩院檄發
何以漫不經心坐視枵腹致令相率脫逃殊屬玩愒且本將軍訪聞東豫新兵共逃過三百餘名今查該副將前後呈報除拿獲及投回者共八十一名又未

獲在逃者止八十餘名其餘逃兵竟爾隱諱不報豈傳聞之訛耶抑該將故爲隱蔽耶相應一并飭查爲此牌仰該將照依事理卽查本標伍營在泉官兵糧餉已經給至何月分止現今有無懸欠若有役過未給立刻懇切具支詳請以便移咨
督撫兩院早爲給

發以濟兵食至於東豫兵丁前後脫逃數目務要徹底清查現今實共在逃未獲通計若干分別山東河南河標各營分備造花名清冊一樣各二本以憑移咨
督撫各省部院緝拿補伍不得仍前玩忽隱諱致

千叅處未便速速

康熙十八年四月二十八日

檄守備張有才趙勝

爲咨會事爲照小港洲地方緊與澗洲馬洲寇壘對峙大港洲又逼近灣腰樹逆巢兩處最爲險要口岸逆賊乘潮游移放砲不時希圖侵犯所以不得逞志者緣原派漳州鎮標左營守備張有才帶兵防守小港洲守備趙勝帶兵防守大港洲與督標王都司營盤毗連所隔只一溝犄角立營互相聲援極爲周密而該備弁勤慎堵禦極力探防又識各汛地方之險易海賊之情形料理甚覺有方茲聞 總督部院據

漳州吳總兵咨呈將守備張有才調往洪塘堵禦將
守備趙勝移守小港洲在 督院或別有主裁但該
弁等駐守各汛與賊對壘相持日久深悉逆賊之虛
實若將兩備更換則此二營空虛兵力既已单薄調
度又復乏人萬一對河逆賊黑夜乘潮狂逞窺犯所
關非細卽另撥別員來營防守尤恐地利生疎不知
潯洲馬洲各處逆賊之情形難免疎防貽患除已備
咨 總督部院留防去後擬合就行爲此票仰該備
照依事理遵卽愈加小心多方備禦毋得少有弛懈
致負本將軍留防至意也

康熙十八年六月初一日

檄遊擊劉國興

爲恭陳竿頭沿邊情形事本月十二日據該將呈報
應添應設分布汛寨數目清單等緣由到本將軍據
此爲照分佈官兵扼守沿邊寨汛固屬緊要機宜但
竿頭逼近東石賊見我兵築寨恐斷絕糧道勢必聚
集賊衆窺伺虛實前來登犯該將正宜厚聚兵力以
防不虞若盡行分派各汛則竿頭寥寥無幾難以接
應一有貽誤咎將誰諉合亟飭行爲此票仰該將照
依事理卽將所帶官兵預爲整頓聚集一處且勿分

平陽縣志 卷之二
散惟多撥哨兵遠偵密探倍加隄防聯絡朱焦二遊
擊并叅將韓元朗設立烽號如有警息互相策應不
得稍有因循疎忽致干
功令取咎匪輕慎之毋違


康熙十八年六月十五日

檄行福清營

爲軍務事本月初六日據該將呈稱會同城守黃副
將閱勘洋尾一汛緊迫江陰寇島賊夥時從出沒現
在建寨亟應添防隨撥千總楊彪帶兵二百名前赴
該汛協同連江營貼防官兵防守護衛夫匠建寨又
查百戶樓一處乃邊界孔道要衝必須安兵二百名
或一百五十名方可守禦隨暫將洋尾汛二百名之
內撥出五十名著令百總林一雲帶赴百戶樓探防
外但思福清之牛宅古壠漁溪江口一帶每汛各有

重兵數百名而城南之邊界杞店錦屏洋尾一帶汛兵無多是首尾兵力有餘中間單薄誠有強弱不均之勢等情呈報到本將軍據此照得福清一邑邊汛遼濶在在宜防既經 撫院遣撥標協各官兵分佈貼防已爲周密但查洋尾一汛逼近逆穴要口宜厚集兵力以資堵禦而百戶樓一處邊界孔道錢糧砲火必由之路尤屬緊要今暫撥洋尾汛兵五十名分防此地勢必不敷守禦卽洋尾守汛之兵又屬單薄彼此俱見露肘殊非固圉至計今據前情合亟飭行爲此牒仰該將照依事理立卽細勘洋尾等汛果否險要的須安兵若干名百戶樓孔道要汛的須安兵若干名酌定各汛險易或於何處可以通融酌派分佈守禦確議妥當星速回覆以憑酌奪事關邊防要務該將有地方專責毋得遲緩仍將 撫院批示緣由抄呈查考速速

康熙十八年七月十一日



國立中央圖書館 國家圖書館 國家圖書館 國家圖書館 國家圖書館

三
月
八
日

卷
六
一

一
一